



12

6

NAZIONALE
- FIRENZE

rato questo di
Agosto 1795

R. BIBLIOTECA NAZIONALE CENTRALE
FIRENZE

LIBRI

DONATI DAL

DOTTOR ANNIBALE GIULIONI

GIURISTA

Nato a Firenze il 7 Febbraio 1807
e morto il 10 Dicembre 1895 in Firenze.

16 Maggio 1896

ANTONII
PEREZII JC.

S. C. & R. Majest. Consiliarii,
in Academia Lovaniensi

Juris Civilis Antecessoribus,

INSTITUTIONES
IMPERIALES
EROTEMATIBUS
DISTINCTÆ,

Atque ex ipsis principiis regulisque Juris,
passim insertis, explicatæ.

Ultima Editio a mendis purgata.



VENETIIS,
EX TYPOGRAPHIA BALLEONIANA,
MDCCLV.

Superiorum Permissu, ac Privilegiis.

6.12.51

THE GEOGRAPHICAL MAGAZINE

AD LECTOREM.³

IN lucem evulgamus, benigne Lector, nova Institutionum Erotemata. Quid hoc, ais, novi? Nonne Cujacius, Julius Pacius, Marcellinus, Vultejus, alique viri præstantissimi, Notas brevesque expositiones edidere? Fateor: Sed illi sibi, aut solum doctis scribere se profitentur. Ego vero ad omnes hujus mei laboris fructum aliquem pervenire cupio: eoque ita rudiores institui, ut doctis quoque non improbetur. At, inquires, scripsit & nuper Wolfius Erotemata, sæpius recusa. Sic est: sed nuda sunt, vix nullam in iis textus rationem subjunxit. Hic vero sensa textus, ac Juris Regulas permixtas habes, itemque rationes ex principiis Juris depromptas: quæ si minus placeant, reprehendendi sunt Juris nostri Conditores, atque optimi hujus ævi Interpretes, e quorum hortis hos flores decerpsi. Quod inusitatum videri non poterit: præcipit enim Fabius, apes nobis imitandas, quæ diutius vagantur, ut flores carpant; postea quicquid collegerunt, disponant, favisque suis inferant, ac secum tandem proprii oris spiritu in dulcissimum mellis saporem convertant. Collegi & hæc in usum studiosæ juventutis, cui perspicua brevitate prodesse sum conatus. Ordinem textus sequi placuit; quia satius rectam viam tenere, quam per ambages ad metam pervenire. Inutiles & tribunali magis aptas contro-

4
versas omisi; quia præcox festinatio, quæ
gradus non facit, & cruda adhuc studia
in forum propellit, maximum perfecti
operis impedimentum est. Ut plane pu-
tem, illorum esse otium ignobile, qui In-
stitutiones Juris quæstionibus & longissimis
onerant Commentariis; cum commodissi-
me hac levi & simplici via intelligi, tra-
dique posse videantur. Nam, ut præmit-
tit Justinianus, si statim ab initio rudes,
& infirmi studiosorum animi multitudine
& varietate rerum onerentur; vix fieri
potest, quin in ipso limine ab hoc studio
deterreantur. Quæ me ratio potissimum
impulit, ut ad exponendum contextum
potius, quam ad interpretandum, operam
conferrem, & Reipublicæ etiam vel hac
ratione prodessem, si nostro labore aliquid
discerent, qui illam aliquando sunt re-
cturi.



5

S U M M A
P R O Æ M I I
J U S T I N I A N E I .

Quid sunt Institutiones?

SUNT Legalis seu totius legitimæ scientiæ prima elementa, in quibus breviter expositum est jus, & quod ante obtinebat; & quod desuetudine inumbratum Justinianus in usum revocavit. Dictæ *Institutiones*, quasi instructiones elementariæ ad doctrinam altiore & difficiliorem.

*§. igitur in
proæmio.*

Quando compositiæ?

Id constabit, si observaveris, quo ordine Jus omne vetus digestum fuerit, & in lucem exierit. Nam cum id antea diffusum confusumque nimis esset, Justinianus in luculentam erexit consonantiam.

Igitur indictione septima, anno Imperii sui tertio, Codicem unum Constitutionum Imperialium edidit. Anno quinto post, nimirum Indictione 12. in libros 50. Digestorum immensa veteris Jurisprudentiæ volu-

mina digessit. Ex quibus, ac præcipue ex Commentariis Caji, hæc Institutiones compilavit. Deinde, Indictione 13. Codicem priorem emendavit, additis detractisque quamplurimis; quem propterea vocant *Codicem repetitæ lectionis*. Accesserunt postea Novellæ Constitutiones, quas post emendatum Codicem evulgavit.

In quot libros hæ Institutiones sunt divisæ, & per quos?

In quatuor libros eas Justinianus partiri jussit. Idque per Tribonianum, Theophylum, & Dorotheum, viros & illustres & facundissimos; quorum solertiam & legum scientiam ex multis rerum argumentis jam antea perspexerat.

Habentne vim legis?

§. *Quas*. Omnino. Nam ubi Justinianus a prædictis tribus prudentibus oblatas sibi Institutiones legit & recognovit, plenissimum robur suarum Constitutionum eis accommodavit; ita ut non minorem habeant auctoritatem, vimque obligandi, quam cæteræ

7
teræ Juris partes: quæ tamen cum
non eodem tempore omnes sint edi-
tæ, si quid contrarium occurrerit,
id servatur, quod in legibus; ut ni-
mirum tempore posteriores, sint po-
tiores his, quæ eas præcesserunt.

Quæ est institutionum materia?

Jus Personarum, Rerum, & A-
ctionum. Jus personarum traditur *l. ult. de
constitut. Princip.*
libro 1. Jus rerum, 2. & 3. Actio-
num, 4. Rursum hoc jus in Acqui-
rendo, Conservando, aut Minuendo
consistit. Acquirunt, conservant,
& minuunt Personæ; de quibus ideo
primo libro agitur. Acquiruntur res
variis modis, & iisdem in contra-
rium actis amittuntur; de quibus
lib. 2. & 3. Conservantur Actioni-
bus; de quibus lib. 4. a tit. 6.

NOI RIFORMATORI

Dello Studio di Padova.

A Vendo veduto per la Fede di Revisione, ed Approvazione del P. F. Gio: Paolo Zapparella Commissario del Santo Officio di Venezia nel Libro intitolato *Perezius in Institutiones Juris Civilis*, non v'esser cosa alcuna contro la Santa Fede Cattolica, e parimente per attestato del Segretario Nostro, niente contro Principi, e buoni costumi, concediamo Licenza che possi essere stampato, osservando gli ordini in materia di stampe, e presentando le solite copie alle Pubbliche Librerie di Venezia, e di Padova.

Dat. li 23. Marzo 1755.

(Daniel Bragadin Kav. Proc. Rif.
(Marco Foscarini Kav. Proc. Rif.

Registraro. in Libro a Carte 2. al Num. 10.

Giacomo Zuccato Segr.

Ad 8. Aprile 1755.

Registrato nel Mag. Eccel. degli Esec.
contro la Bestemmia.

Francesco Bianchi Segr.

IN-

INSTITUTIONES⁹ IMPERIALES EROTEMATIBUS

DISTINCTÆ ET EXPLICATÆ.



LIBER PRIMUS.

TITULUS I.

DE JUSTITIA, ET JURE.

Quid est Justitia?

E*st constans & perpetua voluntas Jus suum*
cuique tribuendi. Hoc est, est habi- *In pr. b. &*
tus, quo perpetuo & firmo iudicio *l. 10. b. 1.*
voluntas facile & prompte fertur ad
tribuendum cuique suum: quod est offi-
cium hominis iusti, & ipsius Justitiæ opus.

Que Justitia hic definitur?

Particularis, seu quæ privatim ad alium
defertur, quæve inclinatur & firmatur ipsam vo-
luntatem ad perpetuo cuique tribuendum,
quod ipsi ex vera iustaque obligatione debe-
tur; idque ad æqualitatem.

Quotuplex igitur est Justitia?

Duplex, distributiva, & Commutativa. *Arist. 5.*

Distributiva in præmiis & pœnis pro cu- *Ethic. 3. &*
jusque merito distribuendis æqualitatem ser- *16.*
vat; tribuit pro factis unicuique quod
suum est. Cum autem facta sint vel bona
vel mala, pro bonis præmia redduntur,
pro malis pœna, servata geometrica pro-
portione.

Commutativa in commerciis æquabilium-
que rerum permutationibus versatur: seu
moderatur mutuas obligationes secundum

arithmeticam æqualitatem; quam ita attendit ex rerum commutatione, ita corrigit, ut neutri parti injuria inferatur.

Quid est Jus?

- l. 1. §. 1. ff. *Est ars equi & boni, sive ars justitiæ, de Justitia seu bono & æquo præcepta tradens. Hujus artis cognitio Jurisprudentia nominatur. Non enim potest Justitia sine prudentia esse, cum examinare, quid justum, quidve injustum sit, non mediocris sit prudentiæ.*
b. 1.

Quid Jurisprudentia?

- §. 5. 3. d. 1. *Est divinarum atque humanarum rerum notitia, justæ atque injustæ scientia. Quæ postrema verba expresse Philosophiam ab hac definitione excludunt, quæ eas res non examinat ex regulis justæ atque injustæ, non æquum ab iniquo separat, non licitum ab illicito discernit; quod est juris civilis institutum, & Jurisconsulti officium.*
§. 1.

Quæ sunt præcepta Juris?

- §. 4. b. l. 10. *Hæc tria, Honestè vivere, Alterum non ledere, Jus suum quique tribuere. Primum est Modestitiæ; alterum Temperantiæ; tertium Justitiæ.*
ff. eod.

- l. 197. ff. *Honestè vivere, est temperate, verecunde & cum virtute vivere: nam unusquisque ad rationis atque honestatis normam se privatim componere debet, & considerare, non solum quid liceat, sed & quid honestum sit.*
de R. J.

Alterum non ledere, ad famam salutemque alienam spectat, ut scilicet non faciat quis alteri, quod ipse pati ab altero nolit. Ex quo profluxit altera Juris Regula, Quod alteri per alterum non debeat iniqua conditio inferri.

- l. 74. ff. eod. *Suum quique tribuere, ad contractus refer-
tit. l. 3. §. 1. tur, in quibus ita servanda est æqualitas,
2. ff. depo- ut non distrahatur ab ullius personæ justiore
fiti. petitione.*

Quot sunt hujus Studii positiones?

Dux Publicum, & Privatum.

Publicum Jus ad statum rei Romanæ spectat, & consistere dicitur in Sacris, Sacerdotibus, Magistratibus, jure belli ac fœderibus.

S. 5. h. t. d.
l. 1. §. 2. D.
h. t.

Privatum ad singulorum utilitatem pertinet, principali causa inspecta, licet ejus quoque rei commodum per consequentiam in Rempublicam redundet.

Quotuplex est Jus privatum?

Tripartitum: Collectum est enim ex natura- libus præceptis, gentium, & civilibus. Idque pro triplici hominis consideratione; qui consideratur vel ut animal, & eo respectu subest jure naturæ; vel ut homo, & sic agnoscit jus gentium; vel ut civis, & subjacet juri civili. Atque ita jus privatum dicitur recte collectum ex tripartitis illis præceptis; non item Publicum, eo quod jure naturali non recte attribuitur origo sacrorum, magistratuum, cum eorum non sint conscia cœtera animalia.

Text. h. in
fine.

De quo Jure hic dicendum?

De privato; quia utilius & usitatus. Quotus enim quisque est tam patiens, qui velit discere, quod in usu non sit habiturus, aut minus frequenter?

T I T U L U S II.

DE JURE NATURALI, GENTIUM, ET
CIVILI.

Quia Jus privatum Imperator dixit esse tri-
partitum, collectum videlicet ex naturali-
bus præceptis, gentium, aut civilibus ideo
de triplici illo jure tractat hoc Titulo.

Quid est Jus Naturale?

*Text. hic
in pr. l. 1.
§. 3. ff. de
Just. & jure.*

Quod natura omnia animalia docuit. Nam
Jus istud non humani generis proprium
est, sed omnium animalium. Quod ita in-
tellige, non quasi brutis animantibus ulla
sit juris communio: sed quod censeatur ines-
se, cum impulsu & instinctu naturali ea fa-
ciunt, quæ homines jure naturali, seu recta
ratione edocti. Quo spectat liberorum pro-
creatio & educatio, itemque necessaria vitæ
defensio; nam & hæc naturalis, utpote in-
genita omnibus animalibus.

Quid est Jus Gentium?

*§. Jus aut.
gent. l. 9.
ff. d. 1.*

Quod omni humano generi est commune: quod
scilicet vel naturalis ratio inter omnes ho-
mines constituit; vel quod usu exigente &
humanis necessitatibus gentes sibi consti-
tuerunt. Unde & Jus Humanum dicitur: item
Jus Naturale; non quod ipsum natura omnia
animalia docuerit, aut quia omnium sit gen-
tium, cum reliquis animantibus commune;
sed quia humanæ gentes naturali ratione, &
uno consensu, ad sui conservationem, jus
illud inter se constituerint.

Quotuplex est.

Ex l. 2. 3. 4. §. 6. ff. d. 1. Duplex: *Primarium*, quod ex sola & sim-
plici ratione profluit, & homini a princi-
pio innascitur. Cujus generis sunt, erga
colligunt.

Deum

Deum religio, pietas in patriam, in parentes obsequium. Et *Secundarium*, quod ex composita mentis humanæ noticia seu rationatione deducitur, natum scilicet, humanis necessitatibus id exigentibus. Quo jure discretae primum fuerunt gentes, dominia distincta, bella orta, & hinc servitutes ac manumissiones. Eidem adscribuntur jura contractuum.

non obstante l. 11. quæ unius juris tantum mentionem facit.

Cur huic Juri bella & servitutes adscribuntur?

Bella quidem naturalis ratio suavit adversus vim atque injurias, & ne quis eas impune & contra naturalem æquitatem inferret. Ex bellis autem sæcutæ sunt captivitates, & ex captivitatibus servitutes: & quidem præter naturam, quippe quæ omnes procreet liberos æquales; non tamen absque ratione naturali, cum alios dominari, alios parere & servire conveniat.

S. bella.

Arist. l. 1. Polit. l. 32. ff. de R. J.

Suntne Contractus ex Jure gentium?

Non omnes, sed pene omnes: ut emptio, venditio, locatio, conductio, mandatum, societas, depositum, mutuum, & alii innumerabiles, qui tamen adstricti sunt regulis juris civilis. Additur, pene omnes, quia eorum aliqui origine sua sunt juris civilis, veluti stipulatio, & nominum obligatio; de quibus *lib. 3.*

& ex hoc jure, l. 5. ff. de just. & jure.

Quid est Jus Civile?

Quod quisque populus ipse sibi constituit, vel quæque civitas sibi proprium facit. Sic enim jus, quo populus Romanus utitur, jus civile Romanorum appellamus, vel jus Quiritium, quo Quirites utuntur. Imo quoties non addimus nomen, cujus sit civitatis, per excellentiam jus intelligimus Romanum. Quod nec in totum a jure naturali vel gentium recedere dicitur, nec per

S. Jure æque civile, l. 6. & 9. ff. d. t.

omnia

omnia ei servire : in totum enim recedendo ,
non tam jus , quam injuriam constitueret .

Quotuplex est Jus Civile ?

*§. constat
autem .*

Duplex ; constat enim aut *Scripto* , aut *sine Scripto* . Scriptum autem Jus est , Lex , Plebiscita , Senatusconsulta , Principum Placita , Magistratum Edicta , Responsa Prudentum .

Quid est Lex ?

*versus lex
est .*

Quod populus Romanus , Senatorio magistratu interrogante , veluti Consule , constituebat . Cum enim penes populum esset rerum summa , is rogandus erat ; & quod populus jufferat , firmum erat . Legis hoc loco strictissima significatio est , pro parte Juris scripti , ejusque definitio seu descriptio desumpta a causa sua efficiente , ut & cæterarum Juris scripti , partium .

Quid Plebiscitum ?

*§. Plebif.
hic l. 2. §.
9. D. de
Orig. jur.*

Quod plebs (quæ tertia pars est populi) plebejo magistratu interrogante , veluti Tribuno , constituebat . Et hoc ab initio non totum populum obligavit , sed plebem dumtaxat . Postea vero Lege Hortensia effectum est , ut eo jure , quod plebs statuisset , omnes Quirites tenerentur : ex quo *Plebiscita* pro legibus haberi cœperunt .

Quid Senatusconsultum ?

*§. S. C. l. 9.
D. de leg.
quæ pote.
stat. soli
Principi
hodie re.
servata l.
ult. & cod.
§. sed &*

Quod Senatus jubet atque constituit : Auctor enim nimis populo , necessitas eo rem reduxit , ut Senatus vice populi consuleretur . Ac deinde Princeps Senatui eam potestatem fecit , ut jus facere posset .

Quæ sunt Principum placita ?

Sunt Principum Constitutiones : id est ,
Re-

Rescripta, Decreta, & Edicta Principum, quæ quod *Prin-*
generali nomine Constitutiones appellantur: *cap.*

Quidquid enim Principi placuit, legis ha-
 bet vigorem: si scilicet Princeps id eo ani-
 mo proferat, ut pro lege fervetur. Et hoc
 omnes obligat, quia lege Regia, quæ de
 ejus imperio sive potestate lata est, popu-
 lus ei, scilicet Principi, & in eum omne
 imperium suum, & potestatem concessit,
 non ad tempus, sed in perpetuum.

*l. 1. ff. de
const.*

*Quot igitur modis Princeps voluntatem pro
 lege habendam declarat?*

Tribus modis: *Rescribendo, Dacernendo, vers. quod-*
& Edicendo. Quodcumque enim Imperator per cunqne.
epistolam constituit, rescribendo ad rela-
tionem Judicis, vel ad libellum sive peti-
tionem supplicantis, vel cognoscens decrevit,
lata sententia definitiva super negotio inter
partes controverso; vel edicto præcepit, edi-
cendo & statuendo aliquid motu proprio, le-
gem esse constat.

Quotuplices sunt Constitutiones?

Quædam sunt *Personales*, quæ ad exem-
 plum non trahuntur, quippe restrictæ vel ad
 certam causam, vel personam, quam non
 egrediuntur; dicunturque *Privilegia*, quæ
 Princeps, ex certa causa motus, alicui ob
 meritum indulgit, etiam contra legem ge-
 neralem, a qua ut ipse solutus est, ita &
 alios solvere potest. Multos autem solvere
 legibus non expedit, ne scilicet populus pro-
 vocetur exemplis in consuetudinem non pa-
 rendi legibus.

Vers. pla-
ne d. l. 1.
§. 2. l. 162.
ff. de R. J.

Aliæ sunt *Generales*, quæ procul dubio om-
 nes tenent & obligant, cum vim legis ha-
 beant; non ante tamen quam fuerint pro-
 mulgatæ, cum sint quasi regulæ humano-
 rum actuum, quæ non dirigunt, nisi appli-
 centur; applicantur autem promulgatione
 per

l. 7. 8. 9. C.
de leg.

per quasumque provincias per Edictum facta.

Quæ sunt Prætorum Edicta?

§. Prætorum quoque *Quæ non suffragio populi, sed a Prætoribus, vi potestatis illis tributa, & secundum l. 79. §. 1. jurisdictionem suam, propter utilitatem publicam, Juris civilis adjuvandi, vel supplendi, & Jure. vel corrigendi gratia proponuntur.* Atque hæc Edicta non modicam obtinent juris auctoritatem: non tamen legis, nec similia sunt legi, quæ perpetua est. Edicta vero annalia, ejusque magistratus auctoritatem tribuit. Unde etiam hoc jus *Honorarium* solemus appellare, cujus portio est Jus *Ædilitium*.

Quæ responsa Prudentum?

§. respon- *Sunt sententiæ & opiniones eorum, quibus permissum erat de jure respondere.* Facta autem prudentibus potestate illa respondendi a Principe, coeperunt quasi conditores quidam esse juris, ac legum interpretes; quorum sententiæ & opiniones eam auctoritatem tenebant, ut judici recedere a responsis eorum non liceret. Hodie non est eadem auctoritas Jurisconsultis; cum non tam quis dicat, sed quid, & qua ratione dicatur, sit ponderandum.

Quid est Jus civile non scriptum?

§. Ex non *Sine scripto jus venit, quod usus approbat.* Nam diuturni mores, consensu utentium comprobati, legem imitantur. Jus itaque non scriptum est consuetudo, ad quam inducenda necessaria est tacita quædam approbatio populi, quæ causa efficiens est Consuetudinis, colligiturque is tacitus consensus ex moribus utentium, qui consistunt in temporis diuturnitate ac frequentia actuum; non utique judicialium, quam-

vis hi certissimi sint, sed & extrajudicialium, cum tales plerumque satis notorii esse possint.

Quanto autem spatio temporis consuetudo introducatur, pro negotiorum varietate definiri debet, cum consuetudo sit facti, quæ autem sunt facti, ea arbitrio relinquuntur iudicis. Saltem modicum tempus ad eam gignendam non sufficere, indicat hæc juris regula: *Temporaria permutatio jus provincie non innovat.*

Menoch. l. arbit. c. 8. Cæil. 2. obser. 31. l. 113. §. 1. ff. de R. J.

Unde origo Juris scripti & non scripti.

Ea ab institutis duarum civitatum, Athenarum scilicet & Lacedæmoniorum, fluxisse videtur. In his enim civitatibus ita agi solitum erat, quod Lacedæmonii non scripto jure uterentur, quodque ea, quæ pro legibus observabant, plerumque memoriæ mandarent, Athenienses ea, quæ in legibus scripta comprehendisset, custodirent: Romani vero usi fuerunt utroque jure, & scripto, & non scripto.

§. & non ineleganter.

Quæ est vis Juris non scripti?

Eadem, quæ scripti, cum ejus vice fungatur: omnesque loci, ubi viget, incolas obligat ad sui observantiam. Quo modo legem imitatur, id est, vim legis obtinet: legem retinet, seu impedit, ne dissuescat; legem interpretatur, atque interpretando contingit, ut legem restringat; aut ei deroget, quam & abrogare potest. Rationem tamen non vincit, ne legem vincat, id est, ne majorem vim habeat, quam ipsa lex.

l. 32. cum gatur. 4. ll. seq. ff. de legib. l. 1. & 2. c. quæ sit longe ga conf. Lopez l. animad. c. 5.

Quod est discrimen inter ius Naturale, & Civile.

Quod naturale (quia a naturali ratione, quæ semper una & eadem est, ac divina quadam providentia constitutum) semper

l. 6. ff. de Just. & Jure, l. 8. ff. de R. J.

18 INSTIT. IMPER.

per firmum atque immutabile permaneat; Civile vero, quod a prudentia & voluntate legislatoris pendet, sæpe mutari solet, vel tacito consensu populi, vel alia lege postea lata, cum voluntas hominis sit ambulatoria, & varia pro ratione temporis & loci, quorum circumstantiæ sæpe etiam variant. Tametsi autem & jus gentium sit immutabile, tamen addi ei aliquid aut detrahi potest jure civili, atque illa additio detractiove non est mutatio; sed interpretatio, quæ jus gentium a civili temperatur: nam mutari proprie aut tolli jus naturale ac gentium non potest maxime quod præcipit aut vetat.

Quæ sunt Objecta Juris?

Tria: nam Omne Jus, quo utimur, vel ad
S. fin. h. t. Personas pertinet, vel ad Res, vel ad Actiones.
Personæ sunt, quibus jus redditur; Res, de
quibus redditur; Actiones, per quas redditur.
Quæ tria juris objecta præceptis quibusdam
distinguuntur, sed usu contunduntur. Videamus
itaque de personis; nam parum est jus
l. 1. ff. de statu. hom. nosse, si personæ, quarum causa constitutum
est, ignorentur.

T I T U L U S III.

DE JURE PERSONARUM.

Quid intelligitur hic per Jus Personarum?

*S*tatus sive conditio hominum, secundum
l. ult. ff. de cap. mina. quam in hac civili societate quisque regitur, quæque in tribus principaliter consistere dicitur, *Libertate; Civitate, & Familia*: nam de personis traditur, cujus status ac conditionis sit unusquisque, liber an servus; ingenuus, an libertinus: sui, an alieni juris.

Quæ

Quotuplex igitur divisio est Personarum?

Duplex; una hic proponitur, & est summa divisio de jure personarum, quod omnes *hic, in pr. l. 3. ff. de statu hom.* homines aut liberi sint, aut servi: altera infra Tit. 8. Liberatorum vero alii sunt ingenui, alii libertini. Ita ut jure gentium tria sint hominum genera, *Ingenus*, *Libertini*, *Servi*. Liberi sunt, quibus libertas competit.

Quid est Libertas?

Est naturalis facultas ejus, quod cuique *§. & libertas l. 8. ff. qui test. fac. l. 15. ff. de cond. inst.* facere libet, nisi siquid vi aut jure prohibetur; qua non est homini quidquam majus datum, aut præclarius. Vi, quia facti est, non facit quem minus liberum esse: quomodo capto a latronibus non censetur adempta libertas: impeditur tamen id, quod facti est, nimirum actus sive exercitium libertatis. Jure quoque prohibito quid agere, non potest videri imminuta aut immutata libertas, cum facere nos non posse credendum sit, quod honeste ac licite facere per leges non possumus.

Quid est Servitus?

Est constitutio juris gentium, qua quis dominio alieno contra naturam subjicitur. Dicitur juris gentium, quia non solum a Romanis, verum & ab aliis gentibus est usurpatum, ut victi, qui occidi poterant; dein servati, victoribus serviant. Inde Servi a *§. servitus.* *Servando* dicti: quamquam & alii sint non servati, sed nati servi, qui *Verne* dicuntur. Est vero contra naturam servitus, id est, naturæ permissionem, quæ permittit & brutis & hominibus hanc libertatem, ut non possit videri perperam inducta servitus ex alia ratione naturali, quæ suavitatem hominem servare potius, quam occidere. *Cuj. 10. Obs. 17.*

Quæ

Quæ igitur, & ex quo jure servorum origo est?

§. Servi *Ex jure quidem gentium per captivitatem autem na-* in bello justo : unde & Mancipia dicuntur, *scunt.* l. 7. eo quod manu capiantur ; vel per nativi-
C. *de rei tatem ex ancillis nostris : ex re enim nostra* vin. l. 5. §. natum, nostrum est . *Ex jure civili, cum*
1. ff. de sta- *homo liber, major 20. annis, non ignarus*
tu hom. l. sui status at pretium participandum , *sefe*
21. ff. eod. *venundari patitur, idque propter degenerem*
sit. *animum ejus, qui rem inæstimabilem pre-*
tio subjecerit ; adeo ut ad libertatem pro-
clamans non audiatur, & manumissus,
non ingenuorum, sed libertinorum statum
obteneat.

In servorum conditione estne differentia?

b. t. in fin. *Nulla omnino, eamdem enim omnes ser-*
vitutem serviunt : licet ordo quidam sit
inter eos quoad officia & munera, quæ alia
aliis honestiora esse solent. In liberis autem
hominibus multe sunt differentie : aut enim
sunt ingenui, aut libertini. De ingenuis se-
quitur primo loco, tum de libertinis siue
libertis.

T I T U L U S IV.

DE INGENUIS.

Quis dicitur Ingenuus?

bic in pri. *Qui statim ut natus est, liber est ; idque*
28. C. de l. *ratione ventris, siue matris, cujus*
caus. *conditio in liberali causa inspicitur, non*
vero patris. Libertas autem ventris prodest
partui tribus temporibus ; conceptionis, na-
l. 7. ff. de *tivitatatis, ac medio, quod est gestionis. Qua*
stat. hom. *ratione, si libera prægnans damnata fuerit*
ultimo supplicio, liberum pariet, & de-
portata civem Romanum ; calamitas enim
matri adveniens non debet nocere ei qui
in ventre est, qui pro jam nato habetur,
quo-

quoties de commodo ejus agitur : inspici- l. 20. de
turque , quod nascenti utilius , & in du- R. J.
bio secundum libertatem respondendum.

Manumissio officitne ingenuitati?

Minime , cum origine ingenuitatis jure §. ult. b. r.
competentis , neque servitus , quæ facti est ,
neque manumissio , quocumque modo facta ,
præjudicet . Ideo ait hic Imperator *natali-*
bus non officere manumissionem . Natales signi-
ficant ingenuitatem , ad quam proclamare
licet hodie semper , sine ulla præscriptione
temporis .

TITULUS V.

DE LIBERTINIS.

Qui dicuntur Libertini?

Qui ex justa servitute manumissi sunt . Ju- b. in pr. l.
sta , id est , vera , legitima , & jure co- 6. ff. de sta-
gnita : nam si erronea fuerit servitus , ex tu hom.
ea manumissio non faciet libertinum , sed
relinquet ingenuum ; cum dictum sit , ma-
numissionem non officere natalibus .

Quid est manumissio?

Est de manu missio , seu datio libertatis .
Nam quamdiu aliquis in servitute est , ma-
nui , id est , potestati suppositus est domi-
ni , & manumissus liberatur a potestate .

Unde hæc originem sumpsit?

A Jure gentium ; a quo & servitus cœ-
pit , cum ea antea esset incognita . Jure Vers. que
enim naturali omnes liberi nascebantur , res a jure .
nec erat nota manumissio : sed postquam
jure gentium servitus ingenuitatem invasit ,
eodem jure introductum fuit beneficium ma-
numissionis ; adeout , cujus juris est actus ,
ejus quoque sit distractus .

Qui-

Quibus modis manumissio procedit?

§. multis Multis certe, iisque vel solemnibus, vel l. 1. & 2. C. minus solemnibus; unde major minorve de his, qui olim libertas competebat: nimirum vel ex in eccles. sacris Constitutionibus, in sacrosanctis Ecmanum. §. clesiis: aut vindicta, id est, virga prætoris, qua caput servi manumittendi percussus. 7. ff. de tiebatur; qui modus maxime solemniter erat: man. vin. aut inter amicos, per epistolam, per testamentum, aut per aliam quamlibet ultimam voluntatem. Sed & aliis multis modis libertas servo competere poterat. Nec interest, quo die aut loco servi a domino manumittantur, quia manumissio actus est jurisdictionis non contentiosæ, sed voluntariæ.

Libertinorum vero quotuplex est Status?

§. libertino- Olim tripartitus fuit. Nam qui manu-
rum. mittebantur, modo majorem & perfectam consequiebantur libertatem, & fiebant cives Romani: modo minorem, & fiebant Latini Justiniani; qui quidem liberi homines erant, sed non cives Romani: modo inferiorem, & fiebant Dedititii (ita dicti ab hostium similitudine) qui se suæque victi dediderant, quibus non erat spes consequendæ civitatis; quorum proinde pessima conditio erat.

§. fin. tit. C. Ex Justiniani vero Constitutionibus una
de Lat. lib. eademque omnibus manumissis competit li-
toll. & tit. bertas, omnesque liberti, Latinis & Dedititiis sublati, nullo nec ætatis manumissi, nec juris manumissoris, nec modi manumittendi habito discrimine, civitate Romana sunt decorati: imo & ingenui facti, ut non indigeant amplius jure aureorum annulorum, salvo tamen jure, quod liberti patronis, id est, manumissoribus suis debent.

TITULUS VI.

QUI, ET QUIBUS EX CAUSIS MANUMITTERE
NON POSSUNT.

Licetne cuique volenti manumittere?

NON licet, vetante Lege Ælia Sentia; *S. In princ.*
cujus hæc duo capita fuerunt.

Quod fuit primum caput illius Legis?

Is qui in fraudem creditorum manumittit, nihil agit, quippe Lege Ælia Sentia impedi-
diente libertatem. Summus quidem favor est
libertatis, sed non tantus, ut etiam in frau-
dem detur creditorum. Nam & creditoribus
favetur propter contractam fidem publicam,
sine qua stare Respublica nulla potest.

*Quis, & quando in fraudem creditorum
manumittere videtur.*

Qui vel jam eo tempore, quo manumittit, *S. in fraud.*
solvendo non est, id est tantum in bonis non *ff. l. 10. d. 1.*
habet, quo creditoribus satisfaciat: vel qui *ff. que in*
datis libertatibus deservit, solvendo esse. Et *fraud. cred.*
hoc ut obtineat, necesse est, ut utroque modo
frudentur creditores, id est, & consilio, seu
dolo manumittentis, & ipsa re, id est, quod
& eventus damni, bonis non sufficitur, in-
terveniat. Nam regulariter in Jure nostro *l. 79. de R. J.*
Fraudis interpretatio non ex eventu dum-
taxat, sed ex consilio quoque consideratur.

*Licetne ei, qui solvendo non est, servum
heredem instituere?*

Licet, qui servus domino solus & neces- *S. licet au-*
sarius hæres erit; si modo ei alius ex testa- *tem 1. &*
mento hæres non existat: quia tunc ces- *idemque*
saret ea causa instituendi heredem necessa- *juris 2.*
rium, valetque institutio, servo etiam sine
liber-

*Uers. valde
enim l. 23.
ff. quæ in
fraudem
cred.*

libertate hærede instituto ; hæc enim tacite competere videtur . Atque ita liber & hæres factus servus creditoribus ipse satisfactorius est ; aut eo non satisfaciente , creditoris res hæreditarias servi nomine vendet , ne injuria defunctus afficiatur , quæ ex distractione isto honorum nascitur , quæque in servo abunde compensatur libertate .

*Licetne minori viginti annis servum
manumittere ?*

*§. ead. §. &
l. 4. §. fin. &
l. 9. §. 1. ff.
de manu-
miss. vind.
l. 106. ff. de
R. J.
§. iusta leg.
15. §. 2. ff.
d. t. de ma-
num vind.* Non aliter id ei permittitur , quam si vindicta ex causa apud consilium probata servus fuerit manumissus . Et hoc secundum caput fuit Legis Æliæ Septimæ . Ratio hujus est , quia libertas , utpote res inæstimabilis , & que semel data nequit revocari , non est temere tribuenda a minore , cui fragile & infirmum est judicium , ne damnum sentiat ex facili manumissione . Semel autem causa approbata , sive vera sit sive falsa , non retractatur .

Quæ sunt justæ manumissionis causæ ?

*l. 1. §. cujus
ff. de exer.
act. §. fin.
de inst. act.
l. 7. §. fin. ff.
de min.
Cujac. lib.
22. Obs. 16.* Præcipuè referuntur hoc loco : veluti si quis patrem , aut matrem , filium , fratrem , aut pedagogum , nutricem , educatorem , aut alium , aut collectaneum manumittat . Sunt & aliæ plures , relictæ arbitrio judicis . Est & alia iusta , cum quis servum , procuratoris Cujac. lib. habendi gratia , manumittit : nempe procuratoris ad lites , ad agendum seu defendendum , non ad negotia , seu administrandum , si modo major fuerit decem & septem annis , & attigerit annum decimum octavum , quia hanc ætatem , quæ plena pubertas est , majores nostri rati sunt esse moderatam , ad procedendum in publicum .

*§. cum er-
go .* Quoto anno licet manumittere testamento ?

Olim non licebat ante annum ætatis viginti .

gesimum : Quod Justinianus primo redegit *Novel. 119*
 ad annum decimum septimum completum, *cap. 2.*
 postea ad eam ætatem, qua quis testamen-
 tum facere potest; idque & favore liberta-
 tis, & quia ferendum non esset, eum, cui
 totorum bonorum in testamento dispositio
 data sit, non habere facultatem servis suis
 præstandi libertatem, quæ tamen rebus aliis
 longe est præstantior : *Non debet igitur, cui l. 21. ff. de*
plus licet, quod minus est, non licere. *R. J.*

TITULUS VII.

DE LEGE FUSIA CANINIA TOLLENDÆ.

Quid hac Lege cautum fuit?

PRæscripsit morientibus certum nume- *Hic in pr.*
 rum servorum manumittendorum : quem *Paul. lib. 4.*
 numerum clare Paulus J. C. exprimit; *sent. in*
 subductis enim duobus usque ad decem, *calce.*
 pars dimidia poterat manumitti; a decem *Dion. l. 55.*
 usque ad triginta, pars tertia; a triginta *narrat mo-*
 usque ad centum, pars quarta; a centum *dum ma-*
 usque ad quingentos, pars quinta. Plures *numiss. ab*
 autem quam centum ex quantacumque fa- *Augusto*
 milia testamento manumitti, eadem lex *imposi-*
 prohibebat. *tum.*

Quæ ratio legis?

Ut coerceretur morientium liberalitas.
 Quo enim liberaliores sunt; qui moriuntur,
 quam qui vivunt; eo magis veluti; quo-
 dam fræno coercendi erant, qui res suas
 perdunt, & hæredibus parum aut nihil re-
 linquunt.

Cui abrogata?

Quia invidia plena, impediens libertatem, text. hic
cujus summus est favor: Interest enim Rei- l. 1. C. b. r.
 publicæ, abundare liberis hominibus civi-
 tates. Deinde, quia inhumanum videbatur,
 viros quidem habere licentiam totam suam
 fami-

familiam libertate donandi, morientibus autem hujusmodi licentiam adimere; qui cum jure suo utantur, non censentur defraudare hæredes.

T I T U L U S V I I I .

DE HIS, QUI SUNT SUI, AUT ALIENI
JURIS.

Quæ est altera Personarum divisio?

*in pr. h.
l. 1. §. 1. ff.
h. t.*

Quod quedam persone sui juris sint, quæ scilicet jus familiæ habent, quedam alieno juri subjectæ. Rursus earum, quæ alieno juri subjectæ sunt, aliæ sint in potestate parentum, aliæ in potestate dominorum. De hac prius dicendum, quia ex servili conditione intelligetur melius conditio filiifamilias, cum potestas patria similis sit potestati dominicæ.

Quid est potestas?

*l. 215. ff. de
V. S.*

Est jus personæ in personam: quod vel Imperium dicitur, in persona Magistratuum; vel Patria Potestas, in persona liberorum; vel Dominium, in persona servi.

Qui in potestate sunt dominica, & qui illius effectus?

§. in potestate.

In potestate dominorum sunt servi. Quæ quidem potestas juris gentium est, datque arbitrium domino in servos, & disponendi licentiam de eorum rebus, quæ mox ut acquisitæ sunt, cedunt & acquiruntur domino, cum servi nihil proprium habeant, & qui possidentur, possidere ipsi non videantur. Dabat & olim jus vitæ & necis: verum hæc potestas, quia nimis dura, sensim restricta fuit; ut non liceat alicui, sine causa legibus cognita, in servos supra modum sævire. Nam ex Constitutione Divi Antonini, qui sine causa servum suum occide-

*l. 1. & 2. ff.
eod.*

ciderit, non minus puniri jubetur, quam si alienum servum occidisset: & si alias intolerabiliter dominus in servum saevierit, cogitur eum bonis conditionibus, id est, justo pretio vendere, & recte: expedit enim Reipublicæ, ne sua re quis male utatur.

T I T U L U S IX.

DE PATRIA POTESTATE.

Quinam sunt in patria Potestate?

Liberi nostri, quos ex justis nuptiis procreaverimus: quia qui ex injustis aut concubina nascuntur, patris potestate non continentur, cum tales patrem habere non censeantur, quippe qui extra justas nuptias plerumque incertas sit.

In pr. tit. l. 19. & 24. ff. de statu hom.

Jus illud quorum est proprium?

Civium Romanorum: nulli enim alii sunt homines, qui talem in liberos habeant potestatem, qualem cives Romani. Unde colligitur hanc potestatem juris civilis esse, & soli familiæ competere; id est, soli patri aut avo paterno, qui jus familiæ habent: ac differre ab obsequio & reverentia, quæ apud omnes gentes a liberis ex æquo utriusque sexus parentibus præstari debet, quæque cæteris omnibus populis cum Romanis communis est.

§. jus aut. l. 3. & 8. ff. qui sunt sui aut alieni jur. l. 2. ff. de justit. & jure.

In quo consistit Jus hujus potestatis?

In persona liberorum & rebus eorumdem. Ult. C. h. t. Dabat enim Jus Romanum patri jus vitæ & necis in liberos, jus coercendi, verberandi, vinctos ad opus rusticum mittendi, non tamen in servitutem redigendi, nisi quod egestatis nomine permessa fuerit venditio, ea conditione, ut, restituto pretio emptori, possent liberi restitui ingenuitati. Hoc die ut dominorum in servos, ita & paren-

Ult. C. h. t. l. 11. ff. de lib. & post. hum l. 2. C. de patris qui filio dist. inf. per quas pers. acq.

tum in liberos coarctata est potestas; quia ea in pietate magis, quam atrocitate debet consistere. Olim quoque liberi in potestate existentes, nihil poterant proprium habere, sed omnia per ipsos acquirebantur patri, solo peculio castrensi & quasi castrensi excepto; sed hoc quoque Constitutionibus Principum temperatum est.

Soline filii ac filiae subijciuntur huic potestati?

§. qui igitur.

Non soli: nam & nepotes & neptes in potestate sunt avi; pronepotes & proneptes in proavi potestate, quæ etiam *patria* dicitur; & deinceps cæteri, per patrem filiumque ex linea masculina descendentes.

Cur hoc addis, ex masculina linea descendentes?

§. fin.

Quia qui ex filia tua nascuntur, in potestate tua non sunt; sed patris eorum, aut avi paterni. Filia enim jus familiæ non habet, imo familiæ suæ dicitur & caput & finis. Caput quidem illius familiæ, in quam nubendo transit, & quæ per eam propagatur: Finis vero ejus familiæ, in qua nata est: quia per eam nomen familiæ paternæ non propagatur.

l. 195. ff. de verb. sign.

T I T U L U S X.

DE NUPTIIS.

Jus patriæ Potestatis acquiritur tribus modis; Nuptiis justis, Legitimatione, & Adoptione; de quibus nunc dicendum.

Quid sunt Nuptiæ?

§. 2. tit. **N**uptiæ, sive Matrimonium, est viri & mulieris conjunctio, individuum vitæ ff. de R. J. consuetudinem continens. Conjunctionem intel- l. 1. ff. de lige animorum potius, quam corporum; ritu nupt. quia

quia non concubitus, sed consensus nuptias *tit. ff. de facit; Consuetudinem vero vite individuum, divort. & sive consortium omnis vitæ; intellige voto C. eod.* atque animi destinatione; nam ea mente nuptiæ ineuntur, ut sola morte dirimantur. Permissa tamen apud Romanos divortia ac repudia, verum damnata plane per Canones, quos sequimur.

Quæ sunt requisita ad justas nuptias contrahendas?

Hæc quatuor, 1. Status sive conditio personarum contrahentium. 2. Ætas habilis ad contrahendum. 3. Consensus. 4. Ut absit impedimentum, quominus licita habeatur conjunctio, scilicet Cognationis, Affinitatis, & Publicæ honestatis.

Quenam conditio requiritur personarum contrahentium?

Ut cives Romani sint, qui nuptias inter se contrahunt, & secundum præcepta legum coeant. Cum servis igitur nuptiæ non contrahuntur, sed tantum contubernium, quia *l. 17. ff. de stat. boni. non sunt liberi homines, nec jus civium c. non op. habent; neque cum peregrinis, quia extra c. cave. 28. Imperium Romanum sunt. Civium numero q. 1. habentur ex Constitutione Antonini omnes, qui in orbe Romano degunt. Hodie & pro peregrinis habentur, qui Christo nomen non dederunt, neque cum iis est matrimonium. Cum hæreticis vero contrahi prohibetur matrimonium, propter periculum perversionis; contractum tamen tenet, eo quod tales Sacramenti sunt capaces, cum Christo *cap. i. ff. de conj. ser.* nomen dederint. Inter servos quoque, quos lavit unda baptismatis, jure Canonico constat matrimonium, quia Ecclesia personarum delectum non habet; licet illud *l. 32. ff. de jus Civile non admittat, quo pro nullis R. J. habentur servi.**

Quenam ætas requiritur?

hic in pr. In maribus, 14. annorum: in fœminis, 12.
c. 17. ff. de illa enim ætate mares ut plurimum fiunt pu-
despons. beres, & fœminæ viri potentes seu nobiles.
impub. Si tamen malitia suppleat ætatem, nuptiæ
c. 36. fin. contractæ ante prædictum tempus, tenent
eod. tit. Jure Canonum. Ex quo tamen ne permitti
cap. unic. nuptias dicas cum impubere à principio, sed
§. 2. d. t. in contractas non dissolvi, superveniente legi-
6. §. 2. tima ætate & confirmatione impuberis.

Quis & quorum requiritur consensus?

l. 22. ff. de ritu nupt. In primis Consensus requiritur ipsorum con-
§. 14. & 17. ff. de spons. trahentium, quia inter invitos non ineuntur
c. 21. ff. eod. nuptiæ, cum coactæ difficiles soleant habe-
arg. l. 7. ff. de contr. re exitus. Proinde hic consensus debet esse
empt. & cap. 1. de spons. in 6. certus, non erroneus, circa personam & sta-
Conc. Tr. tum ipsius, cum qua contrahitur: item liber-
§. 24. c. 1. de reform. ab omni metu, qui si justus sit, vinculum
 impedit matrimonii, nisi spontanea coha-
 bitatione purgetur. Consensus autem hic
 pure interpositus statim suum sortitur effe-
 ctum: suspensus per conditionem, ejus even-
 tu purificatur. Estque verbis aut signis
 declarandus coram proprio Pastore, & te-
 stibus, ad evitanda incommoda & pericu-
 la, quæ olim ex clandestinis nuptiis pro-
 veniebant.

§. 1. hic l. 2. §. 16. Secundo, Consensus requiritur parentum,
§. 1. ff. de si quidem filiusfamilias sint, qui contrahunt.
§. inde quesitum l. 25. C. eod. l. 1. in fin. ff. de ex- hib. lib. Nam hoc fieri debere, & civilis & natura-
 lis ratio suadet. Civilis posita est in patria
 potestate, quæ non patitur, ut patre invi-
 to agnoscatur suus hæres: Naturalis in
 reverentia & obsequio jure naturæ paren-
 tibus a liberis debito. Quo fit, ut si con-
 sensus parentum propter furorem haberi ne-
 queat, liceat tam filio, quam filiæ, sine
Cujac. 3. obser. c. 5. Concil. Trid. d. 1. patris interventu nuptias contrahere. Cæ-
 terum si filiusfamilias nuptias contraxerit
 citra

citra patris consensum, injustæ quidem sunt & non legitimæ; non tamen dissolvuntur propter publicam utilitatem, quæ a privatorum judicio pendere non debet. jure certe Canonico validæ sunt nuptiæ sine parentum consensu contractæ, quippe qui magis de honestate, quam necessitate, requiratur eo jure.

Quenam est prohibitio nuptiarum, ratione cognationis, inter ascendentes & descendentes?

Inter tales personas, quia parentum liberorumve locum inter se obtinent, contra omnes. hi non possunt usque in infinitum, cum unio sanguinis, quæ est inter ascendentes & descendentes, sit perpetua, & in infinitum extendatur; Quod si vero lege & natura prohibente inter se cojerint, nefarias atque incestas nuptias contraxisse dicuntur. Et hæc adeo vera sunt, ut quamvis per adoptionem parentum liberorumque loco sibi esse coeperint, non possint inter se matrimonio jungi: in tantum, ut etiam dissoluta adoptione idem juris maneat, hoc est, duret nihilominus prohibitio propter durantem reverentiam semel contractam. In nuptiis enim naturale jus, pudor & honestas inspicienda sunt.

l. ult. ff. de ritu nupt. Novel. 12. & hæc adeo b. t. l. 14. ff. d. t. l. 97. ff. de R. J.

Quæ inter eas personas, quæ ex transverso gradu cognationis nobis junguntur?

§. inter eas & §. duorum hic l. 3

Est hic quædam similis observatio, sed non tanta; id est, non tam arctum est jus, nam ad quartum usque gradum exclusive prohibentur dumtaxat nuptiæ inter collaterales: Unde consobrinos ac patruales, id est, duorum fratrum vel sororum liberos, matrimonio conjungi, jus civile permittit, quia a se invicem distant quarto gradu. At vero frater filiam fratris non recte uxorem

ff. de ritu nupt. l. 19. C. h. t. §. fratris vero. §. item amitam. Covar. 4. Decr. 1. 6.

ducit: uti nec neptem, proneptem: nec amita filio fratris recte nubit, aut nepoti, quamvis quarto gradu sint, quia tales personæ etiam parentum & liberorum loco sibi invicem sunt.

Jure Canonum inter collaterales: prohibitio ad quartum gradum inclusive porrigitur, ea ratione, quod amicitia ex sanguine orta, satis arcta sit absque matrimonii contractu, ad charitatem in Republica conservandam, quæ propaganda inter extraneos per nuptias. Et alia ratione Canones computant gradus cognationis, quam Leges; quæ de re vide infra lib. 3. Tit. 6.

Quid juris inter eas personas, quæ in hoc transverso gradu jure adoptionis vetantur?

§. Sed si
quæ per
adopt.

In primis filius naturalis impeditur ducere sororem adoptivam, propter potestatem, cui simul subjiciuntur, quæ causat propinquitatem & impedimentum. Frater quoque fratris filiam adoptivam non ducit, cum sit loco patrui, nec soror filio adoptivo fratris recte nubit, quia amitæ instar est. In hac tamen linea impedimentum non durat ultra quam constat adoptio: ea vero dissoluta per emancipationem, nihil est, quod nuptias impediat. Et ideo si quis generum velit adoptare, debet is antea filiam suam emancipare.

Affinitatis ratione quatenus vetitæ sunt nuptiæ?

§. affinitatis.

Primo in recta linea inter eos, qui parentum & liberorum loco sunt, veluti inter vitricum & privignam; socerum & nurrum; privignum, & novercam: generum & focerum, in infinitum.

l. 1. 8. d. 2. Secundo inter affines collaterales vetitæ sunt jure civili nuptiæ cum uxore quondam fratris tui, vel sorore quondam uxoris. Jus-
ult. de con- sanz. & affin. l. 5. & re vero Canonico ad quartum usque gradum
l. ult. C. de inclu-

inclusive; quemadmodum inter consanguineos: & hoc non tantum stante conjunctione eorum, per quos affinitas posita, verum & ea dissoluta. Quo jure hodie utimur. Sed & ex illicita copula exsurgit eo jure affinitas, quæ secundum gradum non egreditur. At jure civili tantum ex conjunctione legitima contrahitur affinitas; quæ nihil aliud est, quam mariti & uxoris cognatio: Nam qui mihi cognati sunt, uxori meæ sunt affines, & contra..

*incestis
nup. Trid.
sess. 24. c. 4.
de ref. l. 4.
§. 7. & 8. ff.
de grad.*

Quid dicendum de duobus comprivignis?

Inter hos nuptiæ recte contrahuntur. Nec refert, etiam si fratrem communem ex novo parentum matrimonio susceptum habeant. Nulla enim hic affinitas est, quia, ut dixi, affines tantum comparatione conjugum dicuntur; hoc est omnes cognati mariti, sunt affines uxoris, & contra; cum enim per copulam una sint caro vir & uxor, non potest quis esse unius propinquus, quin alterum non concernat; ipsi vero cognati viri & uxoris, inter se non sunt affines; quia ratione duo fratres recte duabus junguntur fororibus.

*§. mariti
tamen l. 34
§. 2. ff. de
ritu nupt.
l. 134. ff.
de verb.
oblig.*

Ponitne impedimentum publica honestas?

Hec in nuptiis maxime est attendenda, & considerandum non semper, quid liceat, sed quid honestum sit. Exempli gratia: Si uxor tua post divortium filiam ex alio procreaverit, licet illa privigna tua non sit, tamen propter publicam honestatem ducere eam non potest, non magis quam sponsam filii, quæ nondum uxor est filii, vel nurus tua; neque enim est conveniens, ut quis eam uxorem habeat, quam loco matris aut filię fere habuit. Hodie impedimentum ex validis sponsalibus usque ad primum gradum ponitur: quo modo sponsa patris non

Trid. d. 3.

nubit filio. Quid enim in tanta personarum copia, cum ea matrimonium inire necesse est, quæ mater vel filia vulgo putetur?

Servilis cognatio estne impedimento nuptiis?

§. illud
certum l. 3. C. de in-
cest. nupt. l. 14. §. 2. &
§. ff. de ri-
tu nupt. Omnino: Nam licet servi sint actuum civilium incapaces, & tantum contubernium iis sit concessum; quia tamen cognatio a natura est, cujus sunt capaces servi, ponit inter eos quoque impedimentum nuptiarum, etiam post manumissionem. Idem & in servili affinitate servandum, nempe ut ea, quæ in contubernio fuerit patris quasi noverea, non recte ducatur a filio.

Suntne & aliæ persone, quæ nuptias contrahere prohibentur?

l. 44. ff. de ritu nupt. cetera colligere: veluti, propter dignitatis imperatorem. Novell. 75. Senatorum & ex iis geniti, liberti-
l. 33. §. 57. 61. nas, aliasve viles foeminas, non recte du-
cuntur. §. 65. ff. h. de nupt. quod sublatum jure Novellarum,
l. 27. C. de nupt. & permittum eas ducere, confecto prius in-
strumento dotali, quo magis de eorum con-
f. d. t. l. 1. stare affectu. Propter aetatem, viri sexage-
C. de in- narii foeminas sexagenarias prohibiti fuere-
runt. ma- ducere; quod jure Codicis sublatum. Pro-
xim. int. l. 1. pter metum fraudis & concussionis, Præfidi-
um. C. de bus Officialibusque provinciæ uxorem duce-
rapt. Trid. re provincialem non licebat; neque tutori,
sess. 24. de ejusve filio, eam, quæ in ipsius cura erat,
ea fer. c. 6. non redditis rationibus: Quæ tamen impe-
dimenta hodie non obstant. Propter flagitii enormitatem, ut raptor raptam ducat, jus civile non permittit; secus Canonicum; si rapta, loco tuto & libero extra potestatem raptoris constituta, in nuptias cum eo consenserit.

Quid,

Quid, si adversus ea, quæ diximus: aliqui cojerint?

Tunc nec vir, nec uxor, nec nuptiæ, nec §. si adversus matrimonium, nec dos intelliguntur. Quæ sus l. 49. §. omnia civiliter intelligenda sunt. Vir. & 4. ff. de leg. uxor nomina sunt dignitatis, & nomina per- 3. l. 178. ff. sonarum, quæ nuptiis conveniunt. Nuptiæ de R. J. l. 7. & matrimonium civilia quoque sunt nomi- ff. de jure na. Dos vero sine matrimonio justo consti- dot. l. 77. tuti non potest. Nam cum principalis causa cum Auth. non consistit; plerumque nec ea, quæ se- incestas. C. quuntur, locum habent. Nati proinde ex de incestis tali coitu, in potestate non sunt, sed spurii, nupt. & qui matrem, non patrem sequuntur. Dos Nov. 12. ac donatio propter nuptias fisco applicatur, nisi ætas, sexus, aut iusta ignorantia excusationem præbeat; dirempta tamen post comper- tum errorem huiusmodi conjunctione. Quæ poenæ etiam nunc obtinent; nisi quod Jure novissimo auctæ reperiantur, quippe quo nuptias nefarias contrahentis substantia universa mox fisco cedit; eadem tamen liberis legitimis, si qui ex prioribus nuptiis sunt, reservata, ut pater incestuosus ab eis alatur, præterea cingulo suæ dignitatis, si quo potitus fuerit delinquens, spoliatur & in exilium mittitur; quin etiam prius verberibus afficitur, si vilis persona sit.

Quis est secundus modus acquirendæ patriæ potestatis?

Legitimatio; evenit enim aliquando, ut §. aliquan- liberi, qui statim ut nati sunt, in potesta- do. te parentum non sint, postea vero redigan- l. 26. C. de tur in potestatem: cum Reipublicæ intersit indistincta rempublicam hominibus legitime progenitis vid. toll. frequentari.

Quibus modis naturales efficiuntur legitimi?

Duobus hic relatis. Prior est per ablatio- d. §. ali-

quando, l. 3. C. de natur. lib. *neque curiæ.* Si enim pater filium naturalem curiæ civitatis, ex qua oriundos, offerat, ut inter decuriones numeretur, hoc ipso eum potestati suæ subijcit. Hunc modum introduxit Theodosius Imperator, ut multi invitarentur ad curias, quarum onera plerique subire fugiebant. Filii ita offerri curiæ non solebant, nec poterant, cum muneribus publicis non fungantur foeminae. Attamen idem privilegium illis tributum fuit: si curiali nubent, quia hoc modo consuebatur curiæ, susceptis liberis, qui conditionem sequuntur patris.

l. 2. ff. de R. J. *l. 5. 6. 10. C. de natur. lib. Nov. 12. C. 13. c. tanta. ff. qui filii sint leg.* Alter modus est *per subsequens matrimonium*: si enim pater ducat in uxorem foeminam, ex qua extra matrimonium liberos naturales suscepit, per hoc eos liberos in suam redegit potestatem. Idque five postea alii quoque liberi ex tali matrimonio nati sint, five nulli, iique vivant, aut mortui sint. Tribuitur hoc honori matrimonii, & favori liberorum, quorum consensus hic non videtur necessarius, licet patriæ potestati nemo subijciatur invitus. Neque dotalia accedere debent instrumenta, nisi ad certiore[m] matrimonii probationem. Hunc modum Constantinus Imperator primum introduxit, renovavit Zeno, perfecit Justinianus, & usus approbavit.

Suntne & alij modi legitimandi?

Nov. 7. C. S. c. 9. Sunt & hi duo, Jure novissimo introducti a Justiniano. Unus est *per rescriptum Principis*: solet enim Princeps non solum ad preces patris, sed & ipsius filii, post mortem patris, beneficium hoc filio imperitari, ut tamquam legitimus patri suo succedere possit: cui tum demum locus est, cum nulli legitimi extant liberi.

l. 7. C. natu lib. qu. e- naturalis, si illa facta sit in testamento, vel mandatur Alter modus est *per nominationem filii* in-

instrumento aliquo publico. Prior modus, sat est frequens: sed secundus in usu esse desit. Sublatus & ille, quo quis arrogando naturales faciebat suos, propterea quod fuerit visum utilius, legitimis nuptiis legitimam posteritatem quæri, quam tot legitimandorum liberorum adminiculis libidines parentum sublevari.

TITULUS XI.

DE ADOPTIONIBUS.

Sequitur nunc de Adoptione, quæ est tertius modus acquirendæ patriæ Potestatis.

Quid est Adoptio?

Adoptio est legis actio, seu legitimus actus, quo qui natura liberi non sunt, lege efficiuntur. Est enim adoptio quasi naturæ æmula, quæ vices subit nuptiarum: nam ut iustis nuptiis naturales & legitimi nascuntur, ita per adoptionem legitimi tantum sunt.

*Hic in præ-
l. 5. ff. de
his qui sunt
sui.*

Quotuplex est, & quæ inter species ejus differentias?

Duplex, Adoptio in specie, & Arrogatio: quæ est legitima hominis sui juris in filium assumptio. Adoptio vero, ejus qui subest potestati patriæ. Illa Principis fit auctoritate, hæc imperio magistratus: In illa Opus est Principis rescripto, quia agitur de statu civis Romani; non item in hac, cum super sit pater, qui filio, quem adoptandum alteri dat, præsumitur sufficienter consulere. In illa desideratur consensus expressus ejus, qui arrogatur; vel curatoris etiam, si quem habeat: qua ratione nemo arrogatur, nisi septennio major, cujus aliqua sit voluntas. In adoptione vero utriusque exigitur consensus: qui & tacitus sufficit, quatenus

*l. 1. 2. §. S.
& 9. ff. de*

scilicet non contradicit adoptandus, etiam septennio minor.

Transitne adhuc hodie adoptatus in potestatem adoptantis?

§. sed hodie Si filiusfamilias extranea personae in adoptionem detur, non transit: neque jura patris naturalis dissolvuntur. Robustiora siquidem illa sunt, quam ut civili aliqua ratione tollantur; nec quidquam ad patrem adoptivum transit, & adoptatus remanet in potestate patris naturalis, quasi adoptatus non esset. Hoc tantum ex adoptionis actu adoptans consequitur, quod adoptatus etiam

l. penult. §. sed hodie filius dicatur ejus, qui adoptat, & ad legitimam successionem admittatur, si intestatus pater adoptivus decesserit.

Quid, si a persona non extranea fuerit adoptatus?

d. l. penult. Tunc adoptatus in adoptantis familiam & potestatem omnino transit: puta, si avo filii materno, vel, patre naturali emancipato, etiam avo aut proavo paterno, filius datus fuerit in adoptionem. Manet quippe tunc stabile jus patris adoptivi, cum concurrant hoc casu in unam eandemque personam & naturalia & adoptionis jura: ita ut adoptatus hoc modo, a patre naturali nihil amplius expectare queat, neque tabulae ejus molestare, sed solum adoptivum agnoscere jubeatur; nisi & ab eo fuerit iterum emancipatus. Quo casu rursus ad domum revertitur patris naturalis, dissoluta videlicet adoptione.

Transitne & arrogatus in potestatem arrogantis?

Gell. 5. c. Omnino, & quidem indistincte, siue is 19. Ulp. in vesticeps fuerit, id est, pubes, qui olim arfrag. 1. 8. §. rogari tantum poterat; siue impubes, ex cum autem Con-

Constitutione Antonini Pii, dummodo posteriori casu causa cognita, an honesta sit, expediatque pupillo, arrogatio fiat, & arrogator caveat personæ publicæ, datis fidejussoribus, se bona arrogati, si is impubes moriatur, restitutum illis, qui, si arrogatio facta non esset, ad successionem ejus essent venturi.

b.t. l. 17. in fin. & seq. ff. eod. l. 2. C. eod.

Quis igitur effectus est Arrogationis?

Quod non solum arrogatus, sed & liberi ac bona ejus transeant in potestatem arrogatoris. Unde cum Augustus adoptasset Tiberium, una cum Tiberio & Germanicus, quem Tiberius ante adoptaverat, transiit in potestatem Augusti: Qui effectus adoptioni speciali tribui non potest. Ratio differentiae est, quod arrogatus fuerit ante patrifamilias, atque ita filios habuerit in potestate, qui simul cum patre per arrogationem transeunt in alienam familiam: cum, qui in potestate alterius est, alium in potestate sua habere nequeat. Adoptatus vero, quia filius familias ex se natos non habuit in potestate, qui propterea una cum patre non transeunt in potestatem adoptantis.

§. illud proprium b.t. l. 2. 15. & 40. ff. eod.

Quid, si arrogator emancipet filium arrogatum?

Tunc, si causa cognita dignus fuerit emancipatione, reddere eidem bona sua tenetur. Sed & si arrogator decedens eum exhæredaverit, vel vivus sine justa causa emancipaverit, præter bona ad arrogatorem translata, jubetur quartam partem bonorum suorum arrogato relinquere. Quæ quarta accipienda videtur de quarta portionis ab intestato debita; argumento ducto a liberis naturalibus, quibus ea quarta sufficit ad excludendam querelam inofficiosa; nec enim

§. item non aliter l. 8. §. si impubes, ff. de inof. test. l. ult. ff. si quid in fraud. patr. d. l. 8. §. si quis.

enim est ratio, cur plus juris tribuatur arrogato, quam liberis ex iustis nuptiis procreatis.

Quinam adoptare vel arrogare possint?

Omnes, quibus vel natura, vel lex impedimento non est.

Qui natura impediuntur?

§. minor
rem 4.

In primis Minor natu majorem adoptare non potest: Adoptio enim naturam imitatur: & pro monstro est, ut major sit filius, quam pater.

l. 16. ff. b. t.

Necesse itaque est, ut adoptans plena pubertate; id est, octodecim annis, præcedat adoptandum: Licet enim generare ante possit, rarius tamen est, ut generet; cum

§. sed il-
lud.

leges iis, quæ frequentiora sunt, accommodentur. Itaque adoptio in his personis locum habet, in quibus etiam natura potest habere. Impediuntur & illi natura adoptare, quibus omnis generandi facultas & ipse denegata est, ut castrati.

l. 35. §. ff.

de jur. dot.

l. t. ff. de

V. S.

Spadones vero, aut quibus ob accedens aliquod vitium non datur generare, possunt adoptare, uti & nuptias contrahere: quia retinent tales principia procreandi, & sublato vitio, redire facultas illa potest.

Potestne qui filium non habet, adoptare in locum nepotis?

d. l. pen.

ult. §. licet

autem l. 10.

l. 43. §. eod.

d. §. licet

in fine.

Potest tam in locum filii, quam nepotis, pronepotis, & deinceps: tamquam ex filio, etiam quem quis nunquam habuit, aut habere desit. Idque per fictionem juris, favore propagandæ familiæ: Adoptio autem nepotis, tamquam ex filio vivo non procedit, nisi ejus consensu, ne ei invito agnascatur suus hæres, mortuo scilicet avo, sed e contrario, si avus nepotem ex filio velit adoptandum alteri dare, non exigitur filii consensus, quia jam cessat ratio modo dicta.

Qui

Qui per legem impediuntur adoptare?

In primis *fœminæ*, quia nec naturales liberos in potestate habent: quatinus ex indulgentia Principis ad solatium liberorum amissorum adoptare possint. Deinde impedit quoque civilis ratio, quominus pater adoptivus dimissum a potestate sua filium adoptivum iterum adoptet: & ne minor sit sexaginta annis; qui arrogat, quia magis liberorum procreationi studere debeat; nisi forte valetudo, aut alia causa generationem impediat, vel si quis conjunctam sibi personam velit adoptare. Sed nec illi permittit lex arrogare, qui tutelam, vel curam alicujus administrat, propter metum intercipiendarum rationum: nisi is vitricus fuerit, cui concessum est adoptare privignum suum, cessante in eo suspitione fraudis.

§. fœminæ
l. 5. C. eod.
l. 15. §. 2. C.
l. 17. in pr.
ff. eod. l.
30. DD. d.
l. 32. ff. h. t.

Possuntne servi adoptari?

Apud Catonem bene scriptum refert antiquitas, servos, si a domino adoptati sint, ex hoc ipso posse liberari. Unde & Imperator constituit, servum, quem dominus aëlis intervenientibus filium nominaverit, per hoc liberum fieri. Licet hoc ei non sufficiat, ut consequatur jus filii, quia adoptio tantum in liberis personis locum habet. Ut autem quis liber fiat, voluntas sufficit domini.

§. fin. h. t. f.
unic. §. 10.
Cod. de Lat.
lib. tol.

TITULUS XII.

QUIBUS MODIS JUS PATRIÆ POTESTATIS
SOLVITUR.

Patria potestas ut certis modis constituitur,
ita & certis modis dissolvitur: de quibus
jam dicendum est.

Quibus igitur modis solvitur patria potestas?

§. 1. b. 1. 1. 2. **S** Ex aut septem, de quibus hoc Titulo,
ff. quando dies legati ced. l. 5. ff. de his qui sunt sui. quorum duo in personam filii dumtaxat
cadere possunt, summa nimirum Patriciatus
dignitas, & emancipatio; cæteri, ut mors,
deportatio, servitus, captivitas, parentibus
& filiis possunt contingere: atque utrovis
modo patria potestas solvitur.

I. Est *mors naturalis patris, avi, vel filii*:
quia mors omnia jura solvit: ergo & jus
patriæ potestatis. Mortuo quidem patre; fi-
lii filiæve omnimodo efficiuntur sui juris:
mortuo vero avo, nepotes neptesve ita sui
juris fiunt, si in potestatem patris sui non
sint recæsuri, eo vel emancipato, vel mor-
tuo.

§. cum au- **II. Deportatio in insulam, patris aut filii**;
tam. quæ mors est civilis. Nam, si pater ob ali-
quod maleficium in insulam deportetur,
efficitur peregrinus, tolliturque e numero
civium Romanorum: & sic jus patriæ pote-
statis, quod est civile, solvitur. Patri ra-
tione filius, qui est in potestate, in insu-
lam deportatus, desinit esse in potestate pa-
rentis.

*Quid, si ex indulgentia Principis deportati
fuerint restituti?*

Tunc per omnia pristinum statum reci-
piunt. Quod accipiendum de restitutione spe-
ciali, quæ est instar juris *postliminii*, quo pri-
stina jura recuperantur, non etiam de remis-
sione

Vers. sed si l. 1. 2. 3. de sent. pass.

sione pœnæ, quæ tantum largitur reditum in patriam.

Quid de relegatione?

Hæc non tollit civitatem, nec ea, quæ in consequentiam civitatis sunt: proindeque patres relegati, in potestate liberos suos, bona, & jura omnia retinent: & ex contrario, liberi relegati, in potestate remanent parentum. Differentia autem inter deportatos & relegatos hæc est, quod in insulam relegari & ad tempus & in perpetuum quis possit; deportari nonnisi in perpetuum.

§. Relegati.

l. 4. ff. de interd. & releg.

III. *Servitus pœnæ, quæ & ipsa civilis quædam mors est*: veluti cum quis per sententiam judicis certæ alicui pœnæ addicitur, puta damnatus in metallum, seu opus metalli, vel ad bestias; quia hoc modo amittitur libertas simulque patria potestas, quæ liberorum hominum & civium Romanorum est propria. Sed hæc servitus pœnæ sublata est jure novissimo; ac moribus quoque nostris nulla est talis servitus. Itaque damnatio ad remos, pœna quidem est, servitus pœnæ non est.

§. pœnæ servus.

l. 27. & 36. ff. de pœn.

IV. *Dignitas filii*: non quævis, sed sola & summa Patriciatus. Patricius enim quasi pater quidam Principis erat & dicebatur; filiusque ideo liberabatur a potestate paternâ, quia videbatur absurdum, eum esse in potestate privata, qui publica potestate Rempublicam administraret. Nec militaris igitur, nec Consularis, nec Senatoria dignitas olim exemit a patria potestate; neque Doctoratus, neque Clericatus. At Jure novo & Consularis dignitas, & Præfectura sacrorum Prætoriorum, & alia quævis a Curia liberans; liberat & a patria potestate; Idem tributum Episcopatus; qui enim omnium patres sunt spirituales, quo modo sub aliorum potestate consistent? Libertatis autem

Novel. 22. c. 8. §. filius famil. l. ult. C. de consul. l. 12.

Verf. milit. l. fin. C. de decurion. l. 10.

hoc Nov. 8. §.

ult. Novel. hoc modo patriæ potestatis necu manet,
123. c. 1. nihilominus saluum jus familiæ; ne quod
 favore eorum introductum fuit, id vertatur
 in damnum.

§. si ab ho- V. *Captivitas patris, aut filii*; quia per
stibus, l. 10. captivitatem quis fit servus hostium, & de-
§. seqq. ff. finit esse civis Romanus, incapax jurium
da capti- civitatis Romanæ. Non tamen ita extingui-
vis. tur hæc potestas, quin reversus jure post-
 liminii cum reliquis juribus, etiam patriam
 recuperet potestatem: quomodo & hic dici-
 tur pendere jus liberorum. Pingit enim post-
 liminium, eum qui captus est, in civitate
 semper fuisse. Si vero decesserit apud ho-
 stes pater, fingitur per legem Corneliam
 mortuus liber, ipso nimirum momento ca-
 ptivitatis, & exinde filius a potestate ejus
 exemptus. Juris postliminii ratio posita est
 in commiseratione, ne afflictio addatur af-
 flicto; Legis Cornelie in favore, ut testa-
 mentum factum conservetur.

§. præterea VI. *Emancipatio filii*, quæ definiiri potest
l. pen. & *Relaxatio patriæ potestatis coram competente*
ult. C. de *Judice*. Olim hæc variis fiebat circuitibus
emanc. & solemnitatibus, per trinam emancipatio-
 nem & imaginarias venditiones, ut latius
 hic per Teophilum. Anastasius eam ex re-
 scripto Principis coram Magistratu fieri pos-
 se permisit: Justinianus postea ne quidem
 rescripto opus esse decrevit. Est autem hic
§. fin. b. t. necessarius consensus, & patris emancipan-
l. 69. & 156. tis, ne cogatur invitus rem suam emancipa-
§. ult. ff. de pare, id est dimittere e manu sive potesta-
R. J. te; & filii emancipandi, ne in cujusquam
 injuriam aut invito beneficium tribuatur:
 quo sensu Ulpianus, *Quod cuique pro eo præ-*
statum, invito non tribuitur.

Quid juris, *si impubes aut pubes sit filius,*
qui emancipatur?

d. §. præter Si quidem impubes sit, tunc pater filii sit
ex l. 2. §. ff. legi-

legitimus tutor, eidemque succedit ab in-^{quis a par.}
 testato; exemplo patroni, qui servum im-^{manumiss.}
 puberem manumisit. Si vero pubes, & mo-^{l. ult. de}
 riatur facto testamento, in quo patrem præ-^{eman. l.}
 teriit, habet pater contra testamentum filii ^{ult. de le-}
 bonorum possessionem contra tabulas: sin-^{git. agn.}
 autem moriatur intestatus, pater eidem le-^{succes.}
 gitimus est hæres.

*Filium habens in potestate, & ex eo nepo-
 tem, quem emancipabit?*

Hoc in arbitrio est emancipantis, dimit-^{§. admo-}
 tere nimirum e potestate, & efficere sui ju-^{rendi.}
 ris; vel utrumque, vel filium solum, re-^{l. 18. ff. eod.}
 tento nepote in potestate; vel solum nepo-
 tem, retento filio; idemque de pronepote
 juris est.

*Nepos, ante emancipationem sui patris con-
 ceptus, in cujus potestate nascitur?*

In potestate avi; conceptus vero post ^{§. illud au-}
 emancipationem, vel adoptionem, ejusdem ^{tem, 14. ff.}
 patris sui emancipati, vel avi adoptivi po-^{de adopt. l.}
 testati subijcitur. Ratio, quia in his, qui ^{19. ff. de}
 nascuntur ex justis nuptiis, tempus inspici-^{statu hom.}
 mus conceptionis, & liberi sequuntur pa-
 trem, quem justæ nuptiæ demonstrant.

Adoptio: facta non quidem extraneo, sed ^{§. sed & si}
 avo vel proavo naturali; quo casu tollitur ^{pater l. pen.}
 potestas patris naturalis, & nova introdu-^{C. de adop.}
 citur, scilicet avi, vel proavi; ea ratio-^{ad §. sed}
 ne, quia nemo in plurium potestate esse ^{hodie.}
 possit. Et quatenus hæc adoptio procedat,
 plenius supra diximus.

Potestne compelli pater emancipare liberos?

Non potest, ne quidem rescripto Princi-^{§. ult. l. 3. C.}
 pali; ut nec avus nepotes de potestate di-^{de emanc.}
 mittere cogitur: quoniam patria potestas ^{l. 31. & seq.}
 inæstimabilis est, per quam filii nostri fiunt ^{de adopt.}
 iuris & sui hæredes; utilis & parentibus, ^{l. 92. ff. de}
 quia ^{cond. &}

demonst. quia eis hoc modo per filios acquiritur.
l. 12. de Sunt tamen casus; quibus pater cogitur
Epi. aud. emancipare.

1. Si impubes arrogatus sit, & post pubertatem probet, arrogationem sibi esse inutilem, seque in ea circumscriptum.

2. Si pater legatum sibi relictum acceperit ea conditione, ut filium emancipet: tenetur enim implere fidem.

3. Si filium pater durius tractet, vel ad peccandum compellat; indignum enim se imperio reddit, qui eo abutitur.

Postremo sciendum, quamvis per superiores modos tollatur patria potestas; non tamen aboleri reverentiam & observantiam; quæ parentibus debetur a liberis jure naturali, quod non potuit tolli per Jus civile.

T I T U L U S XIII.

DE TUTELIS.

Dictum hastenus de iis, qui sunt alieni Juris, vel patrii, vel dominici: sequitur nunc, de sui juris hominibus, qui in potestate non sunt; & *patresfamilias* appellantur; sive puberes illi sint, sive impubes.

Estne aliqua harum personarum divisio?

in princ. **E**St sane; nam ex his personis, quæ in potestate non sunt, quedam vel in tutela sunt, vel in curatione; quedam neutro jure tenentur. Quæ divisio est conformis illi, qua omnes homines vel liberi sunt, vel servi. Nam qui neutro jure tenentur, liberis hominibus sunt similiores; qui vero in tutela vel cura sunt, speciem quamdam hominis servientis præ se ferunt.

Quid est Tutela?

Est vis ac potestas in capite libero, ad tuendum

dum eum, qui propter ætatem se defendere ne- Text. hic
quit, jure civili data ac permissa. Vis, id & in l. 1. &
 eit, auctoritas regendi personam pupilli; 9. ff. eod. l.
Potestas, vero bona ejus administrandi, quia 11. §. 3. &
tutor & moribus pupilli & bonis præponi- l. 30. ff. de
tur, atque vice domini habetur. Verba, in admin.
capite libero, non tam ætatem pupilli, quam tut. l. 157.
ejus conditionem declarant: quod nimirum ff. de R. J.
persona, cui tutor datur, debeat esse libe-
ra, sui que juris; quia qui patriæ aut do-
minicæ subjectus est potestati, non indiget
tutore, cujus præcipuum officium est, ne
indefensum pupillum relinquat.

Quotuplex est?

Triplex, Testamentaria, Legitima, & Da- §. 1. h. l. 7.
tiva; desumpta a triplici causa efficiente, C. qui dare
testatore, lege, & judice. Nam tutelam tut. poss.
omnem Jus civile suis institutis formavit,
partim permittendo, testamentariam scilicet
& dativam; partim dando, quæ inde legiti-
ma dicitur, quia legitimos tutores ipsa lex
facit, testamentarios autem & dativos per-
mittit dari: illos a parente, hos a Magi-
stratu, in defectum testamentariorum ac le-
gitimorum.

Qui & quibus testamento tutores dare possunt.

Parentes liberis suis impuberibus, quos §. permif-
in potestate habent, sine discrimine sekus sum l. 73.
idque vel testamento, vel codicillis testa- §. 1. ff. de
mento confirmatis. Matres, quia liberos R. J. l. 1.
in potestate non habent, dare filiis tutores 2. 4. & 9. ff.
non possunt, nisi eosdem & hæredes insti- de test. tut.
tuerint. Quo facto, tutores datos confirmat l. 1. C. de
Prætor, præmissa inquisitione, seu causæ confir. tut.
cognitione.

Potestne avus nepotibus suis testamento dare
tutores?

Potest utique; si nimirum tales non sint §. itaque si
reca- alius d. l. 1.
 §. 2.

recasuri in potestatem sui patris. Neque enim, qui in patris vel domini potestate est, tutore indiget: nam tutela remedium est subsidiarium, quo defectibus minoris ætatis succurritur.

Potestas tutor dari posthumis?

§. cum autem. d. l. i. §. i. & 2. l. 7. & pen. ff. de stat. hom. Potest: cum posthumi, ubi de commodorum agitur; pro jam natis habeantur: atqui ad utilitatem liberorum posthumorum spectat, dari eis ex testamento ac judicio patris tutorem aliquem: præsumitur enim pater filiis posse & velle optime consulere: modo in ea quoque causa sint, ut si vivo patre nascantur, in potestate ejus futuri sint, nec recasuri in alterius potestatem.

Recte filio emancipato, aut exheredato pater testamento tutorem dat?

§. fin. b. l. 28. io. ff. de con. tut. l. 3. §. i. ff. de admin. tut. l. 26. §. 2. ff. de test. tut. Emancipato quidem non dat recte: datus tamen tutor confirmandus erit ex sententia Prædis sine inquisitione & causæ disceptatione: quia ut mox dixi: pater censetur semper liberis suis optime prospexisse, & fidelissimos tutores elegisse.

Attamen, si tutor datus postea mores mutaverit, & publicum improbitatis suæ dederit testimonium; poterit Prætor nolle eum confirmare: ne videlicet, quod in favorem pupillorum est introductum, redundet in eorum odium.

Exheredato autem recte tutor datur, cum datio non in institutione (saltem quod ad patrem) sed in patria potestate consistat. Dico, quod ad patrem; quia; ut tutela a matre data confirmetur; requiritur institutio, ut dictum supra.

TITULUS XIV.

QUI TESTAMENTO TUTORES DARI POSSUNT.

Vidimus, qui testamento tutores dare possint, & quibus dare; ordo postulat, ut videamus, qui dari possint tutores.

Qui igitur dari tutores testamento possunt?

IN primis, *Non solum paterfamilias, sed etiam filiusfamilias*; quia in publicis causis, qualis etiam est tutela, filius familias habetur pro patrefamilias, nec attenditur hic patria potestas.

II. Servus. Proprius quidem, & cum libertate, & sine libertate, dari tutor potest: *tit. l. 9. ff. de quia & sine libertate tutor datus tacite libertatem directam accepisse videtur, sine qua nemo tutelam aut aliud munus publicum obire potest. Cur directam?* quia hoc casu duplex favor concurrit, tutelæ scilicet & libertatis. Intellige autem servum tacite libertatem directam accepisse videtur, eo casu nimirum, quo solus pupillus ei extiterit hæres. Nam si cohæredem habeat, non directam, sed fideicommissariam libertatem, juris præsumptione datam colligimus ex *l. 9. Cod. de fideicomm. libert.* Plane si per errorem, quasi liber tutor datus sit, nec libertas, nec tutela ei competit, quia errantis nullus est consensus.

Quid de servo alieno tutore dando est juris?

Posse quidem cum testamento utiliter dari tutorem, sed sub hac conditione datum intelligi, *Cum liber erit*: quæ conditio necessario adjicitur, cum in eum nihil juris habeat testator. Unde dicitur hic pure inutiliter dari, quoad effectum scilicet directum: nam ex tali datione competere huic servo fideicommissariam libertatem, defendi

§. servus

autem a-

lienus l. 10.

§. fin. ff. de

test. tut.

Connanus

l. 2. com. c.

4. n. 8. l. 22.

ff. de cond.

C

posse instit.

posse ait Ulpianus; ita nimirum, ut hæres eum a domino redimere & manumittere habeat necesse. Proprius autem servus inutiliter sub ea conditione tutor datur. Nam quod in potestate nostra est, id in casu non est conferendum.

§. furiosus. III. *Furiosus vel minor viginti quinque annis recte testamento tutor datur; cum, ut tutela valeat, satis sit, eum, qui datur tutor, esse capacem civilium. Sed quia incivile videtur, eos, qui suis superesse rebus non possunt, aliis præfici: constitutum est, ut tum demum furiosus & minor tutelam administrare incipiat, cum ille quidem compos mentis esse cœperit, hic vero major viginti quinque annis fuerit factus. Interim vero, dum eventus pendet, in subsidium alius a iudice tutor datur, aut potius quasi tutor, ne indefensus maneat pupillus.*

Rectene igitur tutor datur ad certum tempus, vel ex certo tempore, vel sub conditione?

§. ad certum tempus l. 11. ff. de test. tut. Ita dari tutorem posse non dubitatur, inquit Imperator. Lex quippe adeo confidit de paterno consilio, ut quomodo liberis suis prospexerit, ratam habeat ipsius voluntatem. Ut autem pupillus non maneat indefensus, pendente conditione, vel die, succurrit illi Iudex sive Magistratus, supplens factum testatoris, defectumque temporis aut conditionis, tutore interim alio a se dato.

Certusne rei vel causæ tutor dari potest.

§. certa. Non potest, quia tutor personæ datur, non rei aut liti; & tutela est potestas in caput pupilli. Res tamen & patrimonium venit in consequentiam. Quod si tutor unus detur rei Africanæ, alter rei Syriacæ, utilis datio est, propter diffusum patrimonium & difficultatem administrationum.

Si

Si quis dicat, Filiis meis tutores do, intelligiturne etiam dedisse nepotibus?

Certum quidem est, si filiis vel filiabus tutores dederit, etiam posthumum vel posthumæ dedisse videri: quia filiorum appellatione & posthumi continentur, quod concepti habeantur pro natis, & nati sint futuri primi gradus. At nepotibus tutores dedisse non videtur, cum filiorum appellatione nepotes non veniant, & aliter filii, aliter nepotes appellentur. Quod si dixerit, *se liberis dare*, etiam nepotes continebuntur: quia *liberorum* significatio laxior est; *filiorum* autem strictior, licet ex mente pronuntiantis latius pateat.

§. si quis filios. l. 1. §. 6. ff. de test.

l. 84. 164. & 201. ff. de V. S.

TITULUS XV.

DE LEGITIMA AGNATORUM TUTELA.

Quando est locus legitimæ tutelæ?

Deficiente testamentaria, quæ quamdiu spectatur, legitimæ, quæ subsidaria est, locus esse non potest. Deficit autem testamentaria, si, qui tutorem dare poterat, vel omnino non fecerit testamentum; vel quantum ad tutelam attinet, condito licet testamento, intestatus decesserit, vel si datur tutor vivo decesserit testatore.

d. l. 11. §. 6. l. 1. in pr. ff. de leg.

Cur dicitur legitimæ?

Quod non ex dispositione ac provisione hominis, sed ex lege pendeat, nempe vel ex verbis, vel ex mente Legis XII. Tabularum, quodque proximis deferatur Agnatis & consanguineis, itemque patronis; id est his, qui ad legitimam hæreditatem admitti possunt. Unde Tutela hæc vel est agnatorum, vel patronorum, vel denique fiduciaria.

Qui dicuntur Agnati?

Qui per virilis sexus cognationem conjuncti sunt, quasi a patre connati; veluti frater eodem patre natus, fratris filius, & ex eo nepos; patruus & patrum filius, ex eoque §. 1. h. t. & nepos; & similes. Qui omnes quamdiu per l. 1. ff. eod. patremfamilias uniti sunt, connasci invicem creduntur; & eandem retinent familiam, sive nomen familiæ. Cognati vero dicuntur, qui per feminei sexus personas cognatione junguntur.

Quæ igitur legitima est Agnatorum tutela?

Nov. 118. Quam Lex XII. Tabularum proximis dif-
c. 5. auth. fert agnatis, qui hinc & legitimi tutores vo-
sicut hære- cantur: idque hac ratione, quia olim ex
ditas, C. eadem lege deferbatur hæreditas primo lo-
de leg. tut. co agnatis, exclusis cognatis; adeoque sum-
l. 1. ff. de ma providentia hoc ita constitutum fuisse
legit. tut. autor est Ulpianus, ut qui sperarent succes-
sionem, iidem tuerentur bona, ne dilapidarentur.

Quid hodie circa hanc tutelam juris est?

Hodie cognati æque ad tutelam vocantur, & admittuntur, atque agnati, secundum gradum & ordinem, quo vocantur ad hæreditatem, cognationis & agnationis (quæ fuit olim hac in re, sicut & hæreditatibus) differentia sublata. Nam regula est Juris, l. 75. ff. de Quo hæreditas redit, eo & tutelam pervenire, R. J. nisi cum femine hæredes intercedunt.

Cur femina removetur a tutela?

l. 2. ff. de R. Cur femina removetur a tutela?
J. l. ult. ff. Quia tutela, sicut & curatio, virile &
de tut. l. C. quando publicum munus est, cujus proinde incapax
mult. tut. l. femina. Matri tamen singulari jure (ob
2. cum singularem amorem erga prolem, cui ideo
auth. ma- prospectura optime præsumitur) indultum
tri & avie est, ut tutrix liberorum suorum esse possit;
C. eod. præ-

præferturque cæteris legitimis, ac multo magis dativis, modo renunciât Senatus Consulto Vellejano, & secundis nuptiis, suaque insuper obliget bona. Idem tributum est aviæ, proxime scilicet post matrem.

Jus agnationis tolliturne capitis diminutione?

Tollitur & perimitur plerumque omnibus mo- §. fin. b. t.
dis; quia & capitis diminutio & agnatio
juris civilis nomen est; atqui nihil tam na- l. 4. C. de
turale est, quam eo genere quidque dissol- leg. tut. l. 5.
vere, quo colligatum est. Dicitur *plerumque*; C. de cur.
non quod unquam accidere possit, ut capi- fur. l. 11. &
tis diminutione non tollatur ipso jure agna- ult. C. de
tio, sed quod nonnunquam accidat, ut per- legit. hæ-
inde duret affectus juris, ac si nulla capitis red.
diminutio intercessisset, propter Anastasii
& Justiniani Constitutiones.

TITULUS XVI.

DE CAPITIS DIMINUTIONE.

Occasione illius, quod in fine Tituli præcedentis dictum est, capitis diminutione perimi jus agnationis, quæ tutelæ legitimæ initium dedit, inseritur hoc loco Titulus de capitis diminutione.

Quid & quotuplex est capitis diminutio?

E*st prioris status mutatio. Status est con-*
ditio & qualitas personæ, consistens in *hic in pr.*
his tribus: *Libertate, Civitate, & Familia.* & l. 1. ff. de
Unde triplex est capitis diminutio, *Maxi-* eod.
ma, Media sive Minor, & Minima. *Maxi-*
ma, cum quis simul & familiam, & civita-
tem, & libertatem amittit; quod accidit
iis, qui servi poenæ efficiuntur atrocitate
sententiæ. *Media*, cum quis civitatem amit-
tit, retenta libertate: quod ei accidit, qui
in insulam deportatus est. *Minima*, cum
quis civitate & libertate retenta, familiam

tantum mutat: quod accidit ei, qui cum sui juris esset, adoptandum se dedit, & factus est alienus; vel contra, cum in potestate esset, per emancipationem factus est suus.

Cur non aequae libertatem amittunt deportati, & qui mediam capitis diminutionem passi sunt, ut hi qui maximam?

§. minor.
§. maxima.

Quia qui maximam passi sunt, ut servi, illico in alienum dominium incidunt, ita ut desinant esse sui liberi, & domino acquirunt: quod non perinde est in deportatis, vel his, quibus aqua & igne interdicitur; qui quidem propter sententiam, civitatis jure exuuntur, quia tamen jure gentium non incidunt in alterius dominium, cur non dicantur adhuc esse sui liberi, qui non sunt facti alieni?

Servus manumissus patiturne capitis diminutionem?

§. servus.
l. 3. §. ult. &
l. 5. ff. h. t.
l. 208. ff. de
R. J.

Minime, quia nullum caput, id est, nullum statum vel libertatis, vel civitatis, vel familiae, habuit: quod autem non est, mutari aut amitti non potest. Nec videri potest desisse habere, qui nunquam habuit. Unde fit, ut servus post manumissionem dicatur fieri novus quasi homo, atque ab eo incipit habere personam, ac statum.

Quid de eo censes, cui dignitas magis mutatur, quam status?

§. quibus
autem l. 2.
3. ff. de Sen-
natorib.

Nec hunc capite minui, cum dignitas ad statum non pertineat: Ideoque Senatu motus, remanet nihilominus civis Romanus, nihilque amittit juris, sed tantum decrescit ejus existimatio, minuiturque dignitas absque infamia; nisi remotus sit propter turpitudinem.

Capitis diminutione peritne æque jus cognationis, ut agnationis?

Non æque. Nam omnis capitis diminutio perimit agnationem, quia tota jure est; cognatio vero (aut potius cognationis jus) pertinet ad jus civile, propter successiones, tutelas, & id genus alia, non minima capitis diminutione, sed vel maxima, ut servitute; vel media, ut deportatione, perit: quia jus perit civitatis, quod hujus civilis cognationis est fundamentum: Quo sublato, plerumque nec ea quæ sequuntur, locum habent.

§. quod antem.

l. 178. ff. de R. J. l. 40. §. 5. ff. de grad.

Sed mere naturalis cognatio, quia cum ipsa natura, non cum jure civitatis est conjuncta, nullo jure civili tollitur: ut neque retractio in servitutem, neque deportatio facere potest, quin ille sit pater, hic filius.

Quid, si plures sint agnati, ad quos tutela pertinebit?

Ad eos, qui proximior gradu sunt. Naturale enim est, ut qui in emolumentis habent prælationem, sint & in oneribus sustinendis anteriores. Si plures ejusdem gradus sint, ad omnes simul tutela pertinebit: ejus tamen administratio maxime idoneo solet a Judice committi; ita tamen ut non eo minus ad reliquos spectet periculum, si male administrantem removeri non curaverint, bonis, eorum ad hoc tacito pignore obligatis.

§. fin.

l. 4. C. de leg. tut. cum auth. sicut.

T I T U L U S XVII.

DE LEGITIMA PATRONORUM TUTELA.

Quæ dicitur legitima Patronorum tutela?

Quæ patronis deferitur in personas libertorum, seu libertarum impuberum, quos manumittendo sui juris effecerunt.

Cur dicitur legitima?

Text. hic Quia & ipsa Lege XII. Tabularum, de-
l. 3. ff. de scendit, non quidem directo ex verbis, sed
leg. tut. ex sententia & interpretatione; quod per-
 inde est, ac si ex verbis legis introducta es-
 set. Jam vero, cum Lex XII. Tabularum ad
 successionem liberti intestati revocarit pa-
 tronos, per consequentiam, hæreditatum
 etiam tutelam iisdem delatam voluit. Idque
 propter juris rationem relata, quia ple-
 rumque ubi successionis est emolumentum,
 ibi & tutelæ onus esse debeat: nisi a fœmi-
 na impubes manumittatur, quæ quidem ad
 successionem vocatur, non vero ad tutelam,
 quoniam tutela virile est officium, & ultra
 sexum fæminæ infirmitatis.

T I T U L U S XVIII.

DE LEGITIMA PARENTUM TUTELA.

Quæ est legitima parentum tutela?

l. 3. §. fin.

QUæ ad exemplum & similitudinem legi-
 timæ patronorum tutelæ est introducta.
 Nam ut patroni ad tutelam libertorum im-
 puberum ex mente legis vocantur, ita & pa-
 rentes ad liberorum impuberum a se eman-
 cipatorum, ex similitudine rationis, adsci-
 sci operæ pretium visum est, propter com-
 modum successionis, quod habent in bonis
 liberorum suorum; uti & patroni in bonis
 libertorum.

T I T U L U S XIX.

DE FIDUCIARIA TUTELA.

Cur dicitur fiduciaria hæc tutela?

Quia jus fiduciam habet de his personis,
 quibus eam tutelam desert, quod ni-
 mirum pupillarum rebus optime consulere
 & pos.

& possint & velint: non autem a contracta fiducia in emancipatione, uti superior.

Quibus defertur?

Primo patri; si avus nepotem vel prone- *in pr. tit.*
 potem impuberem emancipaverit, & mor-
 tuus fuerit. Deinde fratribus; si pater, filio
 impubere emancipato, decesserit, fratribus
 aliis in potestate relictis. Verum non ali-
 ter his fratris emancipati tutela competit,
 quam si sint perfectæ seu legitimæ ætatis, hoc
 est, majores viginti quinque annis, qui ni-
 mirum in rebus suis administrandis alieno *Nov. 118,*
 non egeant auxilio. Hodie & hæc & paren- *cap. 4,*
 tum tutela, legitimæ vocatur, ex Novellis,
 successionem patri & fratri deferentibus, su-
 blata ut sexus, ita & emancipationis ac sui-
 tatis differentia.

TITULUS XX.

DE ATTILIANO TUTORE; ET EO, QUI EX
 LEGE JULIA ET TITIA DABATUR.

Succedit tertio loco Tutela dativa, deficien-
 tibus nimirum aliis, Testamentaria & Le-
 gitima: quo casu Juxta vel Magistratus
 ex speciali permissione legis dat tutorem.

Quando igitur locus est tutelæ dativæ?

Primo, si cui nullus omnino tutor fue- *hic in pr.*
 rit. 2. Si testamento tutor, vel sub con- *§. 1. &c.*
 ditione, vel ex die certo fuerit datus. 3.
 Quamdiu ex testamento nemo hæres exstite-
 rit: nam dies tutelæ testamentariæ demum
 cedit a tempore aditæ hæreditatis. 4. Tuto-
 re capto ab hostibus. Nam his tribus casu-
 bus dabatur interim tutor, pendente scilicet
 conditione, die, aut jure postliminii;
 at si conditio extitisset, dies venisset, tutor
 reversus fuisset in civitatem, desinebat tunc
 esse tutor.

Cur testamento tutor sub conditione, vel ex certo die datur? a Magistratu non nisi pure.

§. 2. *hic.* Quia (ut dictum est supra) præsumit lex, testatorem optime prospexisse liberis in suo testamento: ne tamen pendente conditione, indefensus inveniatur pupillus, petendus tutor est; qui esse desinit, si conditio extiterit, aut dies venerit. Cæterum a Magistratu nonnisi pure tutor dari potest: quoniam licet ipse factum, aut defectum legis supplere possit; qui vero ipsius Magistratus incertum atque imperfectum factum suppleat, nemo est. Accedit, quod actus legitimus, qualis est datio tutoris facta a Magistratu, non recipiat diem vel conditionem.

l. 6. §. 1. ff. de tut.

l. 77. ff. de R. J.

Quis Magistratus sive Judex dat tutorem?

text. hic in princ. Olim in urbe Romana a Prætoribus Urbano, quod is proprius civium Romanorum Judex esset, & a majore parte Tribunorum plebis, ex Lege Attilia dabatur tutor, dictus inde *Attilianus*. Ideo major pars Tribunorum requirebatur, quod scilicet illud referatur ad universos, quod publice per majorem sit partem. In Provinciis vero Romano Imperio subjectis, ex Lege Julia & Titia, Præses provinciæ tutorem constituabat.

l. 160. §. 1. ff. de R. J.

Cur ex illis Legibus dari tutores desierunt?

§. sed ex his Quia per eas non satis prospectum erat pupillis, cum tutores, absque inquisitione darentur, neque dati compellerentur suscipere tutelam. Tutoris enim datio, cum non jurisdictionis, aut imperii, sed legis sit, quasi jurisdictione voluntaria exercebatur. Postea Consules & tutores inquisitione dare cœperunt; deinde Prætores ex constitutu-

l. 8. §. 2. ff. de tutel.

stitutionibus, quibus introducta fuit cautio, Rem pupilli salvam fore: exigenda a tutoribus, & de iis compellendis ad tutelæ administrationem.

Mansitne deinceps id juris penes Consules & Prætores?

Non: sed tempore Justiniani Romæ quidem Præfectus Urbs vel Prætor secundum suam jurisdictionem, hoc est, intra suæ jurisdictionis limites; in Provinciis autem Præsides ex inquisitione tutores creabant; vel Magistratus jussu Præsidium, si non essent magnæ pupilli facultates.

§. sed hoc jure.

l. 45. §. 3. ff. de excus. tut.

Quid vero hic Justinianus innovavit?

Ut defensor civitatis vel aliæ publicæ personæ, id est, Magistratus, una cum civitatis Antistite seu Episcopo possint tutores vel curatores creare (ut tanto majore fide ac religione negotium hoc tam pium conficiatur,) etiam non expectata jussione Præsidium, ad evitandos sumptus, si facultates pupilli non excedant quingentos solidos: quod si ampliores sint facultates, ut tunc tutor a Præside designetur, cum cautione, de qua supra.

§. nos autem per l. 30. C. de Episc. an.

Cur inventa Tutela?

Quia naturali juri ac rationi conveniens est, ut impuberes in tutela sint, & qui perfectæ ætatis non sunt, alterius tutela regantur. Inde tamen ne inferas tutelam esse juris naturalis; quandoquidem a civili sumpserit incrementum & formam, & jus civile dicatur, quod nec in totum a naturali seu gentium jure recedit, nec per omnia ei servit.

§. impub.

l. 6. ff. de just. & jur.

Ad quid tenetur tutor finita tutela?

Tenetur tutela judicio rationem reddere.

C 6

Cum §. fin. l. 1. §. 3. l. 4.

Cum enim vim ac potestatem in personam pupilli habeat, ejusque res administret, æquissimum est, ut post pubertatem *directa* actione teneatur, & administrationis suæ rationem reddat, deque omnibus iis quæ fecit, cum facere non deberet, item de iis, quæ non fecit: idque præstando dolum & culpam, & quantam in suis rebus adhiberet diligentiam. Dico, *post pubertatem*, quia hæc actio exerceri nequit, nisi finita tutela: absurdum enim esset a tutore rationem administrationis exposci, in qua adhuc ille perseverat. *Contraria vero actione* tutor repetit, quod de suo impendit in rem pupillarem, ne officium suum sit illi damnosum.

TITULUS XXI.

DE AUCTORITATE TUTORUM.

Post traditas Tutelæ species, & qualiter constituentur Tutores, recto ordine sequitur de auctoritate sive potestate Tutorum in pupillos.

Quid igitur est Auctoritas Tutorum?

l. 189. ff. de R. J. l. 3. ff. b. t. **E**st vis illa ac potestas, quam tutores vel ex testamento, vel ex lege, vel per Judicem acceperunt, in persona pupillorum defendenda, rebusque eorum administrandis: quia pupillus nec velle nec nolle in ea ætate, nisi apposita auctoritate, creditur. Vel, est approbatio ejus, quod cum pupillo geritur: Hoc est enim auctorem fieri, inquit Jurisconsultus, cum tutor se probare dicit id, quod agitur. Quæ quidem, ut in tuto sit auctoritas, oportet per Judicem decernatur.

Priusquam se administrationi immisceat, quid facere Tutor debet?

Aurb. quod nunc. C. de

In primis tenetur coram Judice præstare jus-

jusjurandum, quod, quidquid utile pupillo *cur fur. l. 7.*
erit, curabit, cavebit quidquid damnosum. *ff. de ad-*
Tenetur insuper conficere inventarium, seu *min. tut.*
descriptionem rerum omnium, quæ in pa- *l. 24. C. eod.*
trimonio pupilli inveniuntur.

*In quibus causis auctoritas Tutoris necessaria
est, vel non?*

Necessaria non est in iis causis, in quibus hic in pr.
pupillus conditionem suam meliorem facit, nec
periculum est, ne lædatur; veluti in iis con-
tractibus, qui non possunt non utiles esse pu-
pillo; cum pupillus liber sit, & capax civi-
lium, habeatque intellectum aliquem; ut,
si dari sibi stipuletur, aut per traditionem
accipiat; qui in ejus commodum atque uti-
litatem pro pleno repræsentatur; ne scili-
cet, quod in favorem cujusquam est introdu-
ctum, redundet in odium ejusdem.

Necessaria vero eadem est auctoritas in his §. unde in
causis, ex quibus obligationes mutue nascun-
tur, ut in emptionibus, venditionibus, locatio-
nibus, conductionibus, mandatis, depositis;
quia periculum est læsionis, cum obligari
sit periculosum, & æque damno obnoxium,
ut lucro. Similiter, si aliis quid promittat
pupillus, necessaria tutoris est auctoritas;
neque enim aliter deteriore conditionem
suam facit: & si quid damni pupillus ex in- *l. 1. ff. de*
consulto tutoris consilio acceperit, hoc sar- *tut. & rat.*
cire cogitur idem tutor. *dist.*

*Quid, si pupillus sine tutoris auctoritate
contraxerit?*

Tunc quidem is, qui cum pupillo contraxe-
rit, obligabitur, at in vicem pupillus non obli-
gatur. Idque benigna ratione & favore pu-
pillorum receptum est. Claudicabit proinde *§. si tutor.*
eo casu talis contractus: quod sibi imputare *l. 1. §. 29. ff.*
debet, qui cum pupillo contraxit: quippe *de action.*
qui scivit, aut scire debuit, pupillum non *empt. §.*
obli- *pupill. de*
inutil stip.

l. i. ff. de
R. J.

obligari, cum non habeat plenum intellectum. Obligari vero pupillum, proximum pubertati, capacem jam & furandi & injuriæ ex delicto, non interposita tutoris auctoritate, placuit; idque favore Reipublicæ, qui hac in parte favori pupillorum prævalet.

Potestne hæreditatem adire pupillus absque tutoris auctoritate?

§. neque-
tamen.

Non potest, ut nempe bonorum possessionem petere, neque hæreditatem ex fideicommisso suscipere, aliter pupilli possunt, quam si tutoris interveniat auctoritas: licet videri possit lucrosa hæreditas. Idque ob latens sæpe æs alienum, & ne pupillus specie apparentis lucri, facile in damnum incidat: Nam hæres adeundo hæreditatem, statim fit obnoxius legatariis, creditoribusque defuncti, ex quodam quasi contractu. Qua ratione & pupillus suus, licet ipso jure hæres existat: non tamen se immiscet, aut bonorum possessionem petit, nisi auctoritate tutoris, propter periculum.

l. i. §. qui
sunt ff. si
quis omis-
sus.

Quando, & quo pacto, auctoritas Tutoris censetur legitime interposita?

§. tut. au- Si tutor statim in ipso negotio, id est, in
tem l. 25. §. limine ipsius negotii, vel etiam mox eo per-
justum ff. facto, hoc est, antequam alius actus interve-
de acq. hæ- nerit, præsens auctor fiat. Post tempus vero,
red. l. 9. §. vel per epistolam, aut per nuncium, inter-
pen. ff. b. t. posita auctoritas nihil agit propter fraudem,
quæ subesse potest. Interdum quidem absen-
l. i. ff. b. t. tium jussus & ratihabitio valet ac sufficit,
verum illud in tutore, auctoritatem suam
accommodante, locum non habet; ipsum
enim præsentem esse oportere, non tantum
corpore, sed & animo, quia auctoritas ver-
bis interponi debet.

Quid,

Quid, si inter tutorem pupillumque, ex causa tutelam antecedente, lis oriatur?

Tunc, quia ipse tutor in rem suam auctor esse non potest, non magis quam in propria causa testis aut Judex; non prætorius tutor, ut olim, sed curator in locum ejus datur; quo curatore interveniente judicium peragitur, & eo peracto curator esse desinit. Olim ideo tutor dabatur, non curator: quia ad lites, & ea, quæ solemnitatem juris desiderant, explicanda, tutore auctore opus erat: at vero hodie, sublatiis formulis & solemnibus, datur curator.

§. si inter l. 10. ff. de testib.

l. 19. b. r.

TITULUS XXII.

QUIBUS MODIS TUTELA FINITUR.

Ut certis modis Tutela constituitur, ita & certis modis dissolvitur; partim ex persona ipsius pupilli, partim ex persona tutoris.

Quot igitur modis finitur Tutela?

Variis modis: Et primo Pubertate: nempe, si pupilli pupillave puberes esse coeperint, quod fit in masculis post decimum quartum ætatis annum completum, in feminis vero post duodecimum. Qua ætate cum usum rationis habere incipiant, & de rebus suis disponere valeant, poterunt & personam suam regere; quæ proinde alieno non debet subjacere arbitrio.

hic in pr. l. 3. Cod. quand. tut. vel curat. esse d.

II. *Arrogatione*: Etenim pupillus, cum consensu sui tutoris arrogatus, in familiam & potestatem transit arrogantis, ac tutela liberatur: non enim potest unus idemque esse in tutela & patria potestate, non magis quam sui & alieni juris.

§. item finitur l. ult. C. d. rit.

III. *Deportatione*; si pupillus propter commissum flagitium in insulam deportetur: Tu-

§. item b. r. l. 14. in pr. de rit. l. 1.

G. d. aut. Tutela enim, cum civilis & solemnis juris *præst. l. 111.* sit, alibi quam in capite libero & cive Ro-
ff. de R. J. mano consistere non potest. Pupillus autem
d. §. item d. potest deportari, cum delinquere possit; qua-
l. 14. §. 1. tenus tamen illi sensus est: quem aliqui æsti-
 mant ex annorum numero, alii rectius id ju-
 dicis arbitrio committunt.

l. 175. ff. de R. J. IV. *Servitute*; intellige poenæ, vel alia: ut, si pupillus, cum esset libertus, ob in-
 gratitudinem revocatus sit in servitutem a
 patrono, quia tutela non servorum, sed li-
 berorum hominum est propria: Unde servi
 non interveniunt in his, quæ officium per
 liberos homines leges desiderant.

§. ab host. sup. quib. mod. jus patr. pot. sol. V. *Captivitate*; quia captus ab hostibus,
 interim dum non revertitur, liberum ca-
 put non habet, atque ita interit tutela:
 recipitur autem, si revertatur; nam rever-
 sus omnia pristina jura postliminii jure re-
 cuperat, atque ita & tutelam.

§. sed et si usque & §. 5. h. t. VI. *Eventu seu existentia conditionis vel tem-
 poris*, si ad certum tempus datus fuerit tu-
 tor; nam tutela conditionalis, qualis testa-
 mento fieri potest, finitur eventu conditio-
 nis vel temporis lapsu: Solos autem testa-
 mentarios dari posse sub conditione & ad cer-
 tum tempus, diximus supra; ergo legitima
 aut dativa tutela hoc modo non finitur. Cur
d. l. 14. §. 3. vero conditione adveniente, vel tempore fi-
 nito, tutores esse desinant, ratio pendet ex
 voluntate defuncti, quæ strictè servanda; is
 autem diutius tutorem esse noluit.

§. simili modo l. 16. ff. de tutel. l. 196. ff. de R. J. VII. *Morte naturali*, tam pupillorum, quam
 tutorum; quia mors omnia solvit, omnia-
 que jura personalia, qualis est tutela, cum
 persona extinguuntur. Hæres igitur in ipsam
 tutelam non succedit; tamen actio tutelæ
 in eum transeat.

§. minimo. VIII. *Capitis diminutione*. In pupillo qui-
 dem capitis diminutio, etiam minima, pe-
 rimit omnem tutelam, eo quod faciat alieni
 juris,

juris, transferendo pupillum per arrogationem in potestatem patris arrogatoris. Tutoris vero minima capitis diminutio non tollit tutelam testamentariam aut dativam, quia non competunt jure agnationis; non enim prohibet, quominus sit tutor etiam filius familias: sed legitimam tantum cessare faciebat ex eo, quod cessare faceret jus agnationis, quod consequitur onus tutelæ. Sed hodie nec legitima tutela propter minimam capitis diminutionem perit.

l. 9. ff. de his qui sunt sui.

IX. Et postremo desinunt tutores esse, qui a Judice remonentur, ob causas justas, vel qui se excusant, ex justis item causis; de quibus Tituli singulares sunt.

§. fin.

TITULUS XXIII.

DE CURATORIEUS.

Finita tutela, quia puberes, sive masculi, sive foeminae, plerumque adhuc ejus ætatis sunt, ut negotia sua tueri & administrare non possint, cum sit fragile & infirmum hujusmodi ætatis consilium, & multis captionibus suppositum, atque insidiis expositum; ideo dari illis Curatores solent.

tex. hic in pr. l. i. ff. de minor.

Quid est Cura, sive Curatela?

Est potestas in capite libero, ad tuenda atque administranda negotia bonave, vel illius qui pubes factus, adhuc ejus ætatis, ut ea gerere non possit, vel alterius, qui ejusmodi cura indiget, jure civili constituta.

in pr. tit. & §. i.

Quibus & a quibus dantur Curatores: & quod duplex est Cura?

Dantur in primis, masculis quidem puberibus & foeminis viri potentibus, usque ad vigesimum quintum ætatis annum completum: Idque vel a Lege, vel ab ordinario Magistratu, a quo & tutores dantur: Testamen-

to

to vero curator non datur ; quia jus potestatis est mere personale, nec causam bonorum contingit . Unde non debet licere patri disponere de bonis puberum, quibus jam est aliquod animi consilium ; neque enim voluit Lex XII. Tabularum vim & effectum patriæ potestatis, post mortem patris, extendi ultra pubertatem .

l. 6. C. de confirm. A. ist. l. 6. Ethic. *Quid si pater curatorem dederit ?* eum citra inquisitionem Prætor confirmabit . Jus parentum optime liberis suis prospecturum confidit, cum eos naturali propensione, tamquam quid ex se ipso, amet .

Duplex itaque est Cura ; Legitima, & Dativa, nulla Testamentaria, saltem directa .

Danturne invitis adolescentibus Curatores ?

§. item inviti. Non dantur ; cum tales perfectum habeant intellectum ; esset enim quædam veluti famæ læsio & injuria, non permittere libero homini, de se satis confidenti, rerum suarum administrationem . Possunt itaque adolescentes, si velint, absque curatoribus vivere, & si petierint dari sibi curatores, non coguntur hunc vel illum accipere, sed quem elegerint ipsi præterquam in litem, ad quam accipere curatorem coguntur, ne judicium reddatur illusorium, cum minor legitimam personam standi in judicio non habeat, & lata contra indefensos minores sententia non teneat .

Qui insuper sub cura sunt ?

§. Furiosi. Furiosi & prodigi, licet majores viginti l. 40. ff. de quinque annis sint, in curatione sunt agnatorum ; ex Lege XII. Tabularum . Ratio est, 3. & l. 12. quia tales rebus suis superesse non possunt, §. ult. ff. de cum furiosis nulla sit voluntas, nullus sensus . In prodigis est quidem consensus, vedat. §. sed rum ad bona quod attinet, furiosum facere & mente exitum dicuntur ; ideoque consulendum iis capti. fuit, ne in egestatem deducantur . Sed & men.

mente captis, & furdis & mutis, & qui perpetuo morbo laborant, quippe inepti & impares sunt rebus suis administrandis, curatores dantur.

Quamdiu durat in hisce personis cura?

Quoad vitium durat mentis aut corporis, alias tales nullo aut corporis aut mentis vitio præpediti, frustra impediuntur a libera rerum dispositione. Quod in furiosis procedit, modo simpliciter receperint mentem: non etiam, si tantum dilucida habeant intervalla. Nam licet quidem interea sua gerere negotia possint; non tamen cessat cura, ne sit necesse sæpius curatorem constituere. Prodigis quemadmodum decreto Judicis interdicitur bonorum administratio, ne temere contingat aliquem hac nota adspergi: ita & decreto eadem restituenda videtur, ne ex simulata morum mutatione contingat, prodigum in damnum incidere.

Danturne curatores solis puberibus?

Interdum & pupilli seu impuberes curatores accipiunt; ut puta, si legitimus tutor, vel testamento datus, vel a Præfide, non sit idoneus; si non ex fide tutelam gerat, ut removeri debeat; vel si tutor datus, non in perpetuum, sed ad tempus, a tutela habeat excusationem; aut alia justa causa impediatur: his enim casibus dari curator solet, non tutor, quoniam habenti tutorem tutor non datur; sicuti patrem habenti pater alius dari non potest. Tutor quippe, qui vice patris est, persona datur, quæ est individua. Eoque fit, ut plures uni non sint tutores nisi quatenus pro uno habentur veluti simul dati ab initio. Verum curatorem habenti, quominus curator detur, juris regula impedimento non est; tantum enim datur rebus administrandis, non personæ.

Quod

l. 1. ff. G.
l. 6. C. de
curat. fur.

§. inter-
dum. l. 9. C.
qui de re
tut. vel
cur. l. 9. ff.
qui per.
pur. l. 10. §.
1. l. 23. ff.
de tut. G.
cur. dat. l. 4
in quibus
cas. tut. ha-
benti.

Quod si tutor vel adversa valetudine, vel alia necessitate impediatur, quomodo consulatur pupillo?

§. quod si tutor. in fin. h. t. Tunc periculo tutoris, ac decreto Prætoris vel Præsidis, si pupillus vel absit, vel, quod tantumdem est, infans sit, qui absentis loco est, perinde ut furiosus, constitui debet Actor, id est, adjutor vel administrator. Ideo vero Imperator, ait constitui potius actorem, quam procuratorem; quod procurator periculo ejus litiget, cujus est causa; actor vero periculo ejus, a quo constituitur, rem gerat: atqui non potest in prædicto casu a pupillo constitui actor, nisi ipse pupillus sit præsens, & possit fari.

l. 124. ff. de R. J.

l. 24. ff. de adm. tut.

T I T U L U S XXIV.

DE SATISDAZIONE TUTORUM ET CURATORUM.

Tutoribus & Curatoribus hæc tria sunt communia: Satisfactio, Rem pupilli vel minoris salvam fore: Excusatio ab onere tutelæ vel curationis & Remotio tutoris vel curatoris, tamquam suspecti.

Quid est Satisfactio, cur necessaria, & quæ?

Satisfactio est cautio, quæ fit datis fidejussoribus de indemnitate pupilli. Non enim satis est, quod bona omnia tutoris pupillo tacite sint obligata, sed oportet insuper cavere, Rem pupilli salvam fore, dato fidejussore.

text. hic in Princ. Cur oppignoratione bonorum non defungitur tutor, siquidem per eam amplius præstet, juxta regulam, *Plus cautionis in re est quam in persona?* Ideo quia Prætorie satisfactiones, quarum una hæc est, personas desiderant pro se intervenientium: & neque pignoribus quis, neque pecunia, vel auri, vel argenti

l. 25. ff. de R. J.

genti depositione in vicem satisfactionis fungitur. Itaque ne pupillorum & eorum, qui in curatione sunt, negotia a curatoribus tutoribusve consumantur, omnibus modis prospectum cautumque est pupillis minoribusve.

l. 7. ff. de
præl. stip.

Coguntur ne satisfacere indistincte omnes?

Nulla modo. Non tutores testamento dati, quia fides eorum & diligentia ab ipso testatore approbata est: quæ approbatio est pro satisfactione. Item tutores vel curatores ex inquisitione dati, satisfactione non onerantur: quia idonei electi sunt, & fides inquisitionis pro vinculo cedit cautionis. Satisfacere igitur coguntur tutores legitimi, vel dati sine inquisitione: alioquin ab administratione prohibentur, & quæ ab ipsis gesta sunt, nullam obtinent firmitatem: imo & remota veri a tutela possunt, sine nota tamen, nisi fraus appareat. Possunt etiam coerceri captis pignoribus, vel mulctæ dictione. Non enim potest dolo carere, qui imperio magistratus non paruit.

§. 1. h. t. l. 4.
C. de tut.
qui satis
non ded.
l. 13. §. ult.
ff. de tut. &
cur. datis.
§. fin. sup.
de Attil.
tut. §. pen.
h. t. l. 199.
ff. de R. J.

Quid, si plures testamento, vel ex inquisitione tutores dati sint, omnesne tutelam gerent?

Eo casu potest unus contutorum vel concuratorum offerre satisfactionem de indemnitate pupilli vel adolescentis, ut sic causa cognita cæteris præponatur, ut & solus administret. Quod si plures satis offerant, præferetur magis idoneus.

§. sed si ex
test. l. 4. C.
de tut. qui
sat. non
ded.

Quid, si nemo eorum satis offerat?

Tunc si quidem adscriptum fuerit a testatore, qui gerere debeat, ille solus administrabit: vel, si non fuerit adscriptum, quem major pars elegerit. Sin autem ipsi tutores dissenserint circa eligendum, tunc Prætor partes suas interponet, ac definiet quis debeat.

§. quod si
nemo l. 26.
§. 1. l. de
test. tut. l.
3. in fin. ff.
de adm.
tut.

beat administrare . Si nec Prætoris definitioni acquiescant, & malint omnes gerere, (quia fidem non habeant electo ,) quam succedendi esse alieni periculi, omnibus permittetur administratio . Cavendum tamen, ne se mutua distinctione & æmulatione impedian.

Solent tutores vel curatores administrationis nomine tenentur?

§. sciendum. Sciendum est, non solum tutores, vel curatores, qui gesserunt, singulos in solidum conveniri a pupillis vel adultis posse; sed & iis non sufficientibus, eos qui non gesserunt, tum hæredes tutorum vel curatorum, deinde fidejussores & eorum hæredes. Qui omnes si non sufficiant, excussione facta, tunc in ipsos Magistratus, qui aut omnino satisdari non curaverint, vel non idonee passi sint caveri, subsidiaria actio est: quæ datur in subsidium & ultimum refugium, atque etiam in Magistratum hæredes extenditur.

tit. C. de magistr. conven.

At quomodo in hæredes?

l. 4. & 6. ff. Non quidem illi similiter tenentur, ut de magistr. ipsi Magistratus; nam nec hæres tutoris negligentiae nomine tenetur: nam Magistratus in omne periculum succedit, hæres ipsius dolo proxime culpæ succedaneus est.

conven.

Cui incumbit ejus rei probatio?

§. pen. b. t. Non pupillo incumbit, ut doceat, fidejussores solvendo non fuisse, cum acciperentur: sed Magistratibus, ut doceant, eos solvendo fuisse. Qui tamen, si ab initio tutorem dederint idoneum, vel satis exegerint, quamvis postea lapsi sint facultatibus tutores vel fidejussores; nihil est quod eis qui dederunt, imputetur: non enim debent Magistratus futuros casus & fortunam pupillo præ-

l. 1. §. 11. & 13. ff. d. t.

l. 186. ff. de R. J.

præstare, cum non possint vitari, & impossibilium nulla sit obligatio.

Quinam Magistratus hac actione convenire possunt?

Illi soli, qui satisfactionem solent exigere, quales sunt inferiores Magistratus; non autem majores, quibus jus dandorum tutorum est, cujusmodi sunt Præfectus Urbis, Prætor, Præses provinciæ; quoniam hi ex aliorum relatione tutores dare, & fidejussores admittere solent.

Text. hic in fin. l. 1. §. 1. & 2. ff. d. 1.

T I T U L U S XXV.

DE EXCUSATIONIBUS TUTORUM, VEL CURATORUM.

Quamvis Tutela ac Cura sit munus publicum, & gerere tutelam extra ordinem cogi tutor possit; tamen ex certis causis conceditur excusatio & vacatio ab onere tutelæ vel curæ.

Quid est Excusatio?

E*st allegatio justa legitimæ causæ, quæ quis a tutela, jure data, liberari intendit. Quibus enim casibus tutela jure data non est, ea inutilis est ipso jure, neque opus est excusatione. Alias, postquam tutori jure decreta est tutela, adeo necessarium est illius munus, ut nec quispiam illud detrectare possit, nisi justas excusationis suæ causas adferat.*

l. 1. ff. de adm. tut.

Quot sunt Excusationum causæ?

Variæ, quæ partim ad fortunam referri possunt, veluti numerus liberorum, numerus tutelarum, paupertas, administratio rerum Fisci, absentia Reipublicæ causâ, Potestas, Militia: vel ad animum, ut lis tutoris cum pupillo, injuria, inimicitia capita-

pitales inter patrem pupilli, & tutorem, imperitia litterarum, professio artium liberalium; vel ad corpus, ut adversa valetudo, ætas major septuaginta annis, &c. Justinianus hic septemdecim causas proponit hoc ordine.

*Tex. hic in
pr. l. 1. C.
qui num.
lib. se ex-
cus.*

I. Est Numerus liberorum, trium Romæ, in Italia quatuor, in Provinciis quinque, & quidem superstitum. Cum ratio consistit in cura & sollicitudine propriorum liberorum: ut æquum non sit, patrem ab illa naturali cura distrahi, & suis relictis, opem impendere extraneis.

Qui liberi profunt, vel non profunt.

§. sed adoptivus.

Profunt liberi ex legitimis nuptiis procreati; illegitimi vero, vel adoptivi, non profunt, quia per eos non augetur Respu-

l. 2. §. 3. C.

blica, ideoque eorum nomine præmium nul-

l. 7. ff. b. t. l.

lum debetur. Deinde adoptivi profunt na-

§. adopt. ff.

turali patri, non debent autem duobus si-

de vacat.

mul prodesse. Nihil interest, in potestate

l. 2. C. qui

sint liberi, an emancipati, primi gradus,

null. se ex-

vel ulterioris: nam & nepotes ex filio pro-

cus. l. 170.

sunt avo, mortuo ipsorum patre, ita ut

§. 1. ff. de

plures pro uno reputentur, & patrem re-

V. 5.

præsentent. Dico, *ex filio*, nam nepotes ex

filia non profunt, quia non sequuntur avum.

Excusantne liberi defuncti?

§. filii ar-

Soli superstites ad tutelæ vel curæ excusa-

tem super-

tionem profunt: defuncti non profunt, nisi

stites, l. 18.

in acie amissi fuerint. Hi enim, qui pro

ff. b. t.

Republica ceciderunt, in perpetuum per glo-

riam vivere intelliguntur in animis homi-

num admirantium; & soli profunt; non

etiam ii, qui per causam belli parentibus

§. item D.

abrepti, in obsidione forte pericrunt.

Marcus 8.

II. *Administratio rerum Fisci*: Ita enim D.

§. 1. ff. de

Marcus Antoninus (qui Philosophi nomen

vac. mun.

sortitus est) in Semestribus rescripsit, eum,

l. 41. ff. b. t.

qui

qui res Fisci administrat, a tutela, vel cura, quamdiu administrat, excusari posse. Ratio hujus est, quia Procurator fisci (quem vocamus *Tresaurarium Principis*) munus gerit personale & publicum, quod & corporis labore, & animi sollicitudine vigilantiaque perficitur & exercetur: ut merito ab alio se excuset, quamdiu administrat. Cessante autem administratione, cessare etiam debet excusatio.

III. *Absentia Reipublicæ causa*. Ratio posita est in favorem Reipublicæ, cujus utilitas per tutelæ munus impediretur imminuereturque. Quare si fuerint tutores, vel curatores dati, deinde Reipublicæ causa abesse cœperint, a tutela, vel cura suscepta excusantur, quamdiu absunt, & interea eorum loco datur curator: at reversi statim recipiunt onus tutelæ. Quod autem aliquibus post reditum, anni concedatur vacatio, hoc intelligendum de nova tutela suscipienda, non de veteri, ante absentiam suscepta, post reditum recipienda & perficienda.

IV. *Potestas conjuncta cum dignitate*: qualem ii habent, qui sunt in imperio Magistratus, & majorem honorem gerunt: qui quidem a suscipienda tutela se excusare possunt, susceptam tamen deferere non possunt. Ædilitas non excusat, sicut nec Senatorius ordo sine potestate. Magistratus municipales, qui interdum *potestates* dicuntur, olim non erant immunes a tutelæ onere; siquidem dari poterant tutores, sed excusationem habebant. Magistratus vero qui nondum administrat, sed administraturus est, tutelæ excusationem non habet, quemadmodum neque is magistratus, quem quis jam deposuit.

V. *Lis tutoris vel curatoris cum pupillo vel adulto*, de bonis omnibus, vel maxima eorum parte, vel si de hereditate controver-

§. item qui reip.

l. 4. & seq. ff. ex quib. caus. major.

§. & qui potestatem l. 15. & 17. ff. b. t. l. 275. ff. de V.S. d. pen. d. qui pec. tut. vel curat. l. 6. §. 16. ff. b. t. l. 13. & 15. ff. eod.

§. item

tem l. 10. & seq. ff. b. t. l. 16. C. eod.

sia sit : quia qui talem litem exercent, sæpe inimici solent esse capitales : atqui non expedit pupillo tutorem habere inimicum . Dico , *de omnibus bonis* ; nam , si de una aliqua re lis oriatur , ea olim non excusabat tutorem . Hodie non tam excusat , quam omnino removet a tutela ; nisi sit mater & avia , quæ videntur esse extra omnem suspicionem . At tutor , qui litem habet , facile posset lædere minorem , quem , cujusve res in potestate habet .

Novell. 71. §. 194. §. tutelæ non affectatæ , vel curæ , præstant vacationem , quamdiu administrantur , quia item tria l. 2. §. ult. tutor curatorve aliis & istis non posset com- & seq. ff. mode superesse : nisi affectaverit suscipere ; eod. affectatæ enim tutelæ , id est , modici patri-

monii , non censentur oneri esse , uti nec honorariæ ; plures siquidem tutelas non facit numerus pupillorum ; sed patrimoniorum separatio , & conficiendarum reddendarumque rationum difficultas . Ideo , si tres sint fratres consortes , id est , quorum indivisum adhuc est patrimonium , una erit tutela ; sin tres distortes , tres tutelæ erunt .

§. sed & VII. Paupertas , non quælibet , sed tanta , propter l. ob quam quis imparem se oneri injuncto pos-
7. & 40. §. sit docere , ut quis vitæ suæ necessaria in
1. ff. b. t. dies conquirere debeat , & tales sint pupilli facultates , quæ non permittant tutorem ab administratione abscedere .

§. item pro- VIII. Adversa valetudo . Igitur si quis fu-
pter ad- rore aut fontico morbo ita affectus sit , ut
vers. l. 10. ne quidem suis negotiis superesse possit , a
§. fin. cum tutela excusatur ; incivile enim est , ut , qui
2. l. seq. ff. alieno auxilio in suis indiget rebus , alios
b. t. l. 1. C. regat . Cæterum prout valetudo est , vel ad
qui morbo. tempus , vel in perpetuum , ita conceditur excusatio .

§. similiter IX. Impertia literarum , negotiorum impe-
l. 6. §. ult. ritæ conjuncta . Nam , si rerum forensium sit
ff. b. t. Vult. peri-

peritus tutor, licet litterarum imperitus, *ejus l. di-*
 poterit ad administrationem tutelæ sufficere, *scép. c. 2.*
 cum possit vicaria opera amicorum, vel no- *Duar. l. 1.*
 tariis uti, in conficiendo inventario & con- *disp. c. 3.*
 scribendis rationibus, quarum confectio tam
 difficilis non est, quam negotiorum procuratio.

X. *Injuria seu malevolentia testatoris.* Nam
 si pater propter inimicitias aliquem testa- *§. Item*
 mento tutorem dederit, ut eum implicet pe- *propter ini-*
 riculo negotiorum, quæ fortassis & eo nomi- *micitias,*
 ne reliquit intricatiora, magis sollicitus, *l. 6. §. 17. ff.*
 ut adversarium supponat debito, & labori, *b. t. vers.*
 quam ut pupillo prospiciat, hoc ipsum præ- *sicut, l. 18.*
 stat tutori excusationem: Sicut per contra- *§. ult. ff. de*
 rium non excusatur, qui se tutelam admi- *falsis.*
 nistraturum patri pupillorum promisit; fi-
 dem enim servare debet, cum consenserit
 voluntate testatoris.

Quid, si quis dicat se ignotum patri pupillorum?

Divi Fratres rescripserunt, hujus non esse *§. non esse*
 admittendam excusationem. Nam licet tu- *autem, l.*
 tela fere semper soleat committi notis, & *15. §. 14.*
 quidem amicis; tamen nonnumquam etiam *ff. b. t.*
 ignoti & tutores dantur, & hæreses scri-
 buntur. Bene noti sunt, qui meritis afferun-
 tur, & fama teste laudantur.

XI. *Inimicitia capitales*, quas tutor cura- *§. inimici-*
 torve cum patre pupilli vel adulti exercuit, *tiæ, quas*
 necdum reconciliatione sopita, ne paterno
 inimico pupillus committatur. Nam iratus
 nocere cupiet, vel læsus ulcisci se volet.
 Plerumque enim id accidit; ut inimicitias
 consequatur nocendi voluntas.

XII. *Controversia status*, seu lis de liber- *§. Item is,*
 tate aut ingenuitate, a pupillorum patre *qui l. 6. §.*
 mota; quia ex tali controversia oriri solet *pcn. ff. b. t.*
 capitalis inimicitia. Idem est, si tutor pu-
 pillo, vel curator adolescenti eandem mo-
 verit quæstionem, modo non fiste vel per
 collusionem, ut a tutela curave excusaretur.

Metuendum enim, ne injuriam & a patre factam filio rependat, & sic odio patris pupillus damno afficiatur.

§. Idem XIII. *Ætas major septuaginta annis*: quæ non solum a tutela & cura, sed & a cæternis personalibus muneribus præstat vacationem: quia senectus, tamquam morbus perpetuus & insanabilis, per se gravis est, & quidem exigit. Sunt enim *bis pueri* senes; ita ut non possit per eos sat recte consuli pupillis, cum sibi ipsis non sufficiant.

Quid, de minore viginti quinque annis?

Vers. minores autem Olim quidem excusabatur; sed Justiniani Constitutione prohibetur ad tutelam vel curam adspirare, adeo ut nec excusatione opus sit. Qua Constitutione cavetur, ut is tantum ad tutelam curamve vocetur, qui perfectæ ætatis sit, cum sit incivile eos, qui alieno auxilio in rebus suis administrandis egere noscuntur, & ab aliis reguntur: aliorum tutelam vel curam subire.

§. idem & XIV. *Militia*: Nam & milites, uti minores, nec volentes, ad tutelæ onus admittuntur; idque ideo, ne a signis & castris avocentur, atque ita Respublica detrimentum sentiat. Veterani vero, qui scilicet honeste missi sunt, & sacramento soluti perpetuo excusantur a tutela Paganorum, non vero a tutela una filiorum conveterani. Cæteri autem tantum anni vacationem habent. Ignominiose missi perinde habentur, ac si numquam milites fuissent: non ergo excusantur ab oneribus, licet ab honoribus excludantur.

§. item Romæ XV. *Professio artium liberalium*. Et enim Romæ Grammatici, Rhetores & Medici, & qui in patria sua has artes exercent, & intra numerum sunt decreto ordinis probati & cooptati, a tutela & cura habent vacationem. Quam tamen qui in aliena patria docent, non habent, nisi admodum excellent in

in sua arte: neque legum Doctores, nisi in consilium Principis sint assumpti, aut profiteantur Romæ; quæ & habetur & est communis patria.

XVI. *Onus tutelæ prius gestæ excusat a cura.* Qui enim tutelam alicujus gessit, invitus curator ejusdem fieri non compellitur; ne quidem si testator in testamento adjecerit, se eundem curatorem dare (ex rescripto Severi & Antonini) cum satis abundeque sufficiat, si cui vel in una re per amici laborem consulatur, cum sit omnium officiorum tandem finis aliquis.

§. qui tutelam
la ff. l. 39. §.
1. ff. h. t. l.
20. C. eod.

XVII. *Maritus uxori suæ curator datus; excusare se potest, licet se immisceat: imo etiam debet, nisi removeri velit.* Nec quidquam obstabit, quod se immiscuerit administrationi; licet alias non audiatur excusatio ejus, qui administrationem tutelæ semel suscepit; ea ratione, quia maritus indulgentia uxoris fretus, male versetur in curatione bonorum receptorum. Hæc enim bona, cum uxor dotem marito daret, in bonis suis retinebat, eaque recipere dicebatur; in his bonis maritus officio curatoris fungi nequit.

§. iidem
rescripserunt.

Potest tamen ejus esse procurator: cur non tutor? quia ille revocari potest pro arbitrio constituentis; hic non desinit esse tutor, nisi postquam minor factus est major. Quod si ante curator removeatur, fieri non potest sine suspitione doli aut culpæ, quæ inter conjuges locum habere non debet.

l. 2. C. qui
dare tut.
poss.

Quid, si quis excusare se volens, plures habeat excusationis causas?

Tunc, si de quibusdam non probaverit, aliis uti intra tempora constituta non prohibetur; cum alias nemo prohibeatur uti diversis defensionibus sive exceptionibus, quæ naturali æquitatē comparatæ sunt ad vitandum damnum.

§. qui aulicis
tem vult.
l. 21. ff. h. t.
l. 43. ff. de
R. J.

Excusare se volentes possuntne appellare?

vers. quia Non possunt: sed necesse habent proponere
excusare re prius excusationem, ubi resciverint, se
l. 1. §. 1. ff. tutores vel curatores datos. Quod si causa
quando ap- excusationis fuerit relicta, tunc poterunt
pell. ab hoc gravamine appellare.

Intra quod tempus proponenda est excusatio?

d. vers. Intra quinquaginta dies, numerandos ab eo
quia excu- tempore, quo cognoverint, se tutores vel
sare. l. 6. C. curatores datos. Et hoc si in eadem civita-
b. t. l. 8. ff. te sint, vel intra centesimum ab urbe lapi-
qui dare dem morentur. Si vero ultra centesimum ha-
tut. l. 154. bitent lapidem a loco tutelæ, in singulos
ff. de V. S. dies vicena millia passuum iis conceduntur,
donec veniant ad locum, ubi tutores dati
sunt, & amplius triginta dies; qui tamen
l. 13. §. 1. C. ita debent computari, ne minus sint, quam
38. ff. b. t. quinquaginta dies. Nam absurdum esset, me-
liori conditione esse præsentis, vel qui pro-
pius absunt, quam qui longius. Peragi au-
tem totum negotium hujus disceptationis de-
bet a die nominationis intra quatuor men-
ses continuos.

*Quid, si quis falsis allegationibus excusationem
tutelæ meruerit?*

§. fin. b. t. Talis non liberatur onere tutelæ, sed pœ-
si tut. vel næ nomine ex tempore dationis, non au-
cur. fal. al- tem quo scire cœpit, periculo tutelæ ob-
lég. l. 22. C. stringitur. Ita eum postulat favor minoris,
de excus. & ne cuiquam dolus suus profit. Qui vero
tut. veris allegationibus excusationem tutelæ me-
ruit, liberatus est periculo omissæ admini-
strationis.

DE SUSPECTIS TUTORIBUS, VEL
CURATORIBUS.*Quibus est jus cognoscendi de suspecto?*

Romæ competere jus illud (ex Lege XII. Tabularum descendens) solet Prætori, in provinciis vero Præsidibus earum, & Legato Proconsulis. Idque ob favorem & utilitatem pupilli singulariter receptum est, ut aliis quoque hæc de suspecto cognitio mandari & delegari possit.

Si vero quid erit, quod majorem animadversionem exigat, rejicere Legatus apud Proconsulem debet; neque enim animadvertendi, coercendi, vel atrociter verberandi jus habet. Nemo, enim potest gladii potestatem sibi datam, vel jus alterius coercionis, ad alium transferre. Quoniam ea potestas non jure magistratus, sed specialiter lege defertur.

In pr. tit. l. 1. §. 3. ff. b. t. l. 4. ff. de off. ejus cui mand. est jur. l. 11. ff. de off. proc. l. 70. ff. de R. J.

Quinam tutores suspecti fieri possunt?

Possunt omnes fieri suspecti, siue sint testamentarii, siue non sint, sed alterius generis tutores: si utrique fraus ac segnitie illorum re ipsa se prodatur, licet alias a testatore, aut a Magistratu fuerit approbata eorundem fides diligentiaque. Quare & si legitimus fuerit tutor, accusari poterit: quamvis propter necessitudinem, quæ tali tutori cum pupillo intercedit, consultum fuerit; curatorem ei potius adjungi, quam eundem notata fide & estimatione removeri. Idem dicendum de patrono, removeri quidem, ut suspectum, posse, dummodo famæ ejus parcat. Nam adversus parentes vel patronos non sunt instituendæ actiones famosæ, sed præst. temperandæ actiones in factum.

§. ostendimus. l. 9. ff. b. t.

l. 11. §. 1. ff. de dolo, l. 5. ff. de obseq. patr.

Qui vero suspectos postulare seu accusare possunt ?

§. confes-
siones.

Sciendum est, suspecti accusationem non quidem publicam esse (quia non descendit ex lege aliqua publici iudicii) sed quasi publicam, hoc est, omnibus de populo patere, quatenus alias sunt idonei. Qua ratione non passim admittuntur mulieres, sed ex solæ, quæ pietatis necessitudine ductæ, ad hoc procedunt, ut puta, mater, nutrix, avia, soror, & si qua alia fuerit propensa pietate in pupillum, sexus verecundiam non egressa. Nam naturalis pudor mulierem non omnibus perperam se manifestare concedit.

l. 1. C. de
contr. stip.
§. impube-
res l. 7. ff. &
l. 6. C. h. t.

Impuberes quidem non possunt tutores suos suspectos postulare; tum quia iudicium ejus desit, tum quia legitimam standi in iudicio personam non habeant. Puberes autem curatores suos suspectos arguere possunt, dummodo ex consilio necessariorum seu amicorum id faciant, ne alias ætatis lubrico ducti, temere notent curatores.

Quis dicitur suspectus, & ex qua causa?

§. suspecto
& §. fin.
h. t.

I. *Qui non ex fide tutelam gerit.* Et talis continuo removeri ab administratione debet, licet idoneus & solvendo sit aut satis offerat: neque enim satisfactio tutoris propositum malevolum mutat, sed diutius grassandi in re familiari facultatem præstat. Et expedit pupillo habere rem pupillarem salvam ab initio, quam post remedium querere, & in tutorem agere.

l. 5. & 6.
ff. h. t.

l. ult. h. t.
& l. 8. ff.
ead.

II. *Qui moribus talis est, ut suspectus sit:* qui etiam antequam incipiat tutelam gerere, removeri quasi suspectus poterit. Alioqui tutor vel curator; quamvis pauper sit, fidelis tamen & diligens, removendus non est quasi suspectus. Non enim, cum de fide agitur, culpanda est hominis fortuna; potissimum cum paupertas non obstat, quin aliquis

quis sit frugalis rerum dispensator. Si tamen ita egenus sit tutor, satius erit ei curatorem adjungi, quam eundem læsa fide & estimatione removeri.

Suntne aliæ causæ, ob quas quis ut suspectus removetur & gravius punitur?

Sunt hæ tres: I. Si tutor copiam sui non faciat: sed latitet, ne alimenta pupillo decernantur. Quo casu non solum removetur ut suspectus, sed & mora seu contumacia ejus coercetur, misso pupillo in possessionem bonorum ipsius tutoris. §. si quis tutor cum seqq.

II. Si præsens neget per mendacium; alimenta pupillo posse decerni, propter inopiam: quo casu mitti jubetur ad Præfectum urbis puniendus poena corporali, quam infligere non poterat Prætor. l. 3. §. 14. & seq. ff. h. t.

III. Qui data pecunia ministerium tutelæ acquisiverit vel redemerit. Quo etiam casu remittitur ad Præfectum urbis puniendus: sicut & libertus, si fraudulenter tutelam filiorum vel nepotum patroni gessisse probaretur: est enim hæc species ingratitude, ob quam sæpe libertus in servitutem revocabatur. Nam quo quis plenior indulgentiam est expertus, eo graviores scelere suo poenam meretur. §. 11. & 12. h. t. l. 3. §. 17. ff. ad S. C. Syl.

Quæ alias est poena tutoris remoti ut suspecti?

Si quidem ob dolum, sententia expressum, quia scilicet dolose & perniciose in rebus pupillaribus fuerit versatus, aut ex iis interceperit aliquid, famosus est; ob culpam non æque, id est, ob levem culpam sive se- gnitiam, aut inertiam remotus, non notatur infamia. Ideoque solet Prætor causam remotionis exprimere; quæ si expressa non sit, censetur remotus citra infamiam. §. suspectus, l. 3. §. ult. l. 4. ff. h. t. l. ult. C. eod.

Pendente cognitione suspecti quis administrat?

§. *si quis autem.* Quamvis regulariter nemo soleat, pendente judicio, deturbari possessione rei controversæ; tamen si tutor suspectus postuletur, interdicitur administratio, ejusque in locum sufficitur curator, qui administrat. Ratio hujus juris singularis posita est in favorem pupilli, & justo metu, ne tutor suspecti judicio irritatus, grassetur in bonis pupilli.

§. *sed si suspecti.* Sed si pendente suspecti cognitione, humanitus quid tutori contigerit, extinguitur suspecti cognitio, nec quidquam ad hæredes transit, quia crimen extinguitur morte; ff. *de adm. leg.* Permittitur tamen hæredibus accusati, innocentiam ejus purgare, Judicis sententia declarandam.

FINIS LIBRI PRIMI.

INSTITUTIONES

IMPERIALES

EROTEMATIBUS

DISTINCTÆ ET EXPLICATÆ.



LIBER SECUNDUS.

TITULUS I.

DE RERUM DIVISIONE, ET ACQUIRENDO
IP SARUM DOMINIO.

Superiore libro de Jure Personarum exposuimus; nunc videamus de Rebus, quod alterum est Juris objectum, quo pacto eæ dividantur, acquirantur, & per quas personas.

Quotuplex igitur est divisio rerum?

TRiplex proponitur a Justiniano; duæ *hic in pr.*
hoc Titulo & tertia Titulo sequenti.

I. Quod Res vel in nostro patrimonio, vel extra patrimonium nostrum habeantur. *l. 49. ff. de V.S.*
In patrimonio nostro, id est, in bonis nostris habentur eæ res, quæ sunt in hominum commercio, quæve humani juris esse dicuntur: Extra patrimonium esse dicuntur, quæ sunt extra commercium, quæve divini juris esse dicuntur; & nullius in bonis.

II. Quod Res quedam naturali jure communes sint omnium, quedam Publicæ, quedam universitatis, quedam Nullius, pleræque Singularum. Nam dilatat seu explicat hæc divisio superiorem; ut scilicet earum rerum, quæ extra patrimonium alicujus privatum sunt, quedam sint communes, &c. quedam privatorum propriæ, sive in privato cujusque patrimonio.

III. *Quædam præterea res corporales sunt, quædam incorporales.* Hæc quoque divisio explicat sive ampliat præcedentem, quod nimirum in bonis & patrimonio singulorum habeantur etiam res incorporales; de qua Titulo sequenti.

Quæ sunt res communes?

§. & qui- *Quæ naturali jure, id est gentium, commu-*
dem natu- *nes sunt omnium: sive quarum proprietas natu-*
rali. *lius est, usus autem omnibus patet, ut aer,*
aqua profluens, mare, & per hoc litora maris.

Aer quidem communis est ubique, & quid-
l. 3. ff. ne *quid in aere capitur, ut avis. Aqua pro-*
quid in lo- *fluens, id est aqua fluminis, quia non præ-*
co publ. l. *fluens juris est privati. Litora maris sunt*
96. & 112. *communia, uti & mare. Quod vero Celsus*
ff. de V. S. *ait, litora esse populi Romani, id acci-*
piendum non quoad proprietatem, sed quoad
jurisdictionem: cum litora, attingen-
tia limites imperii Romani, eidem subint.
Quomodo hodie dominium maris ratione ter-
ritorii vindicare sibi. Reges, Principesque
solent: atque hinc jura evectionum & inve-
ctionum.

Potestne quis prohiberi accedere ad litus maris,
vel in eo exstruere?

vers. nemo *Non potest: dum tamen a villis & monu-*
igitur l. 14 *mentis & ædificiis, in litore positis, absti-*
ff. de acq. *neat; quia non sunt juris gentium, sicut est*
rer. domin. *mare. Igitur, si in litore quis exstruxe-*
& l. 50. ff. *rit, manet dominus ædificii, quod ei non*
cod. *recte aufertur; quamvis non ideo se-exime-*
re queat jurisdictione vicini populi. Ad
hoc autem, ut exstruere valeat in litore
vel mari, opus habet decreto Prætoris: quia
non est proprie ille usus litorum, cum usus
fit ad tempus, ædificatio in perpetuum.

Quæ sunt res publicæ.

Quorum proprietas est alicujus populi, usus l. flumina, autem omnium, at flumina pene omnia, & l. 1. §. 1. ff. propter hæc portus; Ideoque jus piscandi ac de flumina, navigandi omnibus commune est in portu fluminibusque. Dico, flumina pene omnia esse publica: quia quædam sunt privata, quæ non sunt perennia.

Portus est locus conclusus, quo importan- l. 50. ff. de tur merces & inde exportantur, atque ibi V. S. naves a procellarum impetu defenduntur.

Quid juris est de ripis?

Earum quidem usus publicus est jure gen- §. riparum- tium, sicut ipsius fluminis; proprietas vero privata, eorum scilicet, quorum prædiis hærent: ea ratione, quia onus muniendi ripam illis incumbit, qui propinqua prædia possident. Sed neque usus riparum publicus est, verum eatenus dumtaxat, quatenus utendi fluminis ratio postulat. Quare arbores ibi natas cædere non omnibus licet, sed tantum riparum dominis. At naves ad eas appellere, & funes ex arboribus ibi natis religare, cuilibet liberum est, sicut per ipsum flumen navigare.

Quæ sunt res Universitatis?

Quæ ejusque civitatis vel alicujus collegii §. univer- sunt propria: deserviunt vero singulorum casti- sitatis. bus. Hujus generis sunt theatra; stadia, so- l. 6. §. 1. ff. rum, curia, viæ publicæ, & si quæ alia h. t. l. 15. & communia sunt civitatum, quæ abusive Pu- l. 17. ff. de blica vocantur: sola enim publica sunt, V. S. l. 2. quæ populi Romani sunt. Deserviunt quidem §. 2. Ne hæc, quæ civitatum sunt, privatorum usi- quid in bus; non quasi propria cujusque, sed jure loc. publ. civitatis, & tantum juris habemus ad obtinendum, quantum cuilibet ex populo ad prohibendum habet.

Quæ

Quæ igitur differentia est inter res communes, publicas, & universitatis?

Quod *communes*, quoad proprietatem, sint nullius, usu autem omnibus pateant, etiam externis, cum nulla sit injuria uti eo, quod natura omnibus commune reliquit: quod *publica* proprietate sint alicujus populi, ut occupatione non acquiruntur, quippe occupatæ jam ante a populo, usus vero omnium: quod denique res *Universitatis* & usu & proprietate sint alicujus civitatis aut corporis: quo modo externus ab iis recte secluditur, ut qui nihil juris habet in civitate, aut corpore.

Quæ dicuntur res Nullius?

§. nullius. *Quæ sunt extra commercium hominum; actu scilicet & potestate; seu quæ in nullius sunt bonis, vel esse possunt, neque quoad proprietatem, neque quoad usum: ut quæ divini, vel quasi divini juris sunt ex hominum dispositione. Hujus generis sunt res Sacræ, Religiosæ, & Sanctæ: Quæ nullius fieri possunt, nec ut fiant ulla obligatio valet efficere.*

l. 181. ff. de
R. J.

Quæ dicuntur res Sacræ?

§. sacræ. *Quæ rite per Pontifices Deo consecratæ sunt: veluti ædes sacræ, & donaria, quæ quia Deo dicata, alienari vel obligari prohibentur excepta causa redemptionis captivorum: quia absurdum non est, animas hominum quibuscumque vasis, vel sacris vestimentis præferri. Res vero Ecclesiis donatas, non etiam consecratas, ut ædes, fundos, alienare non licet; nisi ob urgentem necessitatis Ecclesiæ ejusve utilitatis causam, accedente Antistitis & Capituli consensu. Ac sciendum est, privata auctoritate nec res, nec loca fieri sacra: nec vice versa loca*

l. 21. C. de
SS. Eccl.

vers. locus
Plin. lib.
10. ep. 1.

pro-

profanari, quamvis sacræ ædes diruantur, quia religio earum occupavit solum.

Quæ Religiosæ?

Quæ privata voluntate piis usibus, puta mortuo sepeliendo, destinatae sunt. Religiosum enim locum unusquisque sua voluntate facit, dum mortuum infert in locum suum. Dico, in locum suum; quia in locum communem purum invito socio inferre mortuum extraneum non licet. Ex ipsius vero socii licet quem inferre, etiam invitis cæteris, maxime si alius non sit locus, in quem inferatur. Summa namque est ratio, quæ pro religione facit, ne videlicet insepulta jaceant corpora.

§. Religiosum cum
seq. l. 6. §. 6.
& l. 28. ff.
Com. de
vid. l. 2. §.
1. & 4. l. 4.
& l. 43. ff.
de relig.

In alienum autem locum consentiente domino, vel etiam usufructuario (nam & is fundus alienus hic dicitur, cujus usufructus alienus est), licet inferre, & locum religiosum facere: Idem est si ab initio dominus consentiat, si postea ratam habeat illationem. Nam omnis rati habitio retrahitur ad initium, & mandato comparatur. Quid si ab initio consentiat, & postea voluntatem mutet? Hoc non nocebit ei qui intulit. Nemo enim mutare potest consilium suum in alterius injuriam.

§. in alien.
l. 60. ff. de
R. J. l. 10.
de R. J. in
6. l. 75. ff.
de R. J.

Jure vero Canonico sine auctoritate Episcopi locus non fit religiosus, quia is quoque ad unius Dei cultum refertur. Unde infideles, & hæretici, qui se ipsos occiderunt, aut in duello occubuerunt, eo in loco sepeliri non possunt.

Quæ Sanctæ?

Quæ sanctione aliqua adversus hominum injurias munite sunt: & dicuntur quodam modo divini juris, nulliusque in bonis esse: veluti portæ & muri civitatis, quos violare, & alia, quam per portas, egredi

§. sancta l.
4. ff. de ver.
divis. l. fin.
eod. Cass.
l. 12. c. 17.
Text. b. in
via, sine.

via, hostile est iudicatum, & pœna capitis constituta in eos, qui aliquid in muros deliquerint, & munimenta nituntur violare civitatis. Unde & ea legum pars, qua pœna constituta est adversus eos, qui contra legem fecerit, *Sæctio* vocatur.

Quæ denique sunt res singulorum?

§. *singul.* *Quæ in cujusque privato patrimonio sunt; vel quarum dominium acquiri potest singulis, jure aut gentium, veluti per occupationem, inventionem, traditionem, &c. aut civili: per usucapionem, donationem, successionem ex testamento, vel ab intestato. De illo jure prius agitur, quod vetustius & sæculis omnibus viguit, vixitque semper.*

Aristot. l. 1. Suntque ex eo, modi domini acquirendi
1. Rhet. c. 33. varii, qui ad quatuor capita referri possunt: videlicet ad Occupationem, Accessionem: Specificationem, & Traditionem; vel ad tria tantum, cum Specificatio sit accessio quædam, quæ industria fit hominum.

DE OCCUPATIONE.

Quid est Occupatio?

§. *feræ igitur bestie.* *Est apprehensio earum rerum, quæ ante in nullius fuere dominio, neque de facto dominium habeant: & versatur circa capturam ferarum bestiarum; & hostium rerumque hostilium; item circa inventionem gemmarum in littore maris.*

Quid juris in animalium captura?

Feræ bestie, inquit Imperator, & volucres, & pisces, & omnia animalia, quæ cælo, mari & terra nascuntur, simul atque ab aliquo capta fuerint, jure gentium statim illius esse incipiunt. Rationem subjicit; quod enim ante nullius est, id naturali ratione occupanti conceditur.

*Interestne, in suo fundo quis capiat,
an in alieno?*

Non interest, quoniam feræ, quæ super
terram gradiuntur, non terræ, cujus non
censentur pars, cum non hæreant terræ,
aut fundo, sed aeris, in quo spirant, con-
ditione æstimantur: atqui aer omnium est
communis. Nec domini obstabit prohibitio,
quo minus in ejus fundo capta fera fiat ca-
pientis: cum ea non faciat, ut fera ibidem
existens desinat esse communis. Non est ta-
men omnino frustranea talis prohibitio,
quia domino fundi salva est actio injuria-
rum adversus eum, qui contempta prohi-
bitione ingressus fuerit fundum alienum, ve-
nandi aut aucupandi gratia.

l. 3. ff. eod.

*Vers. plane
h. t.*

*l. 13. §. fin.
ff. de injur.*

Quousque fera capta manet capientis?

Quamdiu custodiam non evaserit occupantis:
quam si evaserit, & se in naturalem liber-
tatem receperit, desinit esse occupantis, &
rursus cuivis alteri postea occupanti cedit.
Nam, ut animalium acquisitio possessione
nititur, ita & conservatio, atque amissio
eorundem niti possessione debet; cum con-
trariorum eadem sit disciplina. Cæterum
naturalem libertatem tum demum recipere
intelliguntur, cum vel oculos nostros peni-
tus effugerint, vel ita sint in conspectu,
ut difficilis, vel nulla sit recuperandi spes.
Quis enim manere nostrum dicit (a simili
Pomponius demonstrat) quod avis transvo-
lans, ex area, aut ex agro nostro transtu-
lit? aut quod nobis eripuit?

*§. quid-
quid au-
tem l. 35.
§. 15. ff. de
R. J.*

*tex. b. l. 44.
l. 55. ff. b. t.*

*Fera ita vulnerata, ut capi possit, cui cedit?
Vulneranti, an capienti?*

Trebatio aliisque placuit, eousque vi-
deri vulnerantis, donec eam persequantur:
quasi licere non debeat, feram ab alio vul-
ne-

*§. illud
quæsitum
l. 5. §. 1. ff.
h. t.*

neratam eidem eripere, & vulnerantem, dum eandem persequitur, insidiosè antevertere; quæ sententia hodie inter venatores recepta videtur. Inspecta tamen verborum proprietate, sola vulneratio ante apprehensionem non faciet occupatam videri feram; uti sentit hic Imperator rejiciens sententiam Trebatii, eo quod multa accidere & soleant & possint, ut quis feram, etiam lethaliter vulneratam, non capiat, vel quia occurrens alia fera progredi eum vetuerit, aut vulneratam eripuerit, vel quia persequendo in tam aspera concesserit loca, ut investigare amplius non potuerit.

Eademne in feris omnibus animalibus quoad dominii acquisitionem est ratio?

§. apium l.
26. ff. de
furt.

Non est: nam animalium alia sunt feræ omnino, quæ nullo hominum commercio mansuescunt; ceduntque ea occupanti: alia feræ quidem naturæ sunt, quæ tamen ita mansuescunt, ut a nobis abeant redeantque, avolent, revolentque: veluti apes, pavones, cervi, &c. alia denique mansuetæ ab initio sunt naturæ.

Ergone apium fera quoque natura est;

vers. ex-
am. l. 5. §.
4. ff. de ac-
quir. rer.
dom.

Eas inter volucres refert Imperator, quæ feræ naturæ sunt, & ob id concedi occupanti; Occupatas vero tum demum videri cum alveo inclusæ sunt. Unde si examen apium ex alveo avolarit, in eadem causa erit, in qua fera bestia, quæ custodiam evasit capientis: ut etiam fiat occupatis, si quis in alieno fundo, & ex aliena arbore apes exemerit, quamvis, re integra, a domino ab ingressu fundi arceri possit.

§. Pavonum
num vers.
in iis au-
tem, & d.
l. 5. §. 5.

Quid juris est de cæteris animalibus, quæ natura quidem fera sunt, hominum tamen commercio mansuetæ fieri possunt.

In iis, si quidem ex consuetudine abire & re-

& redire, evolare & revolare soleant, talis regula comprobata est, ut eo usque tua esse intelligantur, donec animum revertendi habeant: quem si habere desierint, etiam tua esse desinent, & fient occupantium. Reverendi autem animum videntur desinere habere, cum eundi ac redeundi consuetudinem deseruerint; censenturque tunc se recepisse in naturalem libertatem.

Quid de animalibus naturæ mansuetæ seu domesticis?

De iis traditur hæc regula; Ea nostra intelligi & manere, quocumque loco sint; licet conspectum nostrum effugerint. Et proinde, si quis lucrandi animo ea animalia occupet ac detineat, furtum committere intelligitur, cum non censentur habere animum vindicandi se in libertatem, uti superiora: Nec obstat, quod res minima sit, quia non res furto ablata, sed mens furantis attenditur. §. gallinar. l. 37. ff. de furt. Nov. 69. cap. 1.

Cur autem apes, columbæ, pavones, feri sunt? gallinæ, & anseres, domestici?

Quia, ut recte Justinianus hoc §. aliæ quoque gallinæ sunt, quas feras; alii anseres, quos feros vocamus. Estque regula Phisicorum, animalia esse domestica; quibus alia ejusdem speciei opposita sunt fera. Jurisconsulti pro feris ea habent animalia, quæ facillime evolant & aufugiunt. d. §. gallin.

Quid juris est in iis, quæ ab hostibus capiuntur?

Ea jure gentium statim nostra fiunt, siue mobilia sint, siue immobilia; siue inanimata, siue animata, uti jumenta: adeo ut & liberi homines capti in servitutem redigantur, & cedant capientibus. Quod constitutum videtur, ut scelerati homines coercean- §. item ea l. 5. ff. de lib. l. 51. ff. b. t.

tur, justo bello victi: & ut milites reddantur alacriores spe prædæ. Observandum tamen, quod & hic Imperator ait, eos potestate domini evasent, & ad suos reversi fuerint, pristinum statum, id est, libertatem, civitatem, omniaque pristina jura recipere.

Ceduntne eo casu indistincte omnia capientibus?

l. pen. ff. de l. Jul. pec. l. den. §. 1. C. de don. l. 20. §. 1. ff. de cap. Minime: distinguendum enim est inter res mobiles & immobiles. Illæ interdum servatæ victori ejusque arbitrio permittæ, interdum in ærarium relatæ, interdum ab Imperatoribus divisæ inter milites. Immobiles, puta agri, arces, oppida, publicantur, id est, fiunt Principis, aut Reipublicæ, cujus auspiciis bellum geritur.

Lapilli, gemmæ, & cætera quæ in litore maris inveniuntur, cui cedunt?

§. item lapidil. 3. ff. cod. Jure naturali statim inventoris fiunt, cum sint nullius, ejusdemque conditionis cum ipso mari, modo re ipsa occupentur & apprehendantur. Inventio enim fit, non oculis, sed manu, sive non visione, sed apprehensione: unde nihil juris dat videnti, ante possessionem occupatam. Dicitur, *in litore maris*; nam si in itinere publico inveniuntur, habentur potius pro deperditis, & manent pristini domini.

DE ACCESSIONE.

Quid est Accessio, & quotuplex?

§. item ea quæ. Accessio est, per quam res aliena fit alterius, quia ejus res accedat. Estque alia Naturalis, alia Industrialis. Ad Naturalem spectat nativitas, sive foetura animalium; item alluvio, & circumfluvio, sive acquisitio insulæ: ad industrialem specificatio, intextura, confusio commixtioque, ædificatio, scriptu-

ptura ac pictura : ad accessionem denique cum naturalem, tum industrialem, plantatio, satioque, ac perceptio fructuum ex aliena re a bonæ fidei possessore.

Quomodo per nativitatem acquiritur dominium?

Hoc modo foetus seu partus cedit domino animalis vel ancillæ: Et, inquit Imperator, quæ ex animalibus dominio tuo subjectis nata sunt, jure gentium tibi acquiruntur. Partum enim quasi pars ventris est, eumque tamquam accessio sequitur. Prævalet quippe conditio ventris quod & in fructibus terræ videre est, qui jure non seminis, sed soli percipiuntur.

§. item ea
b. t.

l. 5. §. 1. &
l. 79. ff. de
rei vind.

Quomodo per alluvionem?

Quod per alluvionem agro tuo flumen adjecerit: jure gentium tibi acquiritur. Nam Alluvio est incrementum latens, sumpta voce pro eo, quod latenter & paulatim ita adjicitur, ut intelligi non possit, quantum quoque temporis momento adjiciatur: & quod hoc modo adjicitur fundo, sit pars fundi. In quo etiam punitur negligentia eorum, qui prope ripam prædia possident, quia scilicet ripam suam non munierint.

§. Præterea
b. t. l. 7. §. 1.
ff. de acq.
rer. dom.

Cur dicitur incrementum latens?

Quia si vis fluminis de tuo prædio aliquam partem detraxerit, & vicini prælio adjecerit, palam est eam tuam permanere. Nisi longiore tempore fundo vicini hæserit; arboresque, quas secum traxerit, in eum fundum radices egerint. Ex eo enim tempore videntur coalitæ & acquisitæ fundo, a quo etiam aluntur. Estque quod sibi, suæque negligentiae imputet dominus, quia tam diu tacuerit; nec partem agri sui vindicarit. Interim eidem ex æquitate datur in

l. 7. §. 2. &
seq. ff. de
acq. rer.
domi.

l. 5. §. 3. ff.
de rei
vind.

fa-

factum actio, qua pretium ejus quod accesserit, consequatur.

Quid de Insula acquisitione juris est?

§. *Insula* Ea, si quidem in mari nata fuerit (quod
 l. 7. §. 3. & raro accidit) sit communis, uti & ipsum
 l. 29. ff. h. t. mare commune est, nulliusque esse creditur
 ac propterea cedit occupanti: si vero in
 flumine (quod frequenter accidere solet) sit
 eorum, qui ab utraque parte fluminis prope
 ripam prædia possident, si nimirum in medio
 fluminis fuerit nata. Quod si alteri parti
 proximior sit, eorum, qui ex ea parte prope
 ripam prædia possident, quia de horum
 ripis insula illa quasi decerpta est.

Quid, si flumen ita fundum alicujus occupet,
 ut evidenter ibi alveum novum querat,
 relicto priori?

§. *Quod si naturali.* Tum fundi illius dominium mutatur per
 novum alveum; & is alveus, ut flumen,
 sit publicus: prior vero alveus, a flumine
 derelictus, sit eorum qui prope ripam præ-
 dia possident, pro modo scilicet latitudinis
 cujusque agri, quæ prope ripam sit; quia
 ex eorum agris alveus iste olim factus vide-
 d. l. 7. §. 1. tur. Quod si post aliquod tempus ad prio-
 & 5. vers. rem alveum reversum fuerit flumen, tunc
 quod si. novus alveus non reddit ad priorem suum
 dominum; sed & eorum esse incipit, qui prope
 ripam proxima prædia possident. Æqui-
 tas quidem vult eum pristino concedi do-
 mino, at e diverso stricta juris ratio nihil
 domino in hoc novo alveo concedit: quia
 ager totus sit mutatus, & alius factus,
 amissa ejus forma, qua mutata prope inte-
 rire dicitur substantia rei.

*Estne idem jus alluvionis sive inundationis,
 quod alvei novi?*

§. *Alia sane.* Non: nam ager a flumine conversus in al-
 veum,

veum, noster esse definit; & sit Publicus, &
 si rursus a flumine derelinquatur, sit vicinorum. Sed ager inundatione occupatus, manet prioris domini. Ratio differentiae est, quia alveus, cum sit diuturnus, plane mutat formam & substantiam agri. Inundatio, cum fere exigui sit temporis, non item: quamvis inundatio nonnunquam sit perpetua, quæ tunc rei formam immutat.

*l. 10. §. 2. &
 l. 24. ff.
 quibus modis usus-
 fruct. amitt.*

Quid est specificatio, & cui per eam acquiritur dominium?

Est confectio novæ speciei; cum scilicet ex materia vel propria, vel aliena, vel partim propria, partim aliena, nova species constituitur. Ex propria quidem materia species facta ejus est, qui eam fecit. At si quis ex aliena materia speciem novam confecerit, interest, qua fide id fecerit, malane an bona. Nam, si mala fide, species ad materiæ dominum pertinebit. Itaque si quis ex uvis meis mulsum fecerit, vel ex olivis oleum, vel ex lana vestimentum, cum sciret hæc esse aliena, tenebitur eo nomine actione ad exhibendum: quia quod ex re nostra fit, nostrum esse verius est.

*§. cum ex aliena.
 l. 12. §. 3. ff.
 ad exhib.
 l. 7. §. 7. ff.
 b. t.*

Quid ergo, si bona fide ex aliena materia species aliqua facta sit?

Diversæ olim hac de re fuerunt sententiæ. Alii, ut Proculejani, existimabant eum esse dominum, qui speciem fecisset: quippe quæ, antequam facta esset, nullius fuerit in bonis. Alii, ut Sabiniani; eum, qui dominus fuit materiæ, ejus quoque quod ex materia illa factum est, dominum esse credebant, quia, sine materia species nulla effici possit, & quia, quod ex re nostra fit, nostrum esse dicatur.

*Vers. &
 post multam.*

Alii denique, ut Cajus & Paulus, mediam sententiam tenuerunt, quæ & Justiniano hic pro-

d. l. 7. §. 7. l. 85. §. ult.

*de R.J. ubi
in natura-
lium cau-
sarum con-
flictib. me-
dia via
eligenda
est.*

probat, quæque distinctione utitur: ut si species illa ad priorem & rudem materiam reduci possit (veluti vas ex ære vel argento confectum, potest reduci ad rudem massam æris argenteive) vera maneat Sabinianorum sententia, quæ speciem novam, materię tribuit domino, hac ratione, quod eo casu materia videatur prævalere formæ, quæ tantum est accidentalis; sin vero non possit species reduci ad pristinam materiam, ut tunc verius sit, quod Proculejanis placuit, & species cedat specificanti: quia *forma dat esse rei*, ut Physici loquuntur, id est, nova forma ad se rei essentiam trahit, præsertim cum pristina species jam interiisse videatur, eo quod ad suam reduci materiam nequeat.

l. 26. ff. h. t. Et propterea si quis ex meis tabulis navem fecerit, navis non erit mea, sed facientis, quia non manent tabulæ sive quercus: sicuti nec lana, vestimento facto; nec oliva, confecto oleo.

Quid, si partim ex sua materia, partim ex aliena, speciem quis fecerit?

Vers. quod si partim. Hoc casu dubitandum non est, cum esse do-
l. 5. §. 1. minum qui fecerit; cum non solum operam
ff. de rei suam dederit, sed & partem ejusdem mate-
vind. l. 21. riæ præstiterit: veluti si ex melle meo & vi-
ff. de R.J. no alieno factum sit mulsum, ejus erit qui
fecerit, quoniam mulsum speciem pristinam non continet. Itaque cum plus contulerit, quam is, qui tantum ex aliena materia speciem novam fecerit, minus juris habere non debet.

Quid de specificatione accessoria, veluti intextura, est juris?

l. 19. §. 13. Hic recepta est regula, quod accessorium
ff. de aur. seu accessio cedat suo principali, licet pretiosius sit principalis: quia, ut Ulpianus
C. arg. ait, semper, cum quærimus quid cui cedat, istud

istud spectamus, quid cuius rei ornandæ causa adhibeatur, ut accessio cedat principali. Unde si alienam purpuram vestimento suo quis intexuerit, licet pretiosior sit purpura, tamen accessionis vice cedit vestimento. Nec refert, inquit Paulus, quanti rei sit accessio, sive plus in ea sit, quam in ipsa re, cui accedit, an minus: plerasque enim res propter accessiones emimus.

*§. si tamen
h. t. l. 23. §.
2. & 5. ff. de
rei vind.
l. 34. ff. de
contr.
empt.*

Daturne eo casu actio aliqua domino purpuræ?

Datur in factum actio, ad æstimationem purpuræ, adversus eum, qui purpuram suo vestimento intexuerit. Qui, si eandem subripuerit, etiam furti actione, & condictione furtiva tenetur. Rei vero vindicatio non datur domino, quia illa præsupponit dominium, quod in re extincta nullum est: hic autem purpura pro extincta habetur: atqui extinctæ res licet vindicari non possint, tamen a furibus, & quibuscumque aliis possessoribus, recte condicuntur. Inter omnes enim constat, inquit Ulpianus, etiamsi extincta res sit, furti manere actionem adversus furem, non ideo quia nunc abest, sed quia numquam beneficio furis affuerit.

*l. 46. ff. de
furt.*

Quid est Confusio?

Est materialium, ad diversos pertinentium, §. si duo inter se & in unum corpus permixtio: ut vel in aliam speciem migrent, vel difficilis sit earum separatio: ut fit in liquidis. Veluti si qui vina sua confuderint, aut massas argenti, vel auri conflaverint, si ex vino & mele mulsum fiat, ex auro & argento electrum. Quo casu, si materiæ vel ejusdem generis, vel diversæ, dominorum voluntate confusæ sint, totum id corpus, quod ex confusione fit, est commune, ita ut suæ quisque partis in toto sit dominus. Quod si fortuito & non voluntate dominorum confusæ fuerint,

E idem

l. 206. ff. de
R. J.

idem juris esse placuit. Et, si fieri separatio non possit, (uti cum materiæ sunt ejusdem generis) patet quisque pro rata suæ portionis: ita ut & ratio habeatur ejus; si cujus materia pretio prævaleat, isque amplius ferat ex massa: ne alter alterius jactura locupletetur.

Quid est commistio?

§. quod si *Quæ diversæ materiæ junctæ speciem novam frumentum non constituunt, sed singula corpora in substantia sua durant etsi separari possint.* Quo casu si voluntate & consensu dominorum mistura facta fuerit, totum quod mistum est, fit commune, & actio communi dividendo, non autem rei vindicatio, locum habet: si fortuito vel casu frumentum v. g. diversorum misceatur, id non erit commune, sed quilibet, pro rata suæ portionis, partem vindicabit: quia hic non est perfecta confusio, cum singula corpora, id est, singula grana, in sua substantia durent. Et sicut frumentum non fit commune, ita nec grex intelligitur communis, mistura ovium facta, quia singula capita in sua manent substantia, nec tua fiunt mea, nec mea item tua.

*Vers. sed
nec mag.
l. 2. & 3. ff.
d. 1.*

Quid est Ædificatio, & quando est modus acquirendi dominii?

§. cum in *Quando ædificium in suo vel alieno solo, ex suo solo. sua vel aliena materia, extruitur.* Atque ita ædificatio fit vel in suo solo ex aliena materia, vel in solo alieno ex sua materia, vel denique in alieno solo ex aliena materia: & omnibus his modis est modus acquirendi dominii ex jure gentium.

Quid juris, si in suo solo aliquis ex aliena materia ædificaverit?

§. cum in *Tunc ipse ædificans intelligitur dominus ædificii: quia omne, quod solo inædificatur, cedit suo, l. 7. §. 10. ff. b. t. solo.*

solo. Hujus regulæ hæc est ratio, quod ac- *vers. nec*
 cessio cedat principali, ut minus majori. *tamen*
 Pars insulæ (inquit Paulus) arca est, & *ideo l. 21.*
 quidem maxima, cui etiam superficies ce- *§. 6. ff. de*
 dit; Quoniam sine solo ædificium stare non *rei vind.*
 potest.

Hoc tamen casu is, qui materiæ dominus *l. 11. & l.*
 fuit, non desinit propterea ejus dominus esse. *74. ff. de*
 Ideoque ei auferri non debet: sed tantisper, *R. J.*

id est, stante ædificio, neque vindicare ma-
 teriam suam potest, neque ad exhibendum
 de ea re agere, propter legem XII. Tabula-
 rum, quæ tignum alienis ædibus junctum
 eximi vetat, ne hoc prætextu ædificia re-
 scindantur ac diruantur, & urbis aspectus rui-
 nis deformetur. Consequi tamen potest actio-
 ne de tigno juncto duplum pretii: ea ratio-
 ne, quia dominus sine facto suo materia
 sua carere cogatur. Quod si aliqua ex cau-
 sa dirutum sit ædificium, tunc poterit ma-
 teriam suam vindicare, & ad exhibendum
 agere, quippe cessante ratione Legis XII.
 Tabularum, nisi tamen ante duplum fuerit
 consecutus: quia iniquum esset bis idem
 exigere, & simul rem ejusque æstimationem
 petere.

*l. ult. ff. de
 tigno jun-
 cto.*

Quid, si e diverso quis ex sua materia in so-
 lo alieno adificavit?

Eo casu illius fit domus, cujus & solum est: §. ex diver-
 ex jam dicta ratione, solo nimirum, quod *sol. l. 27. §.*
 est principale, ad se trahente materiam, do- *ult. l. 27. &*
 minio ejus quasi extincto. Distinguendus ta- *seq. ff. de*
 men hic est is, qui ædificat bona fide, pu- *rei vind. l.*
 tans suum esse solum, ab eo qui mala fide, *2. §. 5. ff.*
 id est, qui scit se ædificare in alieno. Nam *de dol. ma-*
 in possessione constituto bonæ fidei ædifica- *li except.*
 tore, potest is soli dominum, si petat do- *l. 3. ff. si*
 mum suam esse, repellere exceptione doli *cert. pet. l.*
 mali, sicque sumptus in ædificando factos re- *2. §. 3. ff. de*
 tinere, qui non debent cedere lucro domini *negot. gest.*

cum jactura aliena. Quod si possidere defierit, tunc nec actionem, nec exceptionem, ad sumptus recuperandos habet. Eidem tamen petenti denegandum non est officium judicis, quo consequatur rei suæ æstimationem.

Quid, si sciens prudensque in alieno ædificavit?

l. 2. §. 5. C. de rei vind. Hoc casu materiæ dominus proprietatem ejus amittit; quia voluntate ejus intelligitur esse alienata, & donasse præsumitur: adeo ut diruto ædificio eam non possit vindicare; juxta regulam: *Cujus per errorem dati repetitio est, ejus consulto dati donatio est.* Et potest eidem obijci culpa, quod temere ædificaverit in eo solo, quod intelligebat alienum esse; atque ita nec exceptio doli mali malæ fidei ædificatori prodest; concessum est tamen, ut tollat ea, quæ sine detrimento rei tolli possunt.

l. 53. ff. de reg. jur.

Quid de Planta censes, quam quis a suo vel alieno solo posuerit?

§. si Titius Ea jure soli ejus erit, cujus est solum; ita *l. 7. §. ult. ff. ut ne quidem eruta vindicari a pristino domino possit, dummodo radices egerit; ne ff. arbor.* que enim potest intelligi esse alterius quam ipsius fundi, a quo tota alitur, & per quem alia facta est. Et ideo arbor in confinio posita, si etiam in vicini fundo radices egerit, communis fit: alias ejus est ex cujus fundo alitur.

Quid dicendum de Satis?

§. qua ratione l. 25. ff. de usur. Idem, quod de plantis: nimirum fata ejus esse, cujus est solum; quia fructus non jure seminis, sed soli, percipiuntur. Is tamen, qui bona fide sevit, opposita doli mali exceptione, impensas servare poterit.

Quotuplices sunt Impensæ?

l. 79. ff. de V. S. Triplices, aut enim sunt *Necessariæ*; sine qui-

quibus res interitura , aut deterior futura sit ; aut *Utiles* , quæ rem meliorem faciant , omiffæ tamen non diminuunt ; aut *Voluptuariæ* , quæ tantum speciem ornant , fructus non augent .

Quas impensas deducit bonæ malæve fidei possessor ?

Necessarias omnis possessor deducit , cum *l. 5. Cod. de rei vind. l. pendit* , fuisset enim ei negligentia sua damno- *38. ff. de fa. Idem dicendum de impensis , fructuum pet. hered. colligendorum causa factis , ut & malæ fi- l. 39. ff. d. t. dei possessor eas repetat , cum sint necessa- & l. 1. & 9. riæ . Utiles etiam quilibet possessor retinet , ff. de im- quia æquitas non patitur , ut damno alieno pens. dominus fiat locupletior : cujus tamen si tanta sit inopia , ut impensas reddere nequeat , nisi re divendita , quia iniquum fuerit dominum cogi re sua carere , propter impensas ab alio factas , tantum tollere possessori permittitur quatenus potest sine læsione prioris status . *Voluptuarias* deducit bonæ fidei possessor , quatenus cedunt in domini utilitatem , ex dicta æquitatis ratione , quæ etiam malæ fidei possessori permittere videtur harum impensarum separationem , quatenus ea ipsi profutura , & res deterior futura non est .*

Nullane igitur hic inter bonæ & malæ fidei possessorem est differentia ?

Est hæc , quod *malæ fidei possessor* non ali- *d. l. 5. & d. ter impensas necessarias & utiles deducat , l. 28. ff. de quam si res extet , in quam impendit , & pet. hered. superfit melior facta , eaque ad dominum perveniat ; ita scilicet , ut possessor in damno maneat : dominus afficiatur lucro illius iacturæ . At bonæ fidei possessor indistincte impensas imputat , v. g. quamvis domus , quam tulit , combusta sit , aut res alia melior fa-*

Etā perierit . Quod tamen in singulari possessore bonæ fidei limitant Interpretes .

Quid juris de acquisitione scripturæ ?

arg. d. l. 38. ff. de rei vind. Quod quemadmodum ædificia solo, plantæ & semina fundo cedunt, ita quoque eadem ratione, litteræ quamvis aureæ sint, chartis membranisque cedant. Quicquid enim rei meæ imprimitur, accessionis instar est, & rei meæ cedit, cum ita adjicitur, ut pars ejus fiat. Sed si ego vindicam chartas illas, neque pretium scripturæ solvere velim, tibi doli exceptio est, ut supra. Moribus vero nostri Accursii ratio convenientior est, chartam cedere scripturæ.

Quid de Pictura ?

§. si quis in aliena. At Paul. stri- Etiam juris rationem seq. l. 25. §. 3. ff. de rei vind. ff. de V. S. l. 9. §. 2. ff. h. t. Idem de ea, quod de superioribus, inspecta naturali ratione, dicendum foret. At jure singulari placuit propter excellentiam artis, *tabulam cedere picturæ*; idque propter ejus pretium. Ridiculum enim putavit Imperator, picturam Apellis vel Parrhasii in accessionem vilissimæ tabulæ cedere; cum plus sit in manus pretio, quam in re ipsa, & picturæ pretium non in substantiis, sed in arte positum sit.

Hinc si dominus tabulæ imaginem possideat, & is, qui pinxit, eam petat, nec pretium tabulæ solvat, exceptione doli mali recte submovetur: At si pictor eam possideat, datur domino tabulæ utilis contra eum vindicatio. Nec obstat regula juris, quod *duorum in solidum dominum esse non possit*: Nam intelliguntur domini duarum rerum, unus tabulæ & picturæ, alter æstimationis.

Fructus a bonæ fidei possessore percepti cui cedunt ?

§. si quis a non domi- Naturali ratione placuit, fructus, quos percepit,

cepit, ejus esse, pro cultura & cura: si uti- *no h. t. l.*
que a non domino, quem dominum esse *137. & l.*
crediderit, bona fide fundum emerit, vel *167. §. fin.*
ex donatione aliave qualibet justa causa *ff. de R. J.*
æque bona fide acceperit. Bonæ igitur fidei
possessor est, qui ex justa causa sive justo
titulo possidendi, veluti emptione, dona- *l. 11. in fin.*
tione, legato, detinet rem, quam putat *ff. de per.*
bona fide suam esse. Item is qui auctore *her.*
Judice rem comparavit. Mala vero fide pos-
sidet, qui scit, se nullam habere causam
possidendi, nec potest ullam reddere, cur
possideat.

Quid & quotuplices sunt fructus?

Fructus sunt rei accessiones; quæ vel ex ipso *l. 62. ff. de*
rei corpore, vel ejus occasione ad utilita- *rei vind.*
tem hominis proveniunt. Suntque Natura- *l. 45. ff. de*
les; vel Civiles: Naturales ex ipsa re prove- *usur. l. 12.*
niunt: Civiles occasione rei (ut redditus, *ff. de V. S.*
pensiones ædium, usuræ pecuniarum,) qui
potius vicem fructuum obtinent. Rursum
Naturales proprie dicuntur, qui natura tan-
tum operante producuntur, ut poma, pira,
herbæ, lignum, & similes; Alii sunt In-
industriales, qui facto & industria hominis, pu-
ta cultura, & cura, ut vinum, oleum, se-
getes, legumina.

Bonæ ergo fidei possessor omnesne fructus
facit suos?

Omnes tam naturales, quam industriales: l. 18. ff. h. t.
quia loco domini pene est, & in percipen- *& l. 25. §. 2.*
dis fructibus idem juris habet, quod domi- *ff. de usur.*
nis prædiorum tributum, & plus juris quam *l. 7. in pr. &*
usufructuarius, ad quem omnes fructus per- *8. ff. de usu-*
tinere constat. Neque textus hoc loco, fun- *fruct. l. 11.*
dans se in cultura & cura, excludit fructus *& l. 136. ff.*
naturales, cum & illi desiderent curam col- *de R. J.*
lectionis, ac custodiæ. Aut, quod verius
est, non distinguit inter fructus, sed ratio-

nem reddit, cur naturali ratione placuerit, ut bonæ fidei possessor possideat fructus non industriales tantum, sed & naturales; nimirum quia coluit & curavit fundum illum, vel rem illam, ex qua fructus proveniunt: ut ita cultura & cura non ad fructus, sed ad rem, unde fructus existunt, referatur. Compensanda enim diligentia & cura possessoris fuit præmio aliquo, præsertim cum publicæ utilitati studuerit, ne agri inculti desererentur.

Facitne vere bonæ fidei possessor fructus suos absolute?

§. si quis Sola quidem perceptione dicitur facere
vers. & fructus suos, sed non absolute aut irrevocabiliter. Unde distinguendum inter fructus
ideo l. 15. consumptos & extantes. *Consumptos*, cujus-
§. ult. l. 28. cumque illi sint generis, suos facit absolu-
in pr. ff. de te: extantes vero & nondum consumptos
usur. l. 48. cogitur domino rem, unde percepti sunt,
in pr. ff. vindicanti restituere. Et hoc est, quod hic
h. t. ait Imperator, *de fructibus ab eo consumptis*
l. 51. ff. & l. 1. dominus agere non potest: indicans de extan-
22. C. de rei tibus cum agere posse: cum *unius inclusæ*
vind. sit alterius exclusæ. Itaque bonæ fidei possessor interim, id est, tantisper, donec res evincatur, vel iudicium accipiat, percipiendo fructus suos facit; at re evicta eos una cum re restituere ei compellitur, ex cuius fundo nati sunt, cum non amplius sit loco domini; ac proinde cesset causa, cur fructus apud illum sint, ut rei alienæ pars & accessio.

Quid, si quis alienum fundum sciens possederit?

Verf. ei va- Malæ fidei possessor quoniam prædo est,
ro l. 33. l. 1. & nullam possidendi causam habuit, nihil
63. ff. & l. 1. sibi prorsus retinet ex fructibus, sed omnes,
21. C. de cuiuscumque illi sint generis, tam natura-
rei vind. les.

les, quam industriales, perceptos & percipiendos, extantes & consumptos, sive ex iis factus sit locupletior, sive non, dominio fundi restituere cogitur, deductis tamen prius impensis necessariis. Nam fructus non intelliguntur, nisi deductis impensis. Et quidem fructus extantes vindicatione petuntur, vel potius officio iudicis cum ipso restituendi veniunt. Consumpti vero conditione sine causa. Non enim debet quis ex sua malitia lucrum facere, & cum iactura aliena locupletari.

l. 36. 40. ff. de per. hær. §. et si in rem. infr. de off. jud. l. 4. C. de cond. ex lege.

Quæ est differentia inter bonæ fidei possessorem, usufructuarium, & colonum?

Quod bonæ fidei possessor fructus faciat suos, sive ipse eos perceperit, sive alius ejus nomine; quia separatio a solo facit eum dominum: At fructuarius illos tantum facit suos, quos ipsemet perceperit. Et ideo licet maturis fructibus nondum tamen perceptis, decesserit, ad heredes ejus non pertinent, sed domino proprietatis acquiruntur. Bonæ fidei Possessor fructus perceptos transmittit ad hæredes; quia eos percipit jure soli, animo & opinione domini. At fructuarius non percipit fructus jure soli, cum sciat rem alienam esse; sed percipit jure usufructus, qui consistit in fruendo, & extinguitur cum persona, quia jus est mere personale, ita ut ad hæredem nihil transmittat juris. In colono pene idem juris est, quod in fructuario; pinguius tamen in eo, quod jus suum, quod in prædio conducto habet, transmittat ad hæredem; si decedat durante contractu, qui etiam hæredi censetur initus, ideo & onus contractus ei incumbit.

§. is vero ad quem. l. 15. §. 1. ff. de usur. l. 43. ff. de rei vind.

l. 10. C. de locato.

In pecudum fructu quenam esse dicuntur?

Lac, lana, pilus, foetus, ut agni, hœ-

§. in pecudum l. penult. ff. de usufr. leg.

di, vituli, & equi, & furculi, qui statim naturali jure in dominio sunt fructuarii. Partus vero ancillæ in fructu non est; sed id solum esse intelligitur, quod ad usum hominis inductum est. Homo vero ad usum hominis conditus non est; & ideo fructuario non acquiritur. Absurdum enim esset, & contra dignitatem hominis, eum in fructu esse: cum omnes fructus rerum natura hominis gratia comparaverit. Itaque partus ad dominum proprietatis pertinet, & ab bonæ fidei possessorem, qui loco domini est.

Quid, si gregis usumfructum quis habeat?

§. *sed si gregis.*

Talis frui grege debet salva substantia, teneturque in locum demortuorum capitum totidem submittere, & in locum vinarum demortuarum vel arborum substituire alias: Hoc enim est colere & uti, quasi bonus paterfamilias. Si tamen habeat usumfructum non gregis, aut armenti, sed singulorum capitum, nihil supplere cogitur, quia semel interempta, suppleri nequeunt.

l. 68. & 69.
ff. de usufr.
l. 70. §. 3. ff.
de usufr.

Quid est Thesaurus?

l. 31. ff. de
acqu. rer.
dom.

Est vetus depositio pecuniæ, cujus non extat memoria, ita ut dominum jam non habeat: & propterea fit ejus qui invenerit, & apprehenderit, quia nullius. Sunt enim paria, non esse, & non apparere, dominum. De eo autem si constet, thesaurus proprie non est, ejusque furtum fit.

l. 15. ff. ad
exhib.

Semperne totus thesaurus inventori acquiritur?

§. *thesaurus l. un. C. de thesau.*
l. 10.

Non; distinguere enim oportet. Nam aut quis in loco suo seu proprio thesaurum invenit, & totum sibi acquirit, quia *fortune donum nemini est auferendum*. Aut invenit in loco alieno, & dimidium sibi acquirit, pars altera cedit loci domino; dummodo casu

casu invenerit : nam si data opera , totus domino cedit , & inventor jus suum amittit , ut coerceatur cupiditas alieno inhiantium , inhibeaturque occasio subruendi loca occulta . Sin magicis artibus inventus fuerit thesaurus , totus cedit fisco : nisi id acciderit in fundo alterius , qui dimidium illius habebit , cum ei non sit auferendum beneficium fortunæ propter delictum inventoris .

Quid , si in loco sacro aut religioso inventus fuerit Thesaurus ?

Divus Adrianus , naturalem æquitatem secutus ; ei concessit , qui invenit casu fortuito ; cujus sententiam hic Justinianus probat . Sed divi fratres , Severus & Antoninus , thesauri sic inventi partem fisco vindicari constituerunt , forte ea ratione , quod cura & defensio locorum sacrorum , quæ publica authoritate sunt constituta , principaliter ad Principem spectent . Intelligenda ergo Constitutio divi Adriani de locis religiosis privatis , quæ quisque sibi constituit illatione mortui . Erant enim privata quædam & familiaria sepulchra , in quibus quod quisque invenit , sibi vindicare poterat , tamquam in suo loco , fundoque repertum .

d. §. thes.
l. 3. §. pen.

ff. de jure
fisci l. 5. &
6. ff. de re-
lig.

DE TRADITIONE.

Quid est Traditio ?

Theophilo autore , est de manu in manum translatio : quæ definitio concepta videtur de rebus mobilibus , quæ manu traduntur , cum tamen traditio res etiam immobiles complectatur . Rectius definietur , datio possessionis ; nec opus est addere , rei corporalis : nam ut possessio cadit in rem dumtaxat corporalem , ita & ea sola tradi potest .

§. per traditionem .

arg. l. 3. ff.
de action.
empt. &
l. 28. ff. de
verb. obl.

Differuntur in jure Dare, & Tradere?

l. 28. & 73. Plane ; licet *Tradere* pro *Dare* nonnunquam accipiat. *Dare* est dominium transferre in accipientem , sive dominum eum facere : *Tradere* vero est possessionem tantum transferre. *Traditio* est facti potius , sicut & possessio plus facti habet : *Datio* est juris . Sic venditor non tenetur emptori rem emptam dare , sed vacuam tantum possessionem præstare , utque ei rem habere liceat .

Ut Traditione acquiratur rei dominium , quæ requiruntur ?

l. 36. ff. b. t. Quatuor præcipua , I. *Voluntas tradentis* ; cum nemo privetur re sua invitus , ita ut tradita non videatur , nisi dominus voluerit . At non velle videtur is , qui transferendo domino circa corpus errat , quia talis error voluntati contrarius est : non etiam , si in causa translationis tantum erretur .

l. 20. ff. eod. II. *Potestas in transferente* ; nam rem alienam nemo recte transfert , nisi subsit mandatum domini , cum per alium faciens , per se ipsum facere videatur ; aut lex illud suppleat , veluti in creditore vendente hypothecam , in tutore , vel curatore , alienante rem minoris : Debet autem hæc potestas esse libera : nam is , cui interdicta est rerum administratio , ut pupillo , prodigo , non potest dominium transferre .

l. 31. in pr. ff. eod. l. 8. no . III. *Ut sit res , quæ possit transferri a domino* . Unde traditio rei , alienari prohibita : per testatorem aut legem , nihil operatur : in pr. ff. *mandati* .

IV. *Ut fiat traditio ex justa causa præcedente* , & sufficiente ad translationem , qualis est emptio , venditio , dos , legatum ; neque etiam nuda & simplex traditio domini translationem operatur : Uniuscujusque enim contractus initium spectandum & causa est .

*Venditæ res & traditæ statimne emptori
acquiruntur?*

Non aliter, quam si emptor venditori pretium §. venditæ
solverit, vel alio modo, puta expromissore, vero.
vel pignore dato, ei satisfecerit, aut vendi- l. 19. & 23.
tor fidem emptoris fuerit secutus; quia fidem ff. de cont.
sequi est quasi accipere. Itaque venditor, empt. l. ult.
donec pretium numeratum sit, dominus re- §. ult. ff. de
manet, & rem suam, si extet, potest vindi- fundo dioc.
care: atque interim fructus facit suos. Quod l. 78. & l.
si pars pretii numerata sit, pro ea parte tan- 176. ff. de
tum fructus ad emptorem pertinent. V. S.

*Sufficitne interdum, etiam sine traditione, nu-
da voluntas domini ad rem transferendam?*

Sufficit; adeoque vera & naturali traditio- §. inter-
ne semper opus non est, veluti, si quis rem, dura..
quam tibi ante commodaverat, locaverat,
apud te deposuerat, postmodum aut vendat
tibi, aut donet, aut dotis nomine det. His l. 9. ff. 1. ff.
enim casibus quamvis alienans ex ea causa- de Publi-
rem non tradat, tamen quia patitur eam- cian. in
apud te esse, statim tibi acquiritur proprie- rem act.
tas, perinde ac si eo nomine tradita fuisset,
idque evitandi circuitus causa. Hinc, si quis l. 74. ff.
merces in horreo depositas vendiderit, simul de contr.
atque claves horrei tradiderit emptori, in empt.
eum proprietatem transfert mercium. Intel-
lige, si modo venditor fuerit dominus; alio-
quin enim usu capiendi tantum conditio in
bonæ fidei emptorem transit.

Potestne fieri traditio in personam incertam?

Id sane fieri videmus, cum Consules, aut §. hoc ans-
Prætores, hodie Principes (die inauguratio- plius..
nis) missilia jactant in vulgus, licet enim
ignorent, quid eorum quisque sit acceptu-
rus, tamen accipiens, cui fortunanaverit,
licet incerta sit persona, illorum sit domi-
nus, cum in genere populus, qui gratifica-
tum.

tum volunt, qui missilia jactant, sit certus; quod satis est.

Quid ergo statuendum de rebus pro derelicto habitis?

§. que ratione.

Eæ sunt Primo occupantis, exemplo missilium. Quamvis sit discrimen aliquod quoad acquisitionem dominii inter missilia, & rem pro derelicto habitam. Nam res, quæ pro derelicto habetur, statim nostra esse desinit, & occupans ejus efficitur dominus, cum sit nullius. Missilia vero non item, nisi ab alio apprehensa fuerint, quoniam ea est cogitatio & mens spargentis.

Quæ res habetur pro derelicto?

Verf. pro derelicto. & §. fin.

l. 18. ff. de adim. leg.

l. un. C. unde vi l. 3. §. 2. ff. de furtis.

Quam dominus ea mente abjecit, ut eam in numero rerum suarum esse nolit. Unde consequitur, eam rem, quæ in tempestate levandæ navis causa ejicitur, non acquiri occupanti, quia palam est, non eo animo ejici, ut dominus esse desinat, sed ut facilius maris & exortæ tempestatis periculum effugere possit: *In necessitatibus enim nemo censetur liberalis.* Eodem referenda est res, quæ domino ignorante de rheda currente decidit, quæ pro deperdita habetur, ejusque dominus inquirendus est publice; alioqui furtum committitur. Ratio est, quia quod *tuum non est: scire debes omnibus modis esse alienum.* Quamquam non videatur furti obnoxius, qui, post sufficientem inquisitionem domini non comparentis, eam rem retinuerit.

TITULUS II.

DE REBUS CORPORALIBUS ET INCORPORALIBUS.

Tit. superiori egit Imperator de acquisitione rerum corporalium ; sequitur de rebus incorporalibus ; non quidem omnibus , sed de Servitutibus , quo modo exquirantur & amittantur : præmittiturque hic tertia rerum divisio in Corporales & Incorporales.

Quæ dicuntur res Corporales ?

Quæ sui natura tangi possunt , quæque sub sensum exteriorem cadunt ; ut fundus , homo , vestis , aurum . *hic in pr.*

Quæ Incorporales ?

Quæ tangi non possunt , neque oculis corporeis cernuntur , sed intellectu tantum percipiuntur , cujusmodi sunt illæ res , quæ in jure consistunt ; veluti hæreditas , (quam licet quidam pinguius pro rebus hæreditariis accipiant , tamen , sine ullo etiam corpore , pro succedendi jure capitur ,) servitus , usufructus , obligatio quoquo modo contracta . Nec ad rem pertinet , quod in obligatione res corporales contineantur : nam distincta est obligatio ab iis rebus quæ in ipsa versantur , v. g. si vendidisti mihi domum , obligatio quidem respicit rem corporalem , nempe domum ; sed antequam eam tradideris , tantum mihi competit obligatio tuæ personæ , non ipsa domus .

l. i. §. i. ff. de rerum divis. l. 178. ff. de V. S.

TITULUS III.

DE SERVITUTIBUS.

Quid est Servitus , & quomplex ?

Servitus hoc loco nihil aliud est , quam jus in re aliena ad usum alterius , vel prædii vel per- *l. i. ff. b. 2.*

personæ, præter ejus naturam constitutum. Est enim duplex Servitus, Realis, vel Personalis: nam si personæ debeatur, est personalis; si vero rei sive prædio, tunc realis seu prædialis perhibetur, nisi aperte conventio ostendat jus personæ, non rei, quæsitum esse. Realis iterum duplex est: aut enim prædii rustici est, aut prædii urbani.

Quid vocas prædium rusticum, vel urbanum?

Rusticum voco quemlibet fundum seu ædificium ad usum percipiendorum fructuum extructum. *Urbanum*, quodvis ædificium habitandi causa comparatum, & quocumque in loco situm, sive ruri, sive in civitate. Quia non locus, sed materia, hoc est, subiectum ac commoditas prædia distinguit. Hincque servitutes illis inhærentes, vel sunt Urbanæ, vel Rusticæ.

Quæ sunt servitutes rusticorum prædiorum?

in pr. b. t. Quæ prædiis debentur rusticis; cujusmodi
& l. 1. ff. sunt, Iter, Actus, Vicus, Aquæductus.
eod.

Quid est Iter?

l. 2. & 7. Est jus eundi, ambulandi hominis per fun-
ds serv. dum alienum. Ire dicitur, qui & sella & le-
rust. ctica vehitur.

Quid Actus?

l. 12. ff. de Actus est jus eundi, ambulandi hominis,
serv. rust. agendi jumentum, vel vehiculum. Et in hoc
 plus est, quam in itinere: nam qui actum habet, utique & jus habet itineris, non quidem ex vi verbi, ac jure servitutis; sed ex verisimili paciscentium voluntate, vel potius interpretatione. Quis enim agere vel jumentum, vel vehiculum potest, nisi &
l. 21. & l. ipse eat? Non enim debet, cui plus licet,
110. ff. de quod minus est, non licere. Cum & in eo quod
& l. 1. plus est, semper insit minus.

Quid

Quid via.

Via est jus eundi, & agendi, & ambulandi hominis. Nam & iter & actum via in se §. 1. ff. de continet, id est, facultatem eundi & agendi V. S. æque proprie.

Si actus est jus ducendi vehiculi, & Via jus vehundi; in quo ergo differunt?

Is qui vim habet, non tantum per eam d. l. 7. Cu- agere potest, sed & lignum & lapidem tra- jaciens l. 22. here; hastam item rectam ferre, modo fru- obs. c. 35. ctus non lædat: quorum neutrum nec iter, nec actum habenti, permissum est, quia majus periculum subest lædendi fructus, cum & actus plerumque sint viæ angustiores. In quo etiam differunt, quod viæ latitudo amplior sit & certa, videlicet octo pedum in porrectum, sexdecim in anfractum, id est, ubi flexum est. At actus itinerisque latitudo non est lege definita, sed ab arbitris, vel ab ipsis partibus definienda est, quanta homini, aut jumento eunti sit satis. Cajus differentiam inter viam & actum hanc constituit: Ferri, inquit, proprie dicimus, quæ l. 25. ff. de quis suo corpore bajulat: portari ea, quæ V. S. quis jumento secum ducit: agi ea, quæ animalia sunt.

Quid est Aqueductus?

Est jus aquæ ducendæ ex alieno fonte per fundum alienum, vel ad irrigationem agri nostri, vel ad amoenitatem, vel pecoris causa. Sed requiritur, ut aqua sit viva & perennis, quia quæ perennis non est, duci non potest: habent enim omnes servitutes causam perpetuam. Quod si fons exarescat, extincta est servitus, quæ tamen restituitur, si rursus aqua ruere incipiat. l. 3. in pr. ff. de aqua quor. & est. l. 1. §. 5. ff. cod. l. 3. §. ult. & l. seqq. ff. de serv. rust. prad.

Sunt

Suntne alie servitutes rusticæ præter enumeratas?

§. item ru- Sunt, veluti *Aquæ haustus*, id est, jus aquæ
sticorum, hauriendæ ex fonte puteove vicini; *Pecoris*
d. l. 1. §. 1. *ad aquam appulsus*, sive jus pecoris adaquan-
di, seu appellandi pecudes ad fontem vel
C. 2. puteum vicini; *jus pascendi* pecoris in alie-
no agro; *Jus calcis coquendæ* in fundo alie-
no: & *Jus arenæ fodiendæ* ex fundo.

Suntne semper rusticæ hæ servitutes?

Non semper, sed quatenus rustico debentur prædio, eatenus dicuntur rusticæ: nam & possunt deberi & constitui urbano; uti & e diverso servitutes urbani prædii possunt deberi rustico, fiuntque rusticæ. Quod autem
l. 2. ff. d. t. Imperator illas, rusticas servitutes: sequen-
Zosius ff. tes vero, urbanas appellaverit, ad id vide-
de serv. n. tur respexisse, quod plerumque sic constitui
23. l. 64. ff. soleant, nec alioquin: ea quæ vero accidunt,
d. R. J. putavit in negotiis agendis computanda.

Quæ sunt servitutes urbanorum prædiorum?

§. præd. ur- Prædiorum urbanorum servitutes sunt, quæ
ban. l. 198. edificiis inbærent. Nam ædificia omnia, præ-
ff. de V. S. dia appellamus urbana, etsi in villa ædificata
sint. Inter urbanas servitutes numerantur.

l. 8. §. 2. ff. I. *Servitus onoris ferendi*; quæ est jus, quo
si servitus onera vicini, columna vel paries alicujus,
vind. ferre & sustinere cogitur. In qua hoc speciale, quod is, qui eam debet, cogatur reficere columnam, ad eum modum, qui servitute imposita comprehensus est, contra servitutum naturam, quæ est; ut quis patiatur in suo quid fieri, non etiam cogatur agere.

II. *Tigni immittendi*; quæ est jus, quo vicini tignum vel trabem ex ædibus suis in parietem domus vicinæ immittere potest.

l. 33. ff. de III. *Projiciendi*, id est, ita aliquid emit-
serv. præd. tendi e nostro pariete, ut provehatur &
urb. text. hic, C. l. 1. pen-
ff. d. t.

pendeat quidem supra alienum, non tamen in eo requiescat; cujus ordinis sunt Mæniana, Suggrunda.

IV. *Stillicidii*, qua vicinus patitur, ut aqua pluvia ex tecto nostro, id ædes suas vel aream stillatim cadat. l. 20. §. stillicidium, ff. de serv. præd. urb.

V. *Fluminis*, id est, jus aquæ, impetu per canalem decidentis, recipiendæ ab ædibus vicini. Unde fluminis servitus gravior, stillicidii levior habetur.

VI. *Altius non tollendi* servitus imponit necessitatem ædes non tollendi, ultra certam altitudinem; idque contra naturalem libertatem, quæ permittit facultatem ædificandi ad libitum. l. 8. & 9. C. de serv.

VII. *Altius tollendi*, superiori contraria, quando vicino ea lex imponitur, ut teneatur altius ædes suas tollere, aut parietem elevare, pro commodo vicinæ domus, ut hac ratione per refractionem seu repercussionem in eam lumen devolvatur, vel etiam impediatur ventus, aut lumen avertatur. l. 17. §. 1. ff. de ser. urb. præd.

Citra hanc legem vicino impositam, facultas altius tollendi servituti non recte adscribitur, cum cuique liberum sit, domum suam reficere, & parietem elevare, donec probeatur servitus. l. 41. ff. de R. J.

Eo pertinet servitus, *Ne luminibus officia-* l. 4. l. 15. & seqq. ff. de servit. urb.
tur, qua quis prohibetur aliquid facere, quo lumina nostra obscurentur, quod fit altius ædificando, vel arborem ponendo. A qua differt servitus *luminum*, qua id acquisitum videtur, ut vicinus lumina nostra, hoc est, fenestras, quibus lumen cœli hauritur, excipiat. Item servitus, *ne prospectui officia-*
tur. Plus enim est in prospectu, quam in luminibus, *Lumen* est unde cœlum videri possit. Prospectus etiam ad amœnitatem refertur.

Cur vocantur servitutes prædiales? §. ideo autem l. 1. §.
Quia sine prædiis constitui non possunt. Ne- 1. ff. com. præd.
rao

me enim servitutem potest acquirere urbanum, vel rustici prædii, nisi qui habet prædium, nec quisquam potest debere servitutem, nisi qui prædium habet, unde debeat. Sunt enim prædia subjecta servitutum, servitutes eorum adjuncta, atque hæ sine illis esse nequeunt.

Omnes servitutes habentne causam continuam & perpetuam?

l. 18. ff. de
serv. urb.
præd.

l. 4. & 14.
ff. de serv.
vit.

Vereres crediderunt, nonnullas esse servitutes quæ causam discontinuam haberent, alias quæ causam continuam. Sed juri conformius est; omnes servitutes esse continuas, cum habeant perpetuam causam habitudine scilicet. Qua ratione non constituitur servitus super iis quæ opere manuum facta, quod eorum causa non sit perpetua, sed super iis quæ causam habent naturalem: naturæ enim ordo certus est. Igitur omnes servitutes causam habent perpetuam, licet usum non habeant continuum: ex quo tamen possessioni nihil derogatur, aut minuitur, cum per hoc non censetur interpellata aut amissa possessio, quod quis ei corporaliter non insitat, modo semper facultatem habeat utendi illa servitute.

Quibus modis servitutes constituuntur?

§. si quis
velit.

Constituuntur tam pactionibus in continenti adjectis bonæ fidei contractibus, quam ultima voluntate. Nam potest quis testamento damnare hæredem, ne altius tollat suas ædes, ne luminibus ædium vicini officiant, &c. Usucapione eas non acquiri, ex eo patet, quod usucapio possessionem desideret, quæ non est proprie circa incorporalia. Longa tamen quasi possessione, & eo temporis cursu, quo res corporalis possessa usucapitur, dicuntur acquiri.

Qui-

Quibus modis amittuntur?

Variis ; I. *Confusione* , si utriusque prædii idem fiat dominus , quia res sua nemini servit .

II. *Remissione* , sive totius servitutis , sive partis ; cum & pro parte retineri possit servitus , & cuilibet liceat jus suum remittere admittendo actum servituti contrarium , quia eodem genere quodque dissolvitur , quo colligatum est .

III. *Resoluto jure concedentis* ; per hoc enim & resolvitur jus accipientis , cum nemo plus juris in alium transferre possit , quam ipse habet .

IV. *Lege & pacto* , servituti constitutæ adjecto ; tametsi enim sub conditione , aut ex tempore , aut ad tempus constitui non possit , quod perpetua debeat esse ejus causa ; servanda tamen est conventio , daturque exceptio pacti conventi vel doli . Morte ejus , cui debetur servitus , non amittitur ; cum rei , non personæ , debeat .

V. *Non utendo* , per modum , & per tempus constitutum , quod est decem annorum inter præsentēs , & viginti inter absentes .

Quod si temporis intervallo sit distincta servitus , ut tantum alternis annis , aut mensibus debeat , duplicato tempore amittitur .

Quæ est hoc casu differentia inter servitutem rustici & urbani prædii ?

Quod servitus rustici prædii , per solum non usum amittatur , ut sufficiat sola cessatio ejus , cui debetur etsi ille qui debet , nihil agat : urbani vero prædii servitus non aliter amittatur , quam si & contrarium factum ejus , qui dominus est prædii servientis , intervenerit , ut , si debito tempore foramen , in quod immitti tignum solebat ,

ob-

l. 6. in fin.
ff. de ser-
vit. urb.
pred.

obstruxerit. Ratio differentiæ est, quod rustica servitus consistat in solo exercitio & facto ejus, cui debetur, quo cessante ponitur non usus: urbana vero, quia nihil exercitii habet, sed in sola ejus, qui debet, patientia consistit, non utendo non amittitur, sed ædificiis retinetur, absque facto hominis, ut quoad ædificia sunt adaptata servituti excipendæ, duret ejus possessio, quæ ut cesset, sunt auferenda.

T I T U L U S IV.

DE USUFRUCTU.

Sequitur nunc de servitutibus personalibus, Usufructu, Usu, & Habitatione.

Quid est ususfructus?

Est jus alienis rebus utendi, fruendi; salva rerum substantia.

hic in pr.
l. 1. ff. b.
l. 1. ff. de
usufruct.
legato.

Ait Imperator, *Jus*, id est, servitus ut excludat jus, quod colonus habet in fundo conducto, quod non est jus in rem sed tantum in personam locatoris, cum quo contractus initus est. Verba, *alienis rebus*, indicant, cum qui habet usufructum, rei proprietatem non habere, quia res sua nemini servit. Verbum, *utendi*, additur ad differentiam pignoris quod est apud creditorem, qui eo uti non potest invito debitore. Additur, *fruendi*, ut separetur a nudo usu & habitatione. Additur, *salva rerum substantia*, tum ut excludatur quasi usufructus rerum, quæ usu consumuntur, quarum usufructus proprius non est: tum ut coarctetur jus usufructuarii, qui potest eatenus uti fructu, quatenus rei substantiam non reddit deteriorem, cum rei proprietas deterior facta non videatur reddita. Ideoque cavere cogitur usufructuarius, se rem integram relicturum finito usufructu.

l. 13. ff. b. t.
l. 3. §. 1. ff.
commodat.

Quo-

Quotuplex est ususfructus?

Duplex, ex sententia Interpretum, qui *Costal. ad* alium faciunt *Causalem*, qui conjunctus est *l. 1. ff. h. t.* cum sua causa, id est, proprietate, quam *Dissent.* habet dominus, & tunc non est proprie ser- *Corasius l.* vitus: quia, ut dictum est, res suas nemi- *5. misc. c. 3.* ni servire potest. Alium vero *Formalem*, qui separatus est a proprietate, & alteri debetur in re aliena, de quo solo hic agitur.

Quibus modis constituitur Ususfructus?

Pluribus modis: aut enim per legem, quæ *§. ususfr.* patri usumfructum concedit in bonis adven- *proprietate* titiis filiisfamilias, aut per Judicem, quan- *se.* do in judiciis diversoriis Judex uni fundum adjudicavit, alteri vero usumfructum ejusdem fundi: aut per dominum, cui jus est *l. 6. & fin.* de re sua libere disponendi, sive actu inter *C. de bonis* vivos, sive ultima voluntate; ut ecce, si *quæ. lib. l.* usumfructum alicui legaverit; hæres enim *6. ff. h. t.* nudam habet proprietatem, legatarius vero usumfructum, vel vice versa, si alii deducto eo fundum legaverit.

Quibus in rebus constituitur?

Non tantum in fundo, & ædibus; verum *§. consti-* etiam in servis & jumentis, & cæteris re- *tuitur au-* bus, exceptis iis, quæ ipso usu consumuntur. *tem.* Nam hæ res, quæ usu dispereunt, neque naturali ratione, neque civili, recipiunt usumfructum; quo in numero sunt vinum, *vers. sed u-* oleum, frumentum, vestimenta; quibus *tilitat. &* proxima est pecunia numerata, quæ ipso usu *vers. ergo* atque assidua permutatione quodammodo ex- *l. 1. C. h. t.* tingitur. Sed harum rerum cum proprius *l. 1. & 7. ff.* non possit esse ususfructus, improprius in- *de usufr.* troductus est a Senatu, utilitatis causa; sub earum re- *rum, l. 188.* cautione tamen idonea, de restituenda sci- *§. 2. ff. de* licet re, non eadem, quæ consumitur usu, *sed R. J.*

sed alia ejusdem qualitatis , vel ejus æstimationis . Neque enim naturalis ratio auctoritate Senatûs commutari potuit : Unde illa regula : *Quæ rerum natura prohibentur , nulla lege confirmata sunt .*

Quibus modis extinguitur ?

§. finitur
autem l. 8.
ff. de usufr.
leg.

l. 3. l. pen.
C. b. t. c. 7.
de R. J. in
6. l. 196. ff.
de R. J.

Certis quidem modis eum extingui placuit , & ad proprietatem reverti ; quia , ut ait Imperator , alioqui nulla esset utilitas nudæ proprietatis , semper abscedente usufructu . Finitur itaque

I. *Morte ejus cui relictus est usufructus* : quia personæ tantum debetur & servit , ei-que cohæret . Quoties enim cohæret personæ , id quod legatur , veluti personalis servitus , ad hæredem non transit . Unde regula : *Privilegium personale personam sequitur ; & extinguitur cum persona .*

l. 209. ff. de
R. J.

II. *Capitis diminutione* , olim quidem etiam minima , hodie tantum maxima & media , id est servitute , quæ mortalitate comparatur , & deportatione , quæ ut privat civitate , ita & ejus usu : minima non facit amitti civitatem , nec ejus jura .

III. *Non utendo* , per modum & tempus , eo modo , quo constitutus est usufructus .

IV. *Lapso tempore* , aut conditione apposita .

l. 14. ff.
quib. mod.
usufr. a-
mitt.

V. *Rei interitu* , quia usufructus est jus in corpore , quo sublato , & ipsum tolli necesse est : sic nec aræ quidem usufructus debetur . Unde Pomponius ; excepta capitis diminutione vel morte , reliquæ causæ , vel pro parte , interitum usufructus recipiunt . Non obstat huic juri regula , qua dicitur , *in toto partem contineri* , quia hic locum non habet . Quoniam in usufructu constituendo hoc actum esse videtur , non ut is interitu rei , sed rei mutatione , extingueretur . Tum vero res mutata dicitur , cum in aliam speciem

cem & nomen transit, etiam si partes ex priore corpore maneant. Res, inquit Cajus, *abesse videntur, etiam hæ, quarum corpus manet, forma mutata est.*

VI. *Cessione, facta ipsi domino: vel e contra proprietate acquisita fructuario, quia res sua nemini servit: & hic sextus modus Consolidatio appellatur.*

Cur cedi domino potest, non item extraneo?

Quia cedendo ipsi proprietario, conjungitur usufructus cum proprietate; & sic finitur; res enim sua nemini servit. Cedendo extraneo, nihil agit fructuarius, quia jus, quod habet, est personale, quod personæ cohæret, & cum ea extinguitur. At usufructus commoditatem cedere cuivis potest, quia ea res qualitati usufructus non repugnat, cujus totum jus remanet in persona usufructuarii, qua extincta etiam jus ejus finitur.

An ergo cessione facta extraneo, statim usufructus redit ad proprietarium?

Non statim, sed suo tempore, post finitum videlicet usumfructum in persona usufructuarii inutiliter cedentis. Cedendo enim extraneo nihil agit, id est, usufructus non recedit a fructuario, non amittitur, cum cessio sit inefficax. Atque ita succedit regula, quod *propter alienationem*, in se inutilem, nemo amittat jus suum: & illa: Non præstat impedimentum, quod de jure non sortitur effectum.

text. hic ita accipienda, l. 16. ff. de jur. dot.

c. non præstat de R. J. in 6.

Finito denique usufructu, vel ejus parte, quid juris?

Cum totus usufructus finitus fuerit, re-vertitur ad dominum proprietatis, qui incipit solidam & plenam habere proprietatem: At si pars finiatur, non revertitur sta-

§. fin. h. t. Quo pertinet. i. ff. de usufr. de tim crescendo.

stim ad proprietatem ; sed sæpe alteri parti accrescit.

T I T U L U S V.

DE USU , ET HABITATIONE.

Quid est Usus ?

Text. hic in pr. l. 3. §. 1. ff. de usufr. quem ad. caveat. **E**st jus rebus alienis utendi , salva earum substantia . Constituitur circa easdem res , iisdem modis & amittitur , quibus ususfructus . Cautio est hic necessaria de utendo boni viri arbitrato , & de restituendo rem .

Estne igitur tantumidem juris in Usu , quantum in Usufructu ?

§. 1. b. t. Non est . Nam is , qui fundi nudum usum habet , nihil ulterius habere intelligitur , quam ut oleribus , pomis , floribus , sceno , stramentis , & lignis , ad usum quotidianum utatur , non ad compendium , sed ut necessitati tantum suæ consulat , atque in fundo ita moretur , ut neque domino fundi sit molestus , neque iis , per quos rustica opera fiunt , impedimento : neque ulli alii jus , quod habet , locet , vendat , gratis concedat ; cum is qui usumfructum habet , possit hæc omnia facere , & fructus rei pignori dare . Ratio differentiæ est , quia ususfructus alteri concessus non est . novus , sed idem , qui fuit penes concedentem ; usus vero esset novus , & plane alienus in persona extranei , quia alia aliorum est necessitas .

l. 72. ff. de R. J. Solius autem utentis necessitas in usu spectatur , ideo individuus & facti potius dicitur . Ususfructus est dividuus , quia magis circa rem ipsam versatur , nempe fructus fundi , quam circa factum .

Quid est Habitatio , & quomodo differt ab Usu ?

§. sed si cui habitatio. Habitatio est jus habitandi in edibus alienis , sal-

salva ipsarum substantia : quo etiam locari alteri potest, ea ratione, quia relinquens alicui habitationem, censetur respexisse & rem & necessitatem personæ, cui reliquit. Contra vero, si cui usus ædium relictus sit, *l. 13. C. de usufr.* is locari alteri non potest, quia relinquens censetur nudum jus & necessitatem utentis, ex proprio fine desumptam, respexisse. Quo fit, ut ædium usus in jure consistere dicatur; habitatio in facto potius, ut non intersit per se quis an per alium habitet, an vero alteri locet; nam & qui locat, utitur, & qui alii cedit, ut mercedem accipiat. Unde ea, quæ sunt facti, per alium recte præstantur. Qua ratione habitatio non perit non utendo, nec capitis diminutione: iecus in usu obtinet. *10. ff. b. r.*

T I T U L U S VI.

DE USUCAPIONIBUS.

Haftenus de modis acquirendi dominii ex jure gentium; sequitur de iis, quibus legitimo & civili jure acquirimus rerum dominia. Sunt illi in duplici differentia; aut enim titulo universali, uti successionem ex testamento, ab intestato, arrogatione, bonorum possessione; additione bonorum, causa libertatis; aut titulo singulari, veluti usucapione, donatione, legato & fideicommissio singulari, acquirimus rerum dominia.

Quid est Usucapio?

Usucapio est adjecti dominii per continuationem possessionis, temporis lege definiti; hoc est, Usucapio est jus alienam rem, quam definito a legibus tempore, bona fide, justo titulo, & continuo possedi, meam faciendi. Dicitur, *adjectio dominii*, quia adjicitur a lege dominium nudæ possessioni absque nova *l. 3. ff. de usucap.*

traditione; vel *adeptio dominii*, ut alii volunt, quia *usucapio* est *dominii* acquisitio per usum: *dominii*, inquam, non tantum utilis, verum etiam directi sive pleni, cum in rem usucaptam id juris habeat possessor, quod domino competit.

Quo jure introducta?

in pr. b. t. *Jure civili*, seu *Lege XII. Tabularum*, qua si quis rem a non domino, quem dominum esse putabat, emerit, vel ex alia justa causa acceperit, eam usucapit, & suam facit.

Quæ ratio introducendæ Usucapionis?

l. ult. ff. pro suo. Ne rerum dominia semper essent in incerto, utque aliquis tandem finis imponatur litibus, quin etiam ut coerceatur negligentia dominorum, qui tanto tempore patiuntur res suas esse penes alios, ex qua certe negligentia colligitur voluntas quædam res suas alienandi, adeoque vix est, ut non vi-
l. 203. ff. de R. J. l. 28. ff. de V. S. deatur alienare, qui patitur usucapi. Ex quibus manifeste liquet, usucapionem non pugnare cum naturali æquitate.

Quæ sunt requisita ad Usucapionem?

c. 3. de R. J. in 6. Possessio per tempus legibus definitum, Bona fides, Titulus justus, & ut res possit usucapi.

I. *Possessio*: & quidem civilis, quæ animo habetur domini, & sola perficit ad usucapionem, non etiam naturalis; qua ratione non usucapiet creditor, quia tantum naturaliter possidet, & qui in servitute est; nam cum possideatur, possidere non potest: Inquilinus vero & colonus non usucapiunt, quia non tam possident, quam detinent rem, & non tam suo, quam alieno nomine. Possessio debet esse continuata: quia non nisi integra causa eaque continua, integrum producit effectum. Interrupta ergo possessione,
sive

sive naturaliter per dejectionem, sive civiliter per litis contestationem, interruptitur usucapio. *l. 5. ff. h. r.*

II. *Tempus legibus definitum*. Et quidem olim res mobilis anno ubique uno, immobilis vero biennio in Italico tantum solo usucapi poterat. Hodie longius tempus concessum est, ne domini maturius & nimis cito rebus suis defraudentur, differentia quoque locorum sublata. Res itaque mobiles hodie per triennium, immobiles vero per longi temporis possessionem, id est, inter presentes decennio, inter absentes vicennio, usucapiuntur. *§. 1. h. r.*
Præsentes sunt, qui in uno loco & eadem provincia domicilium habent; *l. un. C. de usuc. transf.*
Absentes, qui in diversis. Ideo his longius tempus datum, quia rebus suis adesse, easque a possessoribus revocare, citius non possunt, uti præsentibus.

III. *Bona fides*, id est, illæsa conscientia, excusans possessorem ab ignorantia rei alienæ. Igitur bona fide possidere dicitur, qui rem accepit a non domino, quem dominum esse, aut jus distrahendi habere, credebatur. *§. 2. h. r. l. 109. ff. de V. S. & §. si quis a non dom. sup. de rer. divis.*
 Malæ fidei non idem tributum, ne malitiis indulgeatur.

Bona fides debetne esse continua?

Jure quidem civili sufficit, quod quis ab initio, tempore scilicet rei tradendæ, bona fide rem receperit, nec cogitur, si postea cognoverit esse alienam, eam domino deferre, cum usucapio sit introducta in odium negligentis rem suam, & nitatur juris auctoritate. Mala fides autem, cum sit facti, non potest impedire ea, quæ sunt juris: sive non potest legitimi temporis cursum bene semel inchoatum refringere. Etenim quæ semel utiliter constituta sunt, & juris auctoritate firmata, perdurant, licet casus extiterit, a quo inchoari non potuerunt. *l. 10. ff. h. r. l. 48. §. 1. ff. de acq. rer. dom. l. 85. §. 1. ff. de R. J.*

c. 75. cod. in 6. c. fin. ff. de præf. Covarr. ad c. possess. p. 3. §. 2. Fach. l. 1. contr. c. 64. At jure Canonico, (quo non inspicitur conflictus ille juris & facti, sed de facto & naturaliter singula rerum momenta ponderantur) bona fides omni tempore necessaria est, malaque fides quandocumque ante completionem superveniens præscriptionem, nocet possessori. Post completionem non nocet: non enim tenetur justus possessor restituere rem, curus per usucapionem factus est dominus.

An igitur & possessio, que prodesse cœperat defuncto, proderit ejus hæredi.

§. diutina l. 3. C. com. de usuc. l. 13. §. 2. ff. de acq. poss. l. 11. C. eod. l. 11. ff. de div. & temp. præscr. Jure quidem civili prodesse certum est ad complendam usucapionem, non hæredi tantum, sed & hæredi hæredis, modo defunctus bona fide cœperit possidere: cum sufficiat eo jure ad usucapionem perficiendam bona fides ab initio: idæoque mala fides hæredis non impediet accessionem sive continuationem possessionis ac temporis: uti & è diverso bona fides hæredis non sustinebit usucapionem a defuncto mala fide inchoatam; repræsentat enim defuncti ut personam, ita & vitium. Vitia namque possessionum a majoribus contracta durant, & successorem quoque ignorantem auctoris sui culpa comitatur, etiam in casu, quo a se velit inchoare usucapionis tempora, quia ita non cessat repræsentatio, nec desinit haberi una eademque persona cum defuncto.

l. 59. ff. de R. J. Unde regula juris. *Hæredem*, inquit Ulpianus, *ejusdem potestatis jurisque esse; cujus fuit defunctus, constat.* Cujus effectus est, quod omnia commoda & incommoda, virtutes & vitia, quæ in defuncto fuerunt, transeant in successorem.

e. fin. de præscr. At jure Pontificio aliter hæc se habent, ut jam dixi, quia eo jure necesse est, ut usucapiens, sive is auctor fuerit, sive hæres illius, in nulla temporis parte conscientiam rei habuerit alienæ.

Quid.

Quid vero in successore singulari juris est?

Inter venditorem quoque & emptorem con- *Vers. inter*
jungi tempora, divi Severus & Antoninus re- *vendito-*
scripserunt. Intellige, si bonæ fidei fuerit *rem, d. l.*
uterque. Cæteroquin possessio transit cum *13. §. cum*
sua causa, neque nocet, aut prodest bonæ *quis, l. 5. ff.*
fidei emptori; qui si postea solus per legi- *d. 2. de div.*
timum tempus rem possederit, impletur *& temp.*
usucapio. Neque enim desideratur bona fi- *l. 159. §. 2.*
des venditoris, aut alterius singularis au- *l. 177. ff. de*
ctoris, sed *successoris tantum*; cui, si malæ *R. j.*
fidei fuerit, ut non prodest bona fides au-
ctoris, ita bonæ fidei emptori non nocet
mala fides venditoris, quominus is inchoet
a se possessionem, cum ejus personam non
repræsentet.

IV. *Iustus titulus adesse debet*, id est, ju- *§. novissi-*
sta causa possessionis, & habilis ad transfe- *me, h. t.*
rendum dominium: ut sunt tituli pro em-
ptore, pro transactione, pro donato, pro
legato, pro dote. Injustum enim putavit
lex, non præcedente titulo, pro cujusque ca-
ptu, & insatiabili affectu, procedere usuca-
pionem. Requiritur autem justus titulus; *§. error.*
quia falsus, vel opinatus titulus, non est
titulus, nec error falsæ causæ usucapionem
parit; error, inquam, juris, aut facti pro-
prii; veluti si quis rem quasi emptam, vel
sibi donatam possideat, quæ revera vendita
aut donata non fuerit. At error facti alieni, *l. ult. ff.*
quia probabilis, non obstat usucapioni. *pro suo.*

V. *Res talis esse debet*, quæ in se non ha- *§. sed ali-*
beat vitium, quæque usucapi possit. Unde in *quando, in*
rebus sacris, religiosis, sanctis, publicis, *pr. b. t.*
aliisque, quæ extra commercium sunt, usu-
capio locum non habet, quia earum rerum
dominium non potest acquiri singulis. Quo-
fit, ut quamvis res istas quis bona fide pos-
sederit, non tamen illi proderit, nec usu-
capio ullo tempore procedet, quoniam lex

l. 136. ff. de impedimento est. Unde regula, Bona fides tantumdem possidenti præstat, quantum veritas, quoties lex impedimento non est.

Quid, si res sint furtivæ, aut vi possessæ?

§. furtiva. Nec illæ; licet longo tempore & bona fide possessæ fuerint, uscapì possunt. Furtivarum quippe rerum Lex XII. Tabularum, & Lex Atinia inhihent usucapionem: vi processarum, Lex Julia & Plautia. Ratio prohibitionis est, quia neque istarum rerum est commercium: neque violenta invasio rerum alienarum coerceatur, & ne ex suo maleficio quisquam lucretur, sive is fur sit, sive qui-

l. 24. ff. b. t. vis alius bona fide rem acceperit. Nihil enim operatur bona fides aut titulus, propter vitium, quod ipsam rem comitatur, nisi vitio purgato, nempe re furtiva reversa in potestatem possessoris seu domini, puta si forte eadem res ad tertium aliquem sine domini pervenerit voluntate: nam quoad dominum ipsum, vel eum, cui ille venderit, usucapione opus non est. Servus quoque fugitivus uscapì non potest, propter furti vitium, quia fugiendo sui furtum facere dicitur.

Quid, si res defuncto commodata, aut locata, vel apud eum deposita, deinde ab hærede bona fide fuerit alienata?

§. sed tamen l. 36. ff. de usufructuario. Qui is; qui acceperit, usucapere possit, dubium non est: eritque securus emptor rem talem per triennium possidendo, quippe cum ea res in furti vitium non ceciderit; furtum enim sine affectu furandi & contrectatione fraudulenta non committitur. Neque hic fraus aliqua fuit in hærede, quia putavit rem fuisse hæreditariam, & sic bona fide tamquam suam alienavit: ignorantia

§. item si in l. 61. ff. de usufructuario. enim excusat a mala fide. Idem dicendum de usufr.

ancillæ ad se pertinere, cum vendiderit :
nam & is error non nocet emptori, qui
proinde partum poterit usucapere.

Quid, si res soli seu immobilis absente aut
negligente domino, mala fide possessa, dein-
de alii bona fide accipienti tradita fuerit?

Ea usucapi potest, cum vitio careat : ut
ecce, Titius fundi Tusculani possessionem
apprehendit, quæ vacat, propter absentiam,
aut negligentiam domini, aut quia domi-
nus sine successore decessit, quamvis ipse
mala fide possideat, quia intelligit se alic-
num fundum occupasse; si tamen alii, puta
Sempronio bona fide accipienti, tradiderit,
poterit Sempronio longa possessione res acqui-
ri, quia neque affectam furti vitio, neque
vi possessionem acceperit : non enim fundi lo-
cive furtum committitur, neque rerum im-
mobiliurn facilis est interversio.

Possuntne usucapi res Fisci?

Non possunt, quia publici juris sunt :
quemadmodum nec aliæ res publicæ populi
Romani, quia expositæ communi utilitati;
læderetur enim communitas, si ejusmodi res
per usucapionem acquirerentur privatis. Ve-
rumtamen bona vacantia, id est, quæ hæ-
redem non habent; licet fisco debeantur ex
Lege Julia caducaria, si tamen, priusquam
a fisco occupentur, bona fide ab alio possi-
deantur, etiam quadriennio tantum, ce-
dunt possessori. Ratio est, quia bona non-
dum fisco denunciata non sunt fisci, sed ma-
nent in commercio.

Quid, si quis a fisco rem alienam emerit?

Is quidem olim ex Edicto Divi Marci,
si post venditionem quinquennium præteriis-
set; tutus erat, & dominum, rem suam vin-
di-

§. res fisci
l. 9. 18. &
24. in fin.
ff. b. r. l. 95.
§. 1. ff. de
leg. 1.

§. ult. l. ult.
C. si adv.
fisc. l. 2. C.
de quadr.
præscr. &
l. ult. eod.

dicantem, exceptione repellebat: Hodie vero ex constitutione Zenonis, quicumque a fisco rem alienam, ex causa emptionis, donationis, vel alio titulo, acceperit, statim quidem securus redditur, & res ipsius fit: verum fiscus domino tenetur intra quadriennium: eo lapso, non tenetur: Idem privilegium indultum est iis, qui ab Imperatoris, vel Augustæ domo aliquid comparaverint. Ratio utriusque est, ut tanto facilius emptores inveniat fiscus, & Imperator, cum quibus propter potentiam nemo alias libenter contraheret.

T I T U L U S VII.

DE DONATIONIBUS.

Est & Donatio modus acquirendi domini civilis, utique ea, quæ sit mortis causa, quæ, ad instar legati, post mortem dominium transfert: de qua proinde priori loco agit Imperator, & illius occasione de ea, quæ inter vivos dicitur, & quæ sit propter nuptias.

Quid est Donatio, & unde dicta?

l. 1. § 20. ff. b. t. l. 82. ff. de R. J. l. 35. § 1. ff. de donat. caus. mort. **D**onatio est liberalitas nullo jure cogente facta: In necessitatibus enim nemo est aut præsumitur liberalis. Unde donatio re-muneratoria sub hac definitione non continetur; cum beneficii potius sit compensatio, quam donatio, ideoque ob ingratitudinem revocari non potest. Dicta est Donatio a Dono, quasi doni datio, cum quis ea mente dat simul & tradit, ut res statim accipientis fiat.

Quæ est Donatio mortis causa?

l. 1. b. t. l. 1. ff. d. t. l. 16. ff. d. t. *Quæ propter mortis sit suspensionem:* unde neque absoluta est, neque plenam liberalitatem habet: cum, qui sic donat, supervivere ma-

malit, & se habere, quam eum, cui donat; magisque eum, cui donat, quam heredem suum. Hæc igitur donatio ita fit, ut non nisi morte donatoris confirmetur. Suspicio vero vel cogitatio mortis est causa ejusmodi donationis, quæ etiam sanum recteque valentem movere potest, ut donet hoc modo: quæ proinde causa semper exprimenda, nec alias erit donatio causa mortis, licet ab ægroto facta proponatur.

Quot sunt species hujus donationis?

Tres. Una, cum quis sanus & in bona valetudine positus, nulloque præsentis periculi metu territus, sola cogitatione mortalitatis donat. Altera, cum quis metu mortis, aut præsentis periculi, vel etiam futuri ita donat, ut statim res fiat accipientis. Quo casu statim quidem perfecta est donatio, sed sub conditione resolvitur, videlicet si donator præsens periculum evadat. Tertia, cum quis periculo mortis non sic donat, ut statim faciat rem accipientis, sed tunc demum, cum mors fuerit insecuta; quo casu sub conditione pendet donatio.

Quomodo Imperator ait, mortis causa donationes ad exemplum legatorum reductas esse per omnia?

Nempe quoad effectum, quia substantia utriusque diversa est. Additur tamen, per omnia fere legatis connumerari, quia licet donatio hæc eodem modo acquiratur, quo legatum, & quinque testium præsentiam desideret, Falcidiæ deductionem patiatur, ut legatum, insinuatione non indigeat, & ante mortem revocetur, ad modum ultimæ voluntatis: tamen non paucae supersunt differentiæ, quas notavere interpretes.

Vers. hæc mortis l. 1. & penult. C. ad leg. Falc. l. fin. C. de mortis caus. ibi DD.

Quot modis dissolvitur donatio isthac?

§. *mortis* Tribus modis. Si convalescit donator, aut
l. 13. 23. 41 aliud vitæ periculum evaserit, quippe cau-
 §. 2. & *seq.* sa donationis cessante. II. Si eum pœnituerit
ff. de mort. donationis, quia, ut dixi, speciem habet ul-
caus. don. timæ voluntatis, quæ cum sit ambulatoria
 ad extremum vitæ spiritum, dat locum pœ-
 nitentiæ. III. Si prior decesserit, cui donatum
 est, irrita est mortis causa donatio; adeo
 ut nulla hæredi donatarii, quippe cui tan-
 tum bene voluerit donator, competat actio
 ad rem donatam. Præterea nec ea, quæ re-
 linquuntur in ultima voluntate, debentur,
 si præmoriatur is, cui bona relicta sunt.

Quid est donatio inter vivos?

§. *alie au-* *Quæ sine ulla mortis cogitatione fit.* Vel .
tem l. 29. Est liberalitas, quæ nullo jure cogente concedi-
ff. b. t. l. 1. tur: nimirum quando quis simpliciter ea
ff. eod. mente donet, ut rem statim velit fieri ac-
 cipientis, nec ullo casu ad se reverti, &
 propter nullam aliam causam, quam ut li-
 beralitatem & munificentiam exerceat. Et hæc
 proprie Donatio dicitur, pura & simplex: non
 etiam ea, quæ fit sub conditione, sub modo,
 ad tempus, vel ob causam.

Quomodo perficitur?

text. hic Perficitur, simulatque donator suam vo-
l. 4. & 10. luntatem scriptis, aut sine scriptis, etiam
ff. de don. nuda conventionem manifestaverit; & acced-
l. 6. C. eod. erit donatarii acceptatio. Nam invito bene-
l. 69. ff. de ficium non datur. Et licet donatio absenti
R. J. fieri possit, non tamen fit prorsus ignorantibus
 & non acceptantibus.

Estne necessaria in hac donatione traditio, quæ statim sequatur?

§. 1. *b. t.* Olim traditione, vel stipulatione opus
 erat, quia ex nudo pacto non dabatur actio.

He-

Hodie, etiamsi donator rem non statim tradat, nihilominus donatio ex nuda pactio-
 plenissimum & perfectum robur habere di-
 citur, & traditionis necessitas incumbit do-
 natori, ad exemplum ejus, qui rem vendi-
 dit. Neque solum tradere tenetur, sed etiam
 dare, id est, rem accipientis facere. Nam
 alias non videretur datum, quod accipientis
 non est factum. Quare agi adversus eum po-
 test a donatario conditione ex lege, vel
 ex stipulato.

l. 75. §. ult.
 ff. de V. O.

l. 35. C. b. t.

l. 167. ff. de
 R. J.

*Potestne dare quilibet qualibet summam
 pro arbitrio suo?*

Non potest. Nam si donatio excedat sum-
 mam quingentorum solidorum, sive aureo-
 rum, tunc opus est insinuatione (quæ est
 publicatio donationis apud acta) vel ejus,
 quod agitur, coram judice in scripturam
 redactio: idque ea ratione, ut nimis effusæ
 donationes, quibus homines ad egestatem
 facile perducì possent, coerceantur. Inte-
 rest enim reipublicæ, ne quis re sua abu-
 tatur, & ne facile quid occultæ struatur
 fraudis, inductis falso donationibus in frau-
 dem forte creditorum. Quæ vero apud ju-
 dicem sunt, citra fraudem fieri præsu-
 muntur.

Verf. &
 cum retr.
 l. 34. §. ult.
 & l. 38. §. 3.
 C. d. t.

*Suntne donationes, quæ insinuatione
 non indigent?*

Sunt utique; quæ etiam citra insinuatio-
 nem valide sunt, & plenissimam habent fir-
 mitatem; ut donatio in Principem, & quæ
 a Principe in privatos confertur; item do-
 natio vel promissio facta pro redemptione
 captivorum, & ad refectioem ædium col-
 lapсарum vel exustarum. Denique donatio
 propter nuptias hodie non indiget insinu-
 atione ex parte mulieris, ut ipsa eam lucre-
 tur; sed ex parte viri, ut is lucrum pro
 rata donationis capiat ex dote.

d. l. 34.
 auth. item
 & l. pen.
 C. d. t.

Nov. 127.

Potestne revocari ex causa aliqua donatio inter vivos?

vers. scien- Si fuerit perfecta, eam temere revocari non
dum l. 1. §. posse, ait Imperator, quia sola poenitentia
fin. C. de hic non sufficit ad revocationem, sed iusta
revoc. don. causa subsit necesse est, qualis in primis est
 causa ingratitudeis, si ingrati existant ho-
di. l. fin. mines, in quos beneficium collatum est: neque
 enim æquum est, donatorem pati injuriam,
 vel jacturam ab eo, cui beneficium contu-
 lit. Causæ vero ingratitudeis numerantur
 quatuor: videlicet si donatarius donatori
 injuriam atrocem vel manus impias inferat;
 si jacturam bonis ingerat; si insidias vitæ
 ejus locet: si pactum quod intervenit, im-
 plere nolit; ultra quas non posse fieri ex-
 tensionem, verius est, ne contra legem fiat
 extensio in poenalibus.

l. 8. C. d. r. II. Si liberi postmodum nascantur dona-
 tori: quia non præsumitur, quod is volue-
 rit alienas successiones anteponeere propriis:
 ut recte dicatur inesse donationi conditio
 tacita, si liberi legitimi non nascantur;
 non etiam naturales; quia in hos cessat cau-
tit. C. de sa affectionis. Nati vero tempore donatio-
inoff. don. nis, eam non omnino infirmant, cum ces-
 set dicta conditio, sed tantum quatenus
 inofficiosa est donatio. Neque enim potuit
 pater donando intervertere legitimam, na-
 turali ratione liberis debitam.

l. 1. §. 3. C. Sed & revocantur donationes sub condi-
de donat. tione; modo, vel alias, non pure ac sim-
que sub pliciter initæ, si conditio, modus, aliave
modo. pacta adjecta, non servantur.

Estne aliud genus inter vivos donationis:

§. est & Est veteribus quidem prudentibus penitus
aliud. incognitum postea ab Imperatoribus intro-
 ductum, quod ante nuptias vocabatur, quia
 constantibus nuptiis nulla fieri donatio po-
 terat. Hodie propter nuptias dicitur: quia
 non tantum præcedere, sed etiam sequi nu-
 ptias.

ptias contractus potest, & potest constante matrimonio augeri, perinde, ut dos qua au-
 cta augeri etiam oportuit donationem pro-
 pter nuptias, quam maritus, vel alius ejus
 nomine, facit uxori in compensationem &
 securitatem dotis. Unde non obstat, quod
 donatio inter virum & uxorem sit jure veti-
 ta, quia hæc propter nuptias donatio non
 est pura & simplex, neque ex ea alter con-
 jugum sit locupletior, sed, ut dixi, in se-
 curitatem sit dotis, & soluto matrimonio ad
 maritum fere revertitur..

*l. pen. &
 fin. C. de
 donat. an-
 te nupt.*

*Nov. 97.
 Cujac. l. 5.
 obl. 4.*

*Fuitne olim alius modus civilis acquisitionis
 per ius accrescendi?*

Fuit: quia jure antiquo, qui cum alio
 servum communem habebat, si vindicta, aut
 testamento solus libertatem ei imposuisset,
 partem suam eo casu amittebat, eaque socio
 accrescebat; quia servus pro parte liber esse
 non poterat. Hodie talis servus ab uno ex
 dominis manumissus, sit protinus liber; ne
 tamen socio invito pars sua auferatur, pre-
 tium servi ei redditur secundum partem do-
 minii. Ratio posita est in favore liberta-
 tis, pro qua pronunciandum esse sæpe con-
 stitutum est. Item quoties dubia est vel ob-
 scura manumittentis voluntas..

§. fin. h. t..

*l. 1. & 2. C.
 de comp.
 serv. man.
 l. 20. & l.
 179. ff. de
 R. l.*

T I T U L U S. VIII.

QUIBUS ALIENARE LICET, VEL NON..

Quia de domino acquirendo dictum est, jam
 quæritur de ejus effectu, sive facultate,
 quam dominus habet de re sua libere &
 pro arbitrio disponendi, eam alienandi,
 & alium illius dominum faciendi..

*Hæc igitur facultas alienandi competitne
 cuilibet domino?*

NON competit: nam accidit aliquando
 ut qui dominus sit, alienare non pos-
 sit;

fit;

fit ; uti maritus respectu prædii dotalis & pupillus ; & contra , ut qui dominus non sit , alienandæ rei potestatem habeat ; ut creditor respectu pignoris .

Cur marito dotale prædium alienare non licet ?

Hic in pr. Prohibetur maritus invita muliere dotale prædium alienare per legem Juliam , quamvis cum leg. ipsius sit , dotis causa ei datum . Imo ne Jul. C. de muliere quidem consentiente , permessa est rei ux. act. alienatio vel obligatio , ex Constitutione l. 1. ff. solut. Justiniani . Ratio est , ne sexus muliebris matr. l. 2. fragilitas in perniciem substantiæ earum conc. l. 10. §. si vertatur , & Respublica detrimentum sentiret ff. de jure dot. l. 5. bus esse salvas . Prædium vero dotale estimatum maritus alienare , consentiente uxore , potest , quia æstimatio est loco emptio- nis . Est autem maritus rei dotalis dominus saltem civilis , sive jure civili ; uxor vero naturaliter manet domina dotis .

Quid , si juramento fuerit confirmata hæc alienatio ?

l. 5. C. de leg. c. 28. ff. de jurejur. Covar. ad c. quamvis p. 2. ff. 2. c. 2. de jurejur. in 6. Nec sic valida erit jure civili alienatio , quia eo jure actus prohibitus , juramento mediante , firmari ac stabiliri nequit ; secus jure canonico , quod vult juramentum servari , cum non involvat detrimentum animæ jurantis : agitur enim tantum principaliter de favore ipsius mulieris : nisi tamen prius jurasset , se numquam tali alienationi faciendæ consensuram .

Licetne creditori alienare pignus ?

§. contra Licet , quamvis ejus ea res non sit ; idque autem l. 4. cum jure pacti sive conventionis , & tunc ff. de distr. voluntate ipsius debitoris intelligitur pignus alienari ; tum jure crediti , esset enim C. eod. l. alias pignus creditori inutile , si id perpetuo ult. C. de

tuo teneretur servare debitori suo . Unde , *jur. dom.*
 quamvis pactum non sit , ut creditori liceat *impetr. l. 4.*
 vendere pignus cessante debitore in solutio- *ff. de pign.*
 ne , poterit nihilominus creditor alienare , *act.*
 (ne mora debitoris ei sit noxia ,) dum-
 modo ante id denunciaverit debitori , ut
 solvat , & pignus luat ,isque deinde cessa-
 verit usque ad biennium post denuncia-
 tionem .

Licetne pupillo alienare rem?

Non licet sine tutoris auctoritate , quam *§. nunc.*
 vis alioquin absolute sit dominus rerum sua- *admon. &*
 rum , ac propterea videatur habere jus de *§. fin.*
 iis disponendi ; idque ne temere patiatur re-
 rum suarum dispendium . Quæ ratio facit ,
 ut nec possit mutuum dare ; vel alteri sol-
 vere : quia mutui datio & solutio est pecu-
 niæ alienatio ; quam perinde pecuniam mu-
 tuo datam , vel solutam , si extet , statim *l. 11. §. ult.*
 repetet rei vindicatione , cum eam non po- *l. 9. §. 1.*
 tuerit facere accipientis , bona fide ab acci- *ff. de reb.*
 piente consumptam condicet , cum mutuum *cred.*
 consumptione concilietur ; sin mala fide ,
 eandem sibi exhiberi petet .

At quomodo exhiberi potest pecunia jam con- *l. 131. §. 1.*
sumpta ? Quia dolo malo eam possidere de- *l. 150. ff. de*
 siit : pro possidente habetur , & ut talis da- *R. J.*
 mnatur ad interesse , quod æstimat actor jure-
 jurando in litem .

Potestne pupillo debitum solvi?

Potest & solvi , & res omnis dari pupil- *l. 5. ff. de in*
 lo , sine tutoris auctoritate , sit enim hac *litem jur.*
 ratione conditio pupilli melior . Non potest *§. at ex con-*
 tamen ei solvi , ut liberetur omnino debi- *trario. h. d.*
 tor , qui proinde urgeri iterato potest ad *l. 15. & 22.*
 solvendum , si pecunia non sit salva , vel *ff. de solut.*
 in rem pupilli versa : Pupillus enim obliga- *l. 57. ff. de*
 tionem acquirere potest , diminuere non po- *R. J.*
 test . Lucupletior tamen factus ex solutio-
 ne ,

ne, si adhuc, eandem pecuniæ summam petat, summovebitur exceptione doli mali: *Bona fides enim non patitur, ut his idem exigatur.*

Quatenus liberatur debitor?

l. 6. C. si Ipso jure liberatur, si tutoris auctoritate *adv. solut.* interveniente solverit, sed ex causa damni *l. 25. C. de* sublevabitur pupillus restitutione in inte- *admin. tut.* grum, quæ ita demum excludetur, si præ- *l. 167. §. 1.* terea accesserit Judicis decretum. Nam qui *ff. de R. J.* jussu Judicis aliquid facit, non videtur dolo facere, qui parere necesse habeat. Ita qui solvit Judicis mandato, plenissimam liberationem consequitur.

T I T U L U S IX.

PER QUAS PERSONAS CUIQUE ACQUIRITUR.

Hic quoque Titulus pertinet ad acquisitionem rerum, cum quæritur, per quos dominum singulis acquiratur.

Per quas igitur personas nobis acquirimus?

*text. in
princ.*

NON solum per nosmetipsos, sed etiam per eos; quos in potestate nostra habemus, filiosfamilias & servos: quia hi quidem nobis pro instrumento sunt; illi vero una nobiscum persona censentur. Item acquirimus per servos, in quibus usumfructum habemus: per homines liberos, & servos alienos, quos bona fide possidemus.

*Quomodo per liberos nostros nobis
acquirimus?*

*§. igitur in
princ.*

Olim quidem quicquid ad liberos pervenerat (exceptis peculiis castrensibus) hoc parentibus suis acquirebant, sine ulla distinctione: adeo ut jus esset patri, quod per unum acquisitum esset, illud alii filio vel extraneo donare, vendere, aut alio quo-

quocumque modo in alium transferre : cum enim vi patriæ potestatis persona & corpus liberorum subjiceretur parentibus , multo magis eorundem res & bona . Quod postea mutatum fuit , vel saltem imminutum . Constitutione Justiniani Imperatoris , ac sancitum , ut si quid liberis obveniat e re patris , id totum parenti acquiratur , cum æquum sit , ut quod ex re sive occasione patris profectum est (quod *peculium profectivum* vocant) hoc revertatur ad patrem : ut *peculium castrense* quod in castris occasione & contemplatione militiæ , & *quasi castrense* , quod ex officio publico ; vel occasione togatæ militiæ , ad filium familias pervenit , ejus maneat pleno jure : ut denique in *adventitio* peculio , quod nactus est filius privata sua industria , vel ex materna successione , solum usumfructum habeat pater , proprietatem vero penes filium remaneat : ne quod ei suis laboribus vel prospera fortuna accesserit , hoc ad alium perveniens , lucuosum filio procedat .

l. 6. C. de bonis quæ lib.

Quid si pater filium , habentem *peculium adventitium* , emancipavit ?

Hoc casus olim pater , quasi pro pretio emancipationis retinebat tertiam partem bonorum adventitiorum . Postea Justinianus Imperator patri pro tertia parte domini concessit dimidiam non domini , sed ususfructus , tota proprietate apud filium manente ; qua eum privari , causa emancipationis ; durum & inhumanum visum fuit .

§. hoc quoque l. 1. C. de mater. bonis d. l. 6. C. d. t.

Quomodo per servos nobis acquiritur ?

In servis ut nulla est distinctio peculii , ita per eosdem indistincte acquiritur dominus , etiam ignorantibus & invitis , quid quid servis ex traditione , stipulatione , donatione , legato , vel ex qualibet alia causa

§. item vobis l. 10. §. 1. l. 23. ff. de acq. rer. dom. l. 79. ff. de acq. obve-

heret.

obvenerit . Cum enim servi in alterius sint potestate, & ab alio possideantur, nihil suum aut proprium habere possunt . Dico, *ignorantibus & invitis* ; quia hæc acquisitio fit ipso jure, ratione scilicet potestatis ; adeo ut ne momento quidem subsistat in persona eorum, qui in potestate sunt . Non movet Juris regula, quod *invito non detur beneficium*, cum & alia sit regula, quod non cogatur dominus rem sibi quæsitam retinere, sed eam repudiare possit .

Cur vero hereditatem servus nisi jussu domini adire non potest ?

Vers. sed si Ne adeundo simpliciter hereditatem, sub-
heres l. 6. jiciat dominum æri alieno, quod non ra-
& 8: ff. de ro latere solet in hereditate . Non debet
acq. her. autem damnum adferri domino nisi scienti
l. 113. ff. de & consentienti : neque ejus conditio fieri
R. J. deterior per servos potest, quamvis melior fieri possit . Qui quidem servi jussi adire, ita dominum obligant, perinde ac si ipse hæres institutus esset .

Cur domino etiam ignoranti & invito acquiritur possessio ex causa peculiari ?

Vers. non Quia possessio non tantum corporis sive
solum h. l. facti, sed & juris est . Nam juris interpre-
3. §. 22. l. tatione intelligitur dominus velle hanc pos-
21. l. 34. §. sessionem habere propter concessionem pecu-
1. & 2. l. lli. Cum enim dominus servo peculium ha-
49. in fin. bere permiserit, videtur etiam ei generali-
ff. de acq. ter permisisse, ut stipuletur, ut possessionem
poss. apprehendat, quam visum fuerit ei acqui-
 rere : & sic interpretatione quadam juris dicitur quodammodo hic intervenire volun-
 tas domini, licet ignoranti .

Ex quibus causis servi fructuarii nobis acquirunt ?

§. de iis Ex duabus tantum causis, ex re videlicet
autem. no-

nostra, cum iniquum videri nequeat, id, quod ex re nostra natum est, ad nos redire; & ex operis suis, quas nobis exhibere debent. Aliunde itaque si quid acquisierint, id domino cedit proprietatis. Itaque si talis servus fuerit hæres institutus; vel legatum acceperit, & hæreditatem & legatum acquirat proprietario; nisi testator contemplatione fructuarii servum hæredem instituerit, legatumve ei reliquerit.

l. 21. & seq. ff. de usufruct. l. 47. §. 3. ff. de acq. rer. dom.

Idemne de eo, qui a nobis bona fide possidetur, dicendum?

Idem plane, cum idem poene jus sit fructuarii, & bonæ fidei possessoris. Igitur liber homo, quem bona fide possideo, uti & servus alienus, quem iusto errore meum esse puto, ex iisdem duobus causis mihi acquirunt. Quod vero ex aliis causis acquiritur, id liber quidem homo sibi acquirit, servus vero domino suo.

Vers. quod enim l. 10. §. 3. ff. de acq. rer. dom.

Potestne a fructuario usucapi servus?

Non potest: quia duo ei desunt necessaria ad usucapionem; Primum iusta possessio unde hic dicitur: *non possidere, sed habere jus utendi fruendi*: non possidet civiliter, & efficaciter, sed naturaliter tantum: aut, quod verius est, non possidet sibi, sed domino. Deinde bona fides in eo deficit, quia scit, servum alienum esse, nempe proprietarii: & sic non potest dicere, se ignoranter rem alienam usucapere.

Vers. fruct. d. l. 10. §. 5. l. 1. §. 8. l. 12. & 40. ff. de acq. poss.

Quomodo per extraneam personam nobis acquiritur?

Dominium quidem per liberam & extraneam personam, veluti per procuratorem, acquiri non potest, quia est Juris: dominium enim a persona ejus, cui quæritur, initium sumere debet. Possessionem vero acquiri posse, l. 1. C. de

§. ex his. l. 1. C. de acq. poss. & l. 1. §. 2. ff. eod. l. 1. C. de

acq. poss. se, utilitatis & negotiorum expediendorum
et l. i. §. 2. causa, receptum est, tam per procurato-
ff. d. t. rem, quam per quemlibet liberum homi-
 nem; modo is eo sit animo, ut nobis acqui-
 sitam velit possessionem: possessio enim est
 facti, & in facto veritatur, quod per alium
 liberum hominem expleri potest.

Requiriturne hic sententia domini?

d. l. i. C. de Non requiritur, nec opus est, ut domi-
acq. poss. nus sciat, procuratori possessionem traditam
l. 8. C. eod. fuisse: sufficit enim, quod ab initio dederit
 mandatum, ut omnia acquirat. Et in
 hoc distat possessio ab usucapione, quia si
 procuratori res a non domino tradita sit,
 dominus non usucapiet, donec sciverit rem
 ei fuisse traditam, at si procuratori res a
 domino tradita sit, non tantum possessio,
 sed per possessionem dominium acquiritur:
 hac ratione, quia dominum eo casu a pos-
 sessione nequeat separari; possessio enim est
 causa dominii.

Quo casu per procuratorem domino actio queritur?

l. 53. ff. de Ea quæ civiliter acquiruntur, per eos qui
acquir. rer. in potestate nostra sunt, acquirimus; ve-
dom. luti stipulationem: quod naturaliter acqui-
 ritur, sicuti est possessio, per quemvis vo-
 lentibus nobis possidere acquirimus. Obliga-
l. 2. C. per tio vero quæ juris civilis est, non potest
quas pers. per liberam personam acquiri. Excipitur
 mutui conditio, quæ propter promiscuum
 commercium nobis queritur, & per conti-
 nentiam causæ; actio hypothecaria, si mu-
 tuum nostro nomine dans, pignus vel hy-
l. 79. ff. de pothecam acceperit: quæ tamen actio olim
V. O. l. 13. per procuratorem non acquirebatur domi-
§. 25. ff. de no, sed cessione opus erat: denique si præsen-
act. empt. ti domino procurator stipulatus sit; aut si
 domino mandante rem ejus vendidit, utilis
 actio domino competit.

TITULUS X.

DE TESTAMENTIS ORDINANDIS.

Hactenus dixisse sufficiat de modis acquirendi domini singularibus quibus res singulæ cuique acquiruntur. Videamus nunc, quibus modis dominia rerum per universitatem seu titulo universali nobis acquirantur; id quod quatuor potissimum fit modis, nempe per hæreditates, per bonorum possessiones, per arrogationem, & per bonorum additionem, libertatum conservandarum causa.

§. ult. tit.
antec.

Quid est Hereditas?

Hæreditas est successio in universum jus, quod defunctus tempore mortis habuit. l. 62. ff. de Hoc est, jus succedendi in locum defuncti: quod tantisper nomen suum retinet, donec adeatur: post additionem vero, quippe confusum jam cum bonis adeuntis, amittit nomen hæreditatis, ipsaque deinceps persona hæredis incipit locum tenere personæ defuncti. R. J.

Quotuplex est Hereditas?

Duplex, Testamentaria, & Legitima: sive l. 89. ff. de duobus modis defertur & acquiritur hæreditas; vel ex Testamento, vel ex Lege, id est, ab intestato. De testamentaria successione prius agitur, eo quod testamentum nitatur voluntate defuncti adeoque, quamdiu ex eo speratur hæres, tamdiu successioni intestatæ locus non est. Et hi duo succedendi modi ita sunt diversi, ut nunquam coincidere possint: neque enim unquam eidem homini simul ex testamento, & ab intestato succedi potest. l. 7. & 8. ff. de R. J.

Quid

Quid est Testamentum?

text. hic in princ. I. Testamentum ex eo appellatur, quod testatio sit mentis. Hæc nominis est definitio, vel potius neque definitio, neque etymologia est Testamenti, verum allusio quædam, desumpta a re ipsa, quæ in Testamento versatur..

l. 1. ff. qui test. fac. poss. II. Testamentum est voluntatis nostræ iusta sententia de eo, quod quis post mortem suam fieri velit. Hæc rei definitio est. Dicitur iusta sententia, id est, solemniter & conformiter legibus facta; qua particula excluduntur aliæ ultimæ voluntatis species, quæ licet sint in suo genere perfectæ, non tamen sunt jure factæ, id est, solemnes: veluti Codicilli, in quibus nulla ordinationis requiritur solemnitas. Verba voluntatis nostræ, docent, voluntates ultimas pendere non debere ex alterius quam testantis voluntate, libera, non captata. Verba, post mortem, declarant, quod ut viventis nulla est hereditas; ita Testamentum post mortem demum vires accipiat..

Quot olim Testamentorum fuere genera?

§. 1. Gell. Duo; unum, quod calatis comitiis in pat. l. 15. c. 21. ce & otio fiebat, populo congregato curia-
Ulp. l. 1. tim, idque semel vel bis in anno quo fiebat, ut necessario plures decederent intestati. l. 15. C. de ti, nec testamentum, licet maxime vellent, testam. facere possent; alterum, quod in procinctu fiebat, a militibus cinctis, stantibus in acie, & paratis cum hoste configere. Quibus deinde accessit & tertium, quod per æs, & libram fiebat, sive per imaginariam quamdam emancipationis seu venditionis speciem. Verum duo priora jam olim vetere adhuc Republica in desuetudinem abierunt. Tertium, licet diutius permanserit, attamen partim & hoc in usum esse desiit. Successit ergo

ergo prætorium : in quo nulla desiderabatur emancipatio , aut imaginaria hæreditatis venditio : sed septem testes & signa testium sufficiebant : cum jure civili testium signa non essent necessaria . Postremo consilari cœpit aliud Testamenti genus , partim ex jure civili , quod Testamentum uno contextu fieri mandat ; partim ex jure Prætorio , quod septem signa desiderat , & denique ex Constitutionibus Principum , quæ subscriptiones testium adhiberi voluerunt .

§. sed cum
paulatim
& §. fin.
b. t.

Quot vero hodie sunt genera Testamentorum?

Similiter duo , *Commune* sive *Paganicum* , & *Militare* . Pagani enim opponuntur militibus ; eoque nomine veniunt omnes , qui non militant , non modo agrestes , verum etiam cives . Rursus *Paganicum* , aliud *Solenne in Scriptis* , sive *Scriptum* ; aliud *Nuncupativum* . Sunt etiam Testamenta , in quibus solemnitates pleræque de jure requisitæ remitti solent , ut in testamento ad pias causas , in dispositione patris inter liberos , in testamento rusticorum . Et si nihil facile mutandum sit ex solemnibus , tamen ubi æquitas evidens poscit , subveniendum est .

Vigil. tit.
prox. §. il-
lis autem
n. §. l. 21. §.
1. & l. ult.
C. de test.
l. 183. ff. de
R. J.

Quas solemnitates requirit Testamentum Scriptum .

I. Ut fiat uno eodemque tempore , ac contextu , sine ullo diverticulo ad actum aliquem extraneum . Quia actus testamenti civilis , & unius formæ , debet esse continuus .

§. 3. 4. l. 21.
§. 3. ff. b. t.

II. Ut celebretur coram septem testibus ad hoc rogatis , ut omnis excludatur subornatio , iisque civibus Romanis , masculis ac puberibus .

III. Ut declaretur per manum testatoris , vel testium , nomen hæredis . Quod deinde mutatum fuit , ita ut hodie sufficiat , nomen hæredis scribi per alium quemlibet , di-

l. 21. §. 3. &
seq. ff. & l.
21. & 28.
Auth. &
non obser.
C. b. t.

Stante testatore ; ideo quod periculosum sit tam multis testibus id innotescere : quo casu testator scribere debet , eam esse suam ultimam voluntatem , vel ejus nomine octavus testis .

l. 21. §. 4. ff. b. t. IV. Ut reliqui testes omnes subscribant testamento , & sigilla sua imprimant ; si alterum desit , pro infecto habetur testamentum .

l. 9. §. 11. C. de testam. V. Ut testes sint in præsentia & conspectu testatoris , ipsumque oculis videant , nisi ex privilegio relaxata sit hæc observatio .

Cur hic septem testibus opus est , cum in alia ultima voluntate quinque sufficiant ?

Vel quia mysticus hic numerus , vel quia quinque testibus requisitis in omni alia ultima voluntate duos addidit Prætor , in vicem illius , qui olim familiam emebat , & qui æs ponderabat : judicabat enim majore cautela munienda esse testamenta adversus fraudes , quippe quas defuncti redarguere non possunt .

c. cum esset ff. de test. l. 12. ff. de testib. Jure vero Canonico testes sufficiunt duo vel tres , & validum eo jure est testamentum coram Parocho & duobus testibus legitime factum . Hinc probatio cujusque rei per duos testes impletur , ubi numerus eorum non adjicitur .

Possuntne testes omnes uno annulo signare ?

§. possunt b. l. 22. §. 2. ff. b. t. & l. 12. C. eod. Possunt , eoque sive alieno , sive proprio : possunt & alia re qualibet , quæ characterem sive signaculum habeat . Dependet enim signatio ex fide signantis , non ex materia signi ; ideoque cujus sit annulus , nihil refert . Nam etsi a testatore annulum accepero , & signavero testamentum , valet , quasi alieno signaverim . At , si consulto signa turbata sint : testatore , non videtur signatum . Possè autem & nocte signari testamentum , nulla dubitatio est .

Qui-

Quinam adhiberi testes possunt in testamento.

Cum quibus testamenti factio est, sive qui capere ex aliorum testamentis atque institui heredes possunt. Testamenti proinde factio cives comprehendit & requirit Romanos, excludit peregrinos, deportatos, captivos, qui capere ex testamento non possunt. Sunt & alii, qui licet ex testamento capere possint, tamen non possunt in eo esse testes; vel propter corporis vitium, ut muti, surdi, cæci; vel propter mentis defectum, ut furiosi, impuberes, prodigi; vel propter vitæ probra, veluti ob carnem ac crimen famosum damnati, quos leges jubent, improbos intestabilesque esse, qui utraque carent testamenti factione, & activa & passiva; vel propter conditionem, ut servi; vel propter sexum, ut mulieres.

Cur vero mulieres remouentur?

Ratio hujus non in fragilitate sexus posita est, cum mulieres in aliis negotiis ac contractibus, atque adeo in judicio capitali, audiantur: sed procedit ex jure antiquo, quo testamenta fiebant in Comitibus, atque cum foeminis nulla Comitiorum communio fuit, id est, arcebantur a Comitibus, sive jure suffragii, mulieres; uti & ab omni virili officio, cujusmodi est testimonium dicere, subscribere, ac signare testamentum.

Quid, si aliquis ex testibus creditus fuerit liber, cum signaret testamentum, postea vero apparuerit servus?

Id quidem summo jure non valet, cum eo tempore, quo testamentum condebatur, ejus conditionis fuerit testis, ut testimonium numerus adhiberi non possit, quippe incapax juris civilis. Verum ex benignitate & liberalitate Imperatoris testamento ita subveni-

§. Testes autem l. 8. ff. de test. & 16. ff. qui test. fac. pos. Vers. sed neque l. 18. ff. de test. & 26. ff. d. 1. & 1. 20. ff. eod.

l. 3. §. pen. & l. 18. ff. de test. & d. 1. 20. §. 6. arg. l. 22. ff. de test.

§. sed cum aliquis l. 1. C. de test. l. 3. ff. de off. prætor.

l. 22. §. 1. ff. b. 1. tur, ut perinde habeatur ratum firmumque, ac si, ut oporteat, factum esset, præsertim si testis eo tempore, quo testamentum signaretur, omnium consensu fuerit habitus liber, ne quisquam ei status quæstionem moverit. Conditio enim testis inspicitur, quæ fuit tempore conditi testamenti; ut nihil noceat, si quid postea ei contigerit.

l. 22. ff. de R. J. Hinc *plenius voluntates testantium interpretamur*, quia publice expedit eas exitum habere: alioqui si non plenius interpretemur voluntates, sæpe in nihilum, & causam intestati reciderent.

Qui in potestate familiæ fuerint testatoris, recte adhibentur testes?

§. patet. l. 9. 10. ff. de testib. l. 22. in pr. In alieno quidem testamento recte adhibentur, veluti pater & filius, qui in potestate est patris, itemque duo pluresve fratres, qui in ejusdem patris sunt potestate: cum nihil noceat, nullave lex sit, quæ prohibeat ex una domo plures testes alieno negotio adhiberi: in testamento vero proprio, id est cum vel pater ipse, vel filius familias de castrensi peculio, vel etiam frater testatur, hi inter se alter alteri prohibentur esse testes. Reprobatur enim in ea re domesticum, cum nullus id re propria idoneus perhibeatur testis. Domesticum testimonium, *l. 195. §. 2. ff. de V. S.* non ex cognatione intelligimus, sed ex unionem, quæ per patriam potestatem contingit.

Quid, si hæres scriptus, adhibitus fuerit testis in testamento?

§. sed neq. hæres. Eo casu, neque ipse hæres scriptus, neque is, qui in potestate ejus est, neque pater, qui eum habet in potestate, neque fratres, qui in ejusdem patris potestate sunt, testes adhiberi possunt: quia hoc totum negotium, quod *l. 20. in pr. ff. b. 1.* agitur testamenti ordinandi gratia, creditur inter testatorem & hæredem agi. Hæres autem

tem videretur sibi ipsi jus & testimonium dicere in propria causa : quod jura prohibent propter affectum , qui subvertere veritatem solet . Est & hæc ratio , quod hæres vetustissimam repræsentet imaginem emptoris familiæ , qui testis esse non poterat .

Quid igitur censes de legatariis ac fideicommissariis ?

His , quia non juris successores sunt , testi- §. *legata-*
monium non denegatur , id est , negotium non *rit* .
censetur agi cum legatariis principaliter ,
sed cum hæredibus , deque re & causa hæ-
redum , cum hæredis institutio sit funda-
mentum & caput testamenti . Legatum ve-
ro est res singularis , & res certa ; non uni-
versitas , aut jus aliquod universum , qualis
est hæreditas : atque ideo legatarii , ut &
personæ iis conjunctæ , non dicuntur in re
propria , sed in causa hæredis fere testimo-
nium . Est & alia ratio , cur legatarii possint
esse testes in testamento , quo scilicet testa-
menti faciendi negotium per eos facilius ex-
plicetur , & ob testimonii meritum , ut ali-
quid detur illis , quorum fide ac testimonio
ultima sustinetur voluntas .

*l. 14. ff. de
reb. dub.
Vigil. hic .*

Diversum est in fideicommissariis univer-
salibus , quia hæredum locum obtinent , at-
que in eos transferuntur per restitutionem
omnia jura hæreditatis .

Intereſtne , cui materie inſcribatur Teſtamentum ?

Nihil inter eſſe , in qua materie ſcribatur , in rem l. 1. ff. §. *nihil ut-*
tabulis , an in chartis , membranisve , reſcribit l. ſin. C. h. t.
hic Imperator , tantumque agi , ut de eo con- *l. 1. in pr. &*
ſtet . Olim in tabulis ceratis teſtamenta ſcribi §. *10. ff. de*
ſolebant , & lino ligari , linteoque involvi . *bon. poſſ.*

Poteſtne unum Teſtamentum pluribus conſci §. *ta. l. 12.*
codicibus ? §. *ult. ff. h. t.*

Poteſt , imo interdum etiam neceſſarium §. *& unum.*
G 3 eſt , *l. 10. ff. teſt.*

quemad- est, plura facere exemplaria unius testamen-
mod. aner. ti, quo uno amisso, ex alio voluntas con-
l. 14. ff. b. t. fervetur, dummodo omnia quæ sint authen-
d. l. 1. §. 7. tica, ejusdem tenoris & solemnitatis ab iis-
 dem testibus subscripta, subsignataque. Alias
 ex solo & nudo exemplo non potest adiri hære-
 ditas, licet dari possit bonorum possessio.

Quid est Testamentum Nuncupativum?

§. fin. b. t. Quod sola fit nuncupatione, seu voce te-
l. 1. §. 7. §. nus, quando scilicet testator viva voce hæ-
fin. l. 21. §. redem palam nuncupat, ultimumque volun-
per nuncu- tatis suæ elogium aperit; idque coram se-
pat. C. de ptem testibus, ad hoc convocatis & rogatis
test. d. l. 11. specialiter: item uno eodemque contextu,
§. 26. C. de eodem tempore & loco, nullo actu extraneo
testam. l. interposito. Unde patet, easdem fere so-
ult. C. de lemnitates in testamento Nuncupativo re-
jura cod. quiri, quas supra in Scripto desiderari dixi-
 mus, excepta sola solemnitate extranea,
 scriptionis scilicet, item subscriptionis & si-
 gnaturæ testium. Quod testamenti genus
 hodie maxime in usu est: idque Notarius, si
 quis præsens fuerit, redigere in scripturam
 potest & solet; nihilominus manet nuncupa-
 tivum, cum scriptura ad memoriam, non
 ad solemnitatem aliquam adhibeatur.

T I T U L U S X I.

DE MILITARI TESTAMENTO.

Titulus superior fuit de Paganico Testa-
 mento solemnini; in hoc agitur de Militari
 minus solemnini.

Quid est Testamentum Militare?

in pr. b. l. r. Quod liberum ac solutum est solemnitatibus
§. ff. d. t. juris. Nam miles in expeditione consti-
 tutus, quocumque modo, sive scripto
 sive sine scriptura, extremam suam volunta-
 tem ordinaverit, valebit testamentum, ex
 sola

sola voluntate militis, id est, quamvis neque legitimus testium numerus adhibitus fuerit, neque alia observata solemnitas circa rogationem, subscriptionem & subsignationem testium. Imo & miles potest decedere cum pluribus testamentis, potest hæres instituere ad certum tempus; potest item decedere partim testatus, partim intestatus, liberoque, quos habere se scit, præterire, cessante querela, &c. Nam testamenta militum ad juris gentium simplicitatem redacta sunt per omnia: idque vel propter nimiam imperitiam eorum, qui in expeditione occupati, ne populari quidem juris scientia præditi sint, nec copiam consulendi peritiores habeant; vel potius favore Reipublicæ, ne milites cogantur deserere stationem suam solius testamenti ordinandi causa: maxime, quia expeditionis necessitas sæpe non det locum & tempus observationi solemnium, cum inter armorum strepitum verba juris civilis non exaudiantur.

l. 19. ff. b. t.
l. 8. & 9. C.
eod.
d. l. 1. & l.
3. & 15. C.
eod.

d. §. 1. b. t.
Vers. illum
autem l. 1.
& l. 17. C.
b. t.

Quid, si extra expeditionis necessitatem aliis in locis, vel suis ædibus, degat miles?

Tunc privilegium hujusmodi militare frustra sibi vindicabit, cum sic cesset ratio privilegii, & per otium facultatem habeat miles se instruendi: Quod quidem licet communiter intelligatur de militibus stationariis, ac limitaneis; tamen idem privilegium & his & militibus agentibus in hibernis & præsidiis, alii tribuunt; cum & illis expeditionis incumbat necessitas, ad quælibet discrimina obeunda pro defensione provinciæ.

Vers. illius
autem, b. t.
l. 1. & 17.
C. eod. Cu-
jac. cons.
49.

Quomodo constabit de voluntate militis, si omnis remissa ei sit solemnitas?

§. plane, l.
24. 35. &
40. in pr.

Licet militis qualiscumque voluntas pro jure observetur, tamen de ea certo constare debet. Constabit autem vel scriptura ipsius

ff. b. t. l. 12.
ff. de te-
stib. l. 15.
C. eod.

militis, vel convocatis ad hoc hominibus, id est, testibus, saltem duobus, qui affirmant, militi voluntatem fuisse testandi, quæ alias calumniis foret obnoxia, Scriptura etiam probat, si miles moriens quid in vagina, clypeo, aut pulvere, litteris sanguine suo rutilantibus, scripserit. Probant vero testes etiam non rogati, cum rogatio ad solemnità juris civilis spectet, quibus solutus est miles.

Quid, si ut plerumque in sermonibus aut convivii fieri solet, miles dixerit, se aliquem heredem facere?

Verf. exte-
rum.

Non oportet hoc pro testamento servari: nec exemplum ejusmodi admitti debet, vel ipsorum militum gratia; quia videtur miles magis captandæ benevolentiae causa, aut repentino affectu simile quid dixisse & jactasse, quam ex animo faciendi talem heredem. Alioqui non difficulter post mortem alicujus militis testes existerent, qui affirmarent se audisse eum dicentem, se relinquere bona, cui visum sit: & per hoc vera judicia subverterentur, ac fictitius aliquis obreperet hæres: cujus proinde erit ostendere, militem testandi animo de rebus suis disposuisse, easque sibi reliquisse.

Gaudetne hoc testandi privilegio miles mutus & surdus?

§. quin
imo, b. l. 4.
ff. eod.

Gaudet, si casu aliquo, aut vulnere, aut morbo, hæc vitia contraxerit in militia, & aliquatenus possit voluntatem suam indicare; secus si surdus & mutus sit a nativitate, qualis non potest esse miles, cum nequeat exaudire mandata. Ideoque hujusmodi surditatis defectus superveniens causat quidem missionem, ut tamen, cum miles maneat, privilegio gaudeat testandi.

Quousque durat hoc privilegium?

Quamdiu militant & in castris degunt: ubi si testamentum fecerint, deinde dimissi a militia intra annum decesserint, valebit testamentum, velut jure militari factum. Si vero conditio, hæredi in eo testamento adscripta, post annum demum extiterit, nihilominus valebit testamentum, quasi militis, post annum missionis, ad quem annum conditio retrahitur. Missionem intellige honestam, & causariam, non ignominiosam. Nam ignominiose militia missi, perdunt hoc privilegium, quod præmii loco tributum est merentibus.

§. sed & *hætenus.*

l. 21. & 38. in pr. ff. h. t.

l. 26. ff. eod.

Testamentum ante militiam non jure factum, valebitne testatore facto milite?

Dicendum est, *valere hoc testamentum quasi ex nova militis voluntate*, nempe ex aliquo militis actu, puta si in expeditione degens, miles factus illud resignaverit, & quædam adjece- rit, sive dextraxerit; vel alias ejus manifesta fuerit voluntas, testamentum valere volentis.

§. sed & si quis.

l. 9. & 20

§. 1. ff. h. t.

Quid, si in arrogationem datus fuerit miles, vel emancipatus?

Eo quoque casu dicendum est, *valere testamentum quasi ex nova militis voluntate, nec videri capitis diminutione irritum fieri*; sive, inquam, miles paterfamilias sese arrogandum dederit; sive miles filiusfamilias fuerit capite minutus vel emancipatus. Nam capitis diminutio, quæ est privata, & juris civilis commentum, non potest publicum jus militum, & gentium infringere. Atque in eo differt miles a pagano, cujus testamentum capitis diminutione fit irritum. Ratio differentiæ est, quod pagani testamentum deducatur in casum, a quo incipere non

§. denique h. l. 22.

cum seq. ff. eod.

potest, non etiam militis, cui, de castrensi peculio testanti, patria non obstat potestas: ut non sit opus declaratione novæ voluntatis, cum prior voluntas duret, si aliud non appareat.

Quid, si filiusfamilias testetur de bonis quasi castrensibus?

§. ult. l. fin. C. de inoff. test. Eo quidem casu ad exemplum filiifamilias militis, qui testari de bonis castrensibus potest, permissum quoque est filiofamilias togatam militiam exercenti, testari de bonis quasi castrensibus; non tamen jure militari, sed communi, quia licet Advocati & causarum patroni militare quodammodo dicantur, & non minus providere humano generi, quam si prædiis atque vulneribus patriam parentesque salvarent, id tamen ab iis sit citra necessitatem expeditionis.

T I T U L U S XII.

QUIBUS NON EST PERMISSUM FACERE
TESTAMENTUM.

Postquam Imperator Testamenti ordinandi formam ita tradidit, quasi ea permissa in genere sit omnibus; nunc quasi exceptiones regulæ illius subjicit, de iis, qui jure prohibentur Testamentum facere.

Quibus igitur permissum non est facere Testamentum?

h. in pr. l. 3. & 6. ff. qui test. fac. poss. **A**lii prohibentur ob vitium, vel animi, ut impuberes, furiosi, & forte etiam prodigi; vel corporis, ut mutus, & surdus, & cæcus; vel ob statum, ut filiusfamilias.

I. Igitur qui alieno juri subjecti sunt, ut filiusfamilias, testamenti faciendi jus non habent. Nam licet testamentum ad res pertineat privatas, ejus tamen faciendi licentia ex jure publico procedit; quo soli patrifami-

familias, hoc est, ei, qui sui juris sit, conceditur de pecunia, id est substantia sua testandi facultas: quam proinde facultatem non habent filii *familias*. Adeo quidem, ut quamvis parentes eis permiserint; nihilo magis jure testari possint, cum ejusmodi privata permissio non possit immutare jus publicum. Plane, quin mortis causa donare possint, si parentes consentiant, nulla ratio impedit: quia licet quoad effectum talis donatio pro ultima voluntate habeatur, tamen quoad essentiam contractus magis est, & privati juris; atqui filius *familias* contrahendo alienare potest, consentiente utique patre.

l. 38. ff. de pact.

l. 27. ff. de R. J.

l. 25. ff. de donat.

mort. caus.

Quid juris est de castrensi, quasi castrensi, & adventitio peculio?

Olim militibus, qui in potestate parentum erant, hoc privilegium dabatur, hodie etiam dimissis a militia, id est, veteranis, ut de *peculio castrensi* testari valeant, quia intuitu illius pro patribus *familias* habentur. De *peculio quasi castrensi* idem juris est. De *adventitio* vero, licet illud pleno jure sit filiorum *familias* (ut aliquibus casibus contingit) ultima voluntate disponere prohibentur, quia nullibi inveniuntur patria potestate exempti, hujus *peculii* respectu. Imo licet suæ potestatis facti decesserint, testamentum ante factum manet inutile; quia ejus principium inspicitur, nimirum tempus conditi testamenti, quo filius *familias* testamenti faciendi facultatem non habuit. Quod enim initio vitiosum est, tractu temporis non potest convalescere.

Vers. quod quidem

jus in pr. l.

6. §. ult. ff.

de injust.

rupt. l. 3. C.

de cast.

pec. & l. 2.

ff. eod. l. 29.

ff. de R. J.

l. 19. ff. qui

test. fac.

poss.

§. præterea

l. 5. & d. l.

19. ff. qui

test. fac. &

l. 4. C. eod.

vers. item

furiosi l. 9.

dem C. b. t.

II. Impuberes testamentum facere non possunt, quia nullum eorum animi judicium est: quales sunt masculi, qui decimum quartum, & foeminae, quæ duodecimum ætatis annum nondum compleverit; quem qui-

dem annum complevisse quis dicitur, dum ejus ultimum attigerit diem. Quoties enim de favore alicujus agitur, placuit diem coeptum haberi pro completo.

III. *Furiosi & Amentes*; testamentum enim testatio est mentis, nec fieri potest ab iis, qui mente & ratione carent. Factum autem ante furorem, aut tempore intermissi furoris, firmum permanet: etiam recurrente furore, qui cum tantum sit facti, non infirmat id quod jure factum est. Unde in eo qui testatur, eo tempore quo testamentum facit, integritas mentis, non corporis sanitas exigenda est. Quo pertinet regula juris: *'Omnia que ex testamento proficiuntur, ita status eventum capiunt, si initium quoque sine vitio ceperint.*

l. 201. ff. de R. J.

§. item prodig. l. 1. ff. de curat. fur. l. 40. ff. de R. J.

IV. *Prodigi*, post interdictam bonorum suorum administrationem, quia tales, quoad bona; dicuntur furiosum facere exitum. Quod si tamen ante interdictionem fecerint testamentum, illud ratum manet, etiam post interdictionem. Quæ quidem interdictione ipso jure expirat, recepta vitæ ac morum sanitate, & sic prodigi in potestate desinunt esse curatorum.

§. item surdus.

V. *Surdus & Mutus a natura*. Qui quidem olim nullo modo testari poterant, cum mutus accire & rogare testes, surdus exaudire verba familiæ emptoris non posset. Si tamen testandi licentiam a Principe impetrassent, valebat testamentum. Hodie mutus & surdus a natura testari nequit, quia explicare mentem suam non potest: casu vero & ex accidenti mutus ac surdus factus, si quidem litteras sciat, testari potest: & ut surdus tantum, vel mutus tantum: neque interest, an quis natus, an casu factus sit mutus & surdus, dummodo iste scripto mentem suam indicare, hic voce exprimere & prode-

l. 85. §. 1. ff. de R. J.

te

te factum est, ex aliquo eventu vitari, quantumvis casus is emergat, a quo negotium incipere non potuit.

VI. *Cæcus*; nisi observata forma ab Imperatore Justino præscripta: nempe, ut, quia scribere cæcus non potest, testamentum faciat per nuncupationem, declaretque hæredem, & simul dignitatem exprimat hæredis, adhibitis septem testibus, & Notario, vel octavo teste, si copia Notarii non sit, qui voluntatem ultimam defuncti accipiat, & in scripturam redigat, subscribat, & subsignet, una cum testibus.

VII. *Captus ab hostibus*, interim dum apud hostes est, quippe factus servus hostium; adeoque testamentum, factum ante captivitatem, stricto jure corrumpitur, eo quod devenit in casum, a quo incipere non potest. Attamen ex æquitate valet, cum per jus postliminii, quo ad suos reversus pristina omnia recuperat jura, & fingitur numquam in hostium fuisse potestate; tum per legem Corneliam, quæ sustinet testamentum ejus, qui apud hostes moritur, fingendo eum ipso momento captivitatis mortuum, atque ita liberum, non servum, obisse. Unde Paulus, *Fictio legis Cornelie hæreditatem* & l. Falc. hæredem facit.

Sunt & plures alii, qui testari jure prohibentur, de quibus hic & alibi Interpretes, veluti obsides, nisi id eis specialiter a Principe concedatur; damnati ad mortem, crimen læsæ majestatis committentes, hæretici, usurarii manifesti, & Monachi post emissam professionem.

T I T U L U S XIII.

DE EXHÆREDATIONE LIBERORUM.

Præter solemnia ordinationis sunt alia veluti intrinseca testamentis; quorum principale jus est de liberis hæredibus instituendis vel exhæredandis.

Liberumne igitur testatori est instituere, quos velit, hæredes?

Text. hic in princ. l. 2. § l. 2. ff. de lib. & post.

Non est; sed qui filium in potestate habet, curare debet, ut eum heredem instituat, vel exhæredem nominatim faciat: hoc modo: Titius filius meus hæres esto, vel ita: Filius meus exhæres esto: non adjecto proprio nomine, si scilicet alius filius non extet: sic enim nominatim quis exhæredari videtur. Cæterum, si cum silentio præterierit, inutiliter testabitur.

Que ratio istius juris, cur liberi necessario instituendi sint hæredes, vel exhæredandi?

l. 11. ff. de lib. & post. l. 30. ff. de lib. & post. & l. 12. ff. eod. tit.

Patria potestas, & jus sui hæredis seu suittatis, ut vulgo loquuntur. Unde cum liberi in potestate existentes videantur quodammodo una eademque persona cum patre, imo & vivo patre; quasi domini existimentur rerum paternarum, ideo voluit Lex eos necessario aut institui hæredes, ut hac via confirmaretur dictum dominium ex voluntate patris; aut exhæredari, ut ab eo per aliquem actum exteriorem semoverentur. Neque enim patria potestas, aut ficta domini continuatio in liberos, impedire poterat facultatem testandi, vel etiam exhæredandi liberos, quippe quos olim & occidere licuerit.

Caj. 10. in par. ff. & C. h. t.

Quid ergo est Exhæredatio, quid Præteritio?

Exhæredatio est exclusio ab hereditate, qua lege

lege alicui competebat, testamento facta & ordinanda: sive, Ademptio hereditatis lege debita vel data. Nam qui exheredat, submovet quem a jure successionis, sive abscindit alicui jus succedendi: quod jus ei, qui illud non habet, abscindi non potest. Sui heredes, id habent ex lege.

Præteritio est, cum liberi neque instituti sunt heredes, neque ut oportet, exheredati, quique ab omnibus gradibus sunt omitti.

Licetne exheredare indistincte liberos omnes?

Olim non licuit: discrimen enim fuit inter sexum, inter emancipatos ac suos, inter natos & posthumos. In primis inter sexum ea fuit differentia, quod pater filios exheredare debuerit *nominatim*, id est, nomine expresso: *filias* vero exheredare potuit *inter ceteros*, id est, non *nominatim*: veluti, si quibusdam institutis, subjunxerit dein testator, *ceteri exheredes sunt*: verbo: *ceteri*, filia, non filius, comprehendebantur, forte quia arctius videatur conjunctus patri filius, quam filia, quæ nubendo in aliam familiam transit.

II. Si filios præterisset pater, ejus testamentum erat inutile & nullius momenti. Et ita quidem inutile, ut neque vires acciperet, aut hereditas ex eo adiri posset, mortuo ante patrem filio, propterea quod non constiterit ab initio. Si vero *filias* præterisset, vel etiam nepotes ex filio, & alios utriusque sexus liberos, testamentum non infirmabatur, sed jus accrescendi eis ad certam portionem præstabatur, id est, liberi præteriti accrescebant heredibus scriptis: & quidem si sui heredes instituti essent, præteriti succedebant una cum illis in viriles portiones; sin extranei essent instituti, tunc sui præteriti auferebant iis indistincte semissem. Verum hæc omnia hodie sunt correctæ; ut paulo post dicemus.

bic in pr.

§. 44. & l. 53. ff. de her. inst.

Text. bic in pr.

l. 7. & 10. ff. de lib. & post. l. 1. & 17. ff. de injust. rupt. Ulp. tit. 22. §. 14.

Quid

Quid juris de posthumis fuit?

§. post. b. l. *Illi quoque vel heredes institui debuerunt ,*
 7. & pen. *vel exheredari, quia qui in utero sunt, jure*
 ff. de stat. *civili habentur pro jam natis, quoties de*
 boni. *commodis ipsius partus quaeritur; alioquin*
agnatione posthumi rumpebatur testamen-
tum, non vero statim fiebat irritum ipso ju-
re. Ratio est, quia accidere potest, ne na-
 1. 3. in pr. ff. *scantur: at si mulier, ex qua posthumus spe-*
 de injust. *rabatur, abortum fecerit. Cum igitur testa-*
 rupt. l. 2. & *tori metuendum sit, ne moriatur intestatus,*
 3. C. de *melius esse videbatur, ut certum sibi insti-*
 post. her. *tueret heredem, si forte posthumus non na-*
 instit. ibi *sceretur.*
 DD.

Quae vero olim inter liberos jam natos & post-
humos fuerunt differentiae?

Ver. sed fe- Haec in primis, quod praeterito filio jam
min. Ver. f. nato testamentum ipso jure nullum esset;
masculos. foemina vero praeterita, non item: at post-
 humo praeterito, five masculo, five foemi-
 na, validum quidem erat testamentum, ut
 dictum; sed agnatione posthumi, vel posthu-
 mae rumpebatur.

II. Quod filia posthuma non aliter recte
 exheredaretur inter ceteros, nisi aliquid ei
 relictum esset, ne alias videretur per obli-
 vionem praeterita: quae ratio cessat in filia
 jam nata, ac proinde licet nihil ei legaretur,
 exheredari inter ceteros poterat.

Teste Ulp. III. Posthumos masculos, id est, filios,
tit. 22. §. & deinceps, non nisi nominatim exhereda-
nepotes. ri placuit: natos vero nepotes etiam inter
 ceteros.

Nepote, qui loco posthumi est, succedendo in
locum sui heredis praeterito, rumpiturne
testamentum?

§. postb. *Rumpitur, si utique contingat patrem ejus*
ver. ne decedere ante mortem avi testatoris, vel ali-
et? ter

ter de potestate exire. Ne ergo eo modo rumpatur testamentum, sicut ipsum filium vel hæredem instituere vel nominatim exhæredare debet testator, ita & nepotem ex filio; ne forte & is suus factus, quasi agnatione rumpat testamentum. Idque Lege Julia Vellea provisum est, in qua similis exhæredationis modus, ad similitudinem posthumorum, demonstratur: ita videlicet. *Si filius meus ante me moriatur, aut alio modo desinat mihi suus hæres esse, nepos ex eo qui jam natus est, hæres esto, vel exhæres.*

l. 29. ff. de lib. & post.

Quid, si liberi emancipati inveniantur præteriti?

Illi jure civili testamentum non dicunt ipso jure nullum: quia emancipatos liberos, eo jure neque hæredes instituere, neque exhæredare, necesse est: cum non sint sui hæredes, sed numero extraneorum habeantur. Verum Prætor liberos omnes, si hæredes non instituuntur, exhæredari jubet, datque emancipatis præteritis bonorum possessionem contra tabulas testamenti: quia licet tales civiliter desierint esse sui, non tamen vere & naturaliter desierunt esse liberi. Civilis enim ratio jura naturalia perimere non potest.

§. emancipatos.

l. 8. ff. de R. J.

Quid dicendum de Adoptivis?

Illi, quatenus in potestatem transeunt adoptantis, quamdiu sunt in potestate, ejusdem juris habentur, cujus sunt justis nuptiis quæsit: unde & vel instituendi sunt hæredes, vel exhæredandi. Verum emancipati a patre adoptivo, penitus pro extraneis habentur; tantum abest, ut necesse sit, eos vel institui vel exhæredari.

§. adopt.

Et hæc quidem de exhæredatione liberorum ex jure veteri, quid vero jure novo obrinet?

§. sed hæc quidem l. ult. C. de lib. præter.

Jure novo, ex Constitutione Justiniani, sub-

sublata sexus differentia, omnes omnino liberi sive mares sint, sive foeminae, cum æque sint homines; sui, vel emancipati, cum & hi æque sint liberi; sive primi gradus, ut filii, sive ulterioris, ut nepotes, nati sive posthumi, si non instituantur hæredes, nominatim sunt exheredandi.

Manfit ea adhuc differentia, quod, filio jam nato præterito, testamentum ab initio sit inutile; præterito vero posthumo, tunc demum, cum is natus fuerit quod denique emancipati præteriti non dicant testamentum ipso jure nullum, sed per bonorum possessionem contra tabulas petant illud rescindi.

Quid denique Jure novissimo aliter circa liberorum exhæredationem statutum fuit?

Nov. 115. I. Quod non liceat penitus patri vel matri, avi vel avia, aliquem ex liberis exheredare, vel præterire silentio, nisi forsitan tam probentur ingrati, & causam ingratitude nominantim suo inseruerint testamentum, C. de mento, quam deinde hæres scriptus probet: lib. præd. adeo ut in arbitrio judicis amplius non sit c. 3. in fin. æstimare merita causarum.

Auth. Ex causa, C. d. fa, testamentum non sit ipso jure nullum, 1. Gudel. sed quantum ad institutionem hæredum pertinet, evacuetur, rescindatur & irritum fiat; de Jure nov. vis. l. 2. c. 4. cætera vero capitula, veluti legata & fideicommissa, salva maneant. Quod enim ipso jure nullum est, id rescissione non indiget.

III. Quod posthumus hodie exhæredari non possit, saltem cum effectu, cum nequeat committere causam ingratitude: atque in eo quoque differentia est inter posthumum, & jam natum, quoad exhæredationem.

Quot

Quot sunt causæ, ob quas exheredare licet vel parentibus liberos, vel liberis parentes, vel fratri fratrem?

Olim causæ illæ erant vagæ, & inde finitæ; earumque momenta fere ab æstimatione Judicis pendebant, qui omnes in facto consistunt. Hodie sunt certæ & definitæ. In *liberis* quidem revocatæ ad quatuordecim, ne nimium morositati parentum indulgeatur, & contumacia liberorum refrænetur. Ex aliis vero causis, paribus aut gravioribus; placuit plerisque non subsistere exheredationem, quia odiosa & restringenda. In *parentibus* autem causæ ingratitude sunt octo; in *fratribus* tres. Pauciores in *parentibus*, quam in *liberis*; quia erubescit lex, castigatores, aut morum censores filios parentibus statuere. Paucissimæ in *fratribus*; quia minora levioraque videntur, quæ a fratre, quam quæ a filio vel parente proveniunt, delicta.

d. Nov. c. 3.

Viglius ad §. ult. h. t.

Nov. 22. c. 14.

Teneturne & miles liberos suos nominatim exheredare?

Non tenetur: imo *silentium militis pro exheredatione nominatim facta valet*; dummodo non ignoraverit, se liberos habere, vel uxorem suam prægnantem esse; alias testamentum erit ipso jure nullum. Nulla enim voluntas elici potest ex ignorantia aut errore. Cum ergo militis in expeditione occupati voluntas sit pro testamento, ubi non constat de voluntate, testamentum esse non potest.

§. sed si in expeditione
l. 9. cum
seq. C. de
test. mil.

Quid, si mater vel avus maternus liberos prætereat?

Illæ quoque præteritio tantum facit, quantum exhereditatio patris, adversus quam liberis, querela datur inofficiosi testamenti.

§. ult. h. t.

l. ult. C. de

lib. præter

l. 17. C. de

Non inoff. test.

Non enim cogitur mater, vel avus mater-
nus liberos hæredes instituere, vel exhære-
dare, cum eos non habeat in potestate. Et
quidem indistincte liberi præteriri a matre
possunt, sive sciverit, sive ignoraverit, se
liberos habere.

T I T U L U S XIV.

DE HÆREDIBUS INSTITUENDIS.

Expositum est, quomodo sui hæredes neces-
sario instituendi sint vel exhæredandi :
nunc de instituendis hæredibus extraneis
agit, quæ scilicet personæ institui hære-
des possint, quibus ex partibus, qua for-
ma & modo.

Quid est Institutio?

*l. 1. §. ult. ff. de vulg. subst. §. ante hæ-
redis, inf. de legat.* **I**nstitutio hæredis est subrogatio in universum
jus, quod testator habuit tempore mortis.
Estque adeo necessaria, ut sine ea nihil in
testamento scriptum valeat; imo veluti ca-
put atque fundamentum totius intelligitur
testamenti.

Qui possunt hæredes institui?

Text. hic l. 3. §. 1. ff. b. 1. **Hæredes instituere permissum est tam liberos.**
homines, quam servos, & tam proprios quam
alienos : scilicet, omnes, qui aut testamen-
tum facere possunt, aut capere ex testa-
mento; quomodo & cum servo alieno te-
stamenti est factio, si non ex sua, saltem
ex persona & capite domini, cui acquirit,
& quem sufficit civem Romanum esse.

Quis dicitur servus proprius, quis alienus?

text. b. 1. Vers. Prop. l. 79. ff. b. 1. **Proprius** qui vel jure pleni dominii est
proprius, vel in quo nudam proprietatem
testator habet, alio usumfructum habente.
Alienus vero, in quo testator nullum jus
dominii habet; vel in quo nudum dum-
taxat

taxat usumfructum habet, proprietate penes alium residente.

Servus proprius potestne indistincte institui hæres?

Olim non aliter quam cum libertate institui poterat, quia non videbatur testator voluisse, liberum esse eum, quem non manumiserat testamento, cum id facere posset: hodie vero etiam sine libertate eum instituere permissum est, cum hæc tacite censeatur adscripta, & sine ea hæreditas acquiri non possit. *In obscura enim voluntate manumittentis, favendum est libertati.*

Estne casus, quo servus proprius nec cum libertate recte instituitur.

Est; nam servus adulterio dominæ suæ maculatus, manumitti ante sententiam ab solutionis non potest, nec hæres a domina, ejusdem criminis rea, institui, ne turpis conjunctionis macula, manumissionis velamento obtegatur, & subducatur servus a quæstione; neque enim liber homo in put alterius torqueri potest, nec servus ex suo delicto præmium consequi, aut meliorem conditionem suam facere.

Servus proprius institutus, qualiter sit hæres?

Fit hæres aut *necessarius*, aut *voluntarius*. *Necessarius*, si a domino hæres institutus eadem casa manserit, in familia scilicet domini, usque ad mortem, nec fuerit manumissus: nam hoc casu, velit, nolit, hæreditatem adire cogitur, quia hæres necessarius est. *Voluntarius*, si hæres institutus, a vivo testatore manumissus fuerit: quo casu liberum ei erit non adire hæreditatem, quia manumissio eum fecit voluntarium. Quod si alienatus fuerit, cum sic extra familiam incipiat esse testatoris, non nisi jus-

Vers. si vero alienatur.

su

fu novi domini hæreditatem adire potest ,
idque ne dominum invitum obliget hære-
ditati ..

*Idemne in servo alieno hærede instituto
juri est?*

§. alienus quoque. Idem plane ; nam si in eadem causa du-
raverit, id est, si in potestate manserit do-
mini, cujus tempore conditi testamenti fuit ;

d. 7. ff. b. t. tunc ejusdem domini jussu hæreditatem adire
debet, cui etiam acquirit. Si fuerit alie-
natus, jussu novi domini. Si manumissus,
tunc hæres fit voluntarius & suo arbitrio
hæreditatem adire potest.

*Potestne servus alienus post domini mortem
institui hæres?*

§. servus etiam. Potest ; quia & cum hæreditariis servis est
testamenti factio : nondum enim adita hæ-
reditas, personæ defuncti vicem sustinet, ut

l. 54. ff. de acq. hæ. non possit dici personæ incertæ relicta hære-
ditas, cum defunctus sit certus, incertum
vero, quis futurus sit hæres. Igitur servus
hæreditarius non videtur esse in domino,
cum hæreditas vacans habeatur pro do-
mino.

l. 61. ff. de acq. rer. dom. *Estne hoc in perpetuum?* In multis saltem
juris articulis, hæreditas habetur pro domi-
no, ideoque hæreditati ut domino per ser-
vum hæreditarium acquiritur. Et quia hære-
ditas cum testatoris morte continuatur,

etiamsi eam adiri postea contingat, certe
id, quod acquisitum est hæreditati, hære-
di eam quandocumque adeunti acquisitum
censebitur. Nam, ut Celsus definit, omnia

l. 193. & l. 138. ff. de R. J. *seve jura hæredum perinde habentur, ac si con-
tinuo sub tempore mortis hæredes extitissent.* Et
Paulus, Omnis hæreditas, quanvis postea
adeatur, tamen cum tempore mortis conti-
nuatur.

Quid,

Quid, si plurium dominorum servus ab extraneo sit institutus hæres, cui acquireret?

Unicuique dominorum, cuius iussu hæreditatem adierit, pro portione scilicet domini. Unde si omnium iussu adierit, acquireret pro rata omnibus; sin aliquorum tantum, his portiones cæterorum non jubantur tacite accrescent.

Potestne institui hæres, quem numquam testator viderit?

Potest, & quidem plane extraneus, & procul agens: veluti si quis fratris filios peregrinantes, sive in disitis regionibus agentes, ignorans qui essent, hæredes instituerit: nec ideo inducitur incertitudo circa personam, cum alias possit sufficienter declarari; & sæpe tacitus erga ignotam personam propter virtutis celebritatem sit affectus.

Quinam prohibentur hæredes institui?

Deportati, peregrini, quia non habent testamenti factionem. Item improbi, intestabilesque esse iussi, veluti apostata, hæretici, damnati ob crimen vel crimen famosum; & vidua intra annum luctus nubens: quod correctum est Jure Canonico, quo permittitur viduæ nubere, ut non debeat puniri utens actu sibi permissio. Cælibes & orbos olim Lex Julia Papia ex testamento civis Romani capere vetabat, sublata postmodum per Constantinum.

Licetne plures instituere hæredes?

Licet & unum hominem & plures usque in infinitum, quot quis hæredes velit facere: ut tamen voluntas possit habere exitum, omnesque hæredes pro una eademque persona habentur, & simul personam repræsentant.

tant defuncti, cum sint juris successores :
 l. 141. §. 1. Et quidem, si unus tantum institutus sit
 ff. de R. J. hæres, is totam capiet hæreditatem, quip-
 pe hæres ex asse, id est, toto : si plures
 sint instituti, non in solidum succedunt ;
 nec enim duo ejusdem rei in solidum domi-
 ni esse possunt ; sed in partes, quas nomina-
 vit testator, æquales sive inæquales.

In quot vero partes dividi solet hæreditas ?

§. hæredi-
 tas.

Dividitur plerumque in duodecim uncias,
 quæ *Assis* appellatione continentur, & in
 asse inveniuntur, facta dinumeratione ab un-
 cia, & desinendo in assem : videlicet, *Un-*
cia : *Sextans*, quasi sexta pars assis, duæ un-
 ciæ : *Quadrans*, quarta pars assis, tres un-
 ciæ : *Triens*, tertia pars assis, quatuor un-
 ciæ : *Quincunx*, quinque uncia ; *Semis*, seu
 semitas, sex uncia ; *Septunx*, septem uncia ;
Bes quasi bis triens, octo uncia ; *Dodrans*,
 quasi dempto quadrante as, novem uncia ;
Dextans, decem uncia, quasi dempto sextan-
 te as ; *Deunx*, quasi dempta una uncia as,
 undecim uncia.

*Quenam igitur, pluribus institutis hæredibus,
 partium hæred. tatarum fiet distributio ?*

§. hæredi-
 tas, in fin.
 §. si plures
 l. 9. & 10.
 ff. h. t.

Illa ut dixi, vel æqualis erit, vel inæ-
 qualis : nam potest quis in quocumque vo-
 luerit uncias, suam hæreditatem dividere.
 Et quidem constat, nullis partibus nomina-
 tis, ex æquis partibus succedi. Quod si ve-
 ro testator in quorumdam personis expresse-
 rit, in aliis non expresse rit partes, habe-
 bunt hi eam assis partem, quæ aliis ex-
 pressim relicta non fuerit : veluti si Pam-
 philum ex triente & Sempronium ex trien-
 te instituero ; deinde alium vel alios in-
 situam, nullis partibus expressis, ad re-
 liquum trientem iste, vel isti, si plures
 sint, vocantur.

Quid,

Quid, si toto asse completo, aliqui præterea sine parte scripti sint heredes?

Tunc, qui nominatim expressas partes habent in dimidiam partem vocantur, sine parte scripti, in alteram dimidiam. Videtur enim testator æque omnes honorasse, atque ita duos fecisse asses, quibus revocatis ad unum, debetur utriusque semis sive dimidia pars: nisi ita scripserit testator, *Ex reliqua parte heredes sunt*; nam tunc nihil debetur, cum nihil sit reliquum.

d. §. si plures.
l. 17. §. 11.
& l. 19. ff.
b. t.

Quid, si testator plures partes assignaverit, quam continet as?

Tunc, quod excedit assem, singulis pro rata decrescet; uti e contrario, si pauciores assignaverit partes, pars vacans singulis tacite pro rata accrescet. Et si unum tantum quis, ex semisse v. gr. heredem scripserit, totus as in semisse erit; idque ex legis interpretatione, quæ non patitur, ut quis decedat pro parte testatus, & pro parte intestatus: nisi sit miles, cujus sola voluntas in testando spectatur.

§. videamus. 13. §. 3. ff. b. t. §. hereditas, b. t.

l. 7. ff. de R. J.

Qualiter institui debet heres?

Heres & pure & sub conditione institui potest: ex certo tempore, aut ad certum tempus non potest. Pura institutio, veluti, *Titius heres esto*, statim a morte testatoris desert hereditatem. Conditionalis, veluti, *Titius heres esto, si navis ex Asia venerit*, differt & suspendit effectum institutionis, evenienteque conditione, jus institutionis retrahitur ad tempus mortis: ut propterea dici non possit, testatorem decedere aliquo tempore intestatum. Quod sequeretur necessario, si vel ex certo tempore, puta post quinquennium, vel ad certum tempus, puta usque ad quinquennium, institui heres

§. heres, & seqq.

l. 88. ff. b. t.

H pos-

posset . Sed & qui semel hæres factus est , non potest desinere esse hæres .

Quid , si igitur dies institutioni fuerit adjectus ?

l. 1. l. 75. ff. de cond. & demonst.

Placuit eum haberi pro supervacuo , & perinde esse , ac si pure hæres institutus sit , ne utile per inutile vitietur . Si vero dies incertus sit adjectus , valet institutio , quia dies incertus conditionem in testamento facit .

Potestne sub conditione qualibet fieri institutio ?

§. impossibilis, l. 1. l. 15. h. t. l. 6. & l. 20. ff. de cond. instit. l. 12. ff. de R. J.

Potest , modo honesta & possibilis sit conditio , non autem turpis aut impossibilis : *Impossibilis enim conditio in institutionibus , & legatis , necnon in fideicommissis & liberatibus , pro non scripta habetur ; & sublata conditione , manet pura institutio , ac purum legatum , &c. ita postulante favore ultimarum voluntatum , in quibus nemo præsumitur ludere . Maxime cum hoc agat testator , ut det & liberalitatem suam exerceat . Itaque plenior , & prolixior solet fieri interpretatio in testamentis . In contractibus vero contrarium observatur . His enim impossibili conditione adjecta , nullius momenti sunt . Hoc ideo diversimode placuit , quoniam in contractibus de onerando debitore agitur , nec verisimile est , eum ultra voluisse obligari , quam verbis expressit . Præterea cum contractus fiant duorum pluriumve consensu & voluntate , perinde imputare sibi pars altera debet , quod verba non melius concepit .*

l. 31. ff. de oblig. & act.

Quot modis conditio dicitur impossibilis ?

l. 15. ff. de condit. inst. c. 58. de reg. jur. in 6. l. 185. ff. de R. J.

Quatuor , I. natura , veluti , *Si cælum digito tetigeris .* II. De jure , *Si hominem occideris* : est enim contra bonos mores & juris dispositionem id facere . Quæ enim contra bonos mores sunt , nec facere nos posse credendum est .

III.

III. De facto, Si montem aureum mibi dederis, heres esto: impossibilis enim hujusmodi obligatio: fit tamen hic, ut impossibilitas rejiciatur, & pro non adjecta sit. Unde illa juris regula: ea que dari impossibilia sunt, vel que in rerum natura non sunt, pro non adjectis habentur. l. 135. ff. eod. tit.

IV. Ex repugnantia verborum conditio est impossibilis, ut, Si Titius heres erit, Sejus heres esto; si Sejus heres, Titius heres esto: l. 182. & inutilemque plane reddit institutionem, cum conditio existere non possit: ideoque ad R. J. hunc locum non pertinet. Celsus inquit, Ubi pugnantia inter se in testamento juberentur, neutrum & tum est. Quod contraria simul stare non possunt: uno enimposito, necesse est tolli alterum; item sublato uno, poni alterum. l. 124. ff. de V. S.

Quid, si institutioni plures adjiciantur conditiones?

Videndum, an conjunctim adscriptæ sint, §. si plures ut, Si navis ex Asia venerit, & Titius Consul factus fuerit: tunc enim omnibus parendum est, quia pro una omnes habentur: aut disjunctim, vel alternative, si navis venerit, aut Titius Consul factus sit; tunc enim sufficit alteram impletam, ex mente adjucentis, qui altera contentus videtur. Unde illa Regula Juris, Ubi verba conjuncta non sunt, sufficit alterutrum esse factum. Ea demque regula non solum in testamentis, sed & in contractibus locum habet. Interdum in testamentis alternativa est loco conjunctivæ; idque ne defraudetur quis commodo testatoris. l. 110. §. 3. ff. de R. J.

Quando habetur pro completa conditio?

Quotiescumque in testamentis & contractibus quid rejicitur in conditionis eventum, habetur ea pro impleta, si stet per

l. 161. ff. de R. J. *eum, cuius interest conditionem non impleri, quo minus impleatur. Sic intelligenda regula: In iure civili receptum est, quoties per eum, cuius interest conditionem non impleri fiat, quo minus impleatur, perinde haberi, ac si conditio impleta fuisset. Eaque regula obtinet in libertatibus, legatis, hæredum institutionibus, stipulationibus, & aliis civilibus negotiis.*

T I T U L U S XV.

DE VULGARI SUBSTITUTIONE.

Ne testatores præter suam voluntatem decedant intestati, quia scilicet institutus non possit, aut nolit hæres esse, alium vel alios substituere hæredes solent in primi hæredis defectum.

Quid est Substitutio?

l. 1. & l. 43. §. 2. ff. h. r. *Est secundi hæredis institutio, vel, signatio hæredis in secundo vel ulteriore gradu facta: ordine tantum ab institutione quæ est primi hæredis, differens. Exempli causa: Institutio est, Titius mihi hæres esto: Substitutio vero. Si Titius mihi hæres non erit, Sempronius mihi hæres esto.*

Quotuplex est Substitutio?

l. 7. ff. de vulg. *I. Alia est Directa, quæ fit verbis directis & civilibus, directe & immediate ipsum substitutum respicientibus: ejusmodi sunt verba; Do, Lego, Hæres esto, &c. Alia Fideicommissaria, quæ verbis fit precariis & obliquis, non immediate ad substitutum directis, sed mediante alia persona, cujus ministerio restituatur hæreditas, cujusmodi sunt verba, Rogo, Mando, Volo, Fidei tue committo.*

II. Directa substitutio alia est Vulgaris, sic dicta, quod vulgo fiat, sive in vulgarem

rem casum, scilicet in casum non aditæ vel acquisitæ hæreditatis; *Si hæres non erit*. Alia *Pupillaris*, qua parentes liberis substituunt impuberibus, in potestate constitutis, in casum acquisitæ hæreditatis & mortis ante ætatem pupillarem; de qua *Tit. sequenti*. Ad utramque speciem pertinet: *Exemplaris*, *Reciproca*, & *Compendiosa*; nisi exemplo testamenti, Substitutionem directam dividere malis in *Paganicam* & *Militarem*; *Paganicam* vero in tres species, *Vulgarem*, *Pupillarem*, & *Exemplarem*, seu potius *quasi pupillarem*.

III. *Vulgaris*, alia est *Expressa*, quæ fit verbis expressis, & nominatim in casum vulgarem: ut, *Titius hæres esto; si Titius hæres non erit, Cajus hæres esto*: alia *Tacita* sive *subintellecta*, quæ intelligi & contineri dicitur sub expressa pupillari, ut & substitutio vulgaris expressa tacitam continere pupillarem: quia ex divi Marci & Veri Constitutione, substituens in alterum casum dumtaxat, in utrumque casum substituisse intelligitur. l. 4. ff. de vulg.

Quinam substituere ac substitui vulgariter possunt?

Substituere quilibet potest, qui & testari; Ulp. reg. tit. 22.
item *substitui omnes, qui & hæredes institui*: sive qui testamenti factionem cum testatore habent; non tantum liberi homines, sed & servi, cum quibus ex persona dominorum testamenti factio est.

Quibus vero substitui?

Substitui similiter omnibus, cujuscunque conditionis & ætatis, hæredibus potest, suis servis leg. & extraneis, imo & servo, sive alieno, de quo minus dubium est: sive etiam proprio, qui necessarius hæres est; quem proinde putant aliqui per substitutionem ex necessario fieri voluntarium: sed falluntur, cum,

H 3 quoad

quoad servum, substitutionis hujus effectus sit, ut servo instituto non adeunte vel quia morte præventus non potest, vel quia manumissus recusat, aut alienatus per novum dominum impeditur, non deferatur testamentum, sed sustineatur per substitutum.

Qualiter fit hac Substitutio?

§. & plures.

Substitui possunt vel plures in unius locum, vel unus in plurium vel singulorum, vel in vicem ipsi, qui hæredes instituti sunt: hac forma; Titius & Mævius hæredes sunt; Titium Mævio, Mævium Titio substituo: vel, Titium & Mævium hæredes instituo; & invicem substituo: quam vocant Reciprocam, id est, mutuam substitutionem, quia vice mutua hæredes invicem substituuntur, item Breviloquam, quod breviter & compendio fiat. Differt tamen a Compendiosa, quia illa compendio sermonis varias substitutionum species complectitur, hac formula: *Quandocumque filius meus decesserit, Titius hæres esto.*

l. 41. §. 4. ff. b. r.

Quid, si testator ex disparibus partibus hæredes scriptos invicem substituerit?

§. & si ex disparib. l. 1. C. b. r. expressit. Si igitur tres instituit hæredes, l. 24. & 41. ff. eod.

Tunc, si nullus in substitutione partes expresserit, videtur eas dedisse, quas in institutione expressit. Si igitur tres instituit hæredes, Titium ex besse, Cajum ex uncia, Sejum ex quadrante, eosque invicem substituit; Sejo deficiente, vel repudiante, fient novem partes, quarum octo cedent Titio, una vero Cajo: nisi alia forte testatoris mens appareat, quæ colligetur ex æquali onere in substitutione singulis injuncto.

l. 23. ff. ad SC. Treb.

Quid, si instituto hæredi coherede substituto dato, alius ei substitutus fuerit?

§. sed si instit. l. 27. & 41. in pr. ff. b. r.

Eq casu sine distinctione ad utramque partem substitutus admittetur, nimirum tertius ille, utro-

utroque deficiente, utriusque partem capiet, tam instituti, quam substituti; v. g. *Titius & Mævius hæredes sunt. Si Mævius hæres non erit, Titius hæres esto. Si neque Titius hæres erit, Sempronius hæres esto.* Neuter fit hæres; ergo Sempronius ad utramque partem admittebatur. Qui enim ultimo loco substitutus est, etiam primo substitutus intelligitur; *l. 65. ff. de V. S.* sicut hæredis hæres testatoris hæres fieri potest. Nam hæredis appellatio non solum ad proximum, sed & ad posteriores refertur. *l. 194. ff. de R. J.* Ex quo Modestinus, *Qui per successionem quamvis longissimam defuncto hæredes extiterunt, non minus hæredes intelliguntur, quam qui principaliter hæredes existunt.* Quod tamen non tam ex vi verborum, quam ex utilitate receptum est.

Quid juris, si servum alienum quis patremfamilias arbitratus hæredem scripserit, & ei liberum hominem substituerit; servus vero jussu domini adierit hæreditatem?

Hoc casu Imperator, exemplo Tiberii Cæsaris, constituit, mediam viam esse ineundam, nempe ut servus ille, quem testator credidit liberum, jussu domini sui pro dimidia saltem parte adeat hæreditatem, pro altera dimidia substitutus; idque, propter errorem testatoris & voluntatis incertitudinem, contra tenorem juris receptum est. *l. fin. C. de her. inst. §. si serv. l. 40. & seqq. ff. de her. l. 3. C. eod.* Regulariter enim substitutus non admittitur cum instituto. Pro domino faciebat, quod plus valeat, magisque sequentum videatur quod est in veritate, quam quod in opinione. *§. si quis. l. 1. infr. de legat. l. 1. ff. si pars hered. pet.* Pro substituto vero, quod in præsentī casu potius sequenda sit opinio, & inde præsumpta testatoris voluntas, qui non videtur voluisse consultum domino, quem ignorabat: ob hunc igitur conflictum placuit mediam viam sequi, quam etiam prudentissime semper juris auctores in ambiguis secuti sunt. *l. 85. §. ul. ff. de R. J.*

Quis est effectus bujus Substitutionis?

l. un. §. 5. de caduc. toll. l. un. C. de his qui ante apertas tab. I. Quod deficiente hærede instituto, vel quia non potest, morte præventus, vel quia non vult adire hæreditatem, vel alias irrita facta institutione, fiat locus substituto, ut per eum sustineatur voluntas defuncti, excluso hærede instituti, ad quem hæreditas non adita non transmittitur, nisi ad liberos suos ex potentia sanguinis; excluso quoque jure accrescendi, cum substitutus expresse vocetur, jus autem accrescendi tacite ex legibus descendat.

II. Quod substitutus eo casu succedat ipsi testatori, & non ei cui facta est substitutio.

l. 1. §. fin. & l. 4. ff. h. r. III. Quod denique, ut dixi ante, hæc substitutio expressa contineat tacitam pupillarem, si sit facta pupillo.

Quando expirat & evanescit hæc substitutio?

l. 5. C. de impub. substit. l. 4. C. d. r. l. 14. in fin. ff. sed. I. Adita per institutum hæreditate: continet enim substitutio tacitam juris conditionem hanc, si hæres non erit, cujus defectus facit deficere voluntatem substituendi. Quod verum est, non tantum, si omnes vocati adierint, verum & uno ex pluribus copulative sive conjunctim vocatis adveniente, ita ut ne quidem ad patrem alicujus deficientis admittatur substitutus, quia ea accrescit adeunti. Substitutus enim tantum censetur vocatus in casum, quo nemo est hæres, nisi singuli singulis sint substituti.

l. 2. & 4. C. de repud. her. II. Deficiente conditione, substitutioni apposita, & ipsa deficit substitutio.

III. Repudiatione facta a substituto. Et generaliter iisdem modis irrita sit substitutio, quibus infirmari testamentum institutionemque contingit.

TITULUS XVI.

DE PUPILLARI SUBSTITUTIONE.

Quid est Substitutio Pupillaris?

Qua parens liberis suis impuberibus, quos *text. b.l.2. in potestate habet*, ita substituit, ut si *ff. de vulg. heredes ei extiterint*, & adhuc impuberes mortui fuerint, sit eis aliquis heres. Dicta Pupillaris, vel quia confertur in id tempus, *l.239. ff. de V. S.* quo filius impubes per mortem patris factus est pupillus: vel quia sit impuberi, qui aliquando etiam pupillus dicitur.

Introducta vero est hæc substitutio, non tam lege quam moribus, ex jure patriæ potestatis, quæ efficit, ut jure civili videatur quodammodo una & eadem persona patris & filii, una utriusque familia, unum patrimonium, & consequenter unum utriusque testamentum. Qua ratione ejusmodi substitutio non recte fit emancipato; uti nec a matre, aut avo materno, propter deficientem potestatem.

Quæ sunt requisita ad hanc substitutionem?

Quatuor potissimum. I. Ut pupillus, cui *l.2. §.4. & ff. de* sit substitutio, sit de numero liberorum. *vulg.*

II. Ut sit impubes; nam puberibus non recte ita substituitur, cum tales, si sanæ mentis sint, ipsi sibi testamentum facere possint.

III. Ut in potestate sit testatoris, non recusus in alterius potestatem. Hinc avus nepoti ex filio substituere pupillariter non potest, vivo adhuc patre.

IV. Ut pater, qui liberis suis testamentum *§. liberis b.d. l.2. in* facit, illud sibi prius faciat. Nam pupillare *princ. l.12. §.1. & l.78. ff. de R. J.* testamentum pars & sequela est testamenti paterni. Adeo ut si principale non valeat, pupillare subsistat: Cum enim *princ. ff. de R. J.* palis causa non consistit, nec ea, quæ sequun-

tur, locum habent. Debet itaque pater sibi ipsi prius rite hæredem scribere, deinde filio substituere, & non convertere ordinem scripturæ.

d. l. 2. in
pr. §. 4.

Quid, si *conversa sit*? Ut si pater inverso & mutato ordine prius filio; deinde sibi hæredem scripserit; valebit utique testamentum, si modo substitutioni omnino conjunctim adhæreat institutio. In his enim quæ simul & conjunctim fiunt, magis attenditur voluntas testatoris, quam ordo scripturæ. Deinde constat, proprie unum esse testamentum patris & filii, licet duæ sint hæreditates. Patet ex formula hujus substitutionis, quæ duplicem casum continet: alterum *vulgarem*, quo succeditur patri; alterum vero *pupillarem*, quo filio succeditur. Quia ergo utrumque ab uno eodemque testatore, id est, a solo procedit patre, & in utroque una eademque observatio est solemnium; ideo proprie unicum censetur testamentum; duo vero improprie, & non nisi speciali duarum causarum, id est, hæreditatum, consideratione.

§. igitur
h. t.

Quæ igitur est formula pupillaris substitutionis?

text. h.

Proponit eam Imperator his verbis: *Titius filius meus hæres esto: & si filius meus hæres mihi non erit; siue hæres erit, & prius moriatur, quam in suam tutelam venerit, id est, antequam pubes factus sit, tunc Sejus*

text. h.
Vers. quo
casu.

hæres esto. In qua formula duplex est substitutio: prima *Vulgaris*, quæ fit verbis negativis, in casum delatæ & non acquisitæ hæreditatis, & si filius meus hæres mihi non erit: altera *pupillaris*, qua pater filio, in casum acquisitæ hæreditatis, verbis substituit affirmativis, si hæres erit, & intra pubertatem decesserit; vel, prius decesserit, quam in tutelam suam venerit.

Quæ

*Quæ vero est differentia inter Vulgarem,
& Pupillarem?*

Ea non una est. I. *Vulgaris* a quovis testatore, & cuivis hæredi: *Pupillaris* a solis parentibus fieri potest, & substitui tantum liberis impuberibus, in potestate existentibus.

II. *Vulgaris* competit jure communi; *Pupillaris* jure singulari. Est enim contra communes Juris regulas, quod unus pro alio, atque ita pater pro filio testetur: verum hoc ita moribus, ut dixi, introductum fuit vi patriæ potestatis, & propter ætatem; ut cum ejus ætatis sunt filii, in qua ipsi sibi testamentum facere non possunt, hoc parentes eis faciant. text. b.
vers. nam
morib.

III. In *Vulgari* substitutus fit hæres patri, in casum scilicet, quo non extiterit hæres filius, in quem casum pater sibi providit de hærede. In *Pupillari* vero, nimirum in casum, quo extiterit hæres filius, substitutus ipsi filio fit hæres, cujus patrisque simul bona capit. Atque a patre institutus hæres filius ejus impubes, adeundo hæreditatem paternam facit suam: eandemque ut suam transmittit ad substitutum, & quidem tamquam unam, ut dividi non possit. text. b.
vers. quo
casu.
l. 4. ff. b. s.

IV. In *Vulgari substitutione* una tantum est hæreditas: in *Pupillari* duæ: in illa unum dumtaxat testamentum; in hac duo quodammodo sunt testamenta; alterum patris, quod & principale dici potest, alterum filii, sive pupillare. l. 10. ff. h. t.

Quotuplex est Substitutio pupillaris?

Duplex, alia *Expressa*, alia *Tacita* sive subintellecta, quemadmodum & *Vulgaris*. Substituitur enim pupillariter vel expressis verbis in casum dumtaxat pupillarem, Si hæres erit, & intra annos pubertatis decesserit; vel tacite, cum conditio substitutionis non

l. 4. ff. de
vulg.

exprimitur, sed tantum subintelligitur ex interpretatione voluntatis, seu potius ex vi & potestate legis, præsumptis talem fuisse voluntatem testatoris, ut qui filio impuberi substituerit in vulgarem casum, si hæres erit, intelligatur etiam substituisse tacite in casum, si hæres erit, & nondum pubes factus decesserit. Atque hoc est, quod vulgo dicitur expressa pupillari contineri tacite vulgarem substitutionem: quemadmodum vice versa tacita pupillaris includitur vulgari expressa, applicando eam filio impuberi.

Intereſtne, qua in parte teſtamenti pupillariter ſubſtituatur?

§. fin. au-
tem b. t.

Non intereſt. Imo ſi quis ita formidoloſus ſit, ut timeat, ne ſubſtitutione pupillari palam facta poſt obitum teſtatoris, periculo inſidiarum ſubjacet, poteſt vulgarem quidem ſubſtitutionem in partibus teſtamenti prioribus, pupillarem vero ſeparatim in inferioribus partibus ſcribere, eamque partem proprio lino, propriaque cera conſignare; dummodo caveat ab initio, ne quis filio vivo & adhuc impubere tabulas inferiores aperiat; ſic enim tutus erit pupillus adverſus ſubſtitutorum inſidias.

Quibus ſubſtitui pupillariter poteſt?

l. 220. ff. de
V. S.
DD. in l. 2.
ff. de vulg.

Subſtitui hoc modo poteſt, I. *Liberis impuberibus, in poteſtate exiſtentibus, & hæredibus inſtitutis*. Liberorum autem nomine veniunt nepotes neptesve, & cæteri ulteriores gradus, dummodo ſint in primo gradu poteſtatis ipſius teſtatoris.

§. non ſolum l. 1. l.
47. ff. b. t.

II. *Non tantum inſtitutis, ſed & ex hæredatis*: quo caſu, ſi quid filio obvenerit, ad ſubſtitutum pertinet, cum non ab inſtitutione, ſed a poteſtate patria dependeat facultas ſubſtituendi pupillariter; nec tam contineat gravamen, quam proviſionem ſu-
turi

turi hæredis, Non potest tamen pater ab hæredato relinquere legatum, eo quod ejusmodi res spectet ad onus, quod non est imponendum ei, qui oneratus non est. Cæterum substitutioni exhæredato factæ effectus est, quod substitutum ad bona admittat impuberis adventitia, quæ ei a cognatis maternæ lineæ, vel aliunde: obventura sunt.

III. *Non tantum natis, sed & posthumis*, si scilicet sint posthumi sui. Et quidem olim posthumo tam instituto, quam exhæredato, substitutuere fas erat, hodie vero non aliter ei substituitur, quam hæredi instituto, non amplius liceat posthumum, vel infantem exhæredare, saltem cum effectu.

Vers. qua-
cumque
auth. non
licet, ibi
DD. C. de
lib. præ.

Qualiter substituitur pupillariter?

I. *Substitui hoc modo potest, & pure, & sub conditione*; quemadmodum & hæres pure & sub conditione recte instituitur.

l. 8. ff. b. t.
§. hæres
sup. de

II. *Vel singulis liberis, vel ei, qui eorum novissimus impubes morietur*, substitui potest. Singulis quidem, si testator neminem institutum decedere voluerit, hoc modo *Primus hæres esto: si primus hæres non erit, vel si hæres erit, & intra pubertatem morietur; secundus hæres esto; si secundus hæres non erit, tertius hæres esto: ex quo testamento deficientium hæreditas superstitibus accrescit. Novissimo vero morienti, si jus legitimarum hæreditatum integrum inter eos custodiri velit, hoc modo: Primus, secundus, tertius, filii mei hæredes sunt: ei vero, qui eorum novissimus impubes morietur, Titius hæres esto. Quo casu non ex testamento, sed ab intestato succedunt liberi.*

hæ. inst.
§. vel sin-
gulis b. t.

l. 25. ff. eod.

§. substi-

III. *Substituitur impuberi, aut nominatim, aut generaliter*. Pertinent hæc ad formulam substituenti pupillariter, *Nominatim* ita fit substitutio; *Titius filius meus hæres esto: si hæres non erit, vel impubes morietur, Caius hæres sub.*

tuitur l. 8.
§. 1. l. 10.
pr. l. 31. ff.
h. t. l. ult.
C. de imp.
hæres sub.

hæres esto. Quo casu substitutionis, hæreditatem pupilli consequetur, etiamsi paterna repudiaverit. *Generaliter ita; Quisquis mihi hæres erit, idem filio meo, intra pubertatis annos morienti, hæres esto*. Quo casu substitutus non aliter ad pupilli hæreditatem admittetur, quam si & scriptus fuerit hæres, & extiterit hæres ipsi patri, non etiam si per alium hæreditatem acquisiverit: nam hæres scriptus, si vere non fiat hæres, quod fit per aditionem: pro non scripto habetur; & sic infirmatur testamentum. Sed & pro qua parte hæres fuerit factus, ex eadem intelligitur substitutus.

Qui sunt effectus hujus Substitutionis?

Poterant quidem illi colligi ex jam dictis, hic tamen breviter repetendi sunt. Itaque effectus.

text. b. in pr. I. Est. Quod per pupillarem substitutionem succedatur ipsi filio, si is hæres extiterit, & ante pubertatem decesserit, non patri testatori.

l. i. ff. b. t. l. 8. §. 5. ff. de inoff. test. II. Quod pupillari expressa contineat in se tacite vulgarem substitutionem.

III. Quod eadem substitutio expressa, ab omni successione pupilli excludat ejus matrem, ita ut ne quidem querela ei sit salva; cum hic testetur non tam filius, quam pater, qui omittendo uxorem pupilli matrem, nihil contra officium facit pietatis. At vero substitutio pupillaris tacita, comprehensa in vulgari expressa, non valet ad excludendam matrem, licet substitutus sit pupilli frater: cum ea oriatur ex præsumptione; quæ capienda est in benigniorem partem: atqui præsumendum non est, quod testator voluerit eo casu locum esse substitutioni, per quam mater, præter luctum amissi filii, etiam jactura luctuosæ affligeretur hæreditatis.

Qui-

*Quibus modis finitur, siue evanescit
hæc Substitutio?*

I. Finitur pubertate, si quidem masculi quatuordecim, foeminae vero duodecim annorum tempus exceſſerint, cessante tunc causa, propter quam est introducta. Causam dixi supra esse hanc, ut scilicet impuberi (qui ejus ætatis est, in qua ipse sibi testamentum facere non potest) faciat pater; utilitatis ipsius causa. Miles tamen excedere tempus hoc potest, & filio ita quoque substituere, si intra annum vigesimum quintum mortuus fuerit. Ratio est posita in privilegio militari.

l. 7. l. 21. ff.

b. t.

l. 7. & l. 15.

ff. b. t. l. 8.

C. de imp.

subst.

Extraneo itaque, vel filio puberi, ita substitui directo nequit, ut si hæres extiterit, & intra aliquod tempus decesserit, alius ei sit hæres. Non extraneo, quia hæc substitutio pendet ex patria potestate; non etiam puberi, quia pubes ipse sibi testamentum facere potest. Dixi, *directo*, quia precario, hoc est, per fideicommissum, tam puberi extraneo, quam suo, substitui potest: veluti, *Titius mihi hæres esto: rogo autem te hæres, ut si ante annum ætatis vigesimum quintum decesserit, hæreditatem meam restituas Sempronio*. Cuiusmodi substitutio, potius restitutio, & proprie fideicommissum dicitur.

§. ult. b. t.

l. 41. §. 2. ff.

b. t. l. 8. &

ibi Glof. ff.

b. t.

II. Si is, cui substituitur, mortis tempore non fuerit in familia, siue potestate testatoris, irrita sit substitutio, deficiente fundamento illius, patria scilicet potestate.

III. Non adita hæreditate aut sublato testamento, quod quibus modis contingat, dicam *Tit. seq.*

Denique deficiente conditione, substitutioni opposita.

Quæ

Quæ dicitur substitutio Exemplaris, sive quasi Pupillaris?

Qua permissum est parentibus, qui mente ap:os habent filios vel nepotes, cujuscumque sexus vel gradus, etsi puberes sint, eis ad exemptione b. t. plurim pupillaris substitutionis certas personas l. 9. C. h. t. substituere, puta liberos aut fratres, si quos habeant, & his deficientibus extraneos. Introducta fuit hæc substitutio a Justiniano Imperatore; unde & Justinianeam vocant.

In quibus differunt Pupillaris & Exemplaris?

§. 5. 8. 9. Differunt in plerisque. Nam Pupillaris fit impuberi, Exemplaris puberi: illa homini sanæ mentis, hæc furioso vel dementi: illa fit a patre, jure potestatis; hæc etiam a matre, ratione humanitatis: illa substituitur etiam extraneus, hac non alias quam deficientibus liberis furiosi, ejusque fratribus; illa enim fit exhæredato filio, hæc vero non, nisi saltem relicta portione legitima. Denique Pupillaris pubertate extinguitur, seu postquam pupillus adoleverit; Exemplaris, recepta sanitate, & agnatione sui hæredis.

T I T U L U S . XVII.

QUIBUS MODIS TESTAMENTA INFIRMANTUR.

Hactenus dictum est; qualiter testamenta jure fiant: sequitur de modis, quibus testamenta jure facta infirmantur; idque vel ipso jure, dum aut rumpitur, aut irritum fit testamentum, vel ex officio Judicis: de quo agitur *Tit. seq.*

Quando & quot modis dicitur rumpi testamentum?

text. in princ. Rumpitur testamentum, cum in eodem statu manente testatore, ipsius testamenti vis vitatur: cum scilicet in ipsum testamentum

vitium incurrit , quod ita licet constiterit ab initio , incipit esse pro non jure facto . Idque fit duobus modis .

I. *Per agnationem vel quasi agnationem sui hæredis* . Nam si post testamentum factum testatori nascatur posthumus , idemque suus hæres , aut ipse arroget aliquem , qui sit sui juris , vel adoptet aliquem , qui alterius potestati subiaceat , & fiat suus similiter hæres , rumpitur testamentum ; quia ad suum hæredem patris pertinet hæreditas . l. 8. ff. de injust. rupt.

II. *Posteriore quoque testamento , quod jure perfectum est , superius rumpitur* . Cujus ratio est , quod in testamento de universis bonis disponatur , quæ universitas cum nonnisi una intelligi possit , non possunt unius hominis plura esse testamenta ; ac ex pluribus stare oportuit posteriori , utpote quo solo ultima & firmiter voluntas defuncti , de universitate , seu hæreditate , continetur : nec interest , extiterit aliquis hæres ex eo , an non : hoc enim solum spectatur , an aliquo casu existere potuerit hæres , etiam si non adierit , quia aditio hæreditatis non pertinet ad perfectionem testamenti , sed tantum ad ejus exitum & effectum . §. poster. l. 1. & seq. l. 6. ff. d. t.

Quid , si in posteriore testamento jure perfectio certarum rerum sit scriptus hæres ?

Nihilominus superius testamentum sublatum esse , divi Severus & Antoninus rescripserunt : *etsi quis* . & secundo loco factum , licet ex rebus certis hæres scriptus sit , perinde jure valere , ac si rerum facta non esset : nam hæredi scripto , uti universi juris successor , reliqua hæreditatis pars accrescit ; ne quis cedat partim testatus , partim intestatus . §. 3. sed

Quid , si in posteriore testamento expressum sit , ut etiam prius testamentum valeat ?

Eo casu ex certis rebus scriptis hæres jubetur d. §. sed etsi 15. in

fine l. 29. ff. ad SC. Trebell. l. 12. ff. de injust. rupt. betur esse contentus iis rebus, aut suppleta quarta ex Lege Falcidia, vel potius Senatus Consulto Trebelliano, reliquam hereditatem restituere his, qui in priori testamento instituti sunt heredes. Nam tametsi ea testatoris voluntas directo non subsistat, jubentis, ut etiam prius valeat testamentum, cum nemo decedere cum duobus possit testamentis, tamen sustinetur in vim fideicommissi. Ratio est, quia cum testator in testamento posteriori heredem scripserit tantum in certis quibusdam bonis, censetur per fideicommissum cætera bona reliquisse illis, quibus relicta erant in priori testamento jam rupto, præsertim cum fideicommissa consent ex sola defuncti voluntate.

Quando dicitur irritum fieri testamentum?

§. alio autem l. 6. §. 9. ff. de injust. rupt.. Irritum fit testamentum, quoties ipsi testatori aliquid contingit, puta si condito prius testamento patiatur capitis diminutionem, non tantum maximam & mediam, verum etiam minimam, dando se in arrogationem, per quam in alienum transeat jus & familiam. Non enim fieri potest testamentum ab eo, qui sui juris & civis Romanus esse desit. Sed & irritum constituitur testamentum non adita hereditate, aliisque modis. *Si nemo subiit hereditatem*, inquit Paulus, *omnis vis testamenti solvitur*.

l. 1. d. t. l. 181. ff. de R. J.

Quid, si testator, mortis tempore, suæ fuerit potestatis?

§. non tamen l. 2. §. 8. & l. 11. §. 2. ff. de bonor. poss. sec. ab. Tunc testamentum prius per capitis diminutionem irritum factum, beneficio Prætoris reconvalescit, data heredj scripto bonorum possessione secundum Tabulas, si modo & testamentum septem testium signis signatum, & testator tempore facti testamenti ac mortis, civis fuerit Romanus, suæque potestatis. Quod obtinet in scripto. In nunc-

cu-

cupativo autem testamento huiusmodi confirmatio non habet locum, cum careat solemnitate juris prætorii.

Testamentum jure factum, solane & nuda voluntate testantis infirmatur?

Placuit, ex ea sola non infirmari testamentum, quod postea testator id noluerit valere; cum etiam nuda voluntate non conficiatur testamentum, & naturale sit, unumquodque eo modo dissolvi, quo colligatum est. Quod adeo verum est, ut & si quis post factum prius testamentum, facere posterius cœperit, & aut mortalitate præventus, aut quia ejus rei eum poenituit, id non perfecerit, priores tabulæ in vigore suo maneant. Infirmitur autem testamentum, si cum voluntate testatoris, nolentis illud valere, concurrat etiam factum aliquod, ut si testator tabulas testamenti sui cancellaverit, sigilla detraxerit, nomen hæredis induxerit, &c. ista namque testamentum solemnitate privant, nisi fortuito probentur contigisse.

§. ex eo autem.

d. l. 11. §. 2.

l. 27. C. de test.

l. 35. ff. de R. J.

l. 1. & 2. ff.

de his quæ in test. del.

l. pen. C. de testam.

Ut in casu

l. fin. ff.

de injust. rupt.

Suntne casus, quibus prius solenne testamentum posteriore minus solenni rumpitur?

Sunt aliqui, nimirum si hæredes, qui ab intestato scripti fuerint, cum in priore vocati essent, qui ab intestato venire non poterant. Deinde, si post testamenti confessionem decennium lapsum sit, & apud tres testes, vel acta, professus sit testator non velie prius stare testamentum; quo fit, ut neque lapsus decennii sine contraria voluntate, neque contrarii voluntas sine decennii lapsu, testamentum infirmet.

l. 21. §. 3.

l. 27. C. de testam.

Licetne litis causa Principem instituere heredem?

Non licet: ut si quis rem habeat litigiosam, & in ea Principem instituere velit heredem:

§. fin. h. t.

*d. §. fin. in
fine.*

*l. 4. C. de
legib.*

redem: Princeps enim, cum sit justitiæ præses, fovere injustitiam non debet, & a legibus utiliter positis recedere. Sed & neque in testamento imperfecto Princeps institui hæres potest, neque ex nuda voce aut scriptura aliqua, cui juris auctoritas desit, Principem hæredis nomen admissurum, oratione divi Pertinacis cautum: Licet enim legibus soluti sint, tamen se legibus vivere Principes profitentur, & agnoscunt nihil majus imperio dignum, quam submittere legibus principatum.

T I T U L U S XVIII.

DE INOFFICIOSO TESTAMENTO.

Dictum, quibus modis testamenta jure facta infirmantur ipso jure: sequitur, quæ ratione impugnentur & rescindi petantur per actionem, sive querelam de inofficioso, implorato ad hoc officio judicis.

Quod dicitur testamentum inofficiosum?

text. in pr.

l. 1. ff. b. s.

IN quo parentes sine justa causa liberos suos vel exhæredant, vel omittunt, sive prætereunt, quasi non ex officio pietatis factum, & quasi non sanæ mentis fuerit parens, dum testamentum ordinaret, exhæredando aut prætereundo inique filium. Quod plerumque facere parentes solent, maligne circa sanguinem suum inferentes judicium, novercalibus delinimentis instigationibusque corrupti: cum tamen ratio naturalis, velut lex quædam tacita, liberis parentum suorum hæreditatem adjiciat, ad successionem eos vocando.

*l. 1. 3. &
ff. b. s.*

Itaque de inofficioso testamento agere dicuntur liberi, qui queruntur, sese contra officium pietatis ac mutuum amorem exhæredatos, aut inique præteritos: scilicet in testamento Paterno (nam dixi supra, solam præ-

præteritionem matris esse pro exhæredatione ;) petentes , ejusmodi testamentum rescindi , non quasi non jure factum , sed quasi factum a testatore non sanæ mentis , ut eo colore rescindatur , & levius parentum judicia notentur.

Quid ergo est querela inofficiosi testamenti ?

Est actio , qua testamantum defuncti accusatur , quasi a non sanæ mentis testatore , contra officium pietatis factum ; & petitur , ut testamento rescisso , hæreditas scripto hæredi auferatur , & adjudicetur auctori tamquam proximo hæredi ab intestato.

Quibus datur querela ?

I. Datur liberis utriusque sexus , iisque proximioribus , qui scilicet etiam ab intestato alios excluderent , & tam descendantibus ex masculis , quam ex foeminis ; tam naturalibus & legitimis , quam legitimis tantum , id est , adoptivis , modo in potestatem transierint adoptantis , & nati sint jura suorum . *Arrogati* vero hoc remedium necessarium non est , cum tales , licet sint liberorum loco , exhæredati habeant Quartam divi Pii : hæc enim querelam excludit . Sed neque *Naturalibus* querela datur contra testamentum patris , quia pater plerumque incertus est ; ut ideo filii naturales ab eo institui non debeant ; matris tamen testamentum querelæ subjacet , quia mater semper certa est .

§. 2. b. r.

§. tam auctem l. 8.
§. 8. & 9.
ff. eod.

Posthumi quoque olim de inofficioso agere potuerunt , quia & illi jure veteri institui hæredes debebant , vel exhæredari . Hodie vero , quia posthumus exhæredari cum effectu non potest , cum causam ingratitudinis committere nequeat , frustra de inofficioso egerit .

§. 2. vers. posthum.
b. l. 6. in pr. ff. b. r.
l. 33. C. eod.

II. Datur querela sive actio de inofficioso , etiam parentibus , sine distinctione , liberos

§. non auctem l. 15.
ff. b. r.

beros in potestate habeant, necne; cum parentibus, turbato mortalitatis ordine, non minus pie, ratione miserationis, & officio pietatis id exigente, bona liberorum debeantur, quam liberis bona debentur parentum: ut scilicet habeant aliquod suæ orbitatis solatium.

*Verf. soror
autem l.
27. C. b. t.*

III. Datur & fratribus aut sororibus iisque germanis, vel saltem consanguineis, quibus scilicet idem est pater; non etiam uterinis, quibus eadem est mater, eo quod cum illis communia nominis & familiæ sint jura, non etiam cum his. Quod tamen ita demum procedit, si turpis persona fuerit instituta a fratre, qui improbum facit testamentum, honorando personas etiam levis notæ macula asperfas, præ fratribus.

Adversus quos datur querela?

*l. 31. C. b. t.
l. 8. §. 10. in
fin. ff. b. t.*

Datur adversus quemcumque hæredem scriptum vel nuncupativum, cujuscumque dignitatis & conditionis: cum non tam de jure vocati agatur, quam de injuria exhæredati vel præteriti. Requiritur tamen, ut adita sit hæreditas, quia ante aditionem querela non nascitur; & fieri potest, ut scriptus hæres deficiat, eoque deficiente, locus fiat successioni ab intestato. Semel autem nata querela toto durat quinquennio, a tempore aditæ hæreditatis.

Quis est effectus querelæ?

*l. 6. §. pen.
d. l. 8. §.
pen. ff. b. t.*

Olim per querelam tabulæ testamenti omnino corruebant, & causa testati redibat ad causam intestati, ut nihil ex tabulis ejusmodi peti potuerit, dummodo filius probasset, se nullam ingratitudinis causam commisisse.

*Nov. 115.
c. 3. auth.
Ex causa,
C. de lib.
pret.*

At jure novissimo quoad solam institutionem, per quam etiam solam peccatum ex-
titit, rescinditur & evacuatur testamentum:
reliqua vero capitula, nempe legata & si-
dei-

deicommissa, salva manent, ut querela, quæ odiosa est, quam minimum tollat de testatoris voluntate, tantum videlicet, ne injuria fiat liberis: quibus etiam hodie non incumbit onus probandi ingratitudinem, sed id translatum est in hæredem scriptum. *l. 18. C. b. t.*

Quibus casibus cessat querela?

I. Si alio jure, vel alia vi ad defuncti bona sive hæreditatem, vel ejus partem, exhæredatus venire possit. Est enim, ut dixi, odiosa querela, & in subsidium inventa, rescindens causam testamenti, quæ favorabilis esse debet, & benigne accipienda, ut propterea ei locus esse non debeat, si alia supersit actio æque commoda. *Vers. nam qui l. si pars 10. ff. b. t.*

II. Si exhæredatus vel præteritus renunciaverit querelæ, vel expresse, vel etiam tacite, nempe si per quinquennium huic actioni præscriptum post aditam hæreditatem tacuerit. *l. 34. in fin. C. b. t.*

III. Si agnoverit & comprobaverit quale quale judicium defuncti, veluti acceptando legatum sibi in testamento relictum, vel alio modo, dummodo suo nomine legatum acceptet, non etiam si tutorio, quia tunc officii excusat necessitas, quod non debet esse damnosum: quomodo & e diverso, is qui suo nomine agnovit relictum, non impeditur tutorio impugnare testamentum. *l. 20. in fin. l. 23. §. 1. & l. ult. ff. b. t. §. si tutor. b. t.*

IV. Mortuo eo, cui querela competebat, cum actio injuriarum morte tollatur. Neque enim transmittitur adhæredem accusatio inofficiosi, nisi cœpta & præparata per defunctum. Quod hodie aliter obtinet quoad hæredem suum, ad quem transit querela etiam non præparata, ut a filio exhæredato in nepotem, si modo hærede scripto deliberante exhæredatus decesserit. Cujus ratio est, quod filio exhæredato nihil possit imputari; cur querelam non moverit, quippe qui *l. 6. §. ult. l. 7. & 8. ff. b. t. l. 34. & 37. in fin. C. eod.*

qui nondum adita hæreditate, cur eam moveret, non habuerit.

§. sed hac
ital. §. 8.
ff. b. t.
l. 30. ff. C.
eod.

V. Si ex iudicio defuncti quarta debitæ portionis filio vel alias legitimo hæredi fuerit relicta: ea enim sufficit ad excludendam querelam, cum sic non possit videri affectus injuria filius. Immo sufficit, si quantacumque pars hæreditatis relinquatur: tunc enim de inofficioso querela cessante, datur actio, siue conditio ex lege adversus hæredem scriptum, ad supplementum ejus, quod legitimæ deest. Quod jus agendi ad supplementum differt a querela, quia non quinquennio, ut querela, perimitur, sed triginta annis durat.

Quid per Quartam hic intelligit Imperator?

§. fin. b. d.
l. 8. §. 9.
Nov. 1. c.
18. c. 1.
Auth. no-
vissima C.
b. t.

Intelligit legitimam portionem ab intestato debitam, liberis quidem & parentibus jure naturæ, id est, naturali ratione; fratribus vero sororibusve non natura, sed lege, ut crebrius creditum est: quæ olim indistincte erat quarta pars portionis debitæ ab intestato, hoc est, quadrans omnium bonorum, seu tres uncia. Hodie vero in favorem liberorum aucta est legitimæ quantitas, & nunc est triens, nunc semis totius substantiæ defuncti, pro numero personarum, quibus legitima debetur: nam si quatuor sint vel pauciores, legitima est triens seu quatuor uncia; si plures quam quatuor, legitima erit semis, id est, sex uncia. Quod augmentum recte quoque tribuitur legitimæ ascendentium & collateralium.

Quo titulo relinqui legitima debet?

§. igitur.
Nov. 18. c.
115. t. 3.
Auth. no-
vissima C.
b. t. ibi
DD.

Olim relinqui potuit jure siue hæreditario, siue legati, vel fideicommissi, vel donationis mortis causa. Hodie eam relinqui oportere titulo institutionis plerique volunt, quia is titulus honorabilior sit & utilior, pro-

propter jus accrescendi; nam si cohæres datus sit filio, in legitima instituto, isque vel repudiet hæreditatem, vel ante aditam hæreditatem moriatur, portio ejus ad institutum in legitima pertinebit. Quidam nihil mutatum volunt, sed hoc tantum inductum, ut necesse sit, in quantulacumque parte bonorum hæredem institui illum, cui solet competere querela: nec satis sit, quod prius sufficiebat, debitam portionem seu legitimam plene alioquin haberi.

T I T U L U S XIX.

DE HÆREDUM QUALITATE ET DIFFERENTIA.

Executio testamenti in aditione hæreditatis est; cujus ratio ut noscatur, distinguendi sunt hæredes.

Quotuplicis igitur generis sunt hæredes?

Sunt triplicis generis. Nam *Hæredes aut text. in pr. Necessarii dicuntur, aut Sui & Necessarii, aut Extranei*: & propterea alii, velint nolint, sunt hæredes, alii existunt ipso jure, alii aditione.

Quis dicitur necessarius hæres?

Necessarius hæres est servus hæres institutus, quia, siue velit, siue nolit, omnino post mortem testatoris protinus liber & necessarius hæres fit; si utique tempore mortis ipsius testatoris in eadem causa fuerit, id est, in familia testatoris. Hoc vero ideo constitutum fuit, ut bona eorum, qui facultates suas suspectas habent, quique animadvertunt sese æri alieno impares esse, post mortem non suo, quod ignominiosum, sed instituti hæredis nomine, a creditoribus possideantur, distrahantur, vel inter eos dividantur. Pro hoc tamen incommodo, quod nimirum servus cogatur esse hæres, & in

Text. hic in pr. tit. C. de neces. her. instit.

l. 5. fin. ff. de separat.

ipsum quasi derivetur ignominia, illud ei commodum præstatur ultra libertatem, quam cum hæreditate consequitur, ut, quidquid post mortem domini acquisierit, sibi servet, nec cum reliquis domini bonis, quamvis ea non sufficiant creditoribus, possideri aut vendi possit.

Qui dicuntur hæredes Sui & Necessarii? & cur ipso jure iis acquiritur hæreditas?

§. sui au- *Sui & Necessarii hæredes sunt liberi, qui in*
tem. l. 11. *potestate fuerint morientis: ut filius, filia,*
ff. de lib. *nepos, neptisve ex filio, & deinceps cæteri.*
& postb. *Sui ideo dicuntur, quia domestici hæredes*
sunt, & domini rerum paternarum vivo quo-
que patre quodammodo existimantur; eoque
mortuo, ita ei succedunt, ut continuari;
non autem mutari, rerum dominium videat-
ur; idque ratione patriæ potestatis, quæ
eos ita nectit, ut liberi pene iidem sint,
vel censeantur, cum patre. Necessarii vero
ideo, quia continuo, sive velint, sive no-
lint, hæredes fiunt, etiam sine aditione.
Qua ratione olim onera hæreditatis etiam
inviti ferebant: quod quia durum erat,
quippe cum culpa eorum nulla hic argui
possit, concessa fuit per Prætorem hæredibus
suis & necessariis abstinendi facultas. Itaque
inspecto jure prætorio, filii familias non sunt
amplius necessarii hæredes, sed sui tantum.

l. 6. §. 1. ff.
de acq.
hæc.

Qui dicuntur hæredes extranei?

§. cæter. *Extranei hæredes appellantur cæteri, qui te-*
statoris juri subiecti non sunt. Unde extraneo-
rum loco sunt etiam liberi, qui in potesta-
te non sunt, veluti emancipati; item libe-
ri, qui hæredes a matre instituuntur, quia
foemina in potestate liberos non habent.
Servus quoque hæres a domino institutus,
& post testamentum factum manumissus,
eodem numero habetur, nempe ut succedat
jure

jure extranei, quippe qui libertatem ex testamento non adipiscatur: deinde necessitas, qua alias cogitur esse hæres, non tam ad hæreditatem, quam ad potestatem refertur dominicam. Alii sunt hæredes penitus extranei, qui ut nomen habeant hæredis, necessario institui debent.

Quæ sunt requisitæ ad hoc, ut extraneus possit institui hæres?

In extraneis hæredibus illud observatur, ut sit cum eis testamenti factio, id est, ut possint hæredes institui, & capaces sint hæreditatis, sive ipsi hæredes instituantur, sive hi, qui in potestate eorum sunt, quomodo furiosus, & mutus, & posthumus, & filiusfamilias, & servus testamenti factionem habere dicuntur. Et ad hoc inspicere debent tria tempora. §. in extraneis cum seqq. l. 49. §. 1. ff. de hæred. instit.

I. Tempus conditi testamenti, ut ab initio constiterit institutio, quæ est caput & fundamentum testamenti. l. 6. §. 2. ff. h. t.

II. Tempus mortis testatoris, quo per mortem testatoris confirmetur, & effectum habeat testamentum.

III. Tempus aditionis: nam jus hæredis eo maxime tempore inspicendum est, quo acquirit hæreditatem, an capere & acquirere ex testamento possit.

Medio autem tempore mutatio juris non nocet hæredi, id est, non nocet, eo tempore fuisse incapacem hæreditatis, ut quia servus poenæ extiterit, aut deportatus fuerit, dummodo ante mortem, vel ante aditam hæreditatem, in pristinum statum fuerit restitutus; quia actus legitimi, ut est hæredis institutio, & hæreditatis aditio, in facto magis, quam in jure versantur. l. 77. ff. de R. J.

Quid juris est in suis necessariis?

Ut ii potiantur hæreditate, sufficit quod capaces sint duobus temporibus, scilicet suis & legit.

tempore facti testamenti, & mortis; quia cum ipso jure sint hæredes, & ipso jure acquirant dominium rerum hæreditariarum, tempus aditionis non videtur considerandum. Sunt, inquam, sui ipso jure hæredes, citra ullum factum aditionis, atque ideo suscipientes hæreditatem dicuntur *se immiscere & hæredes existere*, id est, apparere; rejicientes vero, *abstinere* beneficio Prætoris: At vero extranei, cum nihil juris ad hæreditatem eam habeant, dicuntur *adire* vel *repudiare*.

Quo pacto aditur hæreditas?

Extraneus hæres, inquit Imperator, testamento institutus, aut ab intestato ad legitimam hæreditatem vocatus, potest aut pro hærede gerendo, aut etiam nuda voluntate suscipiendæ hæreditatis, hæres fieri. Igitur adita censetur hæreditas, vel verbo, vel facto.

§. item extraneus l. 20. 21. Verbo, hoc est solo animo, nudaque voluntate, 23. 25. §. ex te, declarata verbis; ut si dicat, se velle l. 62. l. 86. adire, aut velle se hæredem esse, licet ad §. ult. ff. de huc pro hærede, id est, pro domino, se non acq. hæ. gesserit. *Re ipsa & facto*, quando quis se pro hærede gerit, rebus hæreditariis tamquam hæres utendo, vel prædia colendo, locandove, aliaque agendo, quæ dominus faceret, dummodo sciat, eum, in cujus bonis pro hærede se gerit, testatum intestatumve obisse: quia pro hærede se gerere nemo potest, quamdiu vivit is, de cujus bonis agitur, cum *viventis nulla sit hæreditas*. Itemque, ut quis pro hærede agendo obstringat se hæreditati, scire debet, quæ ex causa hæreditas ad eum pertineat; est enim regula Jûris, *In totum omnia quæ animi destinatione agenda sunt, non nisi vera & certa scientia perfici possunt*.

l. 76. ff. de R. J.

Potestne & surdus & mutus se pro hærede gerere?

Nihil prohibet, quo minus possit & pro hærede se gerere, & acquirere sibi hæreditatem, si tamen intelligat, quod agit, ac sufficienter consensum suum indicet: nam aditio hæreditatis non requirit hodie solemnia verba, sicut olim Gretio. Quod si non intelligat, ejus nomine tutor, vel curator adire debet.

Tex. hic
in fin.
l. 5. ff. d. r.
l. 8. C. de
jur. delib.

Quo pacto repudiatur hæreditas?

Sicut nuda voluntate extraneus hæres fit, ita contraria destinatione statim ab hæreditate repellitur; nimirum iisdem modis repudiatur hæreditas, quibus aditur, vel solo animo, nudaque voluntate, vel re ipsa & facto; ut, cum quis in alium transfert hæreditatem, non videtur, quod velit esse hæres. Et postquam semel repudiavit, amplius ad adeundam hæreditatem non admittitur, nisi sit minor viginti quinque annis: nam hujus ætatis hominibus, sicut in cæteris omnibus causis, deceptis, si temere damnosam susceperint hæreditatem, succurrit Prætor per integrum restitutionem. Pupillis tamen non nocet repudiatio hæreditatis delatæ, facta sine auctoritate tutoris, qua opus habent etiam ad aditionem.

text. hic in
fin. l. 21. §.
2. l. 29. ff.
d. r. l. 6. ff.
de R. J.
l. 4. & pen.
C. de re-
pud. hæ-
red. l. 8. §.
5. ff. eod.

A quo, & an pendente conditione, repudiari hæreditas potest?

Is potest hæreditatem repudiare, qui & acquirere. Igitur qui hæres rite est institutus, vel is cui legitima hæreditas delata est, eam repudiare potest, si modo in ea causa erat hæreditas, ut & adiri posset. Cæterum hæres sub conditione institutus, si ante conditionem existentem repudiavit, nihil agit, qualis qualis sit conditio, cum ante ejus

l. 4. l. 12. &
l. 18. ff. de
acq. rer.
l. 174. §. 1.
ff. de R. J.
l. 18. ff. de

opt. leg. eventum, etsi velit, hæreditatem adire non
l. 83. & l. possit. Quo pertinet regula, *Quod quis, si*
208. ff. de velit, habere non potest, id repudiare non po-
R. J. test. Adeo ut talis repudiatio non impediatur,
 quo minus, purificata conditione, hæredita-
 tas, ab eo qui repudiavit, acquiri possit :
 cum non potuerit rem amittere, cui proprias
 nondum fuit. Nec videri decessisse habere, qui
 nunquam habuit.

Quid, si quis dubitet, an velit adire hæredita-
 tem, vel non?

§. extra- Tunc extraneis quidem hæredibus delibe-
neis au- randi potestas est de adeunda hæreditate, v l
tem. 18. & non adeunda; suis vero hæredibus abstinendi
9. ff. de jur. potestas est; ut exploratis viribus hæredita-
delib. tis, certiore deinde iudicio statuatur, expe-
Ulp. r. 22. diatne adire hæreditatem, an repudiare;
§. cetero. immiscere se hæreditati, an abstinere: quod
l. 18. C. de beneficium Prætor suis dedit hæredibus.
jur. delib. Tempus autem deliberandi solitum erat præ-
 scribi ab ipso testatore, quod Cretio diceba-
 tur: qua deinde sublata, Prætor tempus pro
 arbitrio definiebat. Hodie est annum, com-
 putandum a die, quo scivit quis delatam
 sibi hæreditatem.

Quid, si quis omisso beneficio deliberandi
 hæreditatem adierit?

d. §. extr. Is postea relinquenda hæreditatis facultatem
l. 16. C. d. t. non habet. Cum contrahere videatur, ideo-
l. 3. & 4. C. que omnibus Creditoribus hæreditatis satis-
de repud. facere cogitur: sibi enim imputare debet,
vel abstin. & de se conqueri, qui adierit, cum potue-
 rit non adire; & repudiare hæreditatem,
 cum etiam scire debuerit, adita damnosa
 hæreditate, omne æs alienum, quod in hæ-
 reditate latet, & legata, etiam ultra vires
 hæreditarias, esse de suo exsolvenda: nisi sit
 minor viginti quinque annis, qui ob impru-
 dentiam ætatis, aut miles, qui ob probabi-
 lem erroris causam, in integrum restituitur.

Estne

Estne necessarium adhuc beneficium deliberandi?

Non est; quia ejus loco aliter & multo *Vers. sed*
 tutius prospectum est hæredibus a Justiniano *nostra.*
 Imperatore, scilicet per remedium Inventarii: quo quidem solemniter confecto, descriptioneque facta rerum omnium hæreditariarum, & perfecta intra tres menses, aut, si res alibi sitæ, intra annum, licebit hæredi adire hæreditatem; qui in tantum *l. ult. C. de*
 tenebitur, quantum valere bona hæreditatis *jure delib.*
 continget, non ultra. Nec sibi in aliquo præjudicat hoc modo, sed jus integrum, si quod ei ante contra defunctum compete-
 bat, retinet, Falcidiam detrahit, & impensas in confectio-
 ne inventarii factas, ex rebus desumit hæreditariis.

Quid, si hæres inventarium facere neglexerit?

Tunc, ad instar ejus, cui deliberandi jus est, semel adita hæreditate, ejus postea relinquendæ facultatem non habet; teneturque non tantum ad ea, quæ in hæreditate sunt, sed etiam ultra vires hæreditarias de *d. l. fin. &*
 suo compellitur satisfacere creditoribus, legataque & fideicommissa complere, cum indignus sit beneficio legis, qui requisita per *Novell. 1.*
 legem negligit: ita ut non audiat probare *§. hinc no-*
 re volens, amplius non fuisse inhæreditate; *bis, vers. si*
 quæ potius præsumitur sufficiens exsolvendo *vero non*
 æri alieno, & legatis fideicommissisque præfecerit.
 standis, cum nemo credatur temere se im-
 miscere rebus alienis.

Si filius hæres neglexerit facere Inventarium, amittitne legitimam?

Plerique volunt non amittere, eo quod debeatur legitima jure naturæ, cui non prævalet jus civile: & quod sit instar æris alieni. Verius tamen filium excidere legitimam, non facto Inventario, quia præsumptio est
 I 4 cum

cum jam legitimam deduxisse; quæ præsumptio est juris & de jure; præsumit enim lex hæreditatem esse locupletem, cum nemo tam sit supinus, ut gravatam & damnosam amplectatur. Quod facit, ut cesset argumentum in contrarium adductum; tum etiam quod legitima, licet origine sua referri possit ad jus naturæ, tamen inventionem & determinationem sit juris civilis.

T I T U L U S XX.

DE LEGATIS.

Post testamenta, & hæredes: qui in testamentis instituuntur, recte sequitur de legatis: Legata enim testamentorum sunt quasi appendices, & legatarii quodammodo etiam hæredes. De Legatis autem traditur hoc Titulo, 1. definitio, divisio, & natura legatorum. 2. quæ res legari, vel non, possint. 3. quibus legari, vel non. 4. qua forma legata relinquuntur.

DEFINITIO ET NATURA LEGATORUM.

Quid est legatum?

*Text. hic
in princ.*

*l. 36. ff. de
leg. 2.*

*l. 116. ff. de
leg. 3.*

*Ulp. lib.
reg. 1. 24.
leg.*

Legatum est donatio quedam, a defuncto relicta, ab hærede præstanda. Dicitur donatio; quia liberalitatem continet, nullo jure cogente: & additur, quedam, ut appareat, improprie hoc modo donari aliquid. Distinguitur Legatum ab hæreditate & hæredis institutione, quia ea continet onera hæreditaria: legatarius vero non succedit in ejusmodi onus. Distinguitur item a fideicommisso, quia illud relinquitur verbis obliquis & precariis, legatum vero directis. Per verba, a defuncto relicta, separatur a donatione mortis causa; quia ea non relinquitur, sed inter præsentem mutuo consensu constituitur. Verba, ab hærede præstan-

standa, indicant legatum constare delibatione hæreditatis, & quod legatarius non possit auctoritate rem legatam sumere, sed petere eam debeat ab hærede.

Quot sunt genera Legatorum?

Olim quatuor fuere genera, & cuique generi certa & solemnia assignata verba, quibus relinqui legata solent; certæ item formulæ sive actiones: videlicet, *per vindicationem*, his verbis, *Do, lego; capito, sumito*; quo genere legari tantum poterant res, quæ testatoris fuissent tempore conditi testamenti, & mortis: *per damnationem*, his verbis; *Hæres meus damnas esto dare; dato: facito; heredem meum dare jubeo*; quo genere res omnes, tam propriæ quam alienæ, legari poterant: *sinendi modo*, his verbis, *hæres meus damnatus esto sinere*, vel *sinito illum rem illam sumere, sibi que habere*: quo genere legabantur res propriæ testatoris & hæredis: *per præceptionem* non legabantur nisi hæredibus scriptis ex parte, hoc modo; *illam rem præcipito*.

§. sed olim quidem.

Teoph. hic.

Constituit vero Justinianus Imperator ut omnibus legatis una sit natura, vis & potestas, & quibuscumque verbis aliquid relictum sit, liceat legatario id persequi, vel actione in personam, quasi ex contractu, quia hæres adeundo quasi contraxisse videtur: vel actione in rem, ratione dominii, quod statim a morte testatoris transit in legatarium, vel denique actione hypothecaria, ratione tacitæ hypothecæ, quam legatarius habet in rebus defuncti. Duæ priores actiones non possunt simul intentari, quia sunt contrariæ: hypothecaria concurrere potest cum reali, quia cum sit cautionis loco; non tollitur electione, sed solutione.

§. nostra autem.

l. 1. 2. C. commun. de leg. l. a Titio 64. ff. de furtis.

Estne differentia inter legata & Fideicommissa?

§. sed non
usque. Olim fuit, cum antiquitas legata quidem
d. l. 2. C. stricte concluderet, fideicommissis autem pin-
com. de guiorum naturam indulgeret: quia legata
leg. cui non nisi directis & civilibus verbis, iisque
Tribon. Latinis, & tantum in testamento vel codi-
accommo- cillis testamento confirmatis, relinqui po-
davit ver- terant, fideicommissa vero quibuscumque
ba Ulp. in verbis, etiam solo nutu ab intestato.

l. 1. At vero idem Imperator noster omnia le-
gata fideicommissis exæquavit, ut nulla sit in-
ter ea differentia, nempe quo ad effectum;
& quod deerat antea legatis, hoc voluit re-
pleri ex natura fideicommissorum? & si quid
amplius esset in legatis (nam legata peti
actione poterant, non etiam fideicommissa)
per hoc crescere fideicommissorum naturam,
manente interim salva & incolumi ipsa re-
rum substantia, quæ in eo consistit, ut,
quod legatum est, recta via per mortem te-
statoris acquiratur legatario, perinde ac si
e manu testatoris traditum esset: fideicom-
missum vero per obliquum, per manum,
l. 51. ff. de & ex fide hæredis, ut si testator fundum re-
R. J. linquat Titio, rogetque ut eum alteri resti-
tuat. Ita ut hic Titius non videatur cepisse,
quod ei necesse est alteri restituere.

DE MATERIA LEGATORUM.

Quæ res legari possunt?

§. non so- Legari possunt res tam corporales, quam in-
lum. & §. corporales: ut actiones & nomina debitorum,
tam autem liberationes & servitutes; item res univer-
in fin. b. t. sitatis; quæ vel sunt corpora, ut grex, su-
pellex, pecus, vel jura & corpora, ut dos
l. 41. ff. de & peculium; & breviter, res omnis, cujus
leg. 1. v. est commercium, non tantum propria testa-
Cuj. ad l. toris, vel hæredis, verum etiam aliena,
34. ff. de ut saltem hæres teneatur præstare æstimationem;
V. Q.

nem rei sic legatæ. Quod si talis sit res, cujus commercium non est, veluti res sacra, religiosa, liber homo, ea inutiliter legatur, ut ne quidem æstimatio debeatur, cum æstimatio iniri non possit earum rerum, quæ pretio æstimari ac vendi non possunt: nihil enim aliud est commercium, quam jus emendi & vendendi invicem, hoc est, de re contrahendi.

DE RE ALIENA LEGATA.

Valetne indistincte legatum rei alienæ?

Non valet; nisi & legatarius ejus rei commercium habeat, & defunctus sciverit alienam rem esse, non si ignoraverit. Probabile enim est, quod non legasset; si scivisset, alienam rem esse: cum procliviores & faciliores sint voluntates in rebus suis legandis, & onerandis hæredibus, quam in alienis, in quibus hæres gravatur onere luitio-
Vers. quod autem.
l. 67. ff. §. 8. de leg. 2.
 nis seu redemptionis.

Cui incumbit hujus rei probatio hæredis, an legatario?

Verius est, ipsum, qui agit, id est, legatarium, probare oportere, scivisse alienam rem legare defunctum; cum in dubio testator præsumatur ignorasse, rem esse alienam. Nisi aliud velit conjectura, veluti si res aliena legetur personis conjunctis, quibus facile donamus, ut affini, uxori, &c. nam affectus in tales personas facit præsumi, testatorem, etiam scientem rem esse alienam, nihilominus fuisse legaturum. Unde *Quod factum est, cum in obscuro sit, ex affectione, cujusque ca-*
Text. hic l. 10. C. h. t. d. l. 67. §. 8. l. 168. §. 1. ff. de R. J.
pit interpretationem.

Quod vero attinet ad rem hæredis legatam, ibi non inspicitur ignorantia, cum sit facilis hæredi præstatio rei suæ, nsc oneretur difficultate redimendi.

Quando igitur hæres tenetur præstare rem, vel æstimationem ejusmodi legati?

Cogitur hæres redimere rem, a domino scilicet, dummodo emi justo pretio possit, & dominus velit vendere: vel si eam non potest redimere, æstimationem ejus dare. Atque hic valebit illud, quod dicitur, æstimationem succedere loco rei.

Quid, si rem obligatam creditori aliquis legaverit?

§. *sed & si rem.* Hoc casu idem placuit, quod in superiori de re aliena, non quidem quoad hoc, ut valeat legatum, sed uter teneatur luere rem, hæres an legatarius; nempe ut, si sciverit defunctus, rem obligatam esse, aut expresserit, ut hæres eam lucret, tam deum necesse habeat hæres eam luere, ex soluto nimirum debito, pro quo res fuit obligata, atque ita eam redemptam legatario præstare. Quod tamen non procedit, si testator jusserit ipsum legatarium rem luere, quia cum sic certo constet de voluntate testatoris, non est locus conjecturis: non enim debet admitti voluntatis quæstio, ubi in verbis nulla est ambiguitas.

Quid, si is, cui res aliena legata est, ejus, vivo testatore, fuerit factus dominus?

§. *si res aliena.* Distinguendum est. Vel enim ejus rei legatarius factus est dominus *titulo oneroso*, veluti ex causa emptionis; & tunc actione ex testamento pretium ejus consequi potest, ad cujus restitutionem tenetur ei hæres, quia juris interpretatione non censetur rem habere, cui abest pretium; intellige pretium non verum & legitimum rei, sed quod legatarius venditori numeravit. Vel rei dominum consecutus est *titulo lucrativo*, sive ex causa lucrativa, veluti donatione, vel alia

alia simili; & tunc agere non potest, quia hoc casu res non videtur abesse, cum nulum ejus nomine numeratum sit pretium. Et traditum est, duas lucrativas causas in eundem hominem & eandem rem concurrere non posse: recte, in eandem rem, id est, corpus; nam diversa corpora, diversis testamentis relicta, debentur.

Quid, si ex duobus testamentis eadem res eadem debeat?

Hinc interest, utrum rem, an æstimationem ex testamento legatarius consecutus sit. Nam si rem habet ex uno testamento, non potest ad æstimationem ejus agere ex alio cum æstimatione insit rei, & propterea peteret, quod iustus habet: Si vero ex priore testamento æstimationem acceperit, non impeditur iterato agere ex altero testamento ad rem; cum res non contineatur æstimatione, & aliud sic res, aliud pretium rei, habens, non potest videri ipsam rem habere.

Verf. hac ratione. l. 57. ff. de R. J.

d. l. 34. §. 1.

Valeat legatum rei nondum in rerum natura existentis?

Valeat, si modo futura res speretur: quæ ratione fructus nascituri recte legantur; qui tamen non ante præstandi, quam nati; quia inest conditio, si nascantur, quæ non impedit transmissionem ad hæredem, cum conditio, quæ tacite inest, non faciat legatum conditionalem. Quod si vero res sperari non possit, inutile est legatum.

§. ea quæ res. l. 1. ff. ult. ff. de cond. & dem. l. 24. in pr. ff. de leg. 2.

DE CONJUNCTIONE LEGATORUM.

Occasione illius, quod modo dictum est, de una & eadem re bis uni legata in duobus testamentis, subjicit hic Imperator de eadem re duobus legata in eodem testamento.

Si

Si eadem res duobus legata sit , quid juris?

§. si ead. Tunc , sive conjunctim , sive disjunctim res , l. 1. ff. res duobus legata sit , si ambo perveniant de usus. ac ad legatum , scinditur & dividitur inter eos cres. l. 80. legatum ; si alter deficiat , quia aut spre- & l. 89. ff. verit legatum , aut decefferit vivo testato- de leg. 3. l. re , totum erit collegatarii , eique accrescet. un. §. 10. C. portio illa , quam legatarius ex legato ce- de caduc. pisset , si legatum non repudiasset . Atque toll. hoc est , quod dici solet ; *Una re pluribus conjunctim legata , singulis quidem deberi in solidum , sed concursu fieri partes .*

Quando pluribus conjunctim vel disjunctim eadem res legari dicitur ?

l. 142. ff. de Conjunctim ita : Titio & Sejo hominem Stichum , vel fundum Tusculanum , do lego ; r. s. qui conjuncti dicuntur re & verbis simul , quia & rei & orationis complexu junguntur , & opponuntur disjunctis . Ut & conjunctis verbis tantum , quos similiter orationis jungit complexus , sed assignatis expressum a testatore partibus , veluti : Titio & Sejo fundum Tusculanum equis partibus do lego .

Disjunctim ita : Titio hominem Stichum do , lego . Sejo eundem hominem Stichum do , lego : qui conjuncti dicuntur re tantum , quia eadem res pluribus legatur diversis orationibus .

Dic nunc , eae eadem res duobus conjunctim vel disjunctim legata scindatur inter legatarios , cum in solidum debeatur ?

l. 33. ff. de Quia licet tota & solida res utrique legata leg. l. 1. 20. ta sit , tamen utrique dari solida non potest , cum ejusdem rei duo in solidum nequeant esse domini : ac Propterea videtur ff. de leg. 2. hæc fuisse voluntas testatoris , ut æqualiter inter legatarios dividatur relictum : quæ voluntas

hantatis conjectura ita demum admittitur, si non ex verbis manifestum evadat, testatorem voluisse rem priori auferre, & posteriori tantum adjicere. Ideo vero uno deficienti alteri solida res debetur & accrescit, quia testator utrique rem solidam sive in solidum legavit.

Estne differentia inter conjunctos & disjunctos, quoad jus accrescendi?

Differentia hæc est, quod inter conjunctos *d. l. un. §.* pars deficientis alteri accrescat cum onere: *sin vero.* inter conjunctos vero sive disjunctos re tantum, sine onere. Et ratio differentię est, quia testator ideo videtur disjunctim legasse, ut unusquisque ferat & agnoscat suum onus non alienum: conjunctim vero, ut onera sint communia: Interdum tamen in disjunctis concursu non sunt partes, sed singulis in solidum res legata debetur, ita ut unus rem ipsam, alter rei æstimationem consequatur, nimirum si hæc fuerit expressa voluntas testatoris. *d. l. un. §. ubi autem.*

Inter conjunctos verbis tantum estne locus juri accrescendi?

Non videtur, cum jus accrescendi non alibi reperiatur, quam ubi ab initio non habentur constitutę partes a testatore. At conjuncti verbis, ab initio partes habent ex voluntate testatoris; & conjunctio ejusmodi non habetur pro conjunctione, quia testator videtur potius brevitatis causa dixisse, quam conjunxisse. Contra tamen defendi potest, jus accrescendi inter hos conjunctos quoque esse, quamvis ab initio partes habeant ex voluntate testatoris: nam habent quidem partes pro indiviso, non pro diviso: ideoque non videri res diversa legari singulis, quia ejusdem rei partes diversę non sunt, maxime cum partes illę æquales intelligerentur, etsi expressę non essent. *l. i. l. 3. in pr. l. pen. ff. de usufr. accresc.*

d. l. un. §. ubi autem vide que exposui in C. ad b. l. fin.

Qua

Quæ est differentia inter usumfructum & proprietatem, quoad jus accrescendi?

d. l. i. §. 3. Quod ususfructus semel constitutus & postea amissus, nihilominus conjuncto accrescat. Unde si duobus legatus sit ususfructus, & uterque legatum agnoverit, ac susceperit, deinde alter deficiat, puta moriatur, aut capite minuatur; portio ejus non revertitur ad proprietatem, sed alteri usufructuario accrescit, ita ut dominus proprietatis expectare debeat utriusque usufructuarii mortem. Quod secus est in proprietate relicta, quæ semel acquisita, deinde amissa, non alteri accrescit, cum ipso, quo est agnita, pereat jus accrescendi: sic adita hæreditate expirat directa substitutio. Ratio diversitatis est, quod ususfructus quotidie videatur acquiri & constitui; nam in facto quodam utendi fruendi consistit. Unde quandocumque non invenitur, qui mecum utatur fruatur, in solidum solus utar fruar. Proprietas autem momento constituitur, eo scilicet tempore, quo vindicatur, qui solo quo ex conjunctis non concurrat, seu non pervenit ad legatum, non facit partem alteri, qui concurrat: qui vero concurrat, partem facit, etiam si postea eam deserat.

Redit hic Imperator ad LEGATUM REI ALIENÆ, & pertinet materia §. Si cui fundus. 9. proprie ad §. Si res aliena 6. h. t.

Quid juris, si legatarius emerit proprietatem fundi alieni sibi legati, & postea ex legato nactus sit usumfructum?

§. si cui fundus. Recte eum ex testamento agere, & fundum petere, Julianus ait: hoc est, poterit quidem summo jure legatarius totum fundum ex testamento petere, quia ususfructus non est

est pars rei, sed in petitione, id est, respectu propositæ actionis, servitutis locum obtinet; officio vero judicis continetur, ut deducto usufructu, qui jam ante ex causa lucrativa ad eum pervenit, & post consolidationem desit esse servitus, & incœpit esse pars dominii, jubeat æstimationem præstari. Pari ratione, si res aliqua alicui legata sit, & is partem emerit a vero domino, altera vero pars ei sit donata, vel alio titulo lucrativo acquisita, actione ex testamento tantum ad pretium partis agere poterit.

l. 82. §. 2. ff.
de leg. 1.

Quid, si res propria legatarii ei legetur?

Inutile est legatum: quia quod proprium alicujus est, amplius ejus fieri non potest: cum nequeat ex pluribus causis res nostra, magis nostra fieri; nec dominus nisi ex una causa contingere, quod ubi perfecte est acquisitum, nihil potest ejus perfectioni accedere. Quod adeo verum est, ut licet legatarius rem suam alienaverit post testamentum factum, nec ipsa res, nec ejus æstimatio debeatur, quia legatum ab initio vires non habuit. Quod enim ab initio non constituit legatum, ex post facto non convalescet: Nisi sub conditione fiat, si res nostra esse desierit; quo casu utile erit legatum, sicut & stipulatio & emptio.

§. sed si
rem, l. 13.
C. cod. l. 18.
ff. de leg. 2.
l. 6. ff.
de cond. &
demonst.
l. 159. ff.
de R. J.

Quid, si testator rem suam quasi alienam legaverit?

Valeat legatum: nam plus valet quod in veritate est, quam quod in opinione. Hic error non impedit voluntatem, sed eam potius faciliorem ostendit: si enim testator voluit legatarium frui re, cum onere & difficultate redimendi, multo magis voluit ipsum potiri re ex facili præstanda; quia hæreditaria.

§. si quis
rem suam
l. 17. §. 8. ff.
de leg. 2.

Quid,

Quid, si legaverit rem suam, putans
legatarii esse?

Vers. sed & Valet & hoc legatum; quia exitum voluntas defuncti habere potest; ac ita accipi, l. 15. & 20. ut res sua salva sit auctori. Ideo sustinenda ff. de acq. voluntas, ne præsumatur testator in suprahæred. mis ludere; prævalet enim opinio veritas, l. 172. §. 1. maxime in causis, quibus faveri potest, ut ff. de R. J. in dicto casu: in causis vero, quibus non favetur, ut in delictis & errore juris, prævalet opinio.

Quid, si rem sua legaverit testator, post
aque eam alienaverit?

§. si rem suam l. 18. ff. de adim. legat. Eo casu distinguendum est; aut enim animo adimendo vendidit rem testator, nulla necessitate urgente: & legatum non debetur, nec ab hærede præstandum est; aut necessitate rei familiaris compulsus alienavit, & non videtur habuisse animum adimendi legatum: ideoque contrariæ voluntatis probandæ arbitrium, illo quidem casu, quod scilicet adimere noluerit, legatario; l. 34. §. 1. ff. de auro arg. mundo leg. hoc vero casu, quod nimirum adimere voluerit, hæredi relinquitur. In parte alienata idem juris est, quod in toto, ut dictum.

Quid, si creditor debitori suo liberationem legaverit?

§. si quis debitori tit. ff. de liberat. legata. Tunc utile est legatum, & prodest non tantum ipsi debitori; sed etiam hæredibus ejus. Nec obstat, quod debitor dominus sit eorum, quæ debet, quoniam ei non tam legatur res ipsa sive corpus, quam jus sive obligatio, quæ est creditoris: qua ut debitor liberetur, ipsi perutile est. Non tamen liberatur ipso jure, quia legatum non est modus tollendæ obligationis ipso jure, l. 3. in pr. & §. 3. d. t. sed beneficio exceptionis: liberumque ita est legatario, cui legata est liberatio, se

ex-

exceptione tueri, vel agere ex testamento adversus hæredem, ut per acceptilationem eam liberet.

Ex contrario, quid, si debitor creditori suo, quod debet, legaverit?

Inutile est legatum, si nihil plus est in legato, quam in debito; quia nihil amplius per legatum habet. Plus in legato esse videtur, si plenior actio est civilis, quam pretoria: & actio stricti juris, quam bonæ fidei. Plus quoque in legato esse potest quam in debito, quatuor modis: videlicet tempore, conditione, modo & loco. Hic tantum adjiciatur exemplum de tempore & conditione, ut si testator, quod in diem vel sub conditione debet, pure legaverit, utile est legatum, propter repræsentationem, seu præsentem solutionem: plus enim solvit, qui citius solvit. Alias cum solvendi tempus obligationi additur: nisi eo præterito peti non potest. §. ex contrario. l. 25. C. ult. ff. de liber. l. 8. l. 5. ff. ad l. Falc. l. 86. ff. de R. J.

Quid, si vivo testatore dies venerit, vel conditio exstiterit?

Utile nihilominus est legatum, quia semel constituit, id est, semel valuit. Neque enim placuit extinguere legatum ex eo, quia in eam causam pervenerit, a qua incipere non potest. §. plus in fin. de act.

Quid, si debitor exceptione tutus adversus creditorem, id, quod ei debebat, legaverit?

Utile est legatum, quia remissa creditori exceptio videtur: Nulla enim actio est, quæ exceptione repellitur. Nihil interest (inquit Paulus) ipso jure quis actionem non habeat, an per exceptionem infirmitur. Unde illa juris regula: Non videtur cepisse, qui per exceptionem a petitione removeretur, id est, non videtur obligationem acquisivisse, qui per exceptionem a petitione removeri potest. l. 28. ff. de leg. 1. l. 13. ff. de lib. l. 12. ff. de R. J. l. 13. cod. 1.

Ca-

l. 115. §. 1. ff. de R. J. Capere : ibi cum effectu est accipiendum , ut significet ita acquirere , ut acquisitum retineamus . *Non potest igitur videri accepisse , qui stipulatus potest exceptione removeri .*

Valeatne legatum dotis a marito factum uxori ?

§. sed si uxori . Videbatur inutile legatum : quia dos est uxoris , & dicitur esse proprium illius patrimonium , ita ut maritus sit debitor uxoris ratione dotis acceptæ . Attamen quia plenius est legatum dotis , quam actio de dote , valet legatum . Plenius ideo , quia legatum dotis statim a morte testatoris debetur ; actione vero de dote non statim , sed annua . bima , trima die dos repeti potest : Deinde dotis actio non datur in solidum , sed in quantum maritus facere potest ; legatum vero actione ex testamento in solidum petitur . Huc pertinet regula juris , *Minus est actionem habere , quam rem .*

Sed quid , si quam non accipit , dotem legaverit ?

d. §. sed si uxori . l. 1. §. 7. ff. de dote præleg. l. 3. C. de falsa causa adj. leg. Distingue : vel simpliciter legavit , non expresso certo corpore , aut summa , hoc modo : *Dotem quam ab uxore accepi , ei do , lego ;* aut certa quantitate expressa , vel demonstratione adjecta , dotem reliquit , hoc modo : *Centum , quæ dotis nomine accepi , uxori do , lego .* Priori casu legatum est inutile , quia est sine re , & propter incertitudinem rei legatæ voluntas exitum habere non potest , cum declarari nequeat , quid & quantum debeatur . Posterior valet , quia res certa legata est , & certa quantitas dotisque mentio , tamquam falsa causa adjecta , obesse legato non solet .

Quid , si non intelligatur id quod legatum est ?

l. 73. §. pen. ff. de R. J. Inutile erit legatum . Habet enim juris regula : *Quæ in testamento scripta sunt , ut intelligi non possint , perinde sunt , ac si scripta*

pta non essent. Hinc legatum nullum est, si quis, nulla quantitate adjecta, mihi leget quod Titius debet, neque Titius debeat; aut nulla item quantitate adjecta, si quod ego Titio debeo, ei legavero; quia non apparet, quantum fuerit legatum. Hinc legatum quoque fundi, & legatum domus relictum ab eo, qui nullas ædes, nullum fundum reliquit, propter nimiam incertitudinem inutile est.

l. 75. §. 1. ff. de leg. 1.

DE INTERITUREI LEGATÆ.

Quid, si res legata sine facto hæredis perierit?

Legatario decedit, id est, perit ea res legatario, tamquam domino, cum dominium accedat continuo a morte testatoris. Dico, res, id est, certa species, ut certus fundus, equus, servus, domus: nam aliud est in quantitate, ut pecunia, frumento; quia quantitas perire non potest, cum in ea non spectetur ipsum corpus, sed potius æstimatione. Quod si culpa aut facto ipsius hæredis perierit res, aut causam peremptionis dederit, tenetur is ejus rei præstare legatario æstimationem.

§. si res legata.

Quid, si servus alienus legatus sine facto hæredis manumissus sit?

Non tenetur hæres, quia legatum censetur extinctum propter manumissionem, quæ mortis similis est; adeo ut, licet hæres rem alienam legatam teneatur a domino redimere vel æstimationem ejus dare, tamen non præstet æstimationem servi a domino manumissi, quippe qui sic desierit esse in commercio. Si vero hæredis servus legatus sit, & hæres cum manumiserit, tenetur ejus æstimationem præstare, vel in electione est legatarii, servum vel æstimationem petere. Nec placuit ullam hic admitti scientiæ vel

Verf. & si servus alien. d. l. 43. §. 1. 112 ff. d. t.

l. 28. ff. qui & a quib. manum. l. 155. ff. de R. J.

igno-

ignorantiæ rationem, ne factum cuiusquam
ulteri damnum adferat.

*Quid, si quis ancillas cum suis
natis legaverit?*

Vers. si Etiam si ancillæ mortuæ fuerint, partus le-
quis ancil. gato cedunt, hoc est, liberi ancillarum de-
l. 62. cum bentur quasi principaliter legati; sunt enim
seq. ff. de hic duo diversa & separata legata, quorum
leg. 1. unum non pendet ab alio; quia hominis di-
Vers. sed si gnitas non patitur, ut homo sit in fructu,
servus h. vel homo homini accessio. Idem dicendum,
l. 2. ff. de si servus ordinarius legetur cum vicariis;
peculio le- nam & hi debentur illo extincto. Secus, si
gato. ordinarius cum peculio legetur: nam mor-
tuo servo, vel manumisso, vel alienato
peculii, quod est accessio servi peculiaris,
legatum extinguitur.

*Quid, si fundus instructus, vel cum Instru-
mento fuerit legatus?*

Vers. idem Fundo alienato & instrumenti legatum ex-
est si fun- tinguitur, quia instrumentum est accessio fun-
di. di, quo fundus colitur & exercetur. Instru-
l. 1. ff. de mentum enim fundi est apparatus rerum
instr. vel diutius mansurarum, sine quibus exerceri
instrum. nequit: similiter legato vino omni cum va-
leg. l. 6. ff. sis, si non sit vinum, nec vasa debentur,
de rit. vi- quia vasa accessionis loco sunt; sublata
no, & oleo namque re principali, nec accessio debetur;
leg. l. 129. uti probat juris regula: Cum principalis cau-
§. 1. l. 78. sa non consistat, plerumque nec ea, quæ se-
ff. de R.J. quentur, locum habent.

Quid juris est in grege legato?

*Si grex legatus fuerit, & postea ad unam
ovem pervenerit, quod supersuperit, vindicari
potest, hoc est, unica illa ovis nihilominus
debetur, & in ove una grex intelligitur,
quia si accedat, si decedat aliquid gre-
gi legato, id damno aut lucro legatarii es-
se de-*

§. si grex.
l. 22. ff. de
leg. 1.

se debet: quia est legatum universitatis, quod augmentum & decrementum recipit, retinetque universitas jus suum, licet ad unum redierit. Sic & columnæ, & marmora, & ostia, quæ postea ædibus legatis adjecta sunt, legato cedunt, iisque consumptis, area, quæ superest, recte vindicatur: facit enim proprietas legata, quidquid ex re superest, deberi ejusque vindicandi jus est.

§. ædibus.
l. 11. ff. de
R. J.
l. 49. in fin
ff. de rei
vind.

Quid juris in peculio legato?

Sine dubio quidquid peculio accedit, vel dedit vivo testatore, legatarii lucro vel damno est; quia & hoc legatum est universitatis, & peculium dicitur esse instar hominis, adeoque crescere, decrescere & interire. Dico, *vivo testatore*; quia olim dubium erat, cui legati incrementum vel decrementum cederet, mortuo testatore. Verum constitutum deinde fuit, ut, si quidem ipsi manumisso peculium legatum fuerit, omne augmentum, etiam ex iis rebus, quæ non sunt in peculio, ante aditam hæreditatem acquisitum, cedat legatario, quia hujusmodi legati dies ab adita hæreditate cedit: si vero extraneo, ut tunc augmentum extraordinarium, quod nimirum extrinsecus accedit, legatario non cedat, sed tantum quod ex ipso peculio venit, quia in ejusmodi legato tempus mortis spectamus.

§. si pecun.
lium.
l. 40. ff. de
peculio.
l. 65. ff. de
leg. 2.
l. 8. §. ult.
de pecul.
leg.

Peculium debeturne manumisso?

Distingue inter manumissionem, quæ fit testamento, & quæ inter vivos: nam priori casu peculium, nisi legatum fuerit, manumisso non debetur: posteriori sufficit, si non adimatur, id est, tacite concessum videtur peculium, nisi specialiter fuerit ademptum. Ratio discriminis est, quia hoc casu, qui non ademit peculium, censetur donasse, eo quod adimere potuit: illo non

Vers. peculium auri casu peculium, nisi legatum fuerit, manumisso non debetur: posteriori sufficit, si non adimatur, id est, tacite concessum videtur peculium, nisi specialiter fuerit ademptum.
l. un. C. de pecul. ejus qui libert.
mer. l. 33.
ff. de pecul.
Vers. iidem item, rescriptis.

item, quia non nisi post mortem debetur libertas, quo tempore non habet amplius velle vel nolle testator, qui videtur universum jus transtulisse ad hæredes, nisi alia sit conjectura, ut quia servum, rationibus redditis & reliquis illatis, jusserit esse liberum.

DE LEGATO JURIIUM GENERIS ET OPTIONIS.

Possuntne legari jura, & res incorporales?

§. tam autem.

Possunt utique, veluti servitutes, obligationes, & nomina: nam & quod defuncto debetur, potest alicui legari hoc modo; *Centum, quæ mihi Titius debet, hæres meus Sempronio dato*: teneturque tunc hæres cedere legatario actiones, nisi exegerit vivus testator pecuniam, quia pecunia soluta nullum amplius debitum aut actio superest, & sic extinguitur legatum. Ratio, cur legatarius ipse non habeat actiones, sed hæres eas cedere legatario cogatur, hæc est; quia actionum jura omnia hæredi & in hæredem competunt.

Quo vero generi legandi res incorporales relinqui possunt?

Vers. sed & tale.

l. 21. in fin.
ff. de leg. 3.

Legato damnandi, sive per damnationem: veluti: *Hæres meus damnas esto illum ære alieno liberare*. Quo casu non liberabitur hæres dando pretium, sed præcisè facere tenetur; quod & recte dicitur obtinere in obligatis ad factum ex contractu, ut suo loco dicitur. Eodem genere legandi, facta legari solent, ut: *Damnas esto hæres domum illius reficere*.

Quid est legatum generis, & cujus in eo electio?

§. si generaliter.

Si generaliter servus vel res alia legetur, nulla certa specie seu individuo, puta *Sempronio, fundo Tusculano, &c. expresso*, sed
in

in genere, servo aut fundo legato, si quidem plures servos aut fundos testator habuerit, nec appareat, de quo corpore senserit: & tunc electio est legatarii, nisi aliud testator dixerit. Eoque casu legatarius eligit nec optimum, ne nimium noceat hæredi; nec etiam pessimum cogitur eligere. Postquam autem elegerit, amplius variare non potest, & rem aliam eligere. Quod si hæres eligat, non liberatur pessimum dando, ne ejus electio contineat captionem legatarii.

l. 37. ff. de leg. 1. l. 20. ff. de opt. legat. 1. l. 110. ff. de leg. 2.

Quæ est differentia inter hominem generaliter legatum, & inter fundum?

Quod nimirum homine legato, licet incertus homo legatus sit, tamen certa sit demonstratio rei legatæ, quia certa est hominis finitio. Idem est, si legetur equus, bos, scyphus, lanx, vel quælibet alia res, cujus certa est finitio: Fundo autem generaliter legato, certa non est rei legatæ demonstratio, cum quævis pars fundi sit fundus, adeoque una gleba dici fundus queat. Et hac ratione hominis generaliter recti legatum valet, tametsi nullos homines testator reliquerit; Fundi legatum magis derisorium est, quam utile, si nullum fundum testator reliquerit.

l. 3. 37. ff. de leg. 1. l. 69. §. 4. ff. de jur. dot. l. 71. ff. de leg. 1. l. 74. ib. Cujac. ff. de verb. oblig.

Quid, si fundum communem cum alio legaverit?

Utile est legatum, etiam non expressa portione, quia satis constat, eam dare voluisse, quam habebat, cum plus transferre non potuerit, juxta juris regulam; & aliam in legatis receptam, Absurdum est, plus juris habere eum, cui legatus sit fundus, quam hæredem, aut ipsum testatorem, si viveret. Potest tamen quandoque major minore portio præstari, quam erat eo tempore, quo relicta est, veluti per alluvionem: satis enim est rem manere, quæ prius fuit.

l. 5. §. 2. ff. de leg. 1. l. 54. l. 160. §. 2. ff. de R. J. l. 16. ff. de leg. 3. l. 39. ff. de leg. 2.

Quod dicitur optionis legatum?

tit. ff. de opt. leg. Optionis legatum id est, ubi testator jubet legatarium ex servis suis, vel aliis rebus, optare, hac formula, *Sejus servum meum, quem vult, optato, eligit.* Et tunc legatarii est electio, ut etiam optimum servum optare & eligere liceat. Verum si testator dixerit, *Heres meus damnas est Titio hominem, aut decem dare,* electio est hæredis.

l. fin. C. comm. de leg. Optionis autem legatum jure antiquo non transmittabatur ad hæredem, si legatarius non optasset, quia tacitam in se conditionem habebat: at jure novo legatum hoc est purum, & transmittitur ad hæredes, quibus jus est optandi, licet legatarius hoc non fecerit. Et si plures fuerint legatarii, aut unius legatarii plures hæredes, & dissentiant in corpore eligendo, eo casu ne pereat legatum, forte controversia est dirimenda, ut scilicet is in optione potior sit, quem fors prætulit.

QUIBUS LEGARI POSSIT.

Quibus personis legari potest?

§. legari autem. Legari illis solum potest, cum quibus testamenti factio est; hoc est qui hæredes scribi, aut qui institui possunt. Deportatis igitur, & in metallum damnatis, & similibus, inutiliter legatur, quoniam testamentum juris est civilis, ideoque omnes qui cum eo jure negotii aliquid habere volent, cives Romanos esse oportet. Hodie scribenti testamentum legari non potest. Distanti, id est, ex sententia testatoris componenti, & prælegenti scribendum ab altero, legatur recte.

Rectene legatum personis relinquitur incertis?

§. incertis. Olim neque legata illis relinqui concessum erat, nimirum iis personis, quas incerta opinio-

ne

ne testator animo suo subiciebat, veluti si quis ita dicat: *Quicumque filio meo filiam suam in matrimonium dederit, ei hæres meus illum fundum dato*: eo quod plerumque ob meritum aliquod legata relinquuntur, & ex certa animi affectione, quam testator erga legatarium habet. Idque ita religiose observatum est, ut quamvis militibus multa concessa sint, quæ aliis sunt denegata, iis tamen prohibitum fuerit incertis personis relinquere; eo quod certum esse debeat iudicium & consilium disponentis.

Ulp. tit. 13.
Paul. l. 3.
cent. c. 6.
Vers. nam
nec miles.
h. t. vers.
sub certa
vero de-
monstr.

At jure novo etiam personæ omnino incertæ legatur utiliter: ex certis vero personis alicui incertæ, veluti sub certa demonstratione, per quam constet de persona, & hodie & olim recte legabatur: v. g. *Ex cognatis meis, qui nunc sunt, si quis filiam meam uxorem duxerit, ei hæres meus illam rem dato*; quia non plane incerta est talis persona, de qua constare potest, adjecta ejusmodi demonstratione. Demonstratio plerumque vice nominis fungitur, ut nihil inter sit, nominatim legetur alicui, an per demonstrationem corporis, vel artificii, vel necessitudinis, vel affinitatis.

l. 34. ff. de
cond. &
demonstr.

An & posthumus recte legatur?

Posthumus quidem suo legatum relinquere hodie potest, & olim potuit, quia & hæres institui poterat ex Lege XII. Tabularum, si post mortem testatoris nasceretur: vel ex Lege Velleja, si nasceretur post testamentum. Posthumus autem alieno olim legari non potuit; uti nec jure civili hæres institui, aut institutus adire potuit hæreditatem; licet eidem instituto Prætor bonorum possessionem dederit. Ergo posthumus jure veteri non per omnia habitus fuit pro incerta persona: & hoc est, quod ait paulo post Imperator, *Posthumus alienus hæres in-*

§. posth.

l. 8. §. 1. ff.
de lib. &
post. infra
de bonor.
possess.

§. tutor.
vers. posth.

l. 6. ff. de
inoffic. te-

stam.

stitui, & ante poterat, & nunc potest; poterat scilicet institutus jure prætorio admitti ad bonorum possessionem, non autem adire hæreditatem. Igitur & legari hodie posthumo alieno potest.

Error in persona, in nomine, aut cognomine legatarii, vitiatne legatum?

§. *si quis in nomine.* Non vitiat, valetque legatum, modo de persona constet. Nomina enim significandorum hominum gratia reperta sunt, qui si alio quolibet modo intelligantur, nihil refert. Nisi tamen in nomine appellativo testator erraverit, ut si, cum vestem vellet legare, dixerit, se legare supellectilem; hic enim error legato nocet, quia appellativa nomina substantiam rerum designant, nec pro cujusque libitu variantur, uti hominum nomina, quæ differentiam significant; hæc enim facillime variantur, quia cujusque sunt arbitrii, non communis usus.

Falsa demonstratio perimitne legatum?

§. *huic proxim.* Juris regula est, *Falsa demonstratione legatum non perimit*; quia legato non cohæret legandi ratio, inquit Pomponius. Nam demonstratio rei cognoscendæ atque significandæ causa adhibetur: itaque re ipsa cognita, non curatur demonstratio. Legatum quippe est rei & corporis, de quo si constat, five ubi constat de substantia, non curatur de accidente. Falsa autem demonstratio est, si testator, cum Stichus sibi donatus esset, aut cum fundum Tusculanum emisset, ira scripsit: *Stichum, quem a Titio emi, aut fundum Tusculanum, qui mihi donatus est, do, & l. 71. §. 6. lego*; hic si constet de quo fundo senserit, ad rem non pertinet, si is, quem se emisit significavit, donatus sit; aut emerit, quem donatum dixit.

Quid,

Quid, si falsa causa adjecta fuerit legato?

Non ea nocet: cum enim causa sit vice demonstrationis, quando additur legato illud non infirmat, neque etiam confirmat. Non infirmat, quia non solet, quod abundat, vitare scripturam; quidquid enim adhibetur rei apparenti, vel satis demonstratae, id superfluum est. Unde quæ dubitationis tollendæ causa (testamenti) vel contractibus inferuntur, jus commune non ledunt. Igitur si ita dixerit testator, Titio, quia mea negotia curavit, fundum do, lego; quamvis non curaverit, utile est legatum, quod ex ipsa testatoris voluntate pendet, adeoque sine ulla causa consistere potest. At si conditio causæ sit appposita, legatum non debetur, nisi impleta conditione.

§. longe
magis.

l. 81. & l.
94. ff. de
R.J.

d. l. 17. §. 2.
& 3.

text. b. in
fin.

Recte servo hæredis legatur?

Constat quidem, pure inutiliter legari: quia sic idem fieret hæres & legatarius, quod est absurdum; nec quicquam proficere, si vivo testatore de potestate hæredis exierit, propter Regulam Catonianam: Quod inutile foret legatum, si statim post factum testamentum decessisse testator; hoc non debet ideo valere, quia diutius testator vixerit: Sub conditione vero recte legatur, quia legatum conditionale non statim vires capit ab initio; sed a conditionis demum eventu: unde de regula Catoniana non pertinet ad legata conditionalia.

§. an ser-
vo.

l. 18. & l.
19. ff. de
R.J.

l. 41. ff. de
condi. &
demonstr.

Ex diverso, valene legatum a servo relictum domino?

Quin domino recte etiam sine conditione legatur, non dubitatur: propterea quod hic Contra idem hæres & legatarius statim fit, sed dominus tantum est legatarius, non hæres, donec servus jussu domini hæreditatem adierit; quando

§. ex diver.

Regulam in

l. 17. ff.

quando

dies leg.

rit ; ideoque si servus fuerit manumissus ,
antequam jussu domini hæreditatem adierit ;
servus sibi acquirit hæreditatem , & dominus .
legatarius tantum est . Verum servo adeun-
te jussu domini hæreditatem , legatum in-
firmatur , quia res in eum statum deduci-
tur , ut idem sit hæres & legatarius .

QUA FORMA ET MODO LEGARI POSSIT ?

Quibus modis relinqui legata possunt ?

l. 1. ff. de Relinquuntur vel pure , vel cum causa , seu
condit. & demonstr. ratione ex præterito sumpta , qua testator
l. 17. §. pe- motum se dicit ad legandum ; vel die adje-
nult. l. 29. cto , non quo legatum debetur , sed quo effi-
l. 30. 34. ff. cax ejus est petitio ; vel sub modo , in futu-
d. 1. rum , ut quid a legatario fiat ; vel sub con-
ditione , in præteritum , vel futurum : sed
maxime in futurum : in quo differt a mo-
do : qui non impedit , quominus effectum
fortiatur dispositio .

Quid , si conditio non sit impleta ?

l. 45. §. 1. Impleri prius debet , quam capi & peti
ff. de leg. 2. possit legatum : Quod ne quidem repudiari
potest , pendente adhuc conditione , cum
l. 174. §. 1. nondum sit jus quæsitum , ut proinde talis
ff. de R. J. repudiatio non impediatur , quominus postea
purificata conditione legatum peti & acqui-
ri possit ab eo , qui repudiavit . Hinc illud
Ulpiani , Quod quis , si velit , habere non po-
test , repudiare non potest . Privatio autem præ-
supponit habitum .

*Ratione ante hæredis institutionem legata
relinquuntur ?*

§. ante hæ- Olim ante hæredis institutionem inutiliter
redis . legabatur : propterea quod testamentum vim
ex hæredis institutione , quæ veluti caput
& fundamentum totius intelligitur testa-
menti , accipiat : unde veteres voluerunt in-
stitu-

stitutionem præcedere. Verum hodie & ante hæredis institutionem, & inter medias hæredum institutiones, legata, & multo magis libertates, recte relinquuntur: quia incivile visum fuit, scripturæ quidem ordinem sequi, sperni autem testatoris voluntatem.

Quid, si legetur post mortem hæredis, vel legatarii?

Olim & inutiliter hoc modo legabatur, si quis ita diceret, Cum hæres meus mortuus tem. h. t. §. fuerit, do, lego, propterea quod obligatio, post mortem non coëpit a defuncto, vel contra defunctum, incipere nequeat ab hærede, vel contra hæredem: Idemque erat, si quis, pridie quam hæres, aut legatarius moreretur, C. ut actio legaverit. Nam hic dies ante mortem plane incertus est, & non, nisi cum jam mortuus fuerit hæres, sciri potest, quis ille dies futurus sit. Sed hodie sublata est hujusmodi distinctio, cum morietur, cum mortuus fuerit, & utroque casu utiliter legatur, novaque introducta est regula, ut actiones ab hæredibus & contra hæredes incipiant.

Valeatne legatum pœnæ nomine relictum?

Olim itidem inutile & hoc erat legatum, adeoque pœnæ nomine inutiliter legabatur, si adeoque pœnæ nomine inutiliter legabatur, cum legatum sit mera donatio, quæ non ex pœna, aut odio hæredis, sed ex amore & benevolentia erga legatarium proficisci debet. Verum hodie generaliter valet legatum pœnæ causa relictum, idque favore ultimæ voluntatis, cui plus tribuendum, quam scrupulositati juris veteris. Unde hæres jussus facere, vel non facere quid, aut alias dare centum Mævio, tenetur sic, nisi tamen sit impossibile aut illicitum id, quod rogatus est facere. In omnibus enim testatoris voluntas, si modo legitima sit, dominari debet, & ideo plenius ea interpretari solet.

T I T U L U S XXI.

DE ADEPTIONE VEL TRANSLATIONE
LEGATORUM.

Postquam actum est de dandis, aut relin-
quendis legatis, recto ordine sequitur de iisdem
adimendis vel transferendis.

Quomodo adimuntur legata?

*ext. h. in
princ.*

*l. in legatis
C. de leg.*

Adimuntur legata vel eodem testamento,
vel alio æque solemniter ac perfecto, vel
etiam codicillis: sive id verbis fiat contra-
rariis, ut, si quis ita legaverit, *Do, lego,*
ita adimatur. *Non do, non lego;* sive aliis
quibuscumque. Nam hodie ut verbis quibuscumque
legata dari possunt, etiam adi-
mi, & in alium transferri, cum legatario
nullum sit jus acquisitum; vivo testatore,
sitque ambulatoria hominis voluntas usque
ad extremum vitæ spiritum.

Quot modis adimitur legatum?

Duobus modis, vel expresse, vel tacite.
Expresse, quando testator verbis contrariis,
vel quibuscumque aliis, legatum prius da-
tum, totum, vel ejus partem, rursus adi-
mit. *Tacite*, quando non ex verbis, sed ex
facto aliquo, voluntas & pœnitentia testa-
toris colligitur.

Quibus vero modis tacite adimitur legatum?

*l. 3. §. ult.
l. 22. ff. de
adim. leg.*

*l. 65. §. ult.
ff. de leg. I.*

Octo modis. I. Inimicitias inter testato-
rem & legatarium interpositis, iisque capi-
talibus vel gravissimis: quia per hujusmodi
inimicitias aufertur benefaciendi voluntas;
nisi reconciliatio intervenerit.

II. Mutatione formæ rei legatæ: quod
contingit destructione, dissolutione, atque
interitu corporis legati; nisi aliud testato-
rem sensisse probatum fuerit.

III.

III. Alienatione rei legatæ: si testator sua sponte, nulleque necessitate coactus, illam alienaverit, seu alii eam rem donaverit, vel, cum necesse non erat, vendiderit, non debetur, licet eandem postmodum redemerit. *l. 15. §. 18. ff. b. i.*

IV. Exactione debiti legati: si enim testator nomen, quod alicui legavit, a debitore exegerit, ademisse legatum præsumitur. *l. 11. §. 13. ff. de l. 3.*

V. Si præmoriatur legatarius, quia ejus dumtaxat personam respexit testator, non etiam hæredis.

VI. Si legatum repudiaverit legatarius; ejus & postea fera ac frustranea poenitentia erit: quia semel liberatus hæres non debet invitatus trahi in obligationem.

VII. Si legatarius fuerit consecutus rem legatam ex alia causa lucrativa.

VIII. Si deficiat conditio, sub qua relatum fuerit legatum, quia in defectu conditionis, de ademptione cogitasse præsumitur defunctus. *l. penult. in fin. ff. de condit. inst.*

Quibus modis transfertur legatum?

Translatio legati fit quatuor modis.

I. A persona in personam: veluti, *Fundum, quem Titio legari, Sejo do, lego.* *§. transferri.*

II. Ab eo qui dare iussus est, ut alius det: v. gr. duos institui hæredes, primum & secundum, & ita lego; *Primus Titio centum dato; ac postea transfero: Ea centum, que iussi primum dare Titio, secundus dato.* *l. 6. ff. de adim. & transf. leg.*

III. Cum res pro re datur, ut quando pro fundo legato, testator jubet dare centum aureos. *l. 5. ff. d. t. ibi Cujas. in parat.*

IV. Cum quod pure datum est, transfertur sub conditione. Unde apparet, plus esse in translatione, quam in ademptione. Nam translatio & ademptionem & dationem in se continet.

T I T U L U S. XXII.

DE LEGE FALCIDIA.

Adimuntur quandoque legata ex parte; seu diminuuntur per legem Falcidiam: de qua proinde recto ordine sequitur.

Que fuit ratio, introducenda Legis Falcidiæ?

O Lim. ex Lege XII. Tabularum, cuilibet testatori libera erat legandi potestas, ut liceret vel totum patrimonium legatis erogare atque exhaurire, quippe cum ea lege ita cautum esset: *Uti quisque legassit sue rei, ita jus esto*. Eoque fiebat, ut testamenta plerumque deferrentur, repudiante & recusante scripto hærede, pro nullo aut minimo lucro adire hæreditatem. Visum propterea fuit, hanc legandi licentiam coarctare: & cum neque Lex Furia, qua ultra mille asses legare non licuit, neque Voconia, qua vetitum fuit, ne cui plus quam hæredi relinquere liceret, sufficiens ad rei consummationem videretur; lata est Lex Falcidia, qua cautum fuit, ne quis testamento plus quam dodrantem bonorum legare posset, & ut siue unus siue plures hæredes instituerentur, quarta bonorum apud eum eoſve remaneret.

Licetne singulis hæredibus Falcidiam detrahere?

§. Cum Placuit, *In singulis hæredibus rationem Legis Falcidiæ ponendam esse*, hoc est, singulos hæredes, pro sua quemque parte, quartam Falcidiam detrahere e legatis posse: v. g. Si plures in genere sint instituti hæredes, omnibus amplius detrahere non licet, quam quadrantem inter ipsos dividendum: si vero in specie & seorsim plures sint instituti, & unius cohæredis portio legati aut plane sit exhausta, aut nimium gravata, alterius vero.

vero nullo modo : tum licet gravato quartam de legatis e sua portione detrahere . Nec obstat ei , quod cohæres portionem suam habeat salvam ; atque ita satisfactum videatur legi Falcidiæ ; quia Lex Falcidia voluit omnibus ac singulis hæredibus , non uni tantum , prospectum , & quartam omnibus esse salvam .

In ratione Legis Falcidiæ ineunda quod tempus spectatur ?

Tempus mortis , quo nimirum decesserit testator ; non autem tempus aditæ hæreditatis . Et hoc est , quod imperator ait : *Quantitas patrimonii , ad quam ratio Legis Falcidiæ redigitur , mortis tempore spectatur .* Quibus verbis judicatur materia , & de quibus bonis detrahi Falcidia debeat . Quodcumque igitur hæreditati post mortem testatoris accesserit , id lucro cedit hæredis ; non legatarii ; & contra , si quid decedat , modo citra culpam legatarii , id ejusdem hæredis est periculo . legatario autem non nocet : Ratio est , quia statim a morte testatoris incipit esse & dici hæreditas , id est , jus a defuncto relictum , atque eo tempore ut plurimum cedit dies legatorum , de quibus quarta detrahitur . Nec tamen hoc damnosum est hæredi , cum ei liberum sit non adire hæreditatem , sed repudiare . Quod consultum est legatariis , ne destituto testamento nihil consequantur , pacisci eo casu de portione legatorum cum hærede .

Imponenda ratione Legis Falcidiæ , quæ prius deducenda sunt ?

Tria sunt deducenda , æs alienum , funeralis impensa , & pretia servorum manumissorum ; quia horum causa prior & potior est , cum etiam bona non intelligantur , nisi deducto ære alieno , eo quoque , quod testator hære-

1.77. ff. b. t. §. quantitas. 3. l. 138. l. 193. ff. de R. J.

l. 30. l. 73. ff. b. t.

d. §. 3. in fin.

§. cum autem .

l. 1. §. ult. l. 33. cum seq. l. 37. §.

2. ff. b. t. l. 6

Cod. eod. c. 2. §. 1.

l. 73. §. ult. ff. b. t.

di debeat; si tamen is inventarium fecerit: nam eo omisso, Falcidia beneficium amittit.

Illis igitur ex hæreditate defuncti prius deductis, tunc ex reliquo videndum, num solutis legatis, quarta manet salva hærediti: nam alias deductio fiet pro rata portione ejus, quod cuique legatariorum relictum est. Hinc si quadringentus legasset testator, nec amplius esset in bonis; tunc quarta pars singulis legatus debet detrahi, ut cui centum sint legata, detrahantur viginti quinque; cui quadraginta, decem; & consequenter singulis quarta sui legati detrahitur, per hanc legem.

Estne Falcidia locus in solis legatis?

l. 18. ff. de l. 3. C. ad Trebell. l. 5. & 12. C. h. t. l. 2. C. de don. mor. caus. l. 39. ff. b. r. De legatis quidem expresse cavit Lex Falcidia: attamen & in fidei commissis particularibus, non solum testamento, sed & ab intestato relictis, eadem Lex locum habet, ex Constitutione Divi Pii. Item in donationibus mortis causa ex Constitutione Divi Severi: & in donationibus inter vivos; quæ morte confirmantur: non etiam in mortis causa capionibus, id est, eo genere legati, quod occasione mortis testatoris capitur.

Quibus casibus cessat Falcidia?

l. 7. C. h. t. Nov. 131. c. 12. Nov. 11. c. 2. auth. sed cum C. eod. l. 1. l. 9. fin. C. eod. & Nov. 1. Cessat primo in testamento militis, cujus sola in disponendo spectatur voluntas.

II. In legatis ad pias causas, jure novissimo.

III. Si testator vetet expresse Falcidiam detrahi. Dico, *expresse*: nam tacita prohibitio non sufficit, veluti si testator mandet integra legata præstari: presumitur enim errore ductus circa quantitatem hæreditatis.

IV. Si hæres inventario non rite confecto; hæreditatem adierit, resque hæreditarias tractare cœperit.

V. Si integra legata solverit, nisi probaverit

verit se id per errorem fecisse, eumque facti poeniteat.

TITULUS XXIII.

DE FIDEICOMMISSARIIS HEREDITATIBUS,
ET AD SENATUS CONSULTUM

TREBELLIANUM.

Quid est Fideicommissum?

Fideicommissum est liberalitas, quæ verbo precariis, vel alio quocunque indicio, vel sine voluntatis, ministerio alterius commissæ, in aliquem confertur: quod fit, quando hæres quispiam directo instituitur, atque verbis precariis a defuncto rogatur, ut hæreditatem, vel ejus partem, transferat in tertium, hoc est, fideicommissarium.

Ulp. tit. 25
Cujus. h. r.

Quotuplex est?

Duplex, aliud Universale, cum testator hæredem suum rogat, vel ei mandat, ut hæreditatem suam vel totam, vel partem ejus restituat alteri, quæ dicitur hoc loco fideicommissaria hæreditas; aliud Singulare, quod res sive corpora singula de hæreditate complectitur, & hodie eandem cum legato vim habet.

h. r. & seq.
l. 1. 2. 3. 4.
ff. ad S. C.
Trebell.

Fideicommissorum quæ origo, & quæ ratio nominis?

Origo quidem fuit hæc, quod olim, quibus directo non poterant hæreditatem vel legata relinquere, si relinquebant, fidei committebant eorum, qui capere ex testamento poterant: v. g. Jure civili neque peregrini, neque cælibes, & orbi, neque uxores testamento hæredes institui poterant: si tamen testator volebat ad peregrinum, ad cælibem, ad orbem, vel ad uxorem hæreditatem pervenire, fidei hæredis instituta committebat, ut hæreditatem peregrino,

Text. hic
in princ.

orbo,

orbo, calibi, aut uxori restituerat. Hac occasione fideicommissa primam introducta fuerunt, posteaque paulatim coeperunt etiam illis relinqui, qui institui verbis directis poterant:

Vers. & idco, in pr. Hinc constat & ratio nominis, fideicommissa inde dicta esse, quia nullo vinculo juris, sed tantum pudore eorum, qui rogabantur, contineantur; a fide nimirum hæredis, a cujus officio atque arbitrio olim vis omnis fideicommissi pendebat, non ab auctoritate juris. Unde sequitur, fideicommissa omnia primis temporibus infirma fuisse, quia nemo invitus cogebatur præstare id, de quo rogatus erat. Verum postea Divus Augustus fideicommissa ad necessitatem juris retraxit, creato Prætoris proprio, qui de iis jus diceret, cogeretque hæredes, ut accepta fideicommissa restituerent fideicommissariis; quem propterea etiam *fideicommissarium* appellabant.

Quid requiritur ad hoc, ut valeat fideicommissum?

§. imprimis. In primis opus est, ut aliquis recto jure hæres testamento instituatur, ejusque fideicommittatur, ut hæreditatem alii restituat: *§. præterea, infra, h. t. l. i. C. de delator.* alioquin inutile est testamentum, in quo nemo hæres instituitur, cum institutio sit fundamentum & caput testamenti. Hodie non solum testamento, sed & codicillis testamento non confirmatis, & ab intestato fideicommissum relinquitur, non curvis, ut olim, sed ei tantum, qui testamenti factio- nem habeat, id est, qui capere ex testa- mento possit, incapaci enim tacita interpo- sita fide relictum fiscus vindicat.

Liberumne est vel pure, vel sub conditione vel ex certo die, relinquere fideicommissum?

Vers. post- est autem Liberum hoc est testatori; & hac in re disse-

differentia est inter fideicommissum & hæreditatem, quia hæc relinqui ex certo tempore nequit. Ratio differentiae est, quia ex institutione hæredis, ad certum vel ex certo tempore facta, sequeretur, quod quis deeedere posset pro parte testatus, & pro parte intestatus. In fideicommissario autem hoc non est metuendum, nam is non est hæres, sed hæredis loco: quæ duo differunt, ut mox dicam. Cæterum inter fideicommissum pure & sub conditione relictum, hoc interest, quod illud etiam non agnatum, ad hæredes fideicommissarii transmittatur; hoc vero non item, nisi de contraria testatoris voluntate ex verisimilibus constet & appareat conjecturis.

Restituta ergo hereditate, manetne hæres is, qui eam restituit?

Manet utique: quia qui semel hæres extitit, non potest desinere esse hæres. Namque Hæres & Hæreditas vocabula sunt juris, quæ ut lege dantur, ita & lege adimuntur: quare per fideicommissum, quod non certa lege, sed ex voluntate pendet testatoris, nec datur hæreditas proprie, nec tollitur. Is vero, cui ex fideicommissio restituta est hæreditas, aliquando hæredis, aliquando legatarii loco habetur: loco hæredis est, si tota hæreditas ei restituatur; legatarii autem, si pars bonorum ei sit relicta. Dicitur & hæres fideicommissarius, ad differentiam ejus, qui rogatus est restituere hæreditatem, quem vocant hæredem fiduciarium.

In quem, restituta hereditate, actiones transeunt hereditarie?

Senatus Consulto Trebelliano cautum fuit, ut restituta hereditate ex fideicommissi causa, omnes actiones, quæ jure civilis hæredi & in hæredem competere, ei & in eum

da-

darentur, cui ex fideicommisso restituta esset hæreditas: Quia secundum naturam est, incommoda cuiusque rei eum sequi, quem sequuntur commoda. Etenim cum in fideicommissarium jus fructusque hæreditatis transferantur, æquum est, ut eum & actiones sequantur.

Transseantne in fideicommissarium actiones utiles tantum, an & directæ?

d. §. 4. vers. post quod. Innuit hic Imperator, actiones hæreditarias, si hæredi vel in hæredem dentur, esse directas; si fideicommissario & in fideicommissarium, esse utiles. Ratio differentiæ hæc assignatur, quia ut semel hæres, non desinit esse hæres, ita quod semel ei acquisitum est primo & directo, si ad alium transferatur, apud illum directi manet appellatio: ad alterum translatum, consequens est, ut non sit directum, sed utile; id est, ex utilitate & æquitate ab hærede in fideicommissarium translatum. Si igitur hæres a creditoribus hæreditariis conveniatur directis actionibus, non liberatur ipso jure; sed exceptione restitutæ hæreditatis tutus est; quæ si non utatur, sed solvat, potest solum repetere a fideicommissario.

Quid, si hæres scriptus adire hæreditatem ob nullum vel minimum lucrum recusat?

§. sed quia hæred. Consultum huic rei fuit beneficio Senatus Consulti Pegasiani, quo pro conservandis testamentis ac fideicommissis cautum fuit, ut ei, qui rogatus esset hæreditatem restituere, perinde liceret quartam partem ex fideicommisso retinere, atque ex Lege Falcidia quartam ex legatis retinere conceditur. Quæ quarta vulgo *Trebellianica*, olim *Pegasiana*, & in Jure quandoque dicitur *Falcidia*.

*Quot fuerunt capita Senatus Consultii
Pegasiani?*

Tria præcipua I. Hæres rogatus restituere hæreditatem, quartam ejus retinebat. §. post quod.

II. Idem hæres restituta hæreditate, onera sustinebat hæreditaria: illa autem qui ex fideicomisso recipiebat partem hæreditatis, legatarii partiarii loco erat; nisi interpositæ essent stipulationes inter hæredem & fideicommissarium dividendis oneribus pro rata parte. §. ergo.

III. Hæres scriptus recusans adire hæreditatem, ob id, quod diceret, eam sibi suspectam esse, ac damnosam fore, cogebatur adire, desiderante fideicommissario, nullo nec commodo, nec incommodo apud hæredem remanente. Fuerunt fortassis & alia capita, quæ quia a Justiniano sunt abrogata, non extant amplius; quæ autem retenta sunt ex Senatus-Consulto Pegasiano, transfusa sunt in Trebellianum, cui soli Imperator locum esse voluit.

*Quid ergo Senatus-Consulto Trebelliano
sancitum fuit?*

I. Ut ex eo fideicommissariæ hæreditates restituantur fideicommissario, siue habeat hæres ex voluntate testatoris quartam, siue plus, siue minus, siue nihil penitus. §. sed quia stip. lat.

II. Ut, quando vel nihil, vel minus quarta apud hæredem remanet, liceat ei vel quartam, vel quod deest, retinere, vel repetere solutum. l. 1. 2. 3. 4. C. ad SC. Trebell.

III. Ut pro rata portione, actiones competant in hæredem & fideicommissarium.

IV. Ut, quando hæres totam hæreditatem sponte restituit fideicommissario, non deducta quarta, actiones omnes hæreditariæ fideicommissario, & adversus eum, competant. l. 4. & 63. ff. eod.

V. Ut necessitas hæredi imponatur, si, ipso

no-

nolente adire, fideicommissarius desideret restitui sibi hæreditatem, nullo nec damno nec commodo apud hæredem remanente, ut neque quartam retinere liceat.

VI. Ut fideicommissarius hæredi caveat & satisdet de indemnitate.

Interestne, quoad prædicta, utrum quis totam hæreditatem, aut pro parte restituere sit rogatus?

§. *nihil autem d. l. 2. C. ad SC. Treb. l. 24. C. fam. l. 24. C. de rei vind.* Nihil interest, utrum aliquis ex assè, an ex parte hæres sit institutus: ac proinde si quis scriptus sit hæres ex sextante, & rogatus eum vel ejus parrem restituere alteri, æque restituet, deducta ejus quarta, & divisis actionibus. Ratio est, quia plerumque quæ de tota aliqua re dicuntur, eadem etiam in parte ejus obtinet.

Quid juris, si quis rogatus sit restituere hæreditatem, deducta una aliqua re, vel summa, quæ continet quartam?

§. *si quis una, & vers. sed illud interest. l. 30. §. 3. ff. ad SC. Treb.* Tunc simili modo ex Senatus-Consulto Trebelliano restitutio fiet, perinde ac si, quarta parte retenta, rogatus esset reliquam hæreditatem restituere. Itaque similes sunt, qui re certa deducta sive percepta: & qui certa quarta, ut parte, retenta, rogati sunt restituere, cum utroque casu restitutio fiat ex Senatus-Consulto Trebelliano, & uterque cogi possit. Illud tamen interest, quod is, qui, certa re vel summa percepta, jussus est restituere, nullas actiones sustineat, sed omnes in solidum transferat in fideicommissarium; quia loco legatarii est, qui reliquum capit sine ullo onere hæreditario. At vero qui parte quarta retenta rogatus est restituere hæreditatem, pro rata parte etiam actiones sustinet hæreditarias, quia pro ea parte verus est hæres. Et hoc est, quod Imperator ait, scindi tum actiones, & pro do-

doctrante quidem transferri ad fideicommissarium, pro quadrante remanere apud hæredem.

Potestne ab intestato relinqui fideicommissum?

Potest quis moriturus etiam intestatus rogare eum, ad quem bona sua legitimo jure sive ab intestato pertinere intelligit, ut hæreditatem suam totam, partemve ejus, aut rem aliquam alicui restituat. Neque ideo gravari hæredes legitimi non posse videntur, quod non capiant hæreditatem beneficio defuncti, sed legis; quia certum est, non sola lege, sed etiam tacita voluntate defuncti, ad hæreditatem vocari hæredes ab intestato venientes; creditur enim, qui intestatus decessit, sponte sua iis legitimam relinquere hæreditatem. Jam vero fideicommissa ex sola pendent voluntate fideicommittentis, adeo ut & solo nutu relinqui possint. Legata autem nisi ex testamento non valent; jure scilicet veteri, quo non nisi civilibus & directis verbis legata relinqui poterant. Hodie vero etiam ab intestato legata directo relinqui possunt, ob confusam legato- rum & fideicommissorum naturam.

§. præt. l. r.
§. 1. & l. 6.
§. 1. ff. ad
SC. Treb. l.
3. C. cod.

l. 8. §. 1. ff.
de jure
Codicilli.

l. 2. C. com.
de leg.

Potestne ab ipso fideicommissario peti, ut & is restituat?

Potest is quoque cui aliquid restituitur, id est, fideicommissarius, rogari, ut id rursum alii, aut totum, aut partem, vel etiam aliquid aliud restituat. Verum hujusmodi fideicommissarius, qui rogatus est restituere, quartam deducere non potest: quoniam ut sit locus deductioni, oportet eum, qui vult detrachere, gravatum esse tamquam hæredem, & quidem directum: hic quia est solus hæres, solus quartam detrahit; nec enim bis quarta detrahitur.

§. eum
quoque.
l. 1. §. 8. ff.
ad §. C.
Treb. l.
l. 22. §. fin.
ff. d. t. & l.
47. in fin.
ff. ad L.
Falcid.

Quid,

Quid, si hæres restituere rogatus adimplere fidem recuset?

§. fin. b. t. Eo casu, si neque ex scriptura defuncti, & l. fin. C. neque ex quinque testium numero, adeoque de fideicommissio relicto non constet, & hæres fidem adimplere recuset, negando rem ita esse subsecutam, poterit fideicommissarius ei deferre juramentum; si tamen prius ipse juravit de calumnia; id est, se non calumniandi animo deferre hæredi juramentum. Quo quidem hæres cogitur suscipere, adeoque jurare, defunctum fidei suæ non commississe, ut aliquid restitueret; aut si jurare detrectet, fideicommissum solvere compellitur, ne depereat ultima voluntas fidei hæredis commissa.

Quid, si is, a quo relictum dicitur, ad legis subtilitatem recurrendo opponat, minus solemniter esse relictum?

Vers. fin. In omnino solvere cogendus est, non admissa nec audita ipsius exceptione: nam fideicommissum etiam minus legitime relictum, valet; quippe in quo tantum spectetur voluntas, non juris aliqua solemnitas. Quapropter ubi propria & indubitata fide hæredis potest constare de voluntate, non est curandum de solemnitate scripturæ, aut testium: ad quam tunc demum recurrendum, l. 23. & 29. quando aliter fides haberi nequit. Non mo- C. d. t. de vet, quod non possit urgeri hæres ad solutionem relictum minus solemniter; quia hoc fideicommi. verum est, ubi is certus non est de voluntate defuncti; aut aliquid relictum est testamento, cui juris solemnitas deest. Nam ex tali testamento, quod jure non valet, nec fideicommissum peti potest.

l. 14. C. d. t. Quomodo extinguitur hæc fideicommissi obligatio?
l. 3. §. 1. 2. Revocatione, repudiatione, præmoriante
ff. de adimen leg. fidei-

fideicommissario, non adita hæreditate, nisi fideicommissum ab intestato fuerit repetitum: deficiente conditione, aut mortuo ante eventum ejus fideicommissario, quia prius dies fideicommissi non cedit. Hinc filio gravato restituere post mortem, relictis tum liberis, non est locus fideicommissio, quasi conditione subintellecta, *si sine liberis decesserit*, deficiente, quam subintelligi facit mens testatoris, quem non est verisimile gravatum fuisse filium, si de nepotibus cogitasset, cum alienas successiones suis nemo præferat.

l. 102. ff. de cond. & dem. l. 6. §. 1. C. de inst. & subst.

Circa Quartam Trebellianicam, extra textum quæri ut plurimum ista solent.

Q. I. *An filius fideicommissio gravatus, duas Quartas, Legitimam & Trebellianicam detrabere possit?*

Jure Canonico expressum est, filium duas quartas detrabere posse, unam tamquam jure naturæ sibi debitam, & alteram ex Senatus-Consulto Trebelliano.

c. Raynut. ff. de testam. l. 8. §. 9. ff. de inst. off. testam. l. 6. C. ad SC. Treb. Hotom. Il-lustr. q. 43. Eujac. 8. obs. 3.

Jure Civili idem obtinere plerique volunt, sed fundamento invalido, cum certum sit, Jure Pandectarum alterius quartæ deductionem fuisse permissam, quam qui deduxit, querelam non movet. Idem obtinet Jure Codicis, quo filius gravatus restituere cogitur dodrantem hæreditatis, reservato sibi tantum quadrante. Quod jus non est mutatum per Novell. 39. cap. 1. cujus inibi exceptio firmat regulam. Ibi enim in casu dotis & donationis propter nuptias, si legitima pars pro personarum qualitate non sufficiat, ulterior detractio singulariter permittitur. Ergo aliis in casibus, ubi nimirum legitima doti & donationi suffecerit, ea inhibita censebitur.

Q. II.

Q. II. An prohiberi Trebellianica deductio possit?

l. 15. §. 1. ff. Olim non potuit; hodie ut Falcidiæ, ita
ad l. Falc. & Trebellianicæ detractio prohiberi potest;
Nov. 1. c. 2. cum rationes in Trebellianica non minus
in fin. quam in Falcidia locum habeant. Sunt au-
Auth. sed tem hæ: I. Quod lex crediderit hæredem
cum test. aditurum intuitu pietatis. II. Quod non vi-
C. d. r. deatur sine lucro hæreditas, licet quarta non
 detrahatur. III. Quod testatoris voluntas ni-
 hilominus conservetur, tametsi hæres pro-
 pter Falcidiam sibi ademptam repudiet hæ-
 reditatem, cum legatarii & fideicommissarii
 hæreditatem suscipere possint. Quæ rationes
Facb. 5. æque obtinent in Trebellianica; cujus tamen
contr. c. 5. prohibitionem cessare existimo in liberis pri-
 mi gradus, quorum causa favorabilior, quam
 aliorum hæredum.

*Q. III. An amittatur Trebellianica omiſſa in-
 ventarii confectioe uti amittitur Falcidia?*

Nov. 1. §. si Verius est, Trebellianicam non amitti:
verum non quia ejus non fit mentio in *Novell. 1.* & quia
fecerit. non subest eadem ratio, quæ in Falcidia;
Vide Vigl. quæ ideo amittitur, quia præsumitur pro
in §. extra- testatore, quod legata, quæ reliquit, habeat
neis, n. 7. in bonis: unde oritur præsumptio, quod hæ-
et seq. in- res negans in bonis esse, usus sit aliqua ma-
stit. de hæ- lignitate. Eadem præsumptio hic locum ha-
red. qualit. bere nequit, quia in universali fideicommis-
 so nulla fit bonorum declaratio.

Q. IV. An fructus imputentur in Trebellianicam?

l. 12. §. 2. ff. Post aditam hæreditatem ab eo, qui pure
ad SC. rogatus est restituere, non imputari certum
Treb. l. 91. est; secus, si *in diem vel sub conditione* ro-
ff. ad Leg. gatus fuerit. Ratio est, quia ea tantum im-
Falcid. putantur in quartam, quæ ex judicio testa-
 toris accipiuntur: pure autem rogatus, non
 ex judicio testatoris, qui continuo hæredi-
 tatem restitui voluit, sed ex negligentia
 fidei-

fideicommissarii, fideicommissum non petentis, fructus percepit. Contra se res habet in gravato in diem, vel sub conditione; videtur enim testator velle, ut hæres fructus usque in diem, vel conditionis eventum, percipiat. Excipiuntur, sui hæredes gravati, qui fructus perceptos in quartam non imputant, sed eam ex rebus hæreditariis detrahunt; quod ita favore liberorum inductum.

l. 6. C. ad SC. Treb.

Q. V. Quenam heredi imputantur in Trebellianicam, & quæ in Falcidiam?

In Trebellianicam imputari receptum est, non tantum ea, quæ jure hæreditario, sed & quæ jure legati, vel fideicommissi, vel conditionis implendæ causa, quæve iudicio defuncti capiuntur.

d. l. 91. Cuj. 8. obs. c. 4. Duar. l. 1. disp. c. 10. Pasc. 5. contr. c. 15.

In Falcidiam: non nisi ea, quæ hæres jure hæreditario capit. Ratio esse videtur, quod lex Falcidia quadrantem hæreditatis integrum, apud hæredem manere jubeat; unde nihil, quod non hæreditarium, poterit in Falcidia imputari. At Senatus-Consultum Trebellianum voluit simpliciter, ut rogatus quartam retineret, quocumque modo accepta; igitur quidquid fideicommissi nomine hæres habuerit, id ei in quartam imputabitur. Accedit & alia ratio, quod penes hæredem gravatum legis, totum onus hæreditatis maneat; qui ideo in eo sublevatur, quod non imputet in detractiorem quartæ, nisi ea, quæ jure hæreditario capit: gravatus vero fideicommissio, non sentiat onus, nisi quoad quartam, quam retinet: quia, ut dictum, actiones activæ & passivæ transeunt cum parte hæreditatis restituta fideicommissario, ut, cum non sustineat tantum gravamen, non sit sublevandus in eo, ut non imputet in quartam, accepta alio titulo, quam hæreditario.

T I T U L U S XXIV.

DE SINGULIS REBUS PER FIDEICOMMISSUM
RELICTIS.

Quid est fideicommissum singulare, sive speciale?

text. in pr. l. 68. ff. ad SC. Treb. Singulare fideicommissum est, quod singulas res continet, vel quo quis rem aliquam singularem alteri restituere rogatur, v. g. hunc vel illum fundum, hanc vel illam donum, pecuniæ numeratæ summam illam, aut istam. Cujusmodi fideicommissum non valet, si hæreditas non sit solvendo; at universale valet nihilominus; hic enim fideicommissarius est hic loco hæredis, ibi vice legatarii.

A quibus relinqui hujusmodi fideicommissum potest?

Text. b. l. 1. § 11. C. comm. de legat. Potest quis rogare ipsum hæredem, ut ali- cui restituat, vel fideicommissarium ac legatarium: nam & a legatario fideicommissi potest, quamvis ab eo legari non possit jure veteri. Verum jure novo, cum sublata sit omnis differentia inter legata & fideicommissa, & ad unam eandemque naturam redacta videantur, ut a fideicommissario, ita & a legatario, fideicommissum poterit relinqui.

Quæ res fideicommissi sigillatim possunt?

§. 1. b. t. arg. l. 10. ff. de R. J. Non solum propriæ res testatoris, sed & hæredis aut legatarii, aut fideicommissarii, aut cujuslibet alterius. Circa rem tamen extranei necesse est, ut hæres eam redimat a domino, vel ejus æstimationem præstet fideicommissario: dummodo non plus grave- tur, quam ex testamento rogantis seu fidei- committentis acceperit: cum non ferat ratio, ut quis de alieno sit liberalis. Proinde quod excedit, est inutile: cum nemo ulte- rius onerari ex ultima voluntate debeat, quam

quam sit honorarius; quod in hærede procedit, ut legatorum vel fideicommissorum nomine non ultra teneatur, quam ex hæreditate cæperit. Quod generaliter Gordianus Imperator hoc modo expressit; *Ab eo, qui neque legatum, neque fideicommissum, neque hæreditatem, vel mortis causa donationem accepit, nihil per fideicommissum relinqui potest.* l. 1. §. 4. ff. ad §. C. Trebel. l. 9. C. de fideicommiss.

Potestne libertas sic relinqui & dari servo?

Potest, ut scilicet rogetur vel hæres, vel legatarius, vel fideicommissarius, manumittere servum, etiam prorsus alienum. Quo casu redimi servus ab hærede (domino utique volente) & manumitti debet. Dico, domino volente, quia rem suam vendere regulariter nemo cogitur. Nisi quis ex iudicio defuncti, qui fideicommissariam reliquit libertatem, aliquid fuerit consecutus; hoc enim casu vendere cogitur, quia agnoscendo defuncti iudicium, videtur se obstrinxisse ad id omni ex parte implendum. §. libertas. l. 31. & 39. ff. de fideic. liber. l. 13. C. de fideic. lib.

Quid, si dominus servum nolit vendere?

Non ideo statim extinguitur fideicommissaria libertas, sed tantisper differtur, & in pendenti relinquitur, dum possit procedente tempore ad exitum perducì, oblata quancumque occasione servi redimendi & manumittendi. Idque receptum est favore libertatis. Vers. quod si dominus, l. 6. C. d. t.

Quot modis contingit libertas servis?

Duobus modis; aut directe, aut oblique. Directe, quando testator ipse in testamento servum manumittit: hoc modo; *Stichus servus meus liber esto*; & hic efficitur libertus ipsius testatoris, sive nullius potius, vocaturque *Orcinus*, quod non agnoscat alium patronum: quam orcum, aut eum, qui ad orcum ivit. Oblique, quando testator mandat Vers. qui autem. l. 4. ff. de bon. lib.

hæredi, ut servum manumittat: & is non fit testatoris libertus, quamvis ejus fuerit servus, sed manumissoris.

Cur servo alieno libertas directo relinqui non potest?

Verf. nec aliud. Primo, ne dominis servos suos adimamus; deinde ne jure patronatus eos spoliemus, idque in nos transferamus. Quapropter nullus directo ex testamento libertatem habere potest, quam qui utroque tempore testatoris fuerit, & quo faceret testamentum, & quo moreretur. Attamen servi, qui apud hostes sunt, & liberi esse jussi sunt, ad libertatem perveniunt, quamvis neque testamenti, neque mortis tempore, testantis, sed hostium fuerint: quia illi spe saltem testatoris erant.

Quibus verbis relinqui fideicommissa solent?

§. verba. Verba fideicommissorum hæc maxime in usu habentur. *Peto, Rogo, Volo, Mando, Fidei tue committo*; quæ omnia imperativa non sunt, sed precativa. Non autem opus est, ut fideicommissa relinquantur per hæc omnia conjunctim posita, sed sufficit unum horum esse adjectum. Imo etiam solo nutu, sine ullis verbis, relinqui ea posse constat, eo quod non desiderent solemnitatem, sed solum animi judicium.

T I T U L U S XXV.

DE CODICILLIS.

Acquiritur nobis non tantum ex Testamento, verum etiam ex Codicillis; velut testamento, & ultima voluntate minus solemnibus.

Quid igitur sunt Codicilli, & quomodo differunt a testamentis?

§. ult. b. t. Codicilli sunt ultima voluntas minus solemnibus de eo, quod quis post mortem suam

suam fieri velit: vel, ut Cujacius definit, §. 3. supr. testati intestative voluntas minus solemnis. de test. ordin.
 Codicilli enim nullam solemnitatem ordinationis desiderant. Unde in plerisque differunt a testamentis, in quibus plures requiruntur solemnitates, plures testes, eorumque subscriptiones & sigilla, uti supra exposuimus. In codicillis vero neque subscriptio, neque signatio testatoris, neque solemnitas septem testium, ad hoc specialiter rogatorum, numerus; sed quinque tantum testes, etiam fortuito præsentes, testandæ veritatis gratia requiruntur, modo sint mascululi: nam feminae, ut inhabiles sunt ad testimonium ferendum in testamentis, ita & in codicillis; quia codicilli accedunt ad testamenta, nec facile est recedendum a legibus testamentariis: quamvis plerique etiam mulierem ad testimonium in codicillis admittant.

l. ult. C. h. t.

Cujac. ad l. 20. §. 6. ff. qui test. fac.

Codicillorum jus quando cæpit esse in usu?

Augusto Imperante, primusque L. Lentulus codicillos introduxit, cum in Africa decederet, scriptis codicillis ad Augustum Cæsarem, & filiam: quibus petiit, ut faceret aliquid. Augustus vero & filia Lentuli, tametsi jure cogi non poterant adimplere voluntatem minus solemnem, eam tamen pii hæredes benigne impleverunt, legataque & fideicommissa a Lentulo relicta ultro præstiterunt. Hoc Augusti exemplum plures deinde sunt secuti, atque ita paulatim in assiduam observationem jus hoc conversum fuit.

text. hic in princ.

Neque obstat, quod per codicillos multum derogetur testamentis, quodque licere non debeat, ut quis privata auctoritate bona omnia ad alium transferat, cum id non licuerit hætenus, nisi publica auctoritate Legis XII. Tabularum. Etenim consulti tu-

Text. hic in pr.

per eo sapientes , responderunt , codicillos non solum utiles esse , sed & necessarios , præsertim morbo præpeditis , inopia testium laborantibus , vel peregrinantibus , qui sæpe inter ignotos testamenti solemnia observare non possunt , codicillos tamen facere non impediuntur . Accessit etiam auctoritas Labeonis , qui ipse fecit codicillos : cujus exemplo nullam postea controversiam passi sunt .

Quot modis fiunt Codicilli ?

§. non tantum h. t.

l. 1. in fin.
et l. 16. in fin. ff. h. t.
d. l. 16.

Non tantum testamento facto potest quis codicillos facere , sed & intestatus quis decedens , fideicommittere codicillis potest , id est , rogare hæredes legitimos , ut præsent fideicommissa vel legata codicillis relicta . Primo casu codicilli sequuntur jus testamenti , suntque pars & appendix testamenti , ex quo & vires capiunt , si præcedant , si sequantur testamentum . Posteriori casu per se vicem exhibent testamenti .

Quid vero in Codicillis , facto Testamento conditis , amplius requiritur ?

d. §. non tantum.

Olim , si antecederent codicilli testamentum , speciali potest a voluntate persequens testamentum fuere confirmandi . Si sequerentur , oportuit in prius facto testamento fieri a testatore mentionem codicillorum post faciendorum ; alias non valebant . Eoque spectat , quod alibi Paulus Jurisconsultus ait , confici codicillos quatuor modis : aut enim in futurum confirmari , aut in præteritum , aut per fideicommissum testamento facto , aut sine testamento . Nam qui in futurum confirmatur , hoc modo , *Si quos codicillos reliquero , valere volo* , sequuntur testamentum : qui in præteritum , *Codicillos , quos ante feci , valere volo* , præcedunt , & testamento facto confirmantur .

Sed

Sed postea Divo Severo & Antonino placuit, codicillos ante testamentum factos confirmari etiam tacite, si, qui testamentum fecit, a voluntate, quam in codicillis expresserat, non recessisset: præsumitur enim perseverantia voluntatis, si non ostendatur ejus mutatio.

Vers. sed div. l. 27. C. de test.

Cur Codicillis hæreditas directo neque dari, neque adimi potest?

Ne confundantur jura testamentorum & codicillorum, id est, ne vis & potestas una sit, idemque possint codicilli, quod testamentum: ne item per codicillos, qui ex testamento valent, ipsum testamentum, quod vires per institutionem hæredis accipit, confirmari videatur. Qua ratione nec *exhereditatio* in codicillis scribitur, ex regula contrariorum: nec *conditio* in iis recte adscribitur *hæredi instituto*, cum in effectu contingeret adimi hæreditatem in defectum conditionis: neque etiam *substituitur* directo, cum substitutio sit secundi hæredis institutio.

§. codic. l. 10. ff. de l. 7. C. h. t.

l. pen. ff. de const. instit.

Cur vero per fideicommissum hæreditas Codicillis recte relinquitur?

Quia cum testator hæredi instituto in testamento præcipit, ut hæreditatem alteri restituat, non constituit eum directe hæredem, quoniam institutus adhuc verus hæres manet, & quartam retinet sed indirecte; quod quidem non est alium hæredem facere, sed est tantummodo declarare, cui hæres debeat hæreditatem restituere. Unde quemadmodum in codicillis declaratio hæredis fieri potest, pari ratione potest testator declarare, ut hæres institutus in testamento hæreditatem alteri restituat, quæ declaratio non mutat, nec impedit institutionem hæredis.

§. nam per fideicom.

l. 77. ff. de her. inst. l. 10. ff. de cond.

Quid, si directe data sit hæreditas Codicillis?

l. 1. §. 1. fin. Sustinetur tamquam relicta verbis obliquis;
§. 1. ff. eod. & venientes ab intestato, censentur quasi
tit. rogati eam hæreditatem restituere hæredi in-
 stituto; hocque ideo, ut sustineatur volun-
 tas meliori modo, quo potest. Quod non
 obtinebit in eo, qui testamentum facere vo-
 luit, & non complevit: quia tunc quod
 voluit, non potuit; & quod potuit, non
 voluit; estque quod sibi imputet; nisi clau-
 sula codicillaris fuerit adjecta, quæ rem
 salvet.

Quæ est forma & effectus clausulæ Codicillaris?

l. ult. §. il- Forma hæc est, *Si non valeat jure testa-*
lud. C. h. t. menti, *valeat jure codicillorum.* Effectus ve-
Vide Gi- ro, ut ultima voluntas, quæ ex aliquo ca-
phanium pite solemnitatis non valet jure testamenti,
ad d. l. ult. recipiatur jure codicillorum. Non enim quis
l. 9. C. de fi- potest agere simul tamquam ex testamento,
deis. & tamquam ex codicillis, ex eadem scri-
 ptura. Prodest itaque apposuisse illam clau-
 sulam, ut saltem ex codicillis sustineatur
 voluntas, & effectum fortiat, etiam ces-
 sante solemnitate: utque venientes ab in-
 testato, per eam videantur gravati de re-
 stituenda hæreditate hæredi scripto; & (ut
 ante dixi) testamentum habeat vim fidei-
 commissi.

*Cut plures fieri possunt Codicilli valido, non
 etiam testamenta?*

§. 5. fin. Codicilli plures fieri possunt, diversi &
h. t. diversarum rerum, & omnes simul valent,
l. 6. §. 1. ff. nec per posteriores revocantur superiores,
h. t. §. 1. 3. nisi constet derogare testatorem prioribus vo-
C. eod. l. 1. luisse. Nemo tamen pluribus testamentis va-
ff. de inju- lidis decedere potest, sed per posterius vali-
ro. rupto. dum rumpitur prius. Ratio differentię est,
 quia testamento universa hæreditas, quæ cit
 una;

una ; codicillis res singulæ , quæ sunt plures , relinquuntur .

Quot modis Codicilli infirmantur ?

Duobus , uno per se & principaliter , voluntate videlicet defuncti contraria , aliis codicillis contrariis declarata : Quæ enim postea geruntur , prioribus derogant . Item nuda voluntate contraria codicilli infirmantur , prout constituuntur . Aliter atque testamentum , quod ut nuda voluntate non perficitur , ita nec infirmatur , prohibente juris regula . Altero modo , per consequentiam infirmati testamenti , infirmantur & codicilli , quia pars testamenti sunt , virefque ex illo capiunt . Destrueto namque principali , veluti testamento , destruitur quoque accessorium , ut codicillus . Quo pertinet regula : *Cum principalis causa non consistit , plerumque nec ea , quæ sequuntur , locum habent .*

d. l. 6. §. 1. in fin. d. l. 3.

l. 53. ff. de R. J.

l. 129. §. 1. ff. de R. J.

Quid , si Testamento jam facto , ac deinde rupto , Codicilli postea facti fuerint ?

Non ob id quia ruptum est prius testamentum , etiam codicilli postmodum facti simul rupti intelliguntur , eo quod ad testamentum istud jam antea ruptum ; quodque non consistit , nullo modo pertinent , aut ab eo pendere dici possunt . Ac propterea si ab initio recte facti codicilli contraria voluntate revocati non sunt , neque ex testamento , quod jam ruptum , jureque nullum est , dependent , omnino valent , atque subsistunt .

l. 1. C. b. r. ibi Sicbar. Donell. l. 7. comm. jur. c. 19.

FINIS LIBRI SECUNDI.

248
INSTITUTIONES
IMPERIALES
EROTEMATIBUS
DISTINCTÆ ET EXPLICATÆ.
LIBER SECUNDUS.
TITULUS I.

DE HÆREDITATIBUS, QUÆ AB INTE-
STATO DEFERUNTUR.

Hæreditas defertur vel ex testamento, vel ex lege, id est, ab intestato: sive, duplex est Hæreditas, Testamentaria, & Legitima. De illa, quia prior & potior est, expositum fuit hætenus: neque enim locus esse potest successioni legitimæ, nisi cum testamentaria cessat, cum scilicet ille, de cujus hæreditate agitur, decessit intestatus.

Qui intestatus decedere dicitur?

Text. b. in
princ. l. 1.
ff. de suis.
& leg. l. 64.
ff. de V. S.

l. 18. ff. de
R. J.

Qui aut omnino testamentum non fecit, cum facere potuit: aut non jure fecit: aut id quod fecerat, ruptum irritumve factum est: aut si ex eo nemo hæres extiterit. Duobus prioribus modis statim a morte quis dicitur intestatus: duobus vero sequentibus ex eventu pendet, quo testamentum infirmatur, vel deferitur: Si enim nemo subiit hæreditatem, omnis vis testamenti solvitur.

Mortuo igitur alicui intestato quo pacto succeditur?

Varium & perplexum hac de re olim jus fuit: Jure quidem Civili ex Lege XII. Tabula-

Tabularum duo erant succedendi ordines hæredum suorum, & legitimorum, id est, agnatorum : Jure Prætorio tres, liberorum, legitimorum, cognatorum. At jure Novellarum utrumque hoc jus penitus inversum fuit, & constituti alii tres ordines successionis intestatæ, qui & hodie observantur : nimirum, *Descendentium*, sive liberorum ; *Ascendentium*, id est, parentum ; *Transversalium*, id est, agnatorum & cognatorum ; de quorum proinde successione primo loco dicemus.

§.intestat.

Nov. 118.

C.I. 2. 3.

DE SUCCESSIONE DESCENDENTIUM.

Appellatione Descendentium qui veniunt ?

Liberi utriusque sexus, & ex his descendentes, nepotes, pronepotes, cæterique qui in potestate morientis fuerint ; hos enim omnes *Suorum* appellatione Lex XII. Tabularum comprehendit. Nec interest, utrum naturales sint liberi, an adoptivi : quibus connumerari necesse est etiam eos, qui legitimi sunt per subsequens matrimonium, & oblationem curiæ : vulgo autem quæsi & incestuosi, liberorum appellatione improprie veniunt.

l.220.ff.de

V.S.

§. sui au-

tem. §. qui-

bus. & §.

necnon.

*Qualiter igitur hodie ab intestato
liberi succedunt ?*

l.4. 11. &

ult. C. de

suis & le-

gitim. &

Auth. in

successio-

ne C. eod.

Nov. 118.

in pr. l. 7.

ff. de bonis

damnat.

d. Auth. in

success. &

d. Novell.

Succedunt hi parentibus æqualiter, sive primi sint gradus, ut filiæ ; sive ulterioris, ut nepotes, pronepotes ; nulla habita suæ potestatis ratione, & remota sexus differentia, quæ olim obtinuit inter agnatos & cognatos, præferunturque in successione patri, avo, proavo, cæterisque ascendentibus ; quia naturalis ratio, tamquam lex quædam tacita, & commune parentum votum, horumque erga liberos charitas addicit & destinat & ipsis liberis suc-

L 5

cessio- 118. 6. 11.

cessionem, utpote per quos illi quodammodo post mortem victuri sunt, & memoria eorum conservabitur. Olim quidem nepotes ex filia non succedebant, at hodie, ut dixi, succedunt æqualiter cum liberis primi gradus, & admittuntur in locum sui patris, matrisve; & quidem in *stirpes*, non etiam in *capita*.

Quando dicitur succedi in stirpes, & in capita?

§. cum filius.

Ulpian.
in fragm.
tit. 26. §. 3.

In *stirpes* succedunt, quando solius stirpis ratio habetur, ex qua succeditur, & personæ illius, in cuius locum succeditur: Itaque cum filius filiave, & ex altero filio nepos neptive existunt, pariter ad hæreditatem avi vocantur, nec qui gradu proximior est ulteriorem excludit; quod vocatur vulgo *jus representationis*. In *capita*, quando in tot partes dividitur hæreditas, quot sunt succedentium capita; ut singuli singulas, sive viriles, & æquales portiones auferant.

Quid juris habent liberi emancipati?

§. emancipati d. Novell. 118.
c. 1. de qua tit. ff. & C.
unde liber.

Hodie perinde emancipatis, ac suis, deferitur hæreditas, spreto patriæ potestatis & emancipationis discrimine, quod olim obtinuit, cum Lex XII. Tabularum propinquitatem civili ratione metiens, eos tantum liberos agnosceret, qui erant in potestate morientis: quæ quidem civilis ratio non potuit tollere naturalem, nec efficere, quominus emancipati essent liberi: quapropter Prætor naturali æquitate motus, dedit eis bonorum possessionem, unde *liberi*; sive soli essent, sive cum suis concurrerent hæredibus.

cap. tanta
ff. qui filii
sint leg.

Quid juris habent legitimati?

Novell. 9.
§. & quoniam
niam.

Legitimati per subsequens matrimonium, in omnibus & per omnia habentur pro legitime.

gitime natis ab initio , ut parentibus suis succedant omnimodo ; quemadmodum etiam legitimati per oblationem curiæ . At vero legitimati per principale rescriptum ex patris voluntate , tunc demum ei succedunt , quando nulli extant iusti liberi : neque enim Princeps legitimando censetur liberis iustis voluisse præjudicare ; imo non solet , iis extantibus , naturales pronunciare legitimos .

Quando succedunt legitimi tantum ?

Hi aut sunt *adoptivi* in specie , aut *arrogati* . Adoptivi , si tempore mortis adoptantis in familia ejus reperiantur , eidem ab intestato succedunt æqualiter cum naturalibus & legitimis simul ; quamvis omitti in testamento , non possint illud dicere inofficiosum , nec pater adoptans eos instituere teneatur , nisi sit ex adscendentibus aliquis . *Arrogati* succedunt arrogatori non solum in bonis , quæ ad ipsum transfulerunt , sed & in quarta bonorum arrogatoris ; nisi sint per emancipationem exclusi ab omni jure : adimit enim emancipatio id omne , quod adoptio dedit : quod aliter se habet in naturalibus emancipatis , quia manent natura liberi .

§. At hi , qui , & 4. seqq. l. penult. C. de adopt.

§. sed ea omnia, h. t.

l. 5. C. de suis & leg.

Quomodo succedunt naturales tantum ?

Hi in bonis matris quæ semper certa est , & parentum maternorum succedunt , non secus atque legitimi : quin etiam , nisi mater fuerit illustris , cum eis pariter admittuntur . In bonis vero patri non succedunt , quia juris auctoritas haberi pro patre voluit eum quem nuptiæ demonstrant , ut tamen naturales alimenta consequantur . Quod si vero patri non fuerint legitimi , liberi , nec superstes conjux legitima , tunc naturales & eorum mater simul sextantem seu duas uncias hæreditatis accipiunt paternæ .

l. pen. C. ad SC. Orpbis. l. 19. 23. & 24. ff. de statu hom. Nov. 89. c. xv. §. si quis autem .

Quid, si ex damnato concubitu, vel ex nefariis incestisque nuptiis nati sint?

Tales ne matri quidem succedunt, cum

Auth. ex complexu C. de incest. nupt. c. cum habet ibi DD. extrav. de eo qui duxit in matrimonium. nec jus alimentorum jure civili habeant; idque ideo constitutum fuit, ut tanto magis patris reprimatur libido: At jure Canonico, quod commiseratione nititur, hujusmodi liberis alimenta præbentur: quia inhumanum videbatur, ut anima creata, quæ non peccaverat, fame periret.

DE SUCCESSIONE ADSCENDENTIUM.

Nomine Ascendentium qui veniunt?

Nov. 118. l. 25. ff. de inoff. test. sup. tit. de adopt. Parentes omnes utriusque sexus: & quidem primo pater & mater æqualiter, illis vero deficientibus, alii in illo ordine superiores, ad successionem defuncti admittuntur, salva gradus prærogativa: nam tametsi tacita quadam naturæ lege parentum hæreditas debeat liberis, non e contra, tamen turbato mortalitatis ordine, pietas & miseratio parentes vocat ad liberorum successionem. Adeo ut etiam admittatur parens arrogator ad bona puberis arrogati. Dico, puberis: quia bona impuberis restituenda sunt ejus propinquis, ex cautione, de qua supra. Adoptio extranei nihil juris in eum transfert.

Quid, si plures parentes ex diversa linea existant?

d. Nov. 118. & Auth. defuncto C. ad SC. Tertull. Inter eos, si eundem habeant gradum, ex æquo dividitur hæreditas, ut medietatem quidem accipiant a patre ascendentes, medietatem vero relinquunt a matre ascendentes, quancumque illi fuerint: quo modo si avus paternus ab una parte, ab altera vero avus supersit maternus cum avia materna, paternus semissem unum solus capiet, materni duo alterum semissem auferent; non ha-

habita ratione, bona sint paterna, aut materna.

Quid, si cum parentibus concurrant fratres aut sorores?

Illi, dummodo utrinque, id est, ex utroque parente defuncto sint conjuncti (quos *d. Nov. & Auth.* vocant germanos ac consanguineos) cum proximis gradu ascendentibus, ad defuncti fratris successionem vocantur: & quidem in capita, ita ut singulis; & fratres sororeive, & ascendentes; pleno etiam jure, æqualem seu virilem portionem ferant. Neque hoc casu lex ista filiorum sibi vindicat: quia pro usufructu eidem hæreditatis jus & pars secundum proprietatem tribuitur.

Quid, si præmortuorum fratrum vel sororum extent filii?

Hi olim parentibus postponebantur; hodie una cum parentibus & fratribus admittuntur, ut tamen succedant in stirpes tantum, & non in capita. Repræsentant enim fratrum filii parentum suorum personas, & in eorum locum intrant: proindeque non plus neque minus capient, quam illi habituri essent, si vixissent. *Nov. 127. §. 2.*

Quid, si soli fratrum filii extent?

Verius est, eos ad bona patris intestati admitti in capita, secundum Jus vetus, quod cum non inveniatur mutatum, nisi quatenus nepotes concurrunt cum patruis, non est prohibendum stare; cum in correctoriis sit facienda stricta interpretatio, & casus exceptus firmet regulam in non exceptis. Nec movere debet, quod nepotes ex diversis filiis, licet omnes in eodem gradu reperiantur, avo suo succedant in stirpes; non enim tanta ratio est, ut defluxisse censeatur successio. *§. hoc etiam in fin. tit. seq. l. 1. §. 2. ff. de suis & leg. her. Zasius l. 2. sing. resp. c. 7.*

cessio in eos qui a latere sunt, atque in eos, qui recta descendunt.

DE SUCCESSIONE COLLATERALIU.

Appellatione Collateralium qui veniunt?

Agnati & cognati, defuncto ex latere conjuncti, qui nonnumquam & *Legitimi* appellantur.

Quomodo tales succedunt?

*Auth. cef-
sante C. de
legit. her.* Deficientibus tam ascendentibus; quam descendentibus, vocantur a latere venientes, sine discrimine sexus, aut familiæ; in primis vero fratres & sorores, ex utroque parente juncti, (quos & cum parentibus defuncto fratri in capita succedere dixi) exclusis conjunctis ex uno parente tantum.

Quid, si non extent fratres vel sorores?

*Nov. 118.
cap. 3. d.
Auth. cef-
sante.* Tunc fratrum vel sororum liberi utrinque juncti succedunt, exclusis junctis ex uno latere. Quod adeo verum est, ut, si defunctus sit frater germanus, & ex altero germano existant nepotes; illi in capita, hi vero in stirpes succedant, ut videlicet eam accipiant portionem, quam eorum parens erat accepturus, si vixisset.

Quid, si neque liberi extent fratrum utrinque junctorum?

*d. Nov. 118
Auth. post
fratrem.
l. 13. §. 2. C.
de leg. her.* Tunc ad successionem defuncti vocantur fratres, ex uno parente tantum conjuncti, æqualiter, si omnes ex uno & eodem sint latere, hoc est si omnes vel sint consanguinei tantum, vel uterini tantum. Quod si vero defunctus reliquerit fratres consanguineos & uterinos simul; sententia verior est, in bonis a patre profectis solos succedere consanguineos, in profectis a matre solos uterinos, in cæteris vero bonis utrosque.

Quid,

Quid, si nec tales existant, sed soli
eorum extant filii?

Hi jure quodammodo proprio ad defuncti l. z. §. z. ff. successionem deveniunt, & proinde succe- de suis & dunt in capita, non in stirpes; ita quidem, leg. l. pen- ut, si sit fratris filius, & alterius fratris in fin. C. de duo pluresve liberi, quotquot sunt ab utra- leg. her. que parte personæ, tot fiant portiones, ut singuli singulas capiant. Et ita obtinuit jure veteri, quo non fit repræsentatio, nisi in linea recta, ut frater filium fratris excluderet §. 3. C. d. t. a fratris sui hæreditate, tamquam remotiorem: quod jus cum non sit mutatum per Novellas, non est prohibendum stare.

Quid, si nec filii existant fratrum?

Tunc admittuntur ad defuncti hæredita- Nov. 118. tem primo patrui & avunculi, deinde pa- c. 3. §. si ve- truales & consobrini, ac consequenter reliqui ro d. Auth. ex transverso conjuncti; secundum præroga- post fra- tivam gradus, ita ut proximi semper exclu- tres. dant remotiores, absque repræsentatione, vel stirpiam, unde orti sunt, consideratione: &, si plures sint personæ ejusdem gradus, dividitur hæreditas inter eas personas in capita.

Deficientibus agnatis & cognatis, qui
hodie succedunt?

Conjuges ipsi sibi invicem: quibus hoc præterea concessum, si matrimonium sit sine dote, ut superstes ex bonis prædefuncti divitis quartam occupare possit, etiam relictis liberis; vel virilem, si sint plures liberi, quam tres; cum enim inter conjuges sit consortium omnis vitæ, & divini humanique juris communicatio, sintque infinita matrimonii onera, merito sibi invicem succedunt, & paupertas unius per divitias alterius sublevatur.

Auth. præ-
terea. C.
unde vir &
uxor. No-
vell. 117.
c. 5. No-
vell. 53. §.
quoniam.

Quid,

Quid , si postremo nec hi sibi invicem succedant , sed bona vacant ?

1. 3. ff. de Tunc succedit fiscus , non quidem ut hæ-
success. res , sed veluti in bona vacantia , nisi per
edict. 1. 1. quadriennii præscriptionem excludatur a pos-
C. de bonis sessore bonæ fidei : Dicuntur autem bona va-
vacant. care , quæ jacent , propter defectum legiti-
 morum successorum . Sunt etiam personæ
 1. 10. l. 1. §. quædam certis corporibus seu collegiis ad-
 2. ff. de ju- scriptæ , quarum , si absque hærede morian-
 re fisci . tur , placet bona ad ea corpora , quorum
 pars sunt , pervenire , excluso fisco .

T I T U L U S II.

DE LEGITIMA AGNATORUM SUCCESSIONE.

Quis hodie servetur ordo in successione le-
 gitima , demonstratum est . Quis olim fue-
 rit , breviter supra indicavi , & pluribus
 hoc , & sequentibus aliquot Titulis osten-
 ditur .

*Quis igitur jure veteri succedentium ab inte-
 stato ordo fuit ?*

§. 3. sup.
 tit. 1.

EX Lege XII. Tabularum successionum hu-
 jusmodi duo dumtaxat ordines fuerunt :
 nimirum hæredum suorum , & legitimorum ,
 id est , agnatorum exclusis cognatis ; quos
 deinde tertio ordine vocavit Prætor . Primo
 vocabantur sui hæredes , de quibus *Tit. su-
 periori* , exclusis etiam emancipatis . Verum
 differentia omnis inter agnatos & cognatos ,
 inter suos & emancipatos , quoad successionem
 ab intestato , jure novissimo omnino sublata
 fuit . Unde cessant hodie difficultates pleræ-
 que de eo , qui dicitur suus hæres , & qui
 suis hæredibus annumerentur .

in pr. h. t.

l. 125. §. 2.
 ff. de V. S.

Agnati quando succedebant ?

Si nemo suus hæres existeret , vel quos in-
 ter

ter suos hæredes Prætor Constitutionesve vocabant: tunc enim Lex XII. Tabularum proximos agnatos ad successionem vocabat, hoc est, per virilis sexus personas, cognatione conjunctos, sive naturales sive adoptivos; nam & per adoptionem jus agnationis acquiritur. Adscendentibus sive parentibus non erat succedendi jus: nam pater qui filium habebat in potestate, jure non hæreditario, sed peculii, ei succedebat; quamvis inter agnatos numeraretur.

Quomodo fratres, eorumque filii, & fœminæ olim succedebant.

In *fratribus* non respiciebatur duplex il §. hoc etiam
 lud vinculum, sed simul succedebant omnes §. si plures
 eundem patrem habentes. Non admitteban- §. pen. h. t.
 tur quoque *filii fratrum* una cum fratribus: d. Nov. 118
 verum Lex XII. Tabularum proximum vocabat, minime agnito in hac successione jure repræsentationis: præterea *fœminæ* ultra consanguinitatis gradum ad legitimam successionem nequaquam admittebantur, sed commodius videbatur, ut hæreditas ad masculos pertineret; donec Justinianus fœminis agnatis idem juris, quod maribus ante compete-
 bat, attribuit, & voluit, ut omnes, sola proximitatis ratione considerata, ad successionem admitterentur.

T I T U L U S III.

DE SENATUSCONSULTO TERTYLLIANO.

Succedebatne jure veteri ab intestato mater filio?

NEquaquam, Lege XII. Tabularum ita in pr. §. 1.
 stricte procedente, & masculorum pro- b. t.
 geniem præponente sexui fœminino, ut ne quidem inter matrem & filium ultro citroque hæreditatis capiendæ jus daret, eo quod l. 7. §. ult.
 matri nec agnationis, nec potestatis, nec unde lib.
 familiæ jus competere. Postea Senatuscon- l. 6. de jure
 sul- dot.

sultum Tertyllianum, pietatis intuitu, relaxavit prædictæ legis rigorem, admittens matrem ad tristem filii, absque liberis defuncti, successionem, ita demum si ingenua trium, libertina quatuor liberorum jus haberet. Quod quia durum, imo & impium, casum scilicet fortuitum in matris admitti detrimentum, Justinianus abrogavit, sine ulla remora vocans matrem ad liberorum successionem: constituens quoque, ut cum fratribus & sororibus in virilem partem admittatur.

*Auth. cum
solis. C. b.
tis.*

T I T U L U S IV.

DE SENATUSCONSULTO ORPHITIANO.

Quid vero juris olim competit liberis ad successionem matris intestatæ?

- §. 1. & 3. **E**X eadem Lege XII. Tabularum liberi non succedebant matri: quippe cum neque sui hæredes matri, neque agnati essent: Lex vero non omnes liberos, sed tantum suos ad hæreditatem legitimam vocabat. Prætoris deinde æquitas subvenit liberis, eos admittendo post agnatos. Tandem Senatusconsulto Orphitiano effectum est, ut liberi matribus succedant, præferanturque tam agnatis, quam cognatis defunctæ matris. Nec refert, legitimi sint, an vulgo quæsit, nisi fuerint ex illustri nati: quia sola hic consideratur naturalis cognatio, & ideo in hujusmodi successiones capitis diminutione non perimuntur.

*§. ult. l. i.
§. capitis,
ff. b. t.*

T I T U L U S V.

DE SUCCESSIONE COGNATORUM.

Quid de Cognatis statuit Lex XII. Tabularum?

- §. b. t. **H**Os excluderat omnino; quippe qui cum per foeminei sexus personas cognatione jungantur, sui aut legitimi hæredes non essent:

sent: verum Prætor vocavit cognatos proximos tertio ordine, nempe deficientibus suis & legitimis, in quo ille naturalem cognationem secutus fuit.

Quinam præterea cum cognatis tertio ordine vocati fuerunt?

Primo agnati capite diminuti, id est, §. 2. 3. b. r. emancipati, qui cum ex Lege XII. Tabularum per emancipationem haberi inter legitimos desinerent, propterea ut cognati, §. 4. l. 4. & 8. ff. Unde cognati quales natura sunt, tertio ordine demum a l. 2. 3. ff. de Prætoribus vocabantur ad successionem. Deinde liberi ad adoptionem dati, ad patris naturalis hæreditatem hoc eodem gradu vocabantur, & vulgo quæriti, ad matris atque aviæ successionem, non item patris: quia tales patrem habent incertum, vel nullum, aut saltem eum, quem secundum leges habere non licet.

Ad quem usque gradum vocantur cognati & agnati?

Olim cognati usque ad sextum gradum cognationis vocabantur: ex septimo vero admisit Prætor natum natamve sobrino sobrinave, qui proprium nomen non habent, quo vocentur. Ratio est, quia ulterius rerum natura non patitur cognatorum vitam subsistere. Agnationis vero jure admittebatur quis ad hæreditatem, etsi decimo gradu esset. Imo & ultra, atque adeo in infinitum, agnatos in successionem vocatos fuisse, plures textus comprobant. Nam quod hic Imperator agit, agnationis jure admitti aliquem etsi decimo gradu sit, certum gradum valde remotum pro incerto sumpsisse intelligendus est. Hodie cognati exæquati agnatis, ad longissimum quoque gradum admittuntur.

§. fin. b. r.

§. 4. sup.

tit. 2. & l. 2.

§. 1. ff. de

suis & leg.

T I T U L U S VI.

DE GRADIBUS COGNATIONUM.

Uſus Tituli hujus cernitur in hæreditatibus, quæ Jure Civili proximis agnatis, ut Jure prætorio proximis deferuntur cognatis: item in tutela legitima, de qua ſupra lib. I. tit. 15.

Quid eſt Cognatio?

Cognatio eſt vinculum juris, ſeu neceſſitudo, quæ inter eos, qui de communi ſtipite propinquo manant, intercedit. Et *Cognati*, auctore Modestino, ab eo dici putantur, quod quaſi una communiterve nati, vel ab eodem orti progenitive ſint.

Quotuplex eſt?

l. 4. §. 2. ff. de grad. I. Alia eſt *Civilis* tantum, ut ea, quæ per adoptionem: alia *Naturalis* tantum, ut inter vulgo quaſitos & ſervos; alia *Naturalis & Civilis* ſimul, ut ea, quæ intercedit inter eos, qui ex legitimis nuptiis quaſiti ſunt.

II. Cognatio *Naturalis & Civilis* alia eſt *Ascendentium*, qui non genuerunt; alia *Descendentium*, qui a nobis progeniti ſunt; alia *Collateralium*, qui neque nos genuerunt, neque a nobis progeniti ſunt, ſed eandem nobiſcum ſtirpem communicarunt; vel potius duplex eſt linea conjunctionis, reſta & tranſverſa ſive obliqua. Reſta vero alia ſuperior ſive *ascendentium*; alia inferior ſive *descendentium*: & ſingulæ lineæ varios cognationis gradus complectuntur.

Quid igitur vocas Lineam? Quid Gradum?

l. 10. §. 10. ff. d. t. *Linea* eſt collectio perſonarum, ab eodem ſtipite *descendentium*, continens gradus, & diſtinguens cognationes. *Gradus* eſt tranſitus de proximo in proximum: & quot ſunt tranſitus

situs in remotiorem , tot sunt gradus : vel quot sunt generationes , tot sunt gradus .

Quomodo in linea recta computantur gradus?

Hic prorsus convenit inter Jus Civile & §. *hacten.* Canonicum , servata regula , ut *tot sint gradus , quot generationes* : ac proinde facilis computatio est ; quia semper generata persona , sive sursum sive deorsum tendas , gradum adjicit : v. g. Inter patrem & filium una est generatio , ergo & unus gradus : inter avum & nepotem generationes duæ , & duo item gradus , & sic deinceps . Ascendendo quidem primum gradum fecit pater & mater ; secundum avus , avia ; tertium proavus , proavia ; quartum abavus , abavia ; quintum atavus , atavia ; sextum tritavus , tritavia ; qui ultra sunt , *Majores* communi nominae appellantur . Inter descendentes in primo gradu sunt filius & filia ; in secundo nepos , neptis ; in tertio pronepos , proneptis ; in quarto abnepos , abneptis ; in quinto atnepos , atneptis ; in sexto trinepos , trineptis ; qui infra hos sunt , communi nomine *Posteriores* , sive *Posterii* vocantur .

Quomodo in linea collateralis?

Hic similiter Jure Civili , *Generata persona semper gradum adjicit* . Ita ut , quotiescumque quæritur de duorum cognatorum distantia & gradu , incipiendum sit ab uno , & ascendendum ad communem stipitem , rursusque descendendum ad alium , & quot sunt generationes intermediæ , tot erunt gradus , dempto stipite ; neque enim in linea laterali ullus est primus gradus , uti in recta ; quia frater fratri per se non conjungitur , sed per patrem : qui utrumque genuit . Frater itaque a fratre distat secundo gradu , quia recta progrediendo a me filio , v. gr. ad patrem , una est generatio , & sic unus gra-

gradus: deinde a patre descendendo ad fratrem, secunda est generatio, ergo & secundus gradus. Consequenter nepos ex fratre, item patruus, avunculus, amita, & matertera, tertio mihi gradu junguntur: quia me fratremque genuit pater, & altera est generatio, alterque gradus; frater vero genuit filium, nepotem meum, & hæc tertia est generatio, & tertius gradus. Similiter pater me genuit, patrem vero avus, idemque avus patrum meum, qui a me distat tertio gradu: & sic deinceps, non distinguendo inter lineam æqualem, aut inæqualem.

Quid vero Jure Canonico circa hanc computationem obtinet?

Jure Canonico aliter se res habet: quod quidem etiam ascendendum est ad communem stipitem, sed non descendendum, ut Jure Civili: neque enim hic tam persona gradum facit, quam generatio, & non singulæ personæ, sed duæ simul ex latere junctæ censentur uno gradu dumtaxat. Quo modo frater & soror primum gradum faciunt, horum liberi, id est, fratres, patruales ac consobrini, secundum, qui jure Civili quartum gradum constituunt, &c. Et quoad cognatorum inter se distantiam habenda est ratio lineæ æqualis, quæ æqualiter distat a communi stipite, ac inæqualis.

Quid igitur juris est de cognatis lineæ æqualis?

Hic locum habet regula: *Quoto gradu unus distat a communi stipite, eodem inter se distat ab alio, de cujus cognatione agitur*: ut frater a communi stipite, nempe patre, distat gradu uno: ergo & a sorore non nisi uno gradu distabit: Similiter fratrum filii distant inter se secundo gradu: quia eodem gradu distat unusquisque ab avo suo.

Quid,

Quid, si linea sit inæqualis?

Tunc observatur hæc regula: Quoto gradu remotior persona distat a stipite, eodem gradu a latere venientes inter se distant. Unde si de patruo quæras, ille mihi erit in secundo gradu, ego enim cum patre meo constituo unum gradum; avus, qui stipites est, alterum, qui duo gradus solum computantur. Nam ego a stipite sum remotior, propinquior patruus: quare secundum me fiet computatio, & quot gradibus ego disto a stipite, totidem inter nos distabimus.

Cur ita diversimode numerantur gradus utroque jure?

Quia *Jus Canonicum* habet rationem nuptiarum, quæ sine duabus personis contrahi non possunt: At vero *Jus Civile* hæreditatum & successionum causa gradus computat, quo scilicet modo ex collateralibus alteri succedat ab intestato, utque præferatur, qui proximus est in gradu: unde cum singulæ personæ capaces sint successionum, in singulis quoque computationis hujus habenda fuit ratio.

c. ad sedem
31. q. 5. l.
10. §. 4.
vers. idem
ff. de grad.

Suntne affinitatis gradus?

Jure Civili gradus Affinitatis nulli sunt, quia affinis affinem non generat, nec secundum affinitatem defertur hæreditas. Jure Canonico iidem sunt gradus affinitatis, qui & cognationis, ita ut quo gradu quis est cognatus uxori meæ, eodem mihi sit affinis, & contra; v. g. Ego & soror uxoris meæ sumus in primo gradu affinitatis; filius sororis in secundo gradu a me: nepos vero tertio.

l. 4. §. 5. ff.
d. 1.

T I T U L U S VII.

DE SERVILI COGNATIONE.

Quid est Servilis Cognatio?

tex. hic. **Q**Uæ contrahitur inter eos, qui in contubernio seu statu servili concepti, nati-que sunt. Cujusmodi cognatio Jure Civili nulla computabatur, & per consequens neque successioni locus erat.

Quid hic novi introduxit Justinianus?

xt. hic. Concessit Imperator etiam inter servilis conditionis homines cognationis jus, non quidem durante servitute; sed tunc demum, ubi servi ad libertatem pervenerint: idque humanitate ita suggerente; nempe ut, qui servi nati sunt, & deinde manumissi, non modo parentibus, similiter libertate donatis, jure cognationis ab intestato succedant, parentes eis, jure patronatus hac in parte sopito; sed etiam ipsi invicem sibi.

T I T U L U S VIII.

DE SUCCESSIONE LIBERTORUM.

Quid jure veteri circa hanc successionem obtinuit?

Text. hic. **L**EX XII. Tabularum ita demum ad hæreditatem liberti vocabat patronum, si intestatus mortuus esset libertus, hærede suo nullo relicto. In bonis autem liberti testati nihil quoque juris habebat patronus, etiam extraneo hærede instituto. Sed Jure
l. i. de prætorio patrono, in remunerationem præ-
bon. lib. *stitæ libertatis, concessa est partis dimidiæ bonorum possessio contra tabulas testamenti, si aut nihil, aut minus parte dimidia patrono relicto esset.*

Quid

Quid deinde cavit Lex Papia?

Hac lege scribit Imperator adauſta fuiſſe jura patronorum, qui locupletiores libertos habebant; nempe ut ſi *inteſtatus* deceſſiſſet libertus, major centenariò, id eſt, plus centum aureis in bonis habens, & nullos reliquiſſet liberos, patronus ei in ſolidum ſuccederet; vel in virilem portionem; ſi pauciores quam tres reliquiſſet liberos, tribus enim exiſtentibus, in totum excluderetur patronus a ſucceſſione liberti. Similiter ſi libertus decederet *teſtatus*, liberis tribus hæredibus inſtitutis, repellebatur omnino patronus; iis vero exhæredatis, hæredibusque inſtitutis extraneis, bonorum poſſeſſionem partis dimidiæ habebat patronus. Paucioribus exiſtentibus liberis, virilis ſemper portio patrono debita fuit.

§. poſtea
vero.*Quid denique Imperator hac in re definiuit?*

Ut, ſi libertus minor fuerit centenariò, id eſt, minus centum aureis in bonis habens, *teſtatus* moriatur, patronus omnino a ſucceſſione excludatur; ſi vero *inteſtatus*, nullis relictis liberis, ut patrono jus ſuum integrum reſervetur, ſuccedatque in ſolidum ex Lege XII. Tabularum. Quod ſi libertus major ſit centenariò, & liberos cujuſcumque ſexus vel gradus reliquerit: tum patrono nihil debetur, ſive *teſtatus*, ſive *inteſtatus* libertus deceſſerit. Teſtamento autem facto, quo patronum præterierit, cum nullos haberet liberos, vel cum haberet, eos exhæredaverit, aliis inſtitutis hæredibus, conſtituit, ut eo caſu patronus per bonorum poſſeſſionem contra tabulas non dimidiam, ut antea, ſed tertiam bonorum partem conſequatur; vel ſi minus tertia ſit conſecutus, ad ſupplementum agere queat.

§. ſed noſtra.

l. ult. C. de
bon. liber.
& jur. pat.

T I T U L U S IX.

DE ASSIGNATIONE LIBERTORUM.

Quid intelligitur in Titulo per Assignmentem Libertorum ?

l. i. ff. h. t. **A**ssignare libertum dicitur Patronus quando ex pluribus liberis, quos in potestate sua habet, attribuit uni jus patronatus, qui solus sit liberti patronus. Fitque assignatio hæc vel testamento, vel codicillis, vel etiam inter vivos, quibuscumque verbis, nutu, pure vel sub conditione.

Ad quos igitur patrono mortuo pertinent bona libertorum ?

text. hic Ad omnes patroni liberos, in potestate existentes, æqualiter, dummodo ejusdem gradus sint: & nisi sint exhæredati, vel patronus uni, aut pluribus libertum libertove assignaverit, ut potest: quo casu, mortuo patrono, is ex liberis solus jus patronatus habebit, cui libertus assignatus fuerit, solusque admittetur ad bona liberti.

Si quis filium, cui assignavit, postea emancipaverit, evanescentne assignatio ?

§. fin. Placuit evanescere: non enim filio emancipato assignatio fieri potest, nisi jure conjunctionis, ut videlicet suo & emancipato libertus conjunctim assignetur. Denique evanescent assignatio, si is, cui facta est, sine liberis decesserit; aut repudiavit libertum; quo casu admittuntur ejus fratres.

T I T U L U S X.

DE BONORUM POSSESSIONIBUS.

Hactenus de primo modo acquirendi domini per universitatem, qui est Juris Civilis: sequitur secundus, prætorius, scilicet bonorum possessio.

Quid est bonorum Possessio?

Est Jus persequendi redimendive patrimonii, *l. 3. §. 2. ff. quid cujusque, cum moreretur, fuit, a b. t.* Prætorè inipetrari solitum; quia non datur, nisi ab ipso petatur.

Cur Prætor dare solet bonorum possessionem?

Ut mitiget rigorem Juris Civilis, quod *text. hic.* partim emendat sive supplet, vocando emancipatos ab intestato, quos Jus Civile negligebat; admittendo etiam alienum posthumum hæredem institutum: partim impugnât, emancipatis testamento præteritis, dando bonorum Possessionem contra tabulas: partim Jus Civile bene constitutum confirmat, admit- *Vers. ali- quando.* tendo ad bonorum possessionem institutos, *l. 11. de & suos agnatosque, ab intestato, licet ad acq. poss.* eos Jure Civili pertineat hæreditas, eo quod justius possideat, quæ Prætorè auctore possidet.

Quomodo differt bonorum possessio ab hæreditate?

Nomine & origine: Hæreditas enim Juris Civilis est; sola enim Lex, aut Constitutio, dominum sive hæredem facit. At *Vers. quos autem.* bonorum possessio, ex jurisdictione Prætoris comparata est (ut jam dixi) ad laxandum mitigandumque Juris Civilis rigorem. Interest autem, ne hujus jurisdictio confundatur cum potestate legis. In effectu tamen *l. 117. & l. 128. §. 1. ff. de R. J.* bonorum possessio nihil differt ab hæreditate, & habent tantum emolumentum bonorum pos-

sessores, quantum hæredes, civiles, & in omnibus vice hæredum habentur; nam licet Prætor minister tantum sit legis, nec transferat dominium, tamen concedit possessionem, & per eam omnia commoda & incommoda hæreditaria.

Quotuplex est bonorum possessio?

§. sunt autem.

Duplex: alia *Edictalis* sive *Ordinaria*, quæ ex Edicto Prætoris datur, simpliciter & sine causæ cognitione; alia *Decretalis*, quæ variis ex causis cum causæ cognitione a Præatore extra ordinem conceditur, interposito decreto; cujusmodi sunt duæ tantum; una, quæ ventri datur, & altera, quæ dicitur *Carboniana*. Edictalis iterum duplex, alia *Ex testamento*, alia *Ab intestato*. Ex testamento, vel *Contra*, vel *Secundum Tabulas*.

Quibus datur bonorum possessio contra tabulas?

l. 2. ff. de bonor. posses. contra tab.

I. Liberis naturalibus emancipatis, in testamento patris præteritis; estque iis omnino necessaria, quia Jure Civili tales pro extraneis habentur, & ad bona hæreditatemque parentis nullo modo pervenire possunt; sed Pretor æquitate motus hoc illis beneficium indulxit, ut una cum suis ad hæreditatem perveniret. Dico, *emancipatis*: nam exhæredatis non datur; ne temere contingat rescindi tabulas, cum possit exhæredatio esse justa. Deinde Prætor voluit succurrere liberis inique præteritis, non etiam propter ingratitudinem justè summotis ab hæditate.

l. 14. ff. de lib. & posthum.

II. Datur item suis hæredibus præteritis, quamvis hi alias Jure Civili muniti sint, & succedere possint, nimirum dicendo testamentum nullum: est tamen iis aliquando utilis hæc bonorum possessio, ut præveniant scilicet hæredem scriptum, qui facile im-

impetrare posset possessionem bonorum secundum tabulas.

Quibus datur bonorum possessio secundum tabulas?

I. Datur posthumo alieno hæredi instituto; qui hæreditatem Jure Civili adire non poterat, quamvis hodie ex nova Justiniani constitutione recte hæres instituatur. *text. & hic in princ.*

II. Datur omnibus Jure scriptis hæredibus tam extraneis, quam liberis; sive pure, sive sub conditione: qua deficiente, extranei quidem repelluntur, liberi vero defenduntur a Pretore. *d. §. sunt autem.*

Bonorum possessio ab intestato quando & quibus datur?

Dari ea solet, testamento nullo condito vel nullis tabulis testamenti extantibus: pluresque species successionum eo casu Prætor introduxit, & per ordinem hoc modo disposuit: Unde liberi, Unde legitimi, Unde decem personæ, Unde cognati, Tamquam ex familia, Unde patroni, patronæque, Unde vir & uxor, Unde cognati manumissoris. Hodie vero ex Constitutione Justiniani sunt quatuor ordinariæ, Unde liberi, Unde legitimi, Unde cognati, Unde vir & uxor; & una extraordinaria, quæ vocatur *Uti ex legibus*, competens ei, cui ex nova lege defertur successio. *§. & cum detestatis. §. sed eas cum seq.*

I. Unde liberi, datur liberis ad bona patris sui ab intestato mortui; sive illi sint sui, sive emancipati; sive ex defuncto nati, sive adoptivi: durante tamen, non etiam dissoluta, adoptione. *l. 1. §. 6. & l. 4. ff. si tabul. test. nul. ext.*

II. Unde legitimi, datur omnibus, quibus vel Lex, vel Senatus-Consultum, vel Constitutiones hæreditatem deferunt, cujusmodi sunt agnati, patroni, mater, liberi; quibus tamen non omnino est necessaria hæc bonorum possessio. *l. 2. in fin. ff. Unde legit.*

*l. 1. C. Unde
cogn.*

III. *Unde cognati*, datur cognatis, id est
iis, qui Jure Civili non agnoscantur; ut
sunt conjuncti per foeminas, & qui capitis
diminutione jus agnationis amiserunt.

*l. 1. Unde
vir. & ux.*

IV. *Unde vir & uxor*, datur conjugibus,
quos ad mutuam successionem vocat Prætor,
deficientibus proximis.

*Quod tempus petendæ sive agnoscendæ bonorum
possessioni præfixit Prætor?*

*§. cum igi-
tur & §.
fin.*

*Liberis quidem parentibusque anni spatium,
cæteris agnatis vel cognatis centum dierum de-
dit.* Dies autem considerantur utiles, ex
quo nimirum sciveriat sibi possessionem com-
petere. Intra quod tempus si nemo petie-
rit, ejusdem gradus personis accrescit: vel,
si nullus sit, successorio edicto locus est.
Certum tempus ideo præfixit Prætor, ne
diu bona sine domino vacua jacerent, utque
creditoribus hæreditariis hac ratione consu-
leret, ne ipsis longior fieret mora. Quod lar-
gius tempus liberis & Parentibus concessit,
ratio posita est in honore sanguinis &
propioris necessitudinis, quæ facit, ut poe-
ne ad propria bona venire videantur.

Qui modus petendæ bonorum possessionis?

*§. fin. b. l.
ult. C. qui
admitt. ad
bon. poss.*

Olim certis & solemnibus verbis opus erat.
Hodie qualiscumque testatio & quaecum-
que judicium apud quemlibet judicem suf-
ficit. Quemadmodum & contraria declara-
tio sufficit ad repudiationem, quam & ope-
ratur temporis lapsus, qui facit locum aliis.

T I T U L U S XI.

DE ACQUISITIONE PER ARROGATIONEM.

Arrogatio est tertius modus. acquirendi do-
minii universalis; sive per universitatem.

Qualiter succeditur per arrogationem?

*Text. b. in
princ.*

Cum paterfamilias sese in arrogationem
dat, omnes ejus res corporales & incor-
po-

porales, quæque ei debitæ sunt, arrogatori pleno olim jure acquiri solebant. Nam cum persona ejus, qui arrogatur, potestati subjiciatur arrogantis, multo magis res & bona. Excipiuntur ea, quæ capitis diminutione pereunt, cujusmodi est jus agnationis, quia per arrogationem mutatur familia, & operarum obligatio, quæ non nisi patrono deberi possunt: arrogator autem patronus non est.

l. 14. ff. de adopt.
l. 9. 10. 11. 22. ff. de operis libert.

Acquiriturne ususfructus arrogatori?

Olim non acquirebatur, sed per arrogationem, id est, minimam capitis diminutionem, exinguebatur. Hodie acquiritur & ususfructus arrogatori; cui etiam cedit ususfructus bonorum adventitiorum; imo & proprietas omnium bonorum arrogati; morientis post pubertatem, ejusque nomine tenetur, & conveniri a filii creditoribus poterit; quibus si recuset respondere, permittitur creditoribus auctore judice possidere bona arrogati.

§. nunc autem.
l. pen. C. de usufr.
§. fin. h. t.

Cur addis, post pubertatem?

Quia arrogato, eoque impubere moriente tenetur arrogator bona restituere proximis arrogati, illis nimirum, qui alias ad successionem ejus venturi essent, ex cautione data tempore arrogationis. Cujus ratio est, ne per arrogationem proximi defraudentur bonis impuberis: non possunt autem videri defraudari per arrogationem, moriente arrogato pubere; quia jam videntur approbasse arrogationem.

§. cum autem impub. sup. de adopt.

T I T U L U S XII.

DE EO CUI LIBERTATIS CAUSA BONA
ADDICUNTUR.

Proponitur hic quartus modus acquirendi per universitatem, nimirum per additionem bonorum, qui *novus casus successionis* ex Constitutione accessit Divi Marci.

Quid intelligi per Additionem bonorum, & cur introducta?

Text. b.

Introducta fuit additio bonorum ex rescripto D. Marci, ut dixi; idque libertatum conservandarum causa, quæ testamento datæ, simul cum eo periclitabantur, si nimirum nullus aut scriptus aut legitimus hæres adire suspectam hæreditatem nollet: tunc enim cuilibet, dummodo idonee cave-ret creditoribus hæreditariis de solido, quod cuique debetur, solvendo, id petenti dona defuncti universa addicere Judex olim solet: ac proinde rescripto hoc subventum fuit, & libertatibus, quæ semel datæ, ratæ manebant; & defunctis ne bona eorum a creditoribus possiderentur & venirent.

Quid, si quis intestatus decedens, codicillis libertates dederit?

Text. b.
in fin.

Eo quoque casu favor Constitutionis locum habebat, & compete-bat libertas.

T I T U L U S XIII.

DE SUCCESSIONIBUS SUBLATIS, QUÆ FIEBANT PER BONORUM VENDITIONES, ET EX SENATUS-CONSULTO CLAUDIANO.

Duo modi acquisitionis hodie sublatis hic indicantur.

Quis prior?

Text. b. &
l. i. in fin.
ff. quibus

Venditio bonorum ejus, qui fraudationis causa latitaverat; cujus asperitas hodie abra-

abrogata est, & tantummodo creditoribus *ex caus. in*
 datur, officio Judicis bona latitantium de- *bon. pos-*
 bitorum possidere, constituiturque bonorum *sess. eat.*
 curator, qui per eorum distractionem satis-
 faciat creditoribus.

Quis alter modus acquirendi?

Fuit is introductus Senatus-Contulto Clau- *§. fin. h. l.*
 dianio, ex quo libera mulier, quæ se con- *un. C. de*
 tra domini denuntiationem alieno junxisset *SC. Claud.*
 servo, addicebatur domino servi cum fortu-
 nis omnibus: si vero sciente domino, tan-
 tum ejus fiebat liberta. Hoc Senatus-Consul-
 tum, quod honestas extorserat, Imperator
 abrogavit, tamquam nimis asperum; cum
 per leges, stupri pœna non sit servitus,
 absurdumque sit, nequitiam servi domino
 lucrosam esse: cui proinde licentia datur
 talem servum castigatione competenti cor-
 rigere, abstrahere a muliere tali.

T I T U L U S XIV.

DE OBLIGATIONIBUS.

Duo præcipua Juris Civillis capita sunt,
 Dominium, & Obligatio. De Dominio
 modisque acquirendi rerum dominia, di-
 ctum est hæcenus: nunc transeamus ad
 contractus, quorum vis omnis in obliga-
 tionibus cernitur.

Quid est Obligatio?

Obligatio est juris vinculum, quo necessita- *Text. h.*
 te adstringimur alicujus rei solvendæ, se-
 cundum nostræ civitatis jura. Recte vinculum,
 quia ligat: Juris, nimirum civilis, a quo
 effectum habet, qui consistit in necessitate ali-
 cujus rei solvendæ, id est dandi aliquid, vel
 faciendi, pro natura obligationis, quæ sine
 hac necessitate foret frustranea. Verba, se-
 cundum nostræ civitatis jura, indicant, de-

finiri hic obligationem, quæ recepta sit jure Civili.

Quot sunt Obligationum divisiones?

§. *omnium*, Variæ . I. Obligationum divisio alia est
 l. 10. ff. b. t. *Naturalis* tantum, quæ solo æquitatis vinculo sustinetur, non adjuncta aliquo modo a Jure Civili, ut ex ea adversus aliquem non detur actio, cujusmodi est pactum nudum sive promissio nuda de dando aliquid. Alia *Civilis*, quæ a Jure Civili habet vim & vinculum aliquod, sed cui necessitas desit, quæ per exceptionem eliditur, ut nihil exigi possit: cujusmodi est litterarum obligatio, sive ea scriptura, qua quis confitetur sibi numeratam pecuniam, quæ necdum numerata sit. Item obligatio, quæ remanet debitore liberato per pactum de non petendo. Alia *Civilis & naturalis*, quæ æquitatis & Juris vinculo nititur, actionemque producit efficacem, sed cum effectu agendi; eaque hoc Titulo definita est.

II. Obligationum quædam sunt *Civiles*, quæ aut legibus constitutæ, veluti stipulatio; aut certo Jure Civili comprobata sunt, uti obligationes ex emptione, venditione, ex locatione, conductione, ex mandato, & similibus, quibus Jus Civile robur & formam addidit; quædam vero *Prætorie*, quas ex sua jurisdictione Prætor constituit; qualis est obligatio de pecunia, de in rem verso.

III. Obligationum alia est *Principalis*, alia *Accessoria*. *Principalis* est, qua quis suo nomine principaliter obligatur; quales sunt obligationes reorum principalium. *Accessoria* est, qua quis non suo, sed alieno nomine obligatur: quales sunt, qui pro aliis fidejusserunt.

§. *sequent.* IV. Obligationum quædam ex contractu sunt, aut quasi ex contractu; quædam ex maleficio; aut quasi ex maleficio; aut proprio quodam jure.

jure nascuntur ex variis causarum figuris ,
 ut inquit Cajus , eo respiciens , quod quasi
 contractus , quasi maleficium res quodam-
 modo sint figuratæ , quasi dixeris figuratos
 contractus , figurata maleficia : ut cum Ju-
 dex litem suam facit per imprudentiam ,
 non quidem est maleficium , verumtamen datur
 in eum actio , quasi male fecisset , ea figura
 sive colore , quod culpa ejus aliqua pecca-
 tum sit , quia scire Jus Civile debuit .

l. i. ff. b. t.

Obligationum ex contractu quot sunt species?

Quatuor : aut enim Re contrahuntur , aut
 Verbis , aut Litteris , aut Consensu . Re ideo
 contrahuntur & perficiuntur : quia non pro-
 ducunt obligationem , nisi secuta rei tradi-
 tione . Verbis ideo ; quia sunt contractus ,
 qui ex solemni verborum formula vim ac-
 ciunt . Litteris : quia in scriptura substan-
 tia consistit . Consensu ; quia sunt contractus ,
 qui nihil præter consensum ad sui perfectio-
 nem desiderant .

l. ult. d. l.
i. §. i.

*Quid vero est Contractus , & quid ejus
 nomine venit?*

Contractus est conventio sive consensus plu-
 rium in idem placitum , habens causam , id
 est , civile aliquando negotium dandi , aut
 faciendi . Contractus vero nomine venit non
 tantum ea obligatio , quæ synallagma ha-
 bet , id est , quæ ultro citroque obligat ; cu-
 jusmodi est emptio , venditio , locatio , con-
 ductio ; verum & ea , quæ ex altera tantum
 parte , veluti mutuum , stipulatio , sive etiam
 in suo stet nomine , sive transeat in pro-
 prium nomen contractus . Quibus verbis in-
 finuatur nova Contractuum divisio in Nomi-
 natos & innominatos .

l. 7. §. i. de
pact.

*Quinam dicuntur Contractus, Nominati,
& Innominati?*

l. 7. §. 1. &
2. ff. de
pact.

Nominati dicuntur, quibus certum & proprium a legibus nomen est attributum, ut emptio, locatio, societas: ex quibus certa nominataque actio datur, veluti actio empti, venditi, locati, conducti, & commodati, &c. *Innominati* vero, qui certum & legitimum nomen non habent, quique non ita juris vinculo continentur, cum in iis locus sit pœnitentiæ, re integra, seu quamdiu alteruter tradendo non implevit a sua parte; sintque contractuum ejusmodi quatuor genera: *Do, ut des: Do, ut facias; Facio, ut facias; Facio, ut des:* quibus certa & proprii nominis actio non datur, sed actio præscriptis verbis, ita dicta, quod ex præscripto conventionis detur. Sunt & contractus alii *bonæ fidei*, alii *stricti juris*, de quibus dicetur inferius *Tit. de Actionibus*.

l. 3. C. de
rerum
perm.

*Quæ dicuntur Substantialia, Naturalia, &
Accidentalialia contractuum?*

l. 72. in pr. *Substantialia* sunt, ex quibus contractus nascitur, & sine quibus consistere omnino *empt. l. 1.* nequit: veluti in emptione & venditione, & 2. ff. pro merx, pretium, & consensus: in locatione *socio l. 1.* merces; in societate communio; in stipulatione interrogatio, & ad eam congrua re-
l. 27. ff. de sponsio. Imo in omni contractu, velut substantialia, consensus, bona fides, quæ solo opponitur, libera voluntas, & certa scientia adsint necesse est. Quæ solemnia, nulla privata pactio mutari possunt.

l. 11. §. 2. ff. *Naturalia* contractuum esse dicuntur, quæ de act. empt. secundum naturam tacite in contractum quem-
pt. & ff. de libet veniunt: veluti de natura venditionis
empt. est, ut de evictione teneatur venditor, licet nihil ea de re conventum & expressum sit. De natura item locationis est, ut loca-
tor.

tor ea omnia præstet, quæ ex bono & æquo præstare eum oportet; & sic de cæteris quæ contractibus intunt, de quibus pacisci licet, ut præstentur, vel non.

Accidentalìa sunt, quæ præter naturam contractus pacto & conventionione contrahentium eidem accedant, veluti ut res vendita emptori locetur, donec pretium solvat, ut sub conditione vel ad diem res tradatur: atque hujusmodi pacta dicuntur dare legem contractui. Eo excepto, quod non valet, si convenerit, ne dolus præstetur. Unde dum quæritur de contractu, quid in eum veniat, videndum ante omnia est, quid inter contrahentes actum sit. Si nihil appareat actum, ad contractus cujusque naturam est confugiendum.

Quid, si dolus dederit causam contractui, vel inciderit in contractum?

Distinguendum est: aut enim contractus, *l. pen. C. de cui dolus causam dedit, est bonæ fidei; & inutil. stip.* non habet locum actio doli ad rescindendum contractum, quippe ipso jure nullum, cum destituatur suo fundamento, scilicet bona fide, quæ in ejusmodi contractibus prædominatur: atqui nihil magis contrarium est bonæ fidei, quam dolus & fraus. Aut *l. 56. ff. de stricti juris est contractus, cui dolus causam dedit: & is valet de rigore juris, nec est ipso jure nullus, neque infirmatur, nisi actione vel exceptione doli proposita; quia in strictis, id quod actum, inspicitur. Idem dicendum, si dolus inciderit in contractum stricti juris: non etiam si in contractum incidat bonæ fidei, quia & is tunc valet ipso jure, cum liber fuerit consensus contrahentis, tantumque in eo deceptus sit dolo venditoris, v. gr. emptor, ut rem majoris emeret; sed propter incidentem dolum agitur actione ex eodem contractu ad act. emp. pur.*

purgandum dolum in tantum, quanto minoris res valuerit.

An qui jure suo utitur, vim facere, aut dolum, videatur?

l. 55. §. 1. ff. de R. J. Minime: excusatur etiam a vitio, nec potest dici dolum aut vim fecisse, qui pro se habet stricti juris auctoritatem: unde cre-
l. 3. ibi. Gloss. C. de pign. ditor, si ingrediatur ex conventionis lege fundi sibi oppignorati possessionem, cum suo jure utatur, non potest dici vim facere, *l. 29. ff. de R. J.* *nil enim dolo facit, qui suum recipit*; ut si creditor pecuniam sibi debitam acceperit, antequam bona debitoris ex edicto possideantur, quamvis sciens, cum solvendo cæteris non esse, edicto, quæ in fraudem creditorum facta sunt, ut restituantur, non tenebitur, quia *jus subvenit vigilantibus*.

Quid, si contractus metu sit initus?

l. 184. ff. de R. J. Talis non est ipso Jure nullus, sed per actionem. Quod metus causa, rescinditur, dummodo metus fuerit justus, quia *vani timoris justa excusatio non est*. Quod autem contractus bonæ fidei, dolo initus, sit ipso jure nullus, metu vero initus rescindatur, differentiæ ratio est, quia metus, qui palam infertur, non excludit voluntatem, cum sciatur, quid agatur: dolus autem, qui per insidias infertur consensum excludit; aliud enim dolo agitur, aliud simulatur.

T I T U L U S XV.

QUIBUS MODIS RE CONTRAHITUR OBLIGATIO.

Cur Contractus, qui hoc Titulo explicantur, Re fieri dicuntur?

Text. in pr. **Q**uia ipsa rei traditione, numeratione, & acceptatione fiunt, neque prius ex iis efficax oritur obligatio, quam res tra-

tradita receptaque sit, etiamsi consensus intervenerit. Ideo dicit hic Imperator, *veluti mutui datione*, quasi non sit satis inter eos convenisse, nisi proficiscatur pecunia: sicque factum aliquod intervenerit, quod initium præbeat obligationi.

Quot sunt contractus, qui Re ineuntur?

Quinque: *Mutuum, Indebitum, Commodatum, Depositum, Pignus*. Quod tantum quinque exponantur, ratio est, quia hic solummodo tractatur de contractibus certis, sive nominatis; de innominatis (quorum in numero est permutatio) non agitur.

D E M U T U O.

Quid est Mutuum; & unde sic dictum?

Mutuum inde appellatum esse scribit Paulus, quia ita a me tibi detur, ut ex meo tuum fiat: sive quia id, quod a me tibi datur, ex meo tuum fit. Est autem *Mutuum*, contractus, quo quantitas ea lege datur, ut eadem ipsa reddatur, non in specie, sed in genere. l. 2. in pr.
& §. 2. ff. de rebus cred.

Quæ sunt requisita ad hunc contractum?

Hæc tria I. *Ut sit quantitas*, quæ datur: quo nomine venit res, quæ usu consumitur, quæve pondere, numero, vel mensura constet; cujus generis est oleum, frumentum, vinum, pecunia numerata; quæ res functionem magis per solutionem in genere recipiunt, quam in specie, id est, quarum una species vice alterius fungitur, propter similitudinem, quæ excludit affectum, qui circa rerum corpora versatur. d. l. 2. §. 4.

II. *Ut dominium rei tradite sive mutuata transeat in accipientem sive mutuatarium*; quia, ut dictum, mutuum est, quod ita datur, ut ex meo tuum fiat, & vicissim de tuo meum. Qua ratione oportet, dantem esse d. l. 1. §. 2.

d. l. i. 2.

esse dominum; nam cum in rem alienam nihil sit juris, ea non recte in alium transferatur. Deinde dispositionem liberam habeat, necesse est; inde enim pupillus, prodigus, & similes, cum non habeant licentiam alienandi res suas, pecuniam suam mutuam non dant, & datam vindicant; nisi consumptio, bona fide facta, mutuum faciat convalescere.

In quo igitur Mutuum differt a quasi usufructu?

§. 3. *supr.*
de usufr.

Licet usufructus hic consistat in iis rebus, quæ usui ipso consumuntur, & dominium earum transeat in accipientem sive usufructuarium, tamen aliæ differentiæ sunt: quia mutuum obligatione, usufructus ille quasi dominio nititur: illud sola conventionne constituitur, hic etiam testamento, aliave ultima voluntate: illud non opus habet cautione, hic sine ea non constituitur, adeoque cautio in quasi usufructu secundum ple-rosque est de substantia illius. Denique in mutuum res quantitatis tantum, in quasi usufructum etiam species veniunt: & capitis diminutione media & maxima finitur.

l. 3. *ff. eod.*

III. *Ut reddatur non eadem res in specie, sed in genere*, id est, tantumdem ejusdem bonitatis & qualitatis, v. g. ut pro decem amphoris vini, reddantur amphoræ totidem in eadem bonitate vini. Unde vinum novum reddi non potest, pro vetere, quia non redderetur res ejusdem qualitatis, seu bonitatis. Dico, *in genere*, nam si, ut reddatur eadem res in specie, conventum fuerit, obligationi hujus contractus impedimentum ponitur, cujus substantia est in usu: usus autem ejusmodi rerum non est sine abusu. Quo modo verbum *quandoque* hic in textu est positum, pro *quandocumque*; ut sit sensus, *quandocumque* mutuum non in specie, sed in genere reddendum esse.

*Potestne igitur reddi alterius materie pecunia,
quam quæ accepta?*

Potest: quia in pecunia non tam numerus & materia corporum, quam forma & *cont. empt.* quantitas æstimationis ei publice imposita *l. 94. §. 1. ff. de solut.* ipeſtatur; ita ut non videatur hic aliud pro alio reddi, nec res alterius generis. Non tamen est cogendus creditor in alia forma nummos recipere, si inde probet se damnum pati, *l. 99. eod.* aut aliter ab initio fuerit conventum.

Quæ actio datur ex Mutuo?

Conditio certi, quia id, quod petitur, *l. 6. ff. de reb. cred.* quid, quale, quantum debeatur, apparet. Competit hæc ei, qui mutuum dedit, adversus eum, qui accepit, & non nisi in tantum, quantum accepit, etiamsi aliter convenierit: licet recte conveniatur; ut minus reddatur, quia licet cuilibet jus sum remittere. Actionem hanc, quæ pro mutuo datur, vocant *Conditionem certi specialem*: nam *l. 11. §. 1. eod.* & certi conditio est *Generalis*, quæ competit ex omni causa, ex omni obligatione, ubi certum petitur.

DE INDEBITO.

Quid dicitur Indebitum?

Quod quis per errorem indebite solvit, seu *§. is quo-* quid debitum non est: & hoc ideo annectitur *que h. t.* mutuo, quia quasi mutuo datum repeti potest. Unde & indebiti solutio est quasi mutui datio: obligaturque is, qui indebitum accepit, ad illius restitutionem, si postea veritas emerſerit, non minus, quam is, qui mutuum accepit. Et eatenus hic contractus dicitur re contrahi: cæteroquin ex parte *text. hic in fin.* solventis videtur potius distractus; quam contractus; cum is, qui hoc modo aliquid solvendi animo dat, magis voluerit negotium

tium distrahere, quam contrahere. Subtiliter tamen intuenti negotium aliquod etiam hic ex parte solventis geri videtur, id est, contractus. Nam qui indebitum solvit, hoc ipso aliquid negotii gerit, seu contrahit: ita quidem, ut, si non debeat, possit repetere, cum nemo suum jactare præsumatur.

l. 31. ff. de
cond. in-
deb.

Quæ sunt requisita ad hoc, ut obligatio indebiti nascatur?

I. *Ut aliquid solutum sit*: cum enim hæc obligatio ponatur inter eas, quæ interven-
tu rei contrahuntur, proficisci res debet per solutionem a solvente in eum, cui solvitur. Solutum intelligimus, quod utique naturaliter est numeratum, ejusque domini-
um in accipientem translatus; pro quo repetendo datur actio, quæ vocatur *Conditio indebiti*, adversus accipientem, proinde ac mutuum danti conditio datur adversus eum, qui mutuum accepit.

II. *Ut sit indebitum*. Distinguendum autem hic inter debitum, an *natura tantum sit debitum, civiliter indebitum*, ut quod nudo pacto debetur, quod solvitur ex testamento minus solemniter: quod servus domino, filius patri, frater fratri, quamdiu sunt in potestate, debent: an *debitum civiliter, natura indebitum*, ut quod debetur ex obligatione litterarum, an vero *utroque jure sit indebitum*, scilicet nulla debendi causa præcesserit, desieritve omnino deberi, quod ante fuit debitum.

l. 12. § 64.
ff. d. t.

Primo casu conditioni non est locus: quia naturaliter debitum est verum debitum: ut cesset ratio conditionis, quæ non vult, quod alienum est, sine causa apud alium manere: hic autem est causa, cur manet, scilicet traditio & verum debitum.

l. 1. C. de
cond. inde-
bit. ff. eod.

Secundo casu conditioni est locus, cum, quod civiliter debitum est, naturaliter au-
tem

tem indebitum, vere non debeatur; ut nulla subsit æquitas, quæ opituletur reo contra repetentem. Excipe causam judicati, quia ea habetur pro veritate. *d. l. i. 2. & 9. ff. l. 6. & 9. C. b. t.*

Tertio casu repetitioni est locus, cum, quod solutum est, nullo jure debeatur, ut sine causa apud alium sit.

III. Requiritur, *Ut per errorem & igno-* *lult. C. ad*
anter indebitum pro debito solutum sit: quia *l. Falcid.*
indebitum sciens prudensque solvens, non condicit aut repetit, cum donasse talis videatur, juxta regulam: *Cujus per errorem* *l. 53. ff. de*
dati repetitio est, ejus consulto dati donatio est. *R. J.*

De quo errore hic intelligitur?

De eo, qui est facti: quia indebitum errore juris solutum regulariter repeti non potest. Rationem diversitatis assignat Nera-
tius, quia jus finitum & possit & debeat esse; facti vero interpretatio plerumque etiam prudentissimos fallat. Atque ideo juris ignorantia nemini opitulatur; facti autem non nocet. Unde & fideicommissum vel legatum in minus solemni testamento relictum, errore facti solutum, reperitur; non vero solutum juris errore; quia hic error non prodest ad lucrum, prodesset autem, si ex eo res soluta posset repeti; cujus tamen dominium translatum fuit voluntate solventis in accipientem. *l. 2. C. de fideicom. Duard. de cond. ind. c. 3.*

Quid, *si quis per errorem solverit indebitum pupillo sine tutoris auctoritate?*

Non tenebitur pupillus indebiti conditione, non magis quam mutui datione: atqui pupillus sine tutoris auctoritate ex mutuo non obligatur. Excipe casum, quo pupillus factus est locupletior, quia nemo debet, ne quidem infans locupletari cum alterius jactura: id enim contra naturalem *est* *Vers. unde pupillus, b. t. l. 7. ff. de solut. l. 5. ff. de aut. tut.*

est æquitatem, ex qua nascitur hæc indebiti conditio.

DE COMMODATO.

Quid est Commodatum?

§. item is *Est contractus, quo res gratis traditur, certi usus gratia, ut eo finito, eadem species restitatur. Dico gratis, id est, nulla mercede accepta, vel constituta, quia si merces intervenerit, locatio erit. Dico, certi usus, quia nisi certi usus gratia, vel ad certum usum aut tempus tradatur, non erit commodatum, sed precarium, quod non datur ad certum usum aut tempus; & ideo repeti res precario data potest, quando lubet ei, qui dedit: Dico, eo finito, quia ante finitum usum commodatarius rem restituere non cogitur. Denique addo, eadem species restitatur, ad differentiam mutui.*

In quo differt Commodatum a Mutuo?

I. Quod in *Mutuo* sit reddendum idem genus; In *Commodato* eadem species. II. Quod mutuum consistat in quantitativis, id est, iis rebus, quæ in pondere, numero, & mensura functionem recipiunt: commodatum vero in corporibus vel speciebus, quæ utendo non consumuntur. III. Quod in mutuo res fiat recipientis, sive de meo tuum; in commodato non transferatur rei proprietates, sed eam retineat is, qui dat; eoque fit, ut res aliena mutuo dari nequeat, commodato vero dari possit. IV. Quod in mutuo præstetur casus fortuitus; in commodato non utique, cum is prævideri nequeat, sed dolus & culpa dumtaxat; nisi inter partes conventum fuerit de præstando quoque casu.

Quæ igitur præstanda venit culpa a commodatario ex natura contractus?

Lata, levis, & interdum etiam levissima, l. 5. §. 2. 3. si commodatum solius commodatarii concernat utilitatem, quia quo beneficium est & seq. l. majus, eo cautius advertendum, ne injuria aliqua rependatur. Sic intelligendus hic 18. ff. comm. textus, quod is, qui sui tantum causa utendum accepit, *sane exactam diligentiam*, id 1. 23. ff. de R. J. est, valde exactam, seu exactissimam, præstare teneatur, nimirum qualem diligentissimus quisque paterfamilias rebus suis adhibere solet. Si vero utriusque versetur utilitas, quia minus est beneficium, culpa inspicitur *levis* dumtaxat; *lata* vero, si commodatum fiat gratia solius commodantis, ubi traditur, quid in singulis contractibus ratione doli vel culpæ præstandum sit. quia cum non tam accipiat, quam faciat beneficium, commodatarius non debet tam arcte obligari.

Quæ actio ex hoc contractu datur, cui, in quem, & ad quid?

Actio commodati, eaque *Directa & Contraria*, æque principaliter competens, illa commodati, hæc commodatario, quæ etiam si ne principali moveri potest, sicut & cæteræ, quæ dicuntur contrariæ. *Directa* quidem datur commodanti, ejusque hæredi, sive rei commodatæ dominus sit, sive non, adeoque & prædoni, qui rem furto surreptam, aut vi ereptam commodavit. l. 13. & seq. ff. d. 1.

Datur in eum, cui res commodata est, l. 9. in fin. ejusque hæredem. In tertium possessorem ff. de rei hæc actio non datur, quia cum illo contractum non est: vindicari tamen ab eo res potest, si ejus restituendæ facultatem habeat. vind.

Datur autem ad hoc, ut res commodata finito tempore & usu, in specie restituatur; d. l. 3. §. 1. & quidem integra, non deterior facta, quia quæ hoc modo redditur, non videtur red- dita,

l. 13. §. 21.
l. 5. §. 1. &
l. 17. §. ult.
ff. comm.

dita, nisi id, quod interest, præstetur. Quod si res vel non extet, vel non appareat, vel forte ab ipso surrepta sit domino, inscio commodatario, condemnabitur quidem hoc nomine commodati ad æstimationem rei, ita tamen, ut caveat dominus de re reperta ei præstanda; nam dominus qui oblatam litis æstimationem suscepit, rem facit offerentis, ejusque transfert dominium.

l. 17. l. 18.
§. pen. &
fin. & l.
pen. ff. eod.
tit.

Contraria vero datur commodatario, adversus dominum vel commodantem, si hic non patiatur eum uti re commodata, vel si intempestive usum rei commodatæ auferat, cum accipientis intersit juvari, non decipi beneficio. Eadem actione sibi commodatarius consulit, si damni quid acceperit ex vitiosa, scienter commodata: eadem repetit impensas, quas in rem commodatam fecit, easque necessarias & graves; non item modicas, quia illæ ad eum, qui commodato utitur, pertinent; licet interdum magis e re fuerit commodatarii, propter majores impensas sibi compensationis juri consulere, quam ultro commodati agere.

DE DEPOSITO.

Quid est Depositum, & in quo differt ab aliis contractibus?

§. Præterea
h. t. l. 1. ff.
depositi.

Depositum est contractus, quo res alicui gratis custodienda traditur, ut eadem ipsa res, cum repusceretur, bona fide reddatur. Dico gratis; quia si merces interveniat, erit potius locatio. Dico, custodienda; ad differentiam aliorum contractuum, qui re ineuntur, in quibus res custodienda non datur, sed ut vel accipientis fiat, vel in *Mutuo* & *Indebito*; vel ut accipiens ea utatur, in *Commodo*: vel ad securitatem, ut in *Pignore*.

l. 18. ff. eod.
& l. 110. ff.
de V. S.

Per hoc autem, quod depositum fiat simpliciter causa custodiæ, excluditur *Depositum* sequen-

sequestrarium sive *Sequestratio*, quando plures rem litigiosam apud judicem vel sequestrum deponunt: quo casu possessio rei depositæ transfertur in sequestrum, nisi aliud expresse actum sit. Dico, *ut eadem ipsa res reddatur*, integra nimirum, non deteriora, (ut & in commodato sit ac pignore) quia si deterior reddatur, videbitur quasi non reddita. Dico, *cum reposcetur*, potest enim repeti res a deponente, cui reposcenti eadem etiam ante præfinitum tempus reddi debeat; quia totum hoc negotium, ut in utilitatem cedit deponentis; ita & voluntate ejus dirigitur, quam mutare potest.

*Quenam actio datur ex hoc contracta,
& ad quid?*

Actio depositi, *Directa & Contraria*. Illa *l. 16. § 1.* datur deponenti, ejusque hæredibus cum sit *23. ff. de rei persecutoria*, adversus depositarium, *positi*. ejusque hæredes; non autem adversus tertium possessorem, quia cum eo non est contractum, nisi forte cessã sit actio.

Datur ad repetendam rem depositam, vel *l. 23. ff. de ad æstimationem*, re perempta, vel deteriorata, quatenus nimirum arguitur dolus, *l. 1. § 6. ff. vel culpa lata depositarii*. Nam hic contractus solius gratia deponentis initur, ideoque *Text. big.* culpæ nomine, id est, desidii ac negligentia, depositarius non tenetur, nisi deposito se obtulerit, vel ejus nomine mercedem expectet, vel ita convenerit ab initio: contractus enim legem ex conventionione accipiunt. Alias securus erit, etiamsi parum diligenter custoditam rem furto amiserit: sibi enim & facilitati suæ imputare deponens debet, qui amico minus diligenti rem custodiendam tradiderit.

Contraria autem actio datur depositario contra deponentem, ad repetendos sumptus, si *l. 5. ff. de positi*. quos fecerit in conservationem rei depositæ,
ne

*l. pen. C.
eod. tit.*

ne contingat, officium suum sibi esse damnosum. Quorum sumptuum nomine depositario permixtum non est retinere rem, neque deductione aut compensatione uti, dolive exceptionem opponere; ne contractus, qui ex bona fide oritur, ad perfidiam trahatur.

DE PIGNORE.

Quid est pignus, & in quo distinguitur ab aliis contractibus?

§. creditor. Pignus est contractus, quo res mobilis traditur creditori in securitatem crediti, eo persoluto in specie restituenda. Creditor itaque accepto pignore obligatur re, teneturque actione pignoratitia de eadem re, quam accepit, restituenda: neque enim per hunc contractum transit dominium, in quo a *Mutuo* distinguitur: nec usus, in quo distinguitur a *Locatione*, *Commodato*, *Precario*; nec datur res custodiæ, sed securitatis causa: quo distinguitur a *Deposito*: item ab *Hypotheca*, quod hæc sit rei immobilis & non traditæ; Pignus vero rei traditæ, dicitur enim a *Pugno*.

*l. 236. §. 2.
ff. de V.S.*

Quæ vero actio nascitur ex Pignore?

*l. 9. §. 27.
ff. de pign. act.* Pignoratitia: eaque similiter duplex: *Directa* & *Contraria*. *Directa* est, qua is qui rem pignori opposuit, soluto debito agit adversus creditorem, ut rem restituat, damnumve circa eam datum resarciat. Dico, *solutio debito*, quia antequam creditori solutum sit, vel eo nomine satisfactum, non competit hæc actio. Neque datur contra tertium possessorem, quia cum eo non est contractum.

*l. 56. §. 1. &
l. 31. ff. d. t.* *Contrariæ* datur creditori adversus debitorem, ad id consequendum, quod in rem pignoratam impendit: vel si res aliena, vitiosa, aut alteri obligata, fuerit pignori data.

Quæ

Quæ præstanda veniunt in hoc contracta?

Dolus, lata, levisque culpa, quia utriusque versatur utilitas, & debitoris, quo magis pecunia ei credatur; & creditoris, quo magis ei in tuto sit creditum. *Levissima culpa non venit*, quia non imputatur nisi ei, cujus solius gratia contractus initus est. *Casus* similiter fortuitus ad dominum pertinet. Placuit enim securum esse creditorem, nec impediri creditum suum petere, modo non fuerit in causa hujus casus fortuiti.

Text. hic
l. i. §. 2. ff.
commod.

Duo enim sunt extrema, *dolus & casus fortuitus*; quorum hic a nullo præstatur, quia scilicet rem ad casum impossibilem redigit; ille ab omnibus, quia turpis est. *Culpa vero cum ejusmodi sit*, ut nec semper sit turpis, nec ullo casu vitari non possit, sit ut interdum præstetur, interdum non.

l. 185. ff. de
R. J.

T I T U L U S XVI.

DE VERBORUM OBLIGATIONIBUS.

Dictum est de Obligationibus, quæ Re contrahuntur: sequitur nunc alterum genus, quod Verbis contrahitur.

Quomodo & quando verbis contrahitur Obligatio?

Verbis obligatio contrahitur ex interrogatione & responsione, cum quid dari fieri nobis stipulamur. Ideo autem verbis contrahitur, quia utrimque, ex parte stipulatoris, id est, illius, qui interrogat, & ex parte promissoris, intervenire verba necesse est. Adverte tamen, non statim, quoties is, qui interrogetur, daturum, facturumve se, quod interrogatus est, responderit, contrahi stipulationem: nam & plerumque uno

Text. hic.
paul. 3.
sent. tit. 7.

N

inter-

- 1.7. §.4. ff. *interrogante paciscimur, nec protinus est stipulatio, sed promissio. Tunc autem censetur contrahi stipulatio: quando animo stipulandi, & inde oriatur obligatio, verba interrogandi spondendique adhibita fuerint, & talia, quæ non solum consensum significent, sed firmanda ex stipulatu obligationis causa accedant.*
- 1.1. in pr.
1.5. §. 1.

Quæ igitur ratio fuit introducenda stipulationis; & cur ex nudo pacto non datur actio?

- Ratio fuit hæc, ut discerni posset, an promissio temere effusa, an vero consulto concepta esset. Stipulatio namque ea forma modoque concepta, non nisi mediate perficitur; & plane distinguitur a nudo pacto, in quo sæpe consensus leviter interponitur.
- 1.1. & d.
1.7. §.1. ff. *Qua ratione, quamvis alias honestum sit pacta servari, ex nudo pacto actionem dari Jus civile prohibuit, ne homines facile verbis leviter prolatis caperentur & illaqueantur.*

Unde autem hic contractus dicitur Stipulatio?

- 1.1. §.4. ff. *A stipulo, quod veteribus firmum denotabat, & forte stipulum a stipite descendit. Eaque videtur fuisse ratio, quod verborum obligationem Jurisconsulti vocarint Stipulationem, quia scilicet aliis contractibus ac negotiis firmandis adhiberi solet.*
- de stipul.
præf.

Quo jure introducta est Stipulatio?

- 1.17. §.1. ff. *Jure Civili, a quo ejus origo, forma & de pœnis solemnitas profecta. Quo fit ut deportatus, 1.14. in fine cui jus gentium est salvum, non etiam civile, non possit stipulari. Non obstat consensus, quem & hic intervenire est necesse, quia in eo non consistit forma hujus contractus, sed in verbis & certis formulis verborum.*
- ff. de nov.

Qui-

Quibus verbis licet stipulari ?

Olim verbis solemnibus, civilibus, & directis opus erat, veluti *Spondes ? spondeo : Promittis ? promitto : Dabis ? dabo ; Facies ? faciam*. Hodie, solemnitate verborum sublata, quibuslibet verbis uti licet in stipulatione, modo consonans intellectus utrinque exprimitur. Neque etiam refert, qua lingua stipulatio concipiatur, modo contrahentes se invicem intelligant, sive per se, sive per interpretem.

Que actiones hinc proficiuntur ?

Vel certa est stipulatio, id est, rei certæ vel incerta : ex ista *Condictio certi* ; ex hac *Actio ex stipulatu* oritur. *Condictio certi* datur ex omni causa & obligatione, ex qua certum petitur. Certum est, quod ex ipsa pronuntiatione apparet, quid, quale, quantumque sit ; ut, *si stipuleris decem aureos*. Ubi autem non apparet, quid, quale, quantumque sit in stipulatione, incerta est stipulatio : ut, *si quis stipuletur rem aliquam in genere, vel factum aliquod, quia omnis in faciendo stipulatio est incerta*.

Quot modis fit Stipulatio ?

Omnis stipulatio, aut *pure*, aut *in diem*, §. *Omnis*. aut *sub conditione* fit.

Pure, id est, sine ulla temporis vel conditionis adjectione : veluti, *Quinque aureos dare spondes ?* Cujus is effectus est, ut quod promissum est pure, confestim & debeatur & peti possit, quia statim & cessit & venit dies. Unde illa juris regula : *In omnibus obligationibus, & in quibus dies non ponitur, presenti die debetur*. Id tamen cum temperamento aliquo temporis intelligendum.

In diem, cum dies sive tempus certum adjicitur, quo pecunia solvatur, vel, quod

promissum est, fiat: veluti *Decem aureos primis Kalend. Martiis dare spondes*. Cujus stipulationis dies quidem cessit, id est, contracta est obligatio, sed nondum venit, id est, peti id, quod promissum est, & intentari actio non potest; antequam totus dies effluerit, quia is totus arbitrio solventis tribui debet, quippe in favorem debitoris adjectus. Cum quo convenit illud Celsi, *l. 186. ff. de R. J.* *Nihil peti potest ante id tempus, quo per rem naturam persolvi possit, quia scilicet ad impossibile nemo obligatur: & cum solvendi tempus obligationi additur, nisi eo præterito peti non potest. Quia non est certum eo die, in quem promissum est, datum non esse, priusquam is præterierit?*

l. 44. §. 1. ff. de obl. & act. l. 18. ff. de cond. ind. *Sub conditione fit stipulatio, cum obligatio differtur in aliquem casum, id est, si aliquid factum fuerit, aut non fuerit: veluti, si Titius Consul factus fuerit, quinque aureos dare spondes. Ex cujusmodi stipulatione conditionali dicitur neque cedere, neque venire dies ante conditionis eventum: nisi talis sit conditio, quæ non potest non evenire, quæ proinde præsentem ponit obligationem, adeo ut ex ea solutum, ante eventum conditionis repeti non possit.*

Dixi ante, *in diem* licere stipulari; nam *usque ad diem*, sive quoad tempus, inutilis est diei adjectio.

In stipulationibus cur tempus contractus spectatur; in legatis tempus quo ea cedunt?

l. 144. §. 1. ff. de R. J. l. 17. ff. de V. O. *In stipulationibus (inquit Paulus) id tempus spectatur, quo contrahimus: est enim stipulatio juris, & ideo initium semper inspicimus, ex quo cum vires ceperit, omni modo per filium & servum acquiritur patri vel domino, etiamsi post emancipationem vel*

l. 146. ff. de R. J. *manumissionem existat conditio. At vero in legatis spectamus tempus quo ea cedunt, non*

non initium aut tempus quo reliquuntur ; *l. 41. ff. de quia hæc fuit mens & voluntas testatoris , condit. & ut post existentem conditionem demum Jus demonstr.*
 legatario conferatur. Itaque legata non aliter acquiruntur domino vel patri , quam si *l. 18. ff. de R. J.*
 existente conditione , in potestate servum vel filium habeant .

Quid igitur , si stipuler decem aureos , quoad vivam , dabis ?

Perinde est . ac si pure stipuler , *Decem aureos dare spondes .* Puræ autem stipulationes perpetuantur , & singulis annis debentur semel , strictoque jure transmittuntur ad hæredem & hæredis hæredem . Est itaque stipulatio ista , *Decem aureos , quoad vivam , dabis ,* & pura , quia annorum commemoratio non differendi , sed multiplicandi causa intervenit ; & perpetua , quia ad tempus non potest deberi , cum obligatio sit juris ; atque ea , quæ sunt juris , sui natura sunt perpetua , non minus atque ipsum jus : neque tempus , cum sit facti , potest extinguere obligationem semel legitime natam . Verum *l. 56. §. 4. ff. b. t. l. 20. ff. quando dies leg. l. 118. §. 1. b. t.*
 contra hunc juris rigorem æquitas pacti conventi repellet hæredes stipulatoris , ob verba ; *quoad vivam* , nam qui ad vitam stipulatur , id egisse videtur , ne hæres ejus peteret . *l. 44. §. 1. ff. de V. O.*

Quæ est differentia inter stipulationem , & legatum annuum ?

Quod stipulatio ad annos singulos , sive annua ; sit perpetua , & ad hæredes transeat ; legatum vero annuum , morte legatarii finiatur . Ratio differentiæ est , quia tale legatum est personale , alimentorum causa relictum , ut ita legatario consulatur ; ideoque primo anno est purum , sequentibus conditionale ; inest enim hæc tacita conditio , *si vivat* . In stipulatione annua non *l. 16. ff. b. t. l. 4. §. 8. ff. de annuis leg.*

agitur, ut stipulatori prospiciatur, sed potius ut debito sibi consulat divisis pensionibus.

Quotuplex est Conditio?

Lan. §. 7. C. de cad. tol. Triplex; *Casualis*, *Potestativa*, & *Mixta*. *Casualis*, quæ ad aliquem casum, a fortuna dependentem, refertur. *Potestativa*, cujus eventus dependet ex voluntate personæ. *Mixta*, quæ partim ex casu, partim ex personæ voluntate pendet, ut, *Si Titio Consule Capitolium adscenderis*. Qualiscumque vero fuerit conditio, quod sub ea in stipulatum deductum est, non statim debetur, sed tunc demum, cum extiterit conditio. Ideo Julianus dicit. *Quod pendet, non est pro eo quasi sit*. Pendere dicitur, quod neque in totum rejicitur, propter spem videlicet, quæ subest.

Quid, si priusquam conditio extiterit, mors stipulatori aut promissori contigerit?

§. ex condit. & §. pen. in fin. de inu-til. stipul. l. 57. ff. b. r. l. un. §. 7. C. de cad. tol. l. 93. §. 107. ff. de condit. & demonst. Non potest tunc dici quid certi deberi, sed tantum spes est debitum iri, eamque in ipsam spem in hæredem transmittimus: quamvis ante conditionis eventum moriens hæres, aut legatarius, nihil ad suum transmittat successorem. Ratio diversitatis est, quod in contractibus, quibus non tam ad personam, quam ad rem familiarem respicitur, intelligatur quisque sibi & hæredi suo prospicere. At in ultimis voluntatibus magis spectatur persona, cum legati aut institutionis causa sit benevolentia; ideoque ad deficientis legatarii aut hæredis successorem non intelligitur extendi dispositio ac liberalitas testatoris.

Quia conditio omnis, vel in non facienda, vel in faciendo posita est, dic, quæ vis sit utriusque?

§. si quis ita. Quod conditio affirmativa, sive in facien-

ciendo, impleri quandocumque possit; conditio vero negativa, sive in non faciendo, ut, *Si in Capitolium non adscendero*, ante mortem non utique; cum ante constare non possit, an adscensurus sim; perinde enim est, ac si stipulatus essem, *cum moriar*. Quo fit, ut non ante committatur stipulatio, quam certum esse coeperit, me Capitolium adscendere non posse; certum autem erit, cum mortuus fuero.

Quid, si stipulator præstet cautionem; se non facturum, an petere statim poterit?

Sane licet in legatis, relictis sub conditione non faciendi, cautionem invenerit *Q. 77. ff. de Mutius Scævola qua legatario etiam ante mortem liceret capere legatum; tamen in contractibus hæc cautio locum non habet, sed differtur præstatio in mortem, quasi stipulatus quis esset, dari sibi, cum morietur. Etenim stricte contractus interpretamur, maxime stipulationes, ut non expressum pro-* *l. 7. 18. 73. Q. 77. ff. de cond. & demonstr. l. 125. §. 1. & l. 94. ff. de V. O.*

Quid juris est de conditionibus collatis in præsens & præteritum tempus?

Eæ aut statim infirmant obligationem, aut omnino non differunt: veluti, *Si Titius Consul fuit*, vel *Si Mævius vivit, dare spondes*. Nam statim verum est, vel falsum, Titium fuisse Consulem, vel Mævium vivere, ideoque vel statim inutilis, vel utilis est stipulatio: quæ enim pro rerum natura sunt certa, non morantur obligationem; licet apud nos incerta sint. Conditio proprie est, quæ concipitur in futurum, eaque sola differt obligationem: quæ vero concipitur in tempus præsens vel præteritum, proprie quoad effectum conditio non est, sed tantum forma, sive propter particulam *Si*; suntque conditiones ejusmodi necessariae.

Quid, si stipulationi adjectus sit locus?

l. 60. §. 73. Stipulatio; cui locus inseritur, veluti,
ff. b. t. Romæ dare spondes: pure quidem fieri vide-
tur, id est, forma & conceptione est pura;
& effectus est in diem: eoque fit, ut ab eo,
qui Romæ se daturum promisit, ante exigi
non possit, quam Romam pervenerit, aut
l. 17. infr. pervenire potuerit: hoc enim tacite actum
l. 125. ff. de inter contrahentes videtur, totumque tem-
R. J. pus arbitrio promissoris relictum, cum fa-
vorabiliores sint rei, quam actores.

Quid, si appositio loci aut temporis quid
impossibile involvat?

l. 141. §. 4. Tunc inutilis erit stipulatio: ut si quis Ro-
ff. b. t. mæ ita stipuletur: Hodie Carthagine dare
spondes? quia impossibilis est promissio; con-
traria in se, nempe dare hodie, & dare Car-
thagine; tempus enim præsens & futurum
sunt contraria. Interdum tamen utilis esse
potest, si tam stipulator, quam promissor,
ante aliquod tempus suo quisque dispensa-
tori notum fecerit, in eum diem futuram
stipulationem; & mandarit promissor qui-
dem suo dispensatori, ut daret; stipulator
autem suo, ut acciperet.

Quenam deduci in stipulatum possunt?

§. fin. b. t. Non solum Res in stipulatum deduci pos-
sunt, sed etiam Facta; nam stipulationum
quædam in dando, quædam in faciendo con-
sistunt: in dando quidem eæ, in quibus res,
sive corporales, sive incorporales, sive spe-
cies, sive genera, versantur: in faciendo ve-
ro, in quibus facta, ut ire, agere, ædifica-
re, tradere, v. g. fundum tradi: fossam
fodi, &c. versantur: sub quibus etiam com-
prehenduntur stipulationes in non faciendo.

Quæ

Quæ est differentia inter has duas species?

Differentia est multiplex . I. Quod stipulationes dandi sint fere dividuæ , faciendi individua . II. Quod proinde ex stipulatione dandi , ut dividua , hæredes agant & conveniantur pro portionibus plerumque hæreditariis ; ex stipulationibus vero , quæ in faciendo consistunt , plerumque in solidum teneantur . III. Quod quis sibi & uni ex hæredibus recte stipuletur factum , v. g. sibi & hæredi suo Titio iri licere ; non vero rem sive dationem , v. g. sibi & Titio hæredi fundum aut rem dari . Cujus differentia ratio est , quod facta sunt personalia ; jura non item . IV. Quod in stipulatione dandi veniat res ipsa , & vera ejus æstimatio ; in stipulatione faciendi ; id quod interest . Optimum tamen fuerit , in hujusmodi faciendis stipulationibus pœnam subjicere a non faciente committendam , quæ succedat in locum ejus , quod interest : veluti , *Si ita factum non erit , decem aureos dare spondes ?* quia pœna est certa , continens certam quantitatem ; id quod interest , quia in facto consistit , semper est incertum , ac propterea difficilis probationis .

Stipulationes , quæ in faciendo vel non faciendo consistunt , obligantne præcise ?

Distingue ; quæ in faciendo consistunt , ut , *Si stipulor a te domum edificari , insulam præfieri* si factum præstari possit , poterit præcise agi , ut promissor id præstet , eo modo quo potest cogi fundum vel rem aliam dare ; adeo ut per oblationem ejus , quod interest , debitor non liberetur , si nolit creditor , cui invito aliud pro alio obtrudi non potest . Quæ vero in non faciendo conceptæ sunt stipulationes , ut , *Si stipulor per te non fieri , neque per hæredem tuum , quo minus mihi ire*

agere liceat, si addita poena non sit, semper præstatur id, quod interest.

T I T U L U S X V I I .

DE DUOBUS REIS STIPULANDI ET PROMITTENDI.

Dictum est de singulorum stipulatione, nunc de pluribus unam & eandem rem ab uno & eodem stipulantibus, at uni & eidem promittentibus. Illi Rei sive Correi stipulandi, vel credendi dicuntur, hi Rei promittendi, vel debendi.

Quomodo constituuntur duo pluresve rei stipulandi?

§. 1. *b. r.* **S**i post omnium interrogationem de eadem re; separatim factam, promissor conjuncta oratione respondeat, *Spondeo*, sive, *Utrique vestrum dare spondeo*. Nam si primus uni, deinde alii interroganti respondeat, *spondeatque*, alia atque alia erit obligatio; nec creduntur duo rei stipulandi esse, cum reus promittendi separata sua responsione eos diviserit.

d. l. 2. C. 4.

Quomodo constituuntur plures rei promittendi?

Vers. duos

l. 4. b. r.

Quando duo pluresve stipulanti eandem rem promittunt, sive respondeant vel singuli separatim, vel conjunctim omnes: veluti si Titio stipulanti hoc modo, *Mævi decem aureos dare spondes?* singuli separatim respondeant, *Spondeo*; vel omnes simul, *Spondemus*.

Possuntne plures rei fieri in aliis contractibus?

l. 9. ff. b. r.

Non tantum verbis stipulationis, sed & in cæteris contractibus, veluti emptione, venditione, locatione, conductione, commodato, deposito, duo pluresve rei fieri possunt. Item in testamento sive ultima voluntate,

tate, dummodo appareat hoc actum, ut sint duo rei: ut puta si pluribus hæredibus institutis testator dixerit, *Titius & Mævius Sempronio decem dato.*

Quis est effectus hujusmodi obligationis?

Quod vel singulis solidum debetur, si plures sint rei stipulandi; vel singuli in solidum teneantur, si sint plures rei promittendi. Quo fit, ut unus ex pluribus reis stipulandi exigere solidum possit, perinde ac si solus stipulatus esset, & quidem ab uno ex reis promittendi, licet ad eum nihil pervernerit; v. g. si pecunia alteri numerata sit, fed. uterque de reddenda promiserit: nam per solutionem unius uni factam tuta extinguetur obligatio etiam in personis correorum; cum utique una sit obligatio, una & summa.

§. ex hujusmodi.

l. 2. 3. §. 1. ff. h. t.

l. 4. C. h. t. d. l. 2. in fin.

Correus stipulandi, qui solidum accepit, teneatur alteri communicare; aut correus debendi qui totum solvit, potestne ab altero repetere?

Non videtur, cum cuilibet in solidum debeatur, ut nequeat alter videri recepisse rem communem: est enim eo casu melior conditio primo occupantis. Eadem ratione correus, qui solidum solvit, ab altero non repetet, cum desit adversus eum actio: quæ si qua esset, vel foret actio mandati: de quo non patet, vel negotiorum gestorum, quæ competere nequit, eo quod non tam alienum, quam proprium negotium sit gestum, utpote ab eo, qui in solidum obligatus erat. Nisi tamen sint socii, ut quia simul mutuum acceperint in rem communem, tunc enim ut commode est commune, ita onus; ne res communis uni tantum sit oneri.

Quid hodie juris est circa constitutionem plurimum reorum, & effectum illius?

l. 3. ff. h. t. Jure veteri ad discernendum, utrum aliqui duo rei essent, sedulo inspicere solebat, quid actum esset: seu quæ mens fuisset contrahentium. Hodie vero non datur locus conjecturis, nec spectatur quid actum sit inter contrahentes; sed ita demum intelliguntur constituti, si nominatim dictum expressumque sit, ut singuli in solidum teneantur. Quo casu in solidum conventus postulare beneficium divisionis, ut creditor divisa actione, pro parte tantum virili eum conveniat, si modo, reliqui sunt solvendo, & præsentibus.

Ex duobus reis promittendi, potestne unus pure, alter sub conditione obligari?

§. fin. l. 7. & 9. §. fin. ff. h. t. Potest: atque in hoc casu is, qui pure obligatus est, convenietur nomine ejus, qui se sub conditione obligavit, cum reorum promittendi par sit, eademque causa. Nec temporis locive diversitas impedimento esse debet, quominus duo rei debendi constituentur, quia potest diversitas & imparitas obligationis reduci ad paritatem, per diei aut conditionis eventum. Aliud est, si imparitas non possit reduci ad paritatem, ut si unus etiam culpam promittat, alter non item; verius est, non esse duos reos, a quibus impar suscepta sit obligatio.

TITULUS XVIII.

DE STIPULATIONE SERVORUM.

Stipulantur, aut liberi homines, aut servi ex persona domini.

Servi hereditarii cui acquiritur?

Text. hic in pr. **H**ereditati, & consequenter heredi futuro; quia hereditas in plerisque personam

nam sustinet domini, saltem in acquisitione eorum, quæ juris sunt, non etiam quæ factum personæ desiderant; quo modo usufructum servo hæreditarius inutiliter stipulatur, quia sine persona esse nequit.

l. 61. ff. de
acq. rer.
dom.

Servus proprii cui acquirunt?

Tales, si qui sibi aut conservo dari stipulentur, id domino acquirunt, qui obligationis obtinendæ capax est; nisi tamen stipulatione contineatur factum, veluti, ut ire agere liceat per fundum. Factum enim non transit ad dominum, sed cum sit personale & naturale, expleri per servum potest.

§. sed cum
factum.

l. 38. §. 6.
de V. O.

Servus communis cui acquirunt?

Unicuique dominorum æqualiter, pro portione domini, quod pariter in servo habent. Nisi jussu unius domini adierit, aut alicui stipulatus sit, aut res, quam stipulatur, alterius sit domini. Unde videre est, servum habere jus stipulandi ex persona domini, non sua; cum Jure Civili personam non habeat, & Juris Civiles particeps non sit.

§. ult. h. n.

l. 5. 7. & 37.
ff. b. t.

Text. hic
in pr.

Quid Juris est in liberis?

Liberi, qui in potestate sunt, stipulando parentibus acquirunt, quemadmodum servi domino: hac tamen distinctione, quod servi, ex persona domini, omnibus ex causis ei acquirant; filii vero non ex persona patris, se sua, quam habent liberam, & tantum ex causis peculii profectitii, patri acquirant: si autem sint emancipati, sibi acquirunt.

Verf. idem
juris.

Quæ est Stipulationum divisio?

text. hic in princ. **S**tipulationum aliæ sunt Judiciales, aliæ Prætoriæ, aliæ Conventionales, aliæ Communes, tam Prætoriæ, quam Judiciales.

Quæ sunt Judiciales?

text. hic in princ. l. 15. 16. ff. de jurisd. **Q**uæ a mero Judicis officio proficiuntur: quæ meræ sunt jurisdictionis. Talis est de dolo cautio, quæ in judiciis, jubente Judice, præstari solet, nimirum de re in judiciumeducta restituenda; item cautio de persequendo servo, qui in fuga est, restituendove pretio.

Quæ Prætoriæ?

l. prætorie l. 7. & toto tit. de damno inf. **Q**uæ ex mero Prætoris officio extra judicium interponuntur, super re necdum in judicium deducta: ut cautio de damno infecto, id est, nondum facto, quod futurum veremur, & de legatis præstandis. Illa vicinus sibi cavet a vicino de resarciendo damno, quod occasione ædium ruinosarum timetur; altera stipulantur legatarii ab hærede, de cujus dubitant fide, de legatis recte præstandis.

l. 1. §. 1. ff. ut legat. seu fideic. caus. cav. **S**ed his vero continentur & Ædilitiæ: nam & Ædiles de quibusdam rebus, v. g. venditorem de sanitate pecoris, cavere jubebant.

Quæ Conventionales.

§. convention. **Q**uæ ex conventionem utriusque partis concipiuntur, non jussu Judicis, aut Prætoris; quarum totidem genera sunt, quot, pene dixerim, rerum contrahendarum, nam & mutui, & depositi, & commodati, & empti, & locati nomine stipulationes interponuntur: nec ullum geri potest negotium, cujus

cujus confirmandi causa stipulatio adhiberi non solet.

Quæ denique Communes?

Quæ & jubente Prætorè, extra judicium & interdum officio judicis, in judicio proponuntur: ut cautio Rem pupilli salvam fore, quam præstat tutor: De rato, quam præstat, quicumque alieno nomine agit; & cautio Duplex, qua cogitur venditor repromittere emptori, se duplum pretii restitutum, si res vendita evincatur.

§. communes.

d. l. 5. §. ult. ibi DD.

TITULUS XX.

DE INUTILIBUS STIPULATIONIBUS.

Dictum est, quæ sint stipulationes utiles: pergit nunc tradere, quæ sint inutiles ipso jure; idque vel ratione materiæ, seu rei in stipulationem deductæ, vel ratione personæ, quæ stipulatur, promittitve, vel ratione formæ: quo reduci possunt pleraque tradita hoc Titulo.

Quando igitur ratione rei inutilis redditur stipulatio.

SI quis rem, quæ in rerum natura non est, aut esse non potest, dari stipulatus fuerit, veluti servum, qui mortuus sit, aut hippocentaurum. Nam in stipulationem res, quæ existit, deduci debet, aut quæ existere potest, cujus & dominium acquirere stipulator possit: quia rei impossibilis nulla est obligatio, adeo ut nec æstimatio ejus debeat.

Text. b. in princ.

l. 69. §.

103. ff. de V. O.

l. 135. ff. de R. J.

Quid, si res non sit, aut post incipiat esse in commercio?

Inutilis erit stipulatio: velut si quis rem sacram aut religiosam, vel rem publicam, quæ usibus populi perpetuo exposita sit, vel

§. idem

jur. l. 2. §.

85. ff. h. t.

vel liberum hominem stipuletur. Imo adeo inutilis est, ut nec ex postfacto convalescat, si ex re sacra fiat profana; ex publica privata, aut ex libero homine servus. Quippe inspicitur tempus, quo res in stipulatum deducta fuerit, non futura mutatio: quodque ab initio vitiosum est, non potest transitu temporis convalescere. Nec operabitur sub-
l. 29. ff. de R. J. juncta conditio, Cum res sacra profana, li-
§. item contr. b. t. ber homo servus factus fuerit, dubit: quia in-
 humanum est, hujusmodi casum separare.

Quid, si rem suam dari quis stipuletur?

Verf. vel rem suam b. l. 59. ff. de R. J. Similiter inutilis est stipulatio: quia res
§. sit itaq; de act. l. 82. §. 87. ff. de V. O. quæ ante alicujus est, amplius ejus fieri non
§. item ne- mo 2 l. b. t. potest. In stipulationibus autem agitur de
 dando, id est, dominio transferendo: qui
 §. sit itaq; rem dare tenetur, ita dare debet, ut ejus
 de act. l. 82. fiat, cui dederit. Quo fit, ut nemo rem
 §. 87. ff. de suam sibi dari stipulari possit, tametsi pre-
 V. O. tium rei nostræ nobis dari utiliter stipule-
 §. item ne- mur, itemque rem nostram nobis restitui.
 mo 2 l. b. t. Ex eadem ratione nemo rem suam futuram,
 in casum, quo sua erit, utiliter stipulatur.

Cur vero utilis est ejusmodi stipulatio facta
 sub conditione?

l. 32. §. 89. ff. cod. tit. Sub ea conditione, si nostra esse desierit,
 rem nostram recte stipulamur: quia non est
 contra jus expectare, quod res, quæ nostra
 est, nostra esse desinat; cum vix nunquam
 comparetur res eo consilio, ut perpetuo
 nostra sit.

Quid, si quis alium daturum facturumve quid
 promiserit?

§. si quis alium. Non obligabitur: veluti si spondeat, Ti-
 tium daturum decem; quia de se quemque,
 non de alio promittere oportet. Imo factum
 alienum, cum non sit in potestate promisso-
 ris, videtur quodammodo extra commercium
 con-

contrahentium positum; atque ita dici etiam potest, inutilem hic esse stipulationem, non tam propter personam promissoris aut stipulatoris, quam ratione rei in stipulatione deductæ.

Quid, si promissor effecturum se, ut alter det, aut faciat, sponderit?

Tunc utilis erit stipulatio, quia jam non alienum, sed proprium factum promittit: & tenetur ex hujusmodi promissione ad interesse, prout in reliquis obligationibus, quæ facti, est juris.

Quid, si, quantum in se est, promissor fecerit, tertius autem dare vel facere nolit?

Certe licet culpæ promissoris eo casu nihil possit imputari, quia tamen simpliciter promisit se curaturum, aut effecturum, non excusatur, sed dare aut facere tenetur, cum verbum *Curare*, significet, cum effectu quid præstare, sive ad effectum deducere, non etiam conari. Hinc qui promisit curare decem dari, ipse dare tenetur, aut locum pletem reum offerre, qui pecuniam numerare possit.

Quid, si quis alii, quam ei cuius juri subiectus est, stipuletur?

Placuit, nihil agi eo casu, & per consequens neque civilem neque naturalem oriri inde obligationem; cum stipulationes introductæ sint, ut quisque sibi acquirat, quod sua interest, & non alteri: estque etiam hoc extra commercium contrahentium positum. Procedit autem regula, sive quis quid totum alteri stipuletur, sive partem tantum, cum sit eadem ratio totius & partis. Unde sibi & Titio decem dari stipulatus, non nisi ad quinque actionem habet, quæ stipulatorem concernunt, cum reliqua quinque per-

l. 38. §. 1. ff. de
81. ff. de
V. O.

Vers. quod
ff. h. t.

l. 67. ff. de
V. O.

l. fin. §. 1.
fin. ff. de
reb. cred.

§. si quis
aliis.
l. 1. ff. de
obligat. &
act.

Vers. quod
si quis.
l. 56. ff. de
V. O.

sonam concernant extranei, cui, ut dictum, quæri non potest. Quod ita se habet in stipulatione conjunctiva.

Quid, si oratione disjunctiva quis sibi aut alteri dari stipuletur?

d. §. si quis
alii.

Valet stipulatio, ejusque effectus est, ut obligatio quidem tota stipulatori acquiratur, solutio vero in extraneum conferatur, adeo ut ei solvi etiam invito possit; & prohibente stipulatore. Dicitur autem hoc loco extraneus, in quem solutio confertur, *Adjectus*, quia scilicet solutionis causa in stipulatione adjiciatur. Stipulatori porro contra l. 131. §. 1. adjectum, cui forte solutum est, ad id repetendum mandati datur actio. Mandasse enim faltem tacite hoc videtur, ut, quod ex solutione accepisset, redderet.

Verf. plane.
l. 131. §. 1.
ff. b. t.

Licetne igitur stipulari personæ juri tuo subjecta?

§. ei vero.

Omnino licet: ita enim pater filio in potestate constituto, & dominus servo utiliter stipulatur: ac vice versa: quia non tam alteri, quam sibi sit stipulatio, quandoquidem patris & filii eadem quodammodo sit persona, & vox patris tamquam vox filii intelligatur, & contra, utique in iis rebus, quæ patri filiove acquiri possunt. Dico in potestate; quia filio emancipato, qui pro extraneo est, inutiliter stipulatur pater, cum cesset fictio ejusdem personæ, sive identitatis personalis.

l. 39. l. 56.
§. 2. ff. de
V. O.

Quid, si vero quis stipuletur ab eo, cujus juri subjectus est?

§. item inutilis.

Is inutiliter stipulatur, ut puta servus a domino, filius a patre: aut vice versa, dominus a servo, pater a filio: quia cum istæ personæ pro eadem persona habeantur, viderentur sibi ipsi & a se stipulari. Quo fit, ut inter tales non oriatur civilis obligatio: natu-

naturalis tamen recte oritur, quia natura non habentur pro eadem persona.

Quod hac in re discrimen est inter filium & servum?

Quod filius, cum habeat personam liberam, obligetur extraneis etiam civiliter servus nec domino, nec extraneis, cum pro nullo habeatur: sed naturaliter obligatur, cum natura æque sit homo, ac filius.

l. 22. & l. 107. de R. J. l. 39. & 43. ff. de obl. & act.

Quid, si ad ea, quæ interrogatus quis fuerit, non debite respondeat?

Inutilis est stipulatio, idque ratione formæ, quæ a lege data est stipulationi, & constat consensu: consistitque in eo, ut responsio congruat interrogationi, & ut interpretæ fiat. Variis autem casibus dicitur quis ad ea, quæ interrogatus fuerit, non congrue respondere: veluti si ego stipuler Pamphilum, tu rem aliam intelligas, vel res diversas promittas: aut si pure stipuler, tu sub conditione promittas: vel vice versa, si ego in diem, tu præsentis die: aut si stipuler, *Intra Kalendas quintas*; & tu respondeas, *Dabo Idibus*. Quibus casibus ideo inutilis est stipulatio, quia non concurrit utriusque consensus in diem placitum; nisi stipulatori illico placuerit diversitas responsionis, tunc enim alia stipulatio contracta esse videtur.

§. præterea §. b. s.

l. 1. l. 3. d. t.

Sed quid, si quis decem aureos a te dari stipuletur: tu quinque promittas, vel contra?

Eo casu, quamvis inutilis videatur stipulatio, integrum debitum vacillet, ut loquitur Cælius, propter diversitatem responsionis; quia tamen responsio interrogationi congruit saltem pro parte, in eamque utriusque concurrat consensus, cum major summa

d. §. præterea.

ma includat minorem, utilis erit stipulatio, perinde ac si in quinque contracta esset obligatio, quia decem insunt viginti. Idem igitur ex adverso erit; si stipulanti quinque promittantur decem: nam utrobique est lucrum.

Quid juris est de surdo aut muto stipulante?

§. *mutum*, Plane inutilis erit stipulatio, tam ratione
l. 1. in pr. formæ, quam personæ, quippe quæ non pos-
ff. de V.O. sit nisi utroque loquente & se invicem exau-
diente perfici. Nec interest, natura aut ca-
su quis hisce vitiis laboret: nam licet hic
possit quidem intelligere, quid agat, nihil
tamen ea res ad stipulationem, quam non
consensus, sed verba ponunt.

Quid de furioso ac prodigo?

§. *furiosus*. Furiosus non modo stipulari non potest,
l. 124. §. sed nec ullum aliud negotium gerere, quia
fin. ff. de non intelligit, quid agit, cum intellectu
R. J. careat, & propterea ne quidem naturaliter
obligatur; absentis enim & quiescentis lo-
co habetur.

-l. 6. ff. de Prodigus, cui bonis est interdictum, cum
V. O. similis sit furioso, & furiosum in bonis suis
exitum facere dicatur, nec stipulatur recte,
nec obligatur naturaliter. Attamen stipu-
lando sibi acquirit, tradere vero non potest,
vel promittendo obligari. Idem autem alium
sibi obligare potest, quia quod in favorem
ejus est introductum, ut scilicet alienare &
diminuere non possit, non debet in ejusdem
odium retorqueri.

Quid de pupillo stipulante?

§. *pupillo*. Distingue: *Pupillus infans & infantia pro-*
l. 70. in fin. *ximus*, neque stipulari, neque promittere
ff. de V.O. potest, ne quidem tutore auctore: quia fari
l. 1. §. 13. nequit, & ut maxime loquatur, tamen non
intelligit, quid loquatur. Quamvis in pro-
ximis infantia, propter utilitatem eorum,

ex

ex æquo & bono receptum sit, ut idem juris habeant, quod proximi pubertati. Pupillus autem *pubertati proximus*, quia intelligit, quod agit, sibi recte stipulatur, omneque actus recte gerit, quibus sibi alios obligare potest, non ipse aliis obligari, quia tunc tutoris desideraretur auctoritas. l. 5. §. 189. ff. de R. I.

Quæ differentia est inter impuberem, qui est in patria potestate, & qui est in tutela?

Quod qui in potestate est patris, ne qui dem patre auctore obligetur; qui vero in tutela, tutore auctore obligari possit: Ut ita hac in re plus tutoris valeat auctoritas, quam patria potestas. Ratio differentiæ est, quia pupillo semper cautum est contra tutorem, si forte obligatio sibi fuerit damno- sa: filio contra patrem non item: nam tu- tor actione tutelæ pupillo tenetur: filio in patrem nulla competit actio ob rem male gestam, & paterna reverentia patrem excu- sat a ratiociniis. Vers. sed qui l. ult. §. 2. ff. de V. O. l. ult. §. fin. autem C. de bon. mater.

Quid, si conditio impossibilis adjecta fuerit stipulationi?

Nihil valet ejusmodi stipulatio, defectu formæ, hoc est consensus, qui defuisse ex adjectione conditionis impossibilis intelli- gitur. Quinimo impossibili conditione adje- cta, etiam cæteri vitiantur contractus; ex eadem ratione: quia in ea re, quæ ex duo- rum pluriumve consensu agitur, omnium voluntas spectatur, quorum talis est cogi- tatio, ut nihil agi existiment, apposita ea conditione, cujus eventum sciant esse im- possibilem. Aliud jus esse in testamentis, dictum supra. §. si impos- sibilis. l. 32. ff. de O. & A. l. 35. ff. de V. O.

Quenam dicitur conditio impossibilis?

Conditio impossibilis habetur, cui natura impedimento est, quominus existat; veluti, Tit. 14. l. 15. ff. de Si cond. inst.

l. 185. l. 135. ff. de R. J. l. 7. 8. ff. de oblig. l. 117. ff. de Vs O. Si cælum digito tetigero, dare spondes? natura, id est, facto ipso, impossibilis: vel cui ipsa lex impedimento est, ut Spondeo tibi sororem, si maritum ejus interfeceris; cum nec contra leges facere non posse credendum sit. Alia vero est conditio impossibilis in faciendo, ut, Si cælum non attigero, dare spondes?

Cujusmodi stipulatio pure facta censetur, nec suspendit obligationem, (quia revera non est conditio) ut per ea statim peti possit; quia quæ per rerum naturam certa sunt, obligationem non morantur.

Quid juris est de stipulatione inter absentes concepta?

§. item verborum. Ita intelligenda l. 57. ff. de donat. inter vir. & ux. Ea quoque inutilis est defectu formæ, ex eo nimirum, quod constare ultro citroque interrogatione & responsione nequeat, quod hic requisitum omnino est necessarium. Qua ratione verba stipulationis scriptura supplere non potest; si tamen verba præcesserint, erit ea cautionis loco. Interdum & probationis causa solent verba in scripturam redigi.

Sed quid, si in scriptura babeatur, aliquem promississe, promissor vero asserat, se tunc absentem fuisse?

Vers. sed cum l. pen. C. de cont. scrip. Decisum est Justiniani Constitutione, secundum scripturam publicam censeri omnia legitime acta, eique standum esse, donec asserens se abientem fuisse, manifestissimis probationibus, vel per scripturam, vel per testes idoneos; probaverit, sese vel adversarium suum toto eo die, quo conficiebatur instrumentum, aliis in locis fuisse: ita ut non potuerit promittere eo die, quo dicitur scriptura confecta.

Licetne stipulari post mortem stipulatoris, aut promissoris?

Olim non licebat, veluti, *Pridie quam moriar, dare spondes?* quia videbatur impossibilis conditio; & alteri facta stipulatio. Deinde obstabat regula, quod obligatio, §. post mortem, quæ non coeperat a defuncto vel contra defunctum, non posset incipere ab hærede, l. un. C. Ut vel contra hæredem. Hodie cum ea regula ab hæredibus & contra hæredes incipiant, valet C. de cont. stipulatio, sive post mortem, sive pridie stip. quam moriatur stipulator vel promissor, concepta sit.

Quid censes de præpostera stipulatione?

Olim & illa inutilis erat: ut, *Si navis ex Asia cras venerit, dare hodie spondes?* quia hic ante eventum conditionis concipitur, oriturque obligatio, quod est præposterum, & repugnans naturæ conditionis, ut scilicet suspendat obligationem, donec conditio impleatur. Hodie valet, cum in contractibus non tam verborum subtilitas, quam contrahentium mens inspiciatur, ea nimirum, ut, si conditio postea extiterit, tum præstetur id, quod in stipulationem fuerit deductum, perinde ac si simpliciter petatum esset.

§. item si quis.
l. 64. ff. de V. O.
l. 13. C. de testament.

Quid de hac stipulatione, Cum moriar, dare spondes?

Ea & apud veteres utilis erat, & nunc quoque valet: quia sic non tam post mortem, quam vita promissoris aut stipulatoris durante, oritur obligatio, tempusque *Cum moriar*, id est, mortis, tribuitur vitæ, adeoque ultimo vitæ momento talis conditio stipulatioque impleri potest. Nec facit, quod tempus illud non nisi post mortem sciri possit, cum res ipsa inspiciatur, quam ignorantia

§. ita autem.

tia nostra non mutat. Dicitur autem, *dare spondes non facere*: Nam factum, ut *ire Romam*, inutiliter olim promittebatur in tempus mortis, utpote impossibile. Hodie non distinguitur factum a datione.

Stipulatione post mortem concepta, a quo exigetur?

Hæres stipulatoris exiget ab hærede promissoris, qui præstare tenetur promissum. Unde patet, recte concipi, stipulationem post mortem etiam alterius quam stipulatoris aut promissoris, quia stipulationes valent ex consensu contrahentium, quorum libertas non est hac in parte restringenda.

Quid, si plures res una stipulatione comprehendantur?

§. quoties. Si quidem promissor simpliciter respondeat, *Promitto*, propter omnes tenebitur. Neque enim necesse est, omnia quæ in stipulatione expressa sunt, in promissione repeti. Quod si promissor ex omnibus rebus, in stipulationem deductis, unam vel quasdam daturum se sponderit, obligatio iis, pro quibus sponderit, contrahitur. Tot namque sunt stipulationes, quot species, vel summæ, & singularum rerum expressio singulas distinguit stipulationes.

*§. præterea
h. t. l. 29. &
l. 134. in
fin. ff. de
V. O.*

Valeatne stipulatio sic concepta, ut alii deus vel acquiratur?

Non valere, dixi supra, inventasque esse huiusmodi obligationes ad hoc, ut unusquisque acquirat sibi, quod sua interest. Unde Ulpianus: *Nec paciscendo, neque legem dicendo, nec stipulando, quisquam alteri cavere potest*. Excipe igitur. I. *Nisi ejus, qui alteri stipulatur, interfit*: veluti cum quis administrationem tutelæ cedens suo contutori, ab eo stipulatur rem pupilli salvam fore;

*§. alteri.
§. sed & si
quis vers.
plane h. l.
73. §. fin. ff.
de R. J.*

hoc

hoc casu, quia non tantum pupillo, sed & sibi consulit, utilis est stipulatio. II. *Nisi pœna adjiciatur*, in eum casum, quo stipulationi non fiat satis. Est enim pœna hic in obligatione, eaque cedit stipulanti, etiamsi ejus non intersit, quia non tam consideratur interesse, quam conventio.

Quid, si de alia re stipulator, de alia promissor senserit?

Perinde nulla contrahitur obligatio, ac si ad interrogationem responsum non esset: veluti si homo Stichus a te stipulatus sit, & tu de Pamphilo senseris, quem Stichum vocari credebas: Diversitas enim responsionis vitiat stipulationem. Deinde stipulatio, uti cæteri contractus, ex consensu contrahentium valet: ubi autem error est in re, siue corpore, non est consensus. Unde regula: *Non videntur, qui errant, consentire*. Dico, *si error sit in re*; quia si erretur circa nomen aut qualitatem, ut si mensa promissa, quæ putabatur aurea, sit ænea, utilis est stipulatio, licet emptio sit inutilis.

§. si de alia.

l. 83. §. 1. l.

1. 37. §. 1.

ff. de V. O.

l. 116. §.

ult. ff. de

R. J.

Quid, si turpi ex causa aliquid promissum sit?

Hujusmodi stipulatio adeo est inutilis, ut nec adjectione pœnæ, aut juramenti convalescat. Regulariter enim quem principalis conventio non obstringit, eum nec promissio tenet pœnæ. Neque interest, stipulatio sit concepta in faciendo, vel in non faciendo: cum turpe sit & flagitiosum, exigere pœnam, ne delictum fiat, a quo quis abstinere ex officio tenetur.

§. quod

turpi 7. §.

3. ff. de pa-

ctis l. 23. ff.

de V. O.

Si quis sub conditione stipuletur, & ante eventum ejus moriatur, valetne stipulatio?

Olim non valebat: hodie valet, & ad hæredem transmittitur: ita ut hæres stipulatoris agere, & promissoris conveniri pos-

§. cum

quis l. 17.

ff. de V. O.

l. 8. ff. de

O

fit: R. J.

fit : quia non tantum nobis contrahimus , sed & hæredibus nostris . Deinde conditio existens retrahitur ad tempus contractus , & perinde habetur , ac si ab initio pure fuisset contractum . Aliud est in legato ; neque enim transit spes conditionis ad hæredem : quia solius legatarii accepta est persona , eique bene voluit testator , non etiam hæredi ejus , ut dictum supra -

Qui anno , aut mense dari stipulatus est , quando tenetur ?

§. qui hoc anno.

l. 17. §. sic-
uti ff. de
R. J. l. 49.
ff. de con-
dit. & de-
monstr.

Talis nisi omnibus partibus anni vel mensis præteritis , non recte petet , quia tempus totum in favorem debitoris adjectum est : qua ratione ante extremum anni diem non est in mora debitor , & non nisi finito die . Aliud est in obligatione pura : ea enim agi omnino potest , cum temperamento tamen temporis , quo traditio fieri possit , quod arbitrio relinquitur Judicis , neque enim cum sacco creditor statim adesse debet .

T I T U L U S XXI.

DE FIDEJUSSORIBUS .

Superius de principali obligatione actum fuit : nunc de accessoria seu fidejussoria ; quæ cum etiam verbis contrahatur ; recte sequitur post Titulum De verborum obligationibus seu stipulationibus .

Quis dicitur Fidejussor ?

Text. h. &
l. 24. ff. eod.
l. 1. §. 8. de
obl. & act.

Qui alieno nomine obligatur , id est qui sua fide ac periculo esse jubet , quod alteri creditum est . Dicitur & Repromissor , & Adpromissor , quippe qui idem promittat , quod alius debet : olim etiam Sponsor dicebatur .

Quid

Quid est Fidejussio?

Fidejussio est *contractus*, qui *verbis constat* §. 1. h. t. *accedens firmandæ obligationi alienæ*; dum scilicet pro debitore principali alius fidem suam interponit apud creditorem, si contigerit, illum fide & bonis deficere. Dico, *verbis*: remota enim stipulatione promissio pro alieno debitore est *Constitutum*; vel, si antecedit obligationem, *Mandatum*. Dico, *accedens*: quia fidejussoria obligatio est accessio principalis.

Quare introducta?

Fidejussores accipi a creditoribus solent, §. ult. sup. dum curant, ut diligentius sibi cautum sit. *quibus* Est quidem interdum iis cautum nuda & *mod. re* juratoria cautione, at multo magis inter- *contr. obl.* ventu pignoris, aut personæ seu fidejussoris: cujus fides utrique, & debitori & creditori prodest: illi, quo magis ei credatur; huic, quo magis ei in tuto sit creditum.

In quibus obligationibus assumi fidejussores possunt?

In omnibus, id est, sive re, sive verbis, *Text. hic* sive litteris, sive consensu contractæ fue- *& in l. 1.* rint: Imo & obligationibus, quæ ex deli- *ff. eod.* cto nascuntur, quatenus agitur civiliter, recte accedit fidejussor.

Interestne, utrum civilis, an naturalis sit obligatio?

Non interest: quia & naturalis vera est *Text. hic.* obligatio, licet ex se satis sit infirma, quam proinde fidejussor accessione sua munit & firmat. Qua ratione pro pupillo, qui tantum tenetur naturaliter, recte intercedit fidejussor, qui etiam obligatur civiliter: alias fidejussio foret sine effectu. Idem in servo *L. 35. & 37.* juris est, eoque casu fidejussor tenetur tam *§. 3. ff. h. t.*

*Weſembec.
hic.*

domino, quam extraneo, qui fidejufforem a ſervo acceperint. Non movet, quod videatur durius obligari, quam principalis; nam id ſibi imputet, cum potuerit abſtinere a fidejuffione. Deinde quod dicitur, in duriorem cauſam non poſſe fidejuffionem accipi, id intelligendum eſt ratione materiæ, non vero quoad fidejuffionis effectum.

Fidejuffor poteſtne præcedere obligationem?

§. fidejuffor & præcedere.

*l. 46. & 17.
ff. b. t.*

Poteſt & præcedere obligationem, & ſequi, hoc eſt, accedere obligationi & contractæ antè & futuræ. Verum cum principalem obligationem præcedit, non ſtatim conveniri poteſt, ſed tum demum, cum reus debet. Quod enim fidejuffio dicatur ſequela & acceſſio obligationis principalis, id non ad ordinem temporis; ſed ad conditionem ipſius obligationis pertinet, quæ effectum exactionis producere non poteſt, antequam reus aliquis principalis debeat.

Solusne ex fidejuffione tenetur fidejuffor?

*l. 49. ff. de
O. & A.
l. 59. ff. de
R. J.*

Non, ſed etiam hæredem relinquit obligatum, cum rei locum obtineat; *ejuſdem enim poteſtatis jurisque eſt, cujus fuit defunctus*. Etenim omnis obligatio ex contractu & quaſi ex contractu, in hæredes eſt tranſitoria. Unde & hæredi creditoris ſalva eſt actio, ex obligatione quaſita ipſi creditori, niſi aliud ſit actum.

Quid, ſi plures fuerint fidejuffores, qualiter illi obligantur?

§. ſi plures.

Olim ſinguli, quotquot erant numero in ſolidum tenebantur, & conveniri in ſolidum poterant a creditore; cui & liberum erat, a quo vellet, ſolidum petere, & convenire fidejufforem, non ſolum omiſſis pignoribus, verum etiam reſicto reo principali, niſi aliter conveniſſet. Verum ex Epistoſta D. Hadria-

driani fidejussoribus tribuitur divisionis beneficium, quo compellitur creditor a singulis fidejussoribus, qui modo solvendæ sint litis contestatæ tempore, partes petere; idque ut æqualitas sit inter æqualiter obligatos. Si vero quis ex fidejussoribus eo tempore solvendo non sit, hoc cæteros onerat.

l. 10. l. 20.
27. & seq.
l. 51. ff. & l.
3. 10. §. 1.
C. b. t.

Quid, si ab uno fidejussorum creditor totum consecutus fuerit?

Hujus solius detrimentum erit, si is, pro quo fidejussit, solvendo non sit: & sibi imputare debet, cum potuerit juvari ex Epistola D. Hadriani, quod juris beneficium spreverit, nec desideraverit, ut pro parte in se detur actio. Cautus ergo esse debet fidejussor, qui in solidum convenitur, & vel divisionis beneficium petere, vel, priusquam solvat, petere, ut creditor actiones suas ipsi cedat, præstat, mandet, & si quæ habeat pignora, in se transferat.

Vers. sed si
ab uno.

l. 17. ff. l. 2.
& l. 11. C.
b. t.

Licetne creditori reum principalem convenire fidejussorem?

Olim, ut dixi, licuit, nisi expresse aliud convenisset. Hodie non licet, sed tenetur prius reum principalem convenire & excutere (quod vocant beneficium ordinis sive excussionis) nisi hic manifeste sit in solvendo vel fuerit absens; quo casu voluit Justinianus fidejussorem ita conveniri, ut tamen, si desideret sibi dari tempus, intra quod evocet, adducatque reum primo conveniendum, id Judex ei pro locorum distantia statuere debeat, ea lege, ut transacto tempore cogatur fidejussor respondere creditori, & condemnatus satisfacere.

Novell. 4.
Auth. præ-
sente Cod.
b. t.

Potestne fidejussor in plus obligari, quam principalis debeat?

Non potest: nam fidejussoris obligatio est §. fidejussor
O 3 acces- res ita.

l. 1. ro. ff. de R. J. accessio principalis obligationis, nec plus in accessione esse potest, quam in re principali. Hinc quia plus est pure promittere, quam sub conditione; ideo sub conditione fidejussor intercedere potest; non e contra; quia non potest se obligare in duriores causam, nec in maiorem quantitatem. In minorem potest: neque enim est necesse, ut accessorium adæquet principale.

Quid igitur, si quis in maiorem summam si-
ve quantitatem sese obligaverit; eritne
inutilis obligatio?

l. 8. §. 7. ff. De V. O. Sunt qui existimant, eam in totum esse
l. 1. §. 4. ff. ibi DD. inutilem. Sed rectius sentiunt, qui susti-
nent, non vitiari omnino fidejussionem,
sed valere saltem quoad concurrentem quan-
titem, ne utile per inutile vitietur; ar-
gumento stipulationis, ubi detracto eo,
quod est inutile in stipulatione, reliquum
sustinetur.

Quid, si denique pro reo solverit fidejussor,
qua actione id, quod solvit, recuperabit?

§. si quid. Si pro eo, qui præsens est, fidejusserit,
ac solverit, habet mandati actionem, qua
repetet id quod solvit, ne officium suum sit
damnosum: nisi pro invito ac prohibente
fidejusserit; quia tunc videtur donasse. Ideo
vero actio datur mandati, quia videtur reus
principalis id ipsum ei mandasse, ut suo no-
l. 6. C. & l. 6. §. 2. ff. mand. mine solveret. Dixi (si solverit) nam ante
l. 5. ff. de re. jud. solutionem, quia mandatum necdum est pe-
ractum, nulla est actio fidejussori, nisi jam
condemnato, quia eo casu habetur, ac si
solvisset; cum sententia habeat paratam
l. fin. C. de neg. gest. executionem. Quod si quis fidejusserit pro
absente, ei competit actio negotiorum ge-
storum.

Quid,

Quid, si in instrumento scriptum sit, aliquem fidejussisse?

Sufficit ad hoc, ut valeat fidejussio: adeo-
quidem, ut, si ipse fidejussor, conventus
postea a creditore, neget fidejussionem le-
gitime factam, quia dicat, stipulationem
non intervenisse, vel non recte factam, pro-
pter diversitatem responsionis, non fidejuf-
foris obligationi, sed huic instrumento,
quavis lingua conscripto, credatur. Id enim
rite factum præsumitur, donec contrarium
demonstretur. Licet ergo *Librarius in tran-*
scribendis stipulationis verbis erraverit, nihil
nosere, ait Scævola, quominus & reus & fi-
dejussor teneatur; quæ regula procedit non
solum in stipulationibus, sed etiam in te-
stamentis. Etenim errore scribentis in te-
stamentum, juris solemnitas mutari non po-
test, quando minus scriptum, plus nuncu-
patum est.

l. 1. §. fin. l. C. de contr. stip.

l. 18. C. de prob.

l. 92. ff. de R. J.

l. 7. & 24. C. de test.

TITULUS XXII.

DE LITTERARUM OBLIGATIONE.

Quomodo litteris contrahitur obligatio?

SI quis debere se scripserit, quod sibi nume-
ratum non est; nimirum quando quis in-
strumento rite confecto confitetur, se pecu-
niam certam accepisse, quam tamen non-
dum acceperit, licet a creditore promissa
sit numeratio. Quod speciale est in mutuo,
quia solent homines, præsertim egentes, fa-
ciles esse in dandis ejusmodi cautionibus sive
chirographis, spe futuræ numerationis.

Text. h. t.

Ligatne talis obligatio, solutione non secuta?

Certe stricto jure se obligat, qui consen-
tit scripturam, eandemque conficit; non
enim videtur quis temere se scripssisse debi-
torem; & præsumit lex pro scriptura, nem-

Tit. C. de non nu- mer. pec.

pe scripturam seu instrumentum esse verum, & pecuniæ numerationem revera intervenisse. At vero ex æquo & bono, non secuta numeratione, potest debitor in judicio cautionem repetere, opponendo exceptionem non numeratæ pecuniæ dicendo, se quidem cavisse, sperans sibi pecuniam mutuo dandam; verum numerationem pecuniæ, cautione comprehensæ, sibi factam non esse.

Quæ ratio hujus exceptionis?

Illa consistit in improbitate creditoris, qui cautione accepta ab indigente debitore, pecuniam numerare differt, & nihilominus quasi eam numerasset, repetere non erubescit; quem ideo, ne ex sua improbitate lucratur, æquum est hac exceptione repelli.

Intra quod tempus opponenda est hæc exceptio?

§. multum. Olim intra quinquennium, a tempore dati
l. 14. C. d. t. chirographi, opponi docuit. Hodie ex Justiniani Constitutione intra biennium, & quidem continuum, opponenda est, ne contingat, creditores diutius suis pecuniis defraudari. Similiter permisit idem Imperator creditori, pecuniam debitam exigenti: adversus apocham a se datam excipere de pecunia non soluta, sed intra triginta dies, quibus lapsis, deinceps audiri non debet; Idque favore liberationis.

Quis est effectus hujus exceptionis?

l. 5. C. 10. Quod debitor, si eam intra prædictum tempus opponat, non solum liberetur, verum
C. de non num. pec. etiam onus probandi rejiciat in ipsum creditorem sive actorem, ita ut, donec is probaverit numerationem a se factam, non cogatur ad solutionem: ideoque privilegiata hæc est exceptio, cum alias qui excipit, probare exceptionem suam debeat, & regulariter contra eum sit præsumptio, quia cautio-

tionem emisit, qua se fateatur alicujus rei debitorum, nisi contrarium ipse probaverit.

Quibus casibus cessat ista exceptio?

Si debitor agnoscens cautionis fidem, partem sortis vel usurarum solverit: si transactionis causa certam summam caverit: si substitutus sit reus in locum, qui erat obligatus, quia pecuniam acceperit: si quis caverit argentariis certam quantitatem: si instrumentum concernat depositiones certarum rerum, aut securitates publicarum functionum. Denique lapsu biennii, nam tempus illud facit fundatam videri creditoris intentionem.

*l. 4. §. 11.
C. d. r.
Nov. 156,*

*l. 14. §. 1.
C. d. r.*

T I T U L U S XXIII.

DE OBLIGATIONIBUS EX CONSENSU.

Quae obligationes dicuntur contrahi consensu?

Consensu fiunt obligationes in Emptionibus, Venditionibus; in Locationibus, Conductionibus; in Societatibus, Mandatis.

*Text. hic
in pr.*

Cur istis modis obligatio dicitur consensu contrahi?

Quia neque scriptura, neque praesentia omnimodo opus est: at nec dari quidquam necesse est, ut substantiam capiat obligatio; sed sufficit, eos qui negotia gerunt, consentire. Unde inter absentes, per epistolam vel nuncium, talia negotia geruntur. In ceteris autem contractuum generibus non sufficit nudus consensus, sed praeter consensum, vel scriptura est necessaria, ut in litterarum obligatione, vel praesentia & verba, ut in stipulatione: vel denique datio, ut in contractibus, qui re fiunt.

*l. 2. §. 1.
48. ff. de oblig.*

Cujusmodi sunt hi contractus?

Omnes sunt bonae fidei: quia in iis non

*l. 11. in pr.
ff. de act.
so- empt.*

solum præstandum venit, quod a contrahentibus dictum est, verum etiam, quod naturalis suadet æquitas: quod scilicet alterum alteri ex bono & æquo præstare oportet, quamvis lingua non sit expressum: cum ibi contractus maxime necessarii sint ad vitæ societatem, in quo differunt a contractibus

§. in bona stricti juris, in quibus non aliud invicem
inst. de act. contrahentes præstant, quam quod diserte
expressum fuerit.

*In quo vero differunt hi contractus a
superioribus?*

§. fin. b. l. Quod in his contractibus ultro citroque
19. ff. de oriatur obligatio; ex superioribus quidem
V. O. ab uno latere tantum obligationem pariant.
Hinc ex mutuo, stipulatione; scriptura,
tantum tenetur, qui accepit, promisit, cavit.

T I T U L U S. XXIV.

DE EMPTIONE, ET VENDITIONE.

Quid est emptio venditio?

§. 1. ff. de St. contractus, quo res aliqua per mutuum
de pr. verb. consensum pretio commutatur. Ex quo ultro
citroque oritur obligatio; tam enim emptor venditori, quam venditor emptori obligatur: ille ad persolvendum pretium, hic ad rem tradendam. Perficitur solo consensu, sed impletur sive consummatur rei traditione, & pretii numeratione.

In quo differt a Permutatione?

l. 1. ff. de Quod in permutatione res pro re datur,
rev. perm. seu pecunia pro pecunia, nec statim ex
text. b. in lo consensu nascitur obligatio, sed demum
princ. re secuta. In emptione & venditione aliter
se res habet, quæ continuo perfecta est, simul
atque in rem & pretium fuerit consensus, quamvis nondum sit numeratum pretium,
l. 35. ff. de contr. em- tium, nec rei traditio subsecuta, ac ne arrha
pi. qui

quidem data. Nam quod arrhæ nomine datur, argumentum est emptionis & venditionis contractæ, sive ut probari evidentius possit convenisse de pretio. Itaque de substantia hujus contractus sunt hæc tria, merx, sive res, quæ vaneat, pretium, consensus; non etiam quod arrhæ nomine datur; non traditio ipsius rei ac dominii translatio; cum possit & aliena res vendi; non denique scriptura, nisi aliud placuerit contrahentibus; quæ tunc quoque tantum fidem faciet, non vero formam tribuet contractui; quamquam & forma scripturæ omnino sit servanda. *l. 117. C. de fidejuss.*

Quid, si igitur placuerit contrahentibus confici scriptura hunc contractum?

Tunc non aliter perfecta erit emptio & venditio; nisi instrumenta emptionis fuerint conscripta, & omnibus suis numeris absoluta. Quare quamdiu aliquid ex requisitis deest, tamdiu poenitentiae locus erit, & recedere a contractu licebit, etiam sine poena: nisi quid forte arrharum nomine sit datum, quod perdit is, qui dedit, si adimplere contractum recuset: in duplum reddendum, si steterit per eum, qui accepit. Et hoc quoque obtinet in emptione, quæ sine scriptura consistit.

Cujusmodi debet esse pretium?

Cum nulla emptio sine pretio esse possit, *l. 16. ff. de R. J.* & dicatur imaginaria, quæ sine pretio sit; ideo constitui oportet *certum pretium*: quia donec pretium definitum non est, non nascitur obligatio; sive id contrahentes certo definierint expressa ab initio quantitate, sive aliunde constet, nempe relatum eo, unde jam vel sit, vel fieri possit certum; veluti, *Tantum dabo, quanti emisisti*: aut, *Quantum pecunia in arca habeo, tanti emo*, cum nihil

inter, ut verbum designetur, an alias sufficiat demonstratur per relationem ad rem certam.

Quid, si nunc ipso domino rem vendidit?

Si minus vendidit, res quidem dicitur vendita, non tamen alienata. Vendita quidem respectu ipsius contractus, alienata non est. propter naturam venditæ rei exceptionem. Quæ pertinet regula, Aliud est vendere, aliud vendenti cedere: quasi non videtur alienatum, quod adhuc in dominio venditoris manet.

Quid, si pretium inferatur in arbitrium alterius contrahentis.

Et cum antea erit venditio, siue contractus in arbitrium emptoris, veluti, Vende mihi tantum, quanti estimaveris, vel quanti optaveris: siue in arbitrium venditoris, quanti sis estimaveris. Ratio redditur, quia cum obligatio sit juris vinculum, quo necessitate adstringimur alicujus rei servandæ, inutilis erit contractus, impenitentis obligatio, quæ nulla necessitate adstringit contrahentes.

Quid ergo, si inferatur in arbitrium alicujus tertii, ut quanti estimaverit Titius?

Inter veteres titis hoc dubitabatur, consistere venditio, an non? Verum Justinianus placuit, valere venditionem, quasi contractum in conditionem, adeo ut pretii pretio sit. potestum Titius rem estimaverit, pretiumque sesserit. Qui si noluerit, aut non voluerit rem estimare, venditio ob conditionis defectum pro nihilo erit, & nullus momenti.

Quid?

Quid , si tertius ille inique arbitratus fuerit?

Placet quibusdam , ut tunc reductio fiat ad arbitrium boni viri argumento societatis. Verius tamen , ex mente Justiniani , pretium omnimodo solvi oportere , prout tertius fuerit arbitratus , cui soli illud specialiter commissum fuit . Nec est par ratio societatis & venditionis , quoniam in contractu societatis non est aliud remedium , nisi definitio partium , ab arbitratore inique statutarum , corrigatur arbitrio boni viri . In contractu autem venditionis , si modica sit læsio , ea ferenda est : si immodica , excedens dimidiam partem iusti pretii , tunc datur remedium ; h. 1. Cod. de rescind. vind. Est autem arbitrium boni viri , quod in rebus suis quis faceret , vel quod vellet sibi fieri ab aliis ; quod si cum æquitate & bona fide pugnet , iudex interpellatus infringendi potestatem habet , & ad boni viri arbitrium reducet .

l. 6. & l. 67. cum seq. ff. pro socio.

d. l. ult. ibi interpr.

l. 22. ff. de R. J.

l. 74. ff. pro socio.

Quæ est materia pretii?

Pretium in numerata pecuniâ consistere debet . In quo distinguitur a permutatione , in qua res pro re datur , at in emptione pretium pro re , estque æstimatio valoris rei venditæ ; quo nomine pretium emptionis differt a locatione , in qua datur pecunia pro mercede seu pensione , non pro æstimatione rei . Interdum etiam pensio locationis consistere potest in alia re , quam pecunia , sine qua tamen emptio non contrahitur .

§. item pretium l. 3. C. de cont. empt. & l. 1. ff. eod.

Emptione & venditione contracta , rei venditæ periculum ad quem pertinet?

d. §. cum autem.

Ad emptorem , licet ei res tradita non sit . Non obstante regula communi , qua dicitur , rem domino suo perire , venditorem autem ante traditionem manere dominum rei venditæ ; neque enim domino dumtaxat , sed &

l. 35. §. 4. & seq. ff. d. t. l. 8. de par. & boni rei cre- vend.

interfit, res verbis designetur, an alias sufficienter demonstraretur per relationem ad rem certam.

Quid, si alius jussu domini rem vendidit?

l. 160. ff. de R. J.

Si minoris vendidit, res quidem dicitur vendita, non tamen alienata. Vendita quidem respectu ipsius contractus, alienata non item, propter inutilem venditæ rei exceptionem. Quo pertinet regula, *Aliud est vendere, aliud vendenti consentire*: quasi non videatur alienatum, quod adhuc in dominio venditoris manet.

Quid, si pretium conferatur in arbitrium alterutrius contrahentis.

l. 35. §. 1. ff. de l. 11. C. d. t.

Eo casu inutilis erit venditio, si conferatur in arbitrium emptoris, veluti, *Vendo tibi fundum, quanti æstimaveris*, vel *quanti æquum putaveris*: si in arbitrium venditoris, *quanti ille æstimaverit*. Ratio redditur, quia cum obligatio sit juris vinculum, quo necessitate adstringimur alicujus rei solvendæ, inutilis erit contractus, imperfectaque obligatio, quæ nulla necessitate adstringit contrahentes.

Quid ergo, si conferatur in arbitrium alicujus tertii, veluti quanti æstimaverit Titius?

Verf. ad nostra.
Verf. sin. autem.
l. ult. C. de cont. empt.

Inter veteres satis hoc dubitabatur, constaretne venditio, an non? Verum Justiniano placuit, valere venditionem, quasi collatam in conditionem, adeo ut pretii pretio sit, postquam Titius rem æstimaverit, pretiumque definierit. Qui si noluerit, aut non potuerit rem æstimare, venditio ob conditionis defectum pro nihilo erit, & nullius momenti.

Quid,

Quid , si tertius ille inique arbitratus fuerit?

Placet quibusdam , ut tunc reductio fiat ad arbitrium boni viri argumento societatis. Verius tamen, ex mente Justiniani, pretium omnimodo solvi oportere, prout tertius fuerit arbitratus, cui soli illud specialiter commissum fuit. Nec est par ratio societatis & venditionis, quoniam in contractu societatis non est aliud remedium, nisi definitio partium, ab arbitratore inique statutarum, corrigatur arbitrio boni viri. In contractu autem venditionis, si modica sit læsio, ea ferenda est: si immodica, excedens dimidiam partem iusti pretii, tunc datur remedium; l. 1. Cod. de rescind. vind. Est autem arbitrium boni viri, quod in rebus suis quis faceret, vel quod vellet sibi fieri ab aliis; quod si cum æquitate & bona fide pugnet, iudex interpellatus infringendi potestatem habet, & ad boni viri arbitrium reducet.

l. 6. & l. 67. cum seq. ff. pro socio.

d. l. ult. ibi interpr.

l. 22. ff. de R. J.

l. 74. ff. pro socio.

Quæ est materia pretii?

Pretium in numerata pecuniâ consistere debet. In quo distinguitur a permutatione, in qua res pro re datur, at in emptione pretium pro re, estque æstimatio valoris rei venditæ; quo nomine pretium emptionis differt a locatione, in qua datur pecunia pro mercede seu pensione, non pro æstimatione rei. Interdum etiam pensio locationis consistere potest in alia re, quam pecunia, sine qua tamen emptio non contrahitur.

§. item pretium l. 3. C. de cont. empt. & l. 1. ff. eod.

Emptione & venditione contracta, rei venditæ periculum ad quem pertinet?

d. §. cum autem.

Ad emptorem, licet ei res tradita non sit. Non obstante regula communi, qua dicitur, rem domino suo perire, venditorem autem ante traditionem manere dominum rei venditæ; neque enim domino dumtaxat, sed &

l. 35. §. 4. & seq. ff. d. r. l. 8. de par. & boni rei cre- vend.

inter sit, res verbis designetur, an alias sufficienter demonstraretur per relationem ad rem certam.

Quid, si alius jussu domini rem vendidit?

*l. 160. ff. de
R. J.*

Si minoris vendidit, res quidem dicitur vendita, non tamen alienata. Vendita quidem respectu ipsius contractus, alienata non item, propter inutilem venditæ rei exceptionem. Quo pertinet regula, *Aliud est vendere, aliud vendenti consentire*: quasi non videatur alienatum, quod adhuc in dominio venditoris manet.

Quid, si pretium conferatur in arbitrium alterutrius contrahentis.

*l. 35. §. 1.
ff. C. l. 11.
C. d. t.*

Eo casu inutilis erit venditio, si conferatur in arbitrium emptoris, veluti, *Vendo tibi fundum, quanti æstimaveris*, vel *quanti æquum putaveris*: si in arbitrium venditoris, *quanti ille æstimaverit*. Ratio redditur, quia cum obligatio sit juris vinculum, quo necessitate adstringimur alicujus rei solvendæ, inutilis erit contractus, imperfectaque obligatio, quæ nulla necessitate adstringit contrahentes.

Quid ergo, si conferatur in arbitrium alicujus tertii, veluti quanti æstimaverit Titius?

*Vers. ad
nostra.
Vers. fin.
autem.
l. ult. C.
de cont.
empt.*

Inter veteres satis hoc dubitabatur, constaretne venditio, an non? Verum Justiniano placuit, valere venditionem, quasi collatam in conditionem, adeo ut pretii pretio sit, postquam Titius rem æstimaverit, pretiumque definierit. Qui si noluerit, aut non potuerit rem æstimare, venditio ob conditionis defectum pro nihilo erit, & nullius momenti.

Quid?

Quid , si tertius ille inique arbitratus fuerit ?

Placet quibusdam , ut tunc reductio fiat ad arbitrium boni viri argumento societatis. Verius tamen , ex mente Justiniani , pretium omnimodo solvi oportere , prout tertius fuerit arbitratus , cui soli illud specialiter commissum fuit . Nec est par ratio societatis & venditionis , quoniam in contractu societatis non est aliud remedium , nisi definitio partium , ab arbitratore inique statutarum , corrigatur arbitrio boni viri . In contractu autem venditionis , si modica sit læsio , ea ferenda est : si immodica , excedens dimidiam partem iusti pretii , tunc datur remedium ; l. 1. Cod. de rescind. vind. Est autem arbitrium boni viri , quod in rebus suis quis faceret , vel quod vellet sibi fieri ab aliis ; quod si cum æquitate & bona fide pugnet , Iudex interpellatus infringendi potestatem habet , & ad boni viri arbitrium reducet .

l. 6. & l. 67. cum seq. ff. pro socio .

d. l. ult. ibi interpr.

l. 22. ff. de R. J.

l. 74. ff. pro socio .

Quæ est materia pretii ?

Pretium in numerata pecunia consistere debet . In quo distinguitur a permutatione , in qua res pro re datur , at in emptione pretium pro re , estque æstimatio valoris rei venditæ ; quo nomine pretium emptionis differt a locatione , in qua datur pecunia pro mercede seu pensione , non pro æstimatione rei . Interdum etiam pensio locationis consistere potest in alia re , quam pecunia , sine qua tamen emptio non contrahitur .

§. item pretium l. 3. C. de cont. empt. & l. 1. ff. eod.

Emptione & venditione contracta , rei venditæ periculum ad quem pertinet ?

d. §. cum autem .

Ad emptorem , licet ei res tradita non sit . Non obstante regula communi , qua dicitur , rem domino suo perire , venditorem autem ante traditionem manere dominum rei venditæ ; neque enim domino dumtaxat , sed & emptori perire vend.

l. 35. §. 4. & seq. ff. d. l. 1. 8. de par. & boni rei cre-

interfit, res verbis designetur, an alias sufficienter demonstraretur per relationem ad rem certam.

Quid, si alius jussu domini rem vendidit?

l. 160. ff. de
R. J.

Si minoris vendidit, res quidem dicitur vendita, non tamen alienata. Vendita quidem respectu ipsius contractus, alienata non item, propter inutilem venditæ rei exceptionem. Quo pertinet regula, *Aliud est vendere, aliud vendenti consentire*: quasi non videatur alienatum, quod adhuc in dominio venditoris manet.

Quid, si pretium conferatur in arbitrium alterutrius contrahentis.

l. 35. §. 1.
ff. C. l. 11.
C. d. t.

Eo casu inutilis erit venditio, sive conferatur in arbitrium emptoris, veluti, *Vendo tibi fundum, quanti æstimaveris*, vel *quanti æquum putaveris*: sive in arbitrium venditoris, *quanti ille æstimaverit*. Ratio redditur, quia cum obligatio sit juris vinculum, quo necessitate adstringimur alicujus rei solvendæ, inutilis erit contractus, imperfectaque obligatio, quæ nulla necessitate adstringit contrahentes.

Quid ergo, si conferatur in arbitrium alicujus tertii, veluti quanti æstimaverit Titius?

*Verf. ad
nostra.
Verf. fin.
autem.
l. ult. C.
de cont.
empt.*

Inter veteres satis hoc dubitabatur, constaretne venditio, an non? Verum Justiniano placuit, valere venditionem, quasi collatam in conditionem, adeo ut pretii pretio sit, postquam Titius rem æstimaverit, pretiique definierit. Qui si noluerit, aut non potuerit rem æstimare, venditio ob conditionis defectum pro nihilo erit, & nullius momenti.

Quid,

Quid , si tertius ille inique arbitratus fuerit?

Placet quibusdam , ut tunc reductio fiat ad arbitrium boni viri argumento societatis. Verius tamen , ex mente Justiniani , pretium omnimodo solvi oportere , prout tertius fuerit arbitratus , cui soli illud specialiter commissum fuit . Nec est par ratio societatis & venditionis , quoniam in contractu societatis non est aliud remedium , nisi definitio partium , ab arbitratore inique statutarum , corrigatur arbitrio boni viri . In contractu autem venditionis , si modica sit læsio , ea ferenda est : si immodica , excedens dimidiam partem iusti pretii , tunc datur remedium ; *l. 1. Cod. de rescind. vind.* Est autem arbitrium boni viri , quod in rebus suis quis faceret , vel quod vellet sibi fieri ab aliis ; quod si cum æquitate & bona fide pugnet , Iudex interpellatus infringendi potestatem habet , & ad boni viri arbitrium reducet .

l. 6. & l. 67. cum seq. ff. pro socio.

d. l. ult. ibi interpr.

l. 22. ff. de R. J.

l. 74. ff. pro socio.

Quæ est materia pretii?

Pretium in numerata pecunia consistere debet . In quo distinguitur a permutatione , in qua res pro re datur , at in emptione pretium pro re , estque æstimatio valoris rei venditæ ; quo nomine pretium emptionis differt a locatione , in qua datur pecunia pro mercede seu pensione , non pro æstimatione rei . Interdum etiam pensio locationis consistere potest in alia re , quam pecunia , sine qua tamen emptio non contrahitur .

§. item prebet . l. 3. C. de cont. empt. & l. 1. ff. eod.

Emptione & venditione contracta , rei venditæ periculum ad quem pertinet?

d. §. cum autem .

Ad emptorem , licet ei res tradita non sit . Non obstante regula communi , qua dicitur , rem domino suo perire , venditorem autem ante traditionem manere dominum rei venditæ ; neque enim domino dumtaxat , sed &

l. 35. §. 4. & seq. ff. d. t. l. 8. de par. & boni rei cre- vend.

solum præstandum venit, quod a contrahentibus dictum est, verum etiam, quod naturalis suadet æquitas: quod scilicet alterum alteri ex bono & æquo præstare oportet, quamvis lingua non sit expressum: cum ibi contractus maxime necessarii sint ad vitæ societatem, in quo differunt a contractibus

§. in bona stricti juris, in quibus non aliud invicem inst. de act. contrahentes præstant, quam quod diserte expressum fuerit.

In quo vero differunt hi contractus a superioribus?

§. fin. b. l. Quod in his contractibus ultro citroque
19. ff. de oriatur obligatio; ex superioribus quidem
V. O. ab uno latere tantum obligationem pariant.
Hinc ex mutuo, stipulatione; scriptura, tantum tenetur, qui accepit, promisit, cavit.

T I T U L U S. XXIV.

DE EMPTIONE, ET VENDITIONE.

Quid est emptio, venditio?

§. 5. §. 1. ff. de pr. verb. **E**st contractus, quo res aliqua per mutuum consensum pretio commutatur. Ex quo ultro citroque oritur obligatio; tam enim emptor venditori, quam venditor emptori obligatur: ille ad persolvendum pretium, hic ad rem tradendam. Perficitur solo consensu, sed impletur sive consummatur rei traditione, & pretii numeratione.

In quo differt a Permutatione?

l. 1. ff. de rev. perm. seu pecunia pro pecunia, nec statim ex solo
text. b. in lo. consensu nascitur obligatio, sed demum
princ. re secuta. In emptione & venditione aliter se res habet, quæ continuo perfecta est, simul atque in rem & pretium fuerit consensus, quamvis nondum sit numeratum pretium, nec rei traditio subsequuta, ac ne arrha
l. 35. ff. de constr. em- qui
pi.

quidem data. Nam quod arrhæ nomine datur, argumentum est emptionis & venditionis contractæ, sive ut probari evidentius possit convenisse de pretio. Itaque de substantia hujus contractus sunt hæc tria, merx, sive res, quæ vaneat, pretium, consensus; non etiam quod arrhæ nomine datur; non traditio ipsius rei ac dominiæ translatio; cum possit & aliena res vendi; non denique scriptura, nisi aliud placuerit contrahentibus; quæ tunc quoque tantum fidem faciet, non vero formam tribuet contractui; quamquam & forma scripturæ omnino sit servanda. *l. 117. C. de fidejuss.*

Quid, si igitur placuerit contrahentibus confici scriptura hunc contractum?

Tunc non aliter perfecta erit emptio & venditio; nisi instrumenta emptionis fuerint conscripta, & omnibus suis numeris absoluta. Quare quamdiu aliquid ex requisitis deest, tamdiu poenitentia locus erit, & recedere a contractu licebit, etiam sine poena: nisi quid forte arrharum nomine sit datum, quod perdit is, qui dedit, si adimplere contractum recuset: in duplum reddendum, si steterit per eum, qui accepit. Et hoc quoque obtinet in emptione, quæ sine scriptura consistit. *§. sed hoc quidem.*

Cujusmodi debet esse pretium?

Cum nulla emptio sine pretio esse possit, *l. 16. ff. de R. J.* & dicatur imaginaria, quæ sine pretio sit; ideo constitui oportet *certum pretium*: quia donec pretium definitum non est, non nascitur obligatio; sive id contrahentes certo definierint expressa ab initio quantitate, sive aliunde constet, nempe relatum eo, unde jam vel sit, vel fieri possit certum; veluti, *Tantum dabo, quanti emisisti*: aut, *Quantum pecunia in arca habeo, tanti emo*, cum nihil

interfit, res verbis designetur, an alias sufficienter demonstraretur per relationem ad rem certam.

Quid, si alius jussu domini rem vendidit?

*l. 160. ff. de
R. J.*

Si minoris vendidit, res quidem dicitur vendita, non tamen alienata. Vendita quidem respectu ipsius contractus, alienata non item, propter inutilem venditæ rei exceptionem. Quo pertinet regula, *Aliud est vendere, aliud vendenti consentire*: quasi non videatur alienatum, quod adhuc in dominio venditoris manet.

Quid, si pretium conferatur in arbitrium alterutrius contrahentis.

*l. 35. §. 1.
ff. de l. 11.
C. d. t.*

Eo casu inutilis erit venditio, si conferatur in arbitrium emptoris, veluti, *Vendo tibi fundum, quanti æstimaveris*, vel *quanti æquum putaveris*: si in arbitrium venditoris, *quanti ille æstimaverit*. Ratio redditur, quia cum obligatio sit juris vinculum, quo necessitate adstringimur alicujus rei solvendæ, inutilis erit contractus, imperfectaque obligatio, quæ nulla necessitate adstringit contrahentes.

Quid ergo, si conferatur in arbitrium alicujus tertii, veluti quanti æstimaverit Titius?

*Verf. ad
nostra.
Verf. fin.
autem.
l. ult. C.
de cont.
empt.*

Inter veteres satis hoc dubitabatur, constaretne venditio, an non? Verum Justiniano placuit, valere venditionem, quasi collatam in conditionem, adeo ut pretii pretio sit, postquam Titius rem æstimaverit, pretiumque definierit. Qui si noluerit, aut non potuerit rem æstimare, venditio ob conditionis defectum pro nihilo erit, & nullius momenti.

Quid?

Quid, si tertius ille inique arbitratus fuerit?

Placet quibusdam, ut tunc reductio fiat ad arbitrium boni viri argumento societatis. Verius tamen, ex mente Justiniani, pretium omnimodo solvi oportere, prout tertius fuerit arbitratus, cui soli illud specialiter commissum fuit. Nec est par ratio societatis & venditionis, quoniam in contractu societatis non est aliud remedium, nisi definitio partium, ab arbitratore inique statutarum, corrigatur arbitrio boni viri. In contractu autem venditionis, si modica sit læsio, ea ferenda est: si immodica, excedens dimidiam partem iusti pretii, tunc datur remedium; l. 1. Cod. de rescind. vind. Est autem arbitrium boni viri, quod in rebus suis quis faceret, vel quod vellet sibi fieri ab aliis; quod si cum æquitate & bona fide pugnet, iudex interpellatus infringendi potestatem habet, & ad boni viri arbitrium reducet.

l. 6. & l. 67. cum seq. ff. pro socio.

d. l. ult. ibi interpr.

l. 22. ff. de R. J.

l. 74. ff. pro socio.

Quæ est materia pretii?

Pretium in numerata pecuniâ consistere debet. In quo distinguitur a permutatione, in qua res pro re datur, at in emptione pretium pro re, estque æstimatio valoris rei venditæ; quo nomine pretium emptionis differt a locatione, in qua datur pecunia pro mercede seu pensione, non pro æstimatione rei. Interdum etiam pensio locationis consistere potest in alia re, quam pecunia, sine qua tamen emptio non contrahitur.

§. item pretium l. 3. C. de cont. empt. & l. 1. ff. eod.

Emptione & venditione contracta, rei venditæ periculum ad quem pertinet?

d. §. cum autem.

Ad emptorem, licet ei res tradita non sit. Non obstante regula communi, qua dicitur, rem domino suo perire, venditorem autem ante traditionem manere dominum rei venditæ; neque enim domino dumtaxat, sed & boni rei cre-

l. 35. §. 4. & seq. ff. d. l. 1. 8. de per. & boni rei vend.

creditori res perit, qualis hoc loco est emptor, qui proinde, re interempta ante traditionem, tenebitur nihilominus pretium ejus præstare venditori, cum alias male diceretur res perire emptori, aut ejus periculo esse.

Semperne res vendita periculo est emptoris?

l. 35. §. pen. ff. de cont. empt. & tit. C. de per. & com. rei vend. Nequaquam. Etenim certis casibus ad venditorem periculum pertinet: veluti si res sit vendita sub conditione, eaque pendente sit perierit, vel deterior facta fuerit: si res sit in genere vendita, aut talis, quæ pondere, numero, mensurave constet, cum ejusmodi rei non prius perfecta censeatur venditio, quam ea admensa, appensa, adnumeratave fuerit, quia quasi sub conditione facta censeatur. Item si dolo vel culpa venditoris, aut ex præterito vitio perierit res: si denique venditor suscepit custodiam, aut periculum in se; *dant enim pacta legem contractui.*

Quid autem, si non suscepit in se periculum, & res pereat?

Vers. utique tamen. Securus erit venditor, sed quia adhuc dominus rei est, actiones sibi competentes, nimirum rei vindicationem, quam habet ut dominus, conditionem furtivam, si res furto sit sublata, & actionem damni injuriæ ex Lege Aquilia, si res sit læsa, exhibere & mandare debebit emptori. Cum enim venditori salvum sit pretium, æquum est, emptori consulat, quatenus potest, ne cum ejus injuria seu jactura locupletior fiat: maxime cum actiones istæ concernant ipsius rei commodum, quod emptorem sequitur, juxta regulam, quæ ei commodum rei tribuit, qui damnum sentit.

Quot modis contrahi emptio venditio potest?

Et pure, & sub conditione, & in diem, ad diem, ex die. Pure, cum simpliciter res venditur. Sub conditione, si aliquatenus in suspensio maneat: veluti, Si Stichus intra dies centum tibi placuerit, erit tibi emptus centum aureis. Hic conditio in eementis confertur arbitrium, & nihilominus valet contractus. At si res ipsa, vel pretium confertur in emptoris arbitrium; contractus inutilis est, siue nihil agitur: ut, Stichus tibi emptus esto, si vis, & quanti voles. Quando in diem, ad diem, vel ex die contrahitur emptio, tunc dies non suspendit obligationem, sed tantum traditionem & implementum contractus, nisi habeat admixtam conditionem conformiter aliis contractibus, ut dictum supra.

§. emptio.
d. l. 35. §. 1.
l. 13. C. eod.
§. emptio.
§. h. i.

§. omnis 2.
supr. de
V. O.

Suntne conditiones siue pacta singularia in hoc contractu?

Sunt, nimirum Addictio in diem, & Lex commissoria. Addictio in diem fit, ubi pluribus eementibus non statim perficitur venditio, sed addicitur illi res, qui post certum tempus, veluti unius mensis, seu triginta dierum, plus licitatus fuerit, hoc modo: Ille fundus esto tibi centum tempus, nisi si quis intra Kalendas Januar. proximas meliorem conditionem fecerit. Quo casu pura est emptio, nisi aliud sit factum; sed sub conditione resolvitur.

l. 1. & 2. ff.
de in diem
addict.

Lege siue conventionem commissoria celebratur venditio, quando ita cavet venditor, ut nisi intra certum diem pretium sit exsolutum, inemptares fiat. Quo casu magis quoque est, sub conditione resolvi emptio, quam sub conditione contrahi videatur.

l. 1. 2. & 4.
in pr. ff. de
L. Com.

Quæ res vendi possunt?

§. *loca sac.* Vendi possunt res omnes, quæ in commercio sunt hominum, id est, quas quis habere, vel possidere, vel persequi potest. Igitur res nostræ, quæ vel extant, vel extare
l. 8. ff. b. t. possunt, ut fructus nascituri. Non item loca sacra religiosa publicis usibus destinata;
l. 182. ff. de R. J. quas res frustra quis sciens emit, quippe
 §. *fin. b.* exemptas commercio. Dico, *sciens*: nam si alicui ignorantem vendita fuerit hujusmodi res, ei dabitur actio ex empto, ita postulante libertate commerciorum, quatenus sua interest deceptum non esse. Idem juris est, si hominem liberum pro servo emerit. Secus in stipulationibus, ubi ne quidem ad interesse earum rerum agi potest. Ratio diversitatis est, quia stipulatione id agitur, ut dominium transferatur, emptione non item. Deinde stipulatio est stricti juris, emptio vero bonæ fidei.

Quid, si res sit propria?

l. 45. ff. de R. J. Inefficax est rei propriæ emptio, siue sciens siue ignorans qui rem propriam emat; & quod ignoranter ex hac causa solutum est venditori, per conditionem indebiti repetitur ab emptore. Nisi tamen quis non rei suæ dominium, sed possessionem emat; hæc enim valebit emptio. Similiter id quod
l. 16. l. 34. §. rei suæ l. 1. ff. de cont. empt. meum est, sub conditione emere possum, si
l. 81. §. 1. ff. de leg. 1. res mea interim esse desinat. Quæ omnia procedunt, si irrevocabiliter res mea sit, non etiam si quovis casu a me auferri possit. Item etiam valebit legatum rei meæ, si res a me evinci & auferri potest.

Potestne res aliena vendi?

l. 28. ff. de cont. empt. Omnino potest, cum venditor non teneatur transferre dominium, sed tantum faceretur. C. de re, ut liceat habere; ut autem habere liceat,

ceat, æque in re aliena, atque in propria præstari potest. Non est tamen hæc res secura, propter periculum evictionis, quod venditor, rem alienam vendendo, agnoscere cogitur; nisi factò emptoris quid possit imputari.

Inde sequitur, quod a nobis evincitur, in *l. 190. ff. de bonis nostris* non esse: nam ipse evincens, *R. J.* rem in bonis habere censetur, cum, ad eam persequendam, actionem habeat.

Quid, si res vendita sit vitiosa?

Tunc in arbitrio emptoris est agere ad *l. 1. l. 9. 31. versus venditorem redhibitoria actione*, ut rem *§. 16. ff. de vitiosam & morbosam, quam fraudis consilio vendidit, recipiat, restituatque pretium: Actio. edit. editio.* vel *actione quanto minoris*, ut venditor restituat reddatque partem pretii, quam non fuisset daturus emptor, id est, minoris rem emis-
set, si scivisset fuisse vitiosam.

Quid, si contigerit læsio?

Si ea immodica fuerit, excedens dimidiam partem iusti pretii, ut si venditor dimidio minus habeat, quam res est, rescinditur contractus, nisi pars rea læsionem velit emendare, & supplere quod deest, iusto pretio. Dixi *immodica*; nam modica læsio, consistens intra terminos infimi pretii, toleratur litium vitandarum gratia, & ne omnis obligatio sit incerta. Quo spectat *l. 16. §. pen. illud J. C. In pretio emptionis & venditionis naturaliter licere contrahentibus se circumvenire.* *ff. de min.*

Quæ actiones ex hoc contractu nascuntur? *l. 1. & 11.*

Dux: Actio ex empto sive empti; quæ datur emptori contra venditionem, ut res vendita sibi tradatur, hoc est, vacua rei possessio in ipsum transferatur; ita ut ab eo avocari non possit. Quod si res non tradatur, *§. 13. §. 19. ff. de act. empt.* *l. 4. C. eod.* *l. 1.*

datur, succedit post moram obligatio ad id, quod interest, petunturque fructus & omnes rei venditæ accessiones, & omnino si quid decipiendi emptoris causa fecerit venditor. Altera est actio *Ex vendito* siue *venditi*, quæ competit venditori ad consequenda ea, quæ ipsi ab emptore præstari oportet, & in primis ad pretium, aut residuam partem pretii, si pars soluta sit. Nam res vendita & tradita non aliter acquiritur emptori, quam si is venditori pretium solverit, vel alio modo ei satisfecerit, veluti ex promissore aut pignore dato, vel si venditor fidem emptoris secutus fuerit.

§. *vendita*
sup. de ver.
divis.

Teneturne venditor rem emptoris facere, uti emptor obligatur præcise præstare pretium?

l. i. in pr. ff.
de ver. per-
mut. l. 25.

§. 1. ff.
de cont.
empt.

l. ii. §. 2.
ff. de act.
empt.

Venditor præcise non obligatur, ut emptorem faciat rei dominum, ne usus & facultas contractus impediatur: quotusquisque enim in promptu dominium rei, quam vendit, probare possit? Liberatur itaque obligatione evictionis, & libera rei traditione. Emptor tamen tenetur pretium facere venditoris, quod semper potest, cum non ad speciem, ut plerumque venditor, sed ad genus teneatur. Communiter Jurisconsulti ita loquuntur, quod emptor sit obligatus dare, venditor vero non sit obligatus dare, sed tantum tradere: ut dare sit dominium transferre; tradere, transferre rem cum conditione usucapiendi.

T I T U L U S XXV.

DE LOCATIONE ET CONDUCTIONE.

Quid significat Locare; quid Conducere?

Locare est dare aliquid utendum, vel faciendum, pro certa mercede: Conducere est accipere aliquid utendum, vel faciendum. Unde *Locator* est, qui interventu pretii

tin

tii dat utendum vel fruendum. Conductor, qui utendum accipit, pretio dato. Vocatur interdum *Inquilinus*, in ædibus scilicet seu prædio urbano; interdum *Colonus*, in prædio seu fundo rustico.

Quid est Locatio conductio?

Est contractus juris gentium, bonæ fidei quo præstatur usus rei, aut opera, certa mercede constituta. Perficitur locatio solo consensu, in fin. ut emptio venditio, nimirum simul atque convenerit inter contrahentes, ut res sit locata conducta. Estque similiter bonæ fidei, quia non solum venit, quod dictum, & de quo contrahentes pepigerint expresse, verum etiam quod æquitas naturalis furadet. l. 23. v. f. d. hæc ita ff. de R. J.

In quo similis, aut dissimilis est emptioni & venditioni?

In eo est similis, quod, ut emptio & venditio ita contrahitur, si de pretio convenerit; ita locatio & conductio contracta intelligatur, si de mercede convenerit. Suntque & hic de substantia contractus, consensus, merces certa, & res, quæ locatur, uti in emptione & venditione consensus, pretium certum, & merx sive res, quæ venditur. In eo dissimilis, quod in venditione rei proprietates alienetur, in locatione tantum usus rei in alium transferatur. §. 1. b. r.

Potestne in hoc contractu merces alieno arbitrio permitti?

In eo quoque locatio conductio similis est emptioni venditioni: ideoque si tertius, in cujus arbitrium merces collata fuerit, mercedem definierit, omnimodo secundum ejus æffimationem persolvi eam oportebit. Quod si vel noluerit, vel non potuerit definire, pro nihilo erit conductio, quasi nulla mercede constituta. §. & quæ supra. l. 25. in pr. ff. b. r.

Quid

Quid ergo, si ab initio merces constituta non sit, sed quanti convenierit postea?

Vers. quæ de causa. l. 21. ff. de præsc. verb. *Eo casu non proprie locatio & conductio contrahi intelligitur, neque actio datur locati. Quare si fulloni polienda curandave, aut sarcinatori sarcienda vestimenta quis dederit, nulla mercede constituta, sed postea tantum daturus, quantum inter eos convenierit: eo nomine actio dabitur præscriptis verbis, sive in factum, quasi de novo negotio. Quod si merces neque constituta, neque promissa sit, competet actio mandati; illa vero constituta, locati.*

Merces qua in re consistere debet?

§. præterea l. 2. §. ult. ff. mand. *In pecunia numerata, secundum multos, idque similiter ad similitudinem emptionis. Igitur si vicinus rem locet vicino suo, ut Coras. l. 2. is invicem aliam locet, non erit locatio conductio, sed contractus innominatus, Facper l. 21. cio ut facias, ex quo actione præscriptis verbis agendum est. Quamquam plerique existiment, pro usu fundi etiam partem fructuam præstari solere ab eo, qui vocatur partiarivus colonus, & mercedem in qualibet re fungibili constituent; quorum non improbabilis opinio est.*

Quando finitur hic contractus?

l. 11. C. b. l. 3. C. eod. l. 30. & 177 ff. de R. J. l. 52. ff. de pact. *Præfinito tempore, imo & ante; quid enim si conductor deprehenderit, ædes esse insalubres, aut pestilentes? poterit a contractu discedere. Idem licebit locatori, si ædes colabantes velit restituere: si eas propriis usibus necessarias esse ostenderit: si conductor per biennium pensionem non solvat, in domo male versetur, aut fundum non colat, ut oportet. Quo casu juste expelli domo poterit ante lapsum conventæ habitationis tempus. Attamen mortuo conductore intra tempora*

pore conductionis, non finitur conductio, sed hæres ejus eodem jure in conductione succedit. Est enim hæres ejusdem potestatis & juris, cujus fuit defunctus. Itaque pacto, quod defunctus fecit, fidem præstare debet.

Quæ actio competit ex hoc contractu?

Locatori quidem *Locati*, conductori vero *text. hic in Conducti* actio competit. Illa ad hoc, ut locator conventam mercedem consequatur: ut rem locatam finito usu restitui petat; ut præterea damnum culpa conductoris, etiam *l. pen. C. b. t.* levi, non vero levissima, datum refarciri faciat: Conductor enim omnia secundum legem conductionis facere debet, & si quid in lege prætermissum fuerit, id ex bono & æ- *l. 34. ff. de R. J.* quo præstare. *Semper*, inquit Ulpianus, in *contractibus id sequimur, quod actum est.* Hæc vero datur ad hoc, ut conductor petat liberum rei usum ad tempus conventum: qui nisi præstetur, actio superest ad interesse adversus locatorem, cujus facto impeditur.

Semperne integram mercedem locator consequitur?

Non: nam interdum mercedis remissio facienda est pro rata damni dati, puta si conductor defuerit posse uti re conducta, fructusque stantes percipere, ob vim tempestatis, vel aliud cœli vitium, hostiumve incursum, aut alium casum fortuitum, qui nullo consilio provideri vel averti potuerit: nisi fertilitas præcedens subsequentem suppleat sterilitatem, vel subsequens, propter sterilitatem anni præcedentis, pensionem ante remissam exigere faciet: cujus ratio in æqualitate posita est. *l. 15. §. 4. ff. b. t. & l. 8. C. cod.*

DE EMPHYTHEUSI.

Quam familiaritatem habet contractus Emphyteusis cum venditione & conductione?

- §. adeo autem. Diceret esse conductionem, si pensionem spectes, singulis annis solvendam, & dominium directum, remanens penes ipsum concedentem. Dixeris vero esse emptionem, si finem seu causam hujus contractus inspicias, nempe ut ille, qui rem accepit, eam velut suam quodammodo habeat. Ita ut merito inter veteres dubitatum fuerit, an contractus hujusmodi esset emptio venditio, an vero locatio-conductio; donec Zeno Imperator statuit, propriam illius esse naturam, neque ad venditionem inclinantem, sed suis actionibus fulciendam, & proprium contractui nomen dedit.
- d. l. 1. C. de jure empt. Statuit, propriam illius esse naturam, neque ad venditionem inclinantem, sed suis actionibus fulciendam, & proprium contractui nomen dedit.

Quid igitur est Emphyteusis?

- d. l. 1. & l. 1. ff. si ag. rect. Est contractus Juris Civilis, nominatus, quo alicui prædium aliquod possidendum & fruentium traditur, ea lege, ut pensio annua inde domino præstetur. Dico Juris Civilis: quia formam, quæ dat esse rei, ex lege Zenonis accepit, & sic a Jure Civili. Dico, nominatus: quia certum & definitum nomen habet, ex quo nascitur obligatio, & in personam actio. Dico, ea lege, &c. quia emphyteuta obligatur, & pensionem solvere suo tempore, & insuper fundum sive agros, quos in emphyteusin acceperit, meliores fertilioresque reddere. Dicta enim Emphyteusis ab inferendo, implantando seu meliorando, quia ab initio prædia sterilia, inculta ac deserta, dabantur hoc modo colenda ac melioranda; ideoque modica pensio constitui eo nomine solet.

Quid

*Quid juris habet emphyteuta in re
emphyteutica?*

Quod in omnibus fere fit vice domini, *l. 3. C. d. s.*
quippe cui jus competat in rem, & jus do-
minio proximum, quod vulgo dominium
utile vocant, ita ut possit fructus, atque
emponemata, sive meliorationes, vendere,
vel jus emphyteuticum in alium transferre;
requisito tamen prius domino, ut vel ipse
emat, si velit, vel alienationi consensum
præbeat. Quod si alterutrum facere distule-
rit per bimestre, potest emphyteuta sine do-
mini consensu meliorationes suas vendere
cuicumque volet; idoneo tamen, & qui do-
mino canonem solvere possit: neque enim
deteriorem domino emphyteutam constitue-
re debet.

*Quid autem juris competit domino
emphyteuseos?*

Quod is, rei proprietate retenta, ejus di- *Vide que*
rectus maneat dominus, atque in recogni- *ad h. t.*
tionem illius, quotannis pensionem recipiat: *scripsi in*
ad quam tenetur emphyteuta, etiamsi nul- *Cod.*
los fructus ex re perceperit; cum hic pensio
non detur ratione fructuum, uti in loca-
tione conductione merces, sed in recogni-
tionem directi dominii. Quod si tota res
perierit, non debetur jam pensio ulla, cum
nihil sit, cujus nomine præstetur: & pro-
pterea damnum erit solius domini directi,
partis vero interitus soli nocet emphyteutæ.

Quid, si emphyteuta cesset solvere canonem?

Tunc quidem, si cessaverit per triennium *l. 2. C. h. t.*
in emphyteusi sæculari sive Privati hominis; *de jur. em-*
vel per biennium in emphyteusi Ecclesiæ, *phyt. c. fin.*
cadit jure suo, & expelli potest. Qua in par- *in filius.*
te rigidius agitur jure Canonico, quam Civi- *extra b. t.*
li: cujus tamen rigor in eo temperatur;
quod

336 INSTIT. IMPER.
quod Canones moræ purgationem admittant,
quam non admittit Jus Civile.

T I T U L U S XXVI.

DE SOCIETATE.

Quid est Societas?

§. 2. b. t. **E**st contractus consensu initus, quo inter
l. 30. ff. 20. l. duos pluresve, res atque opera circa lu-
l. 47. §. 1. ff. crum & damnum communicantur. Cum ergo
de R. J. mutuo consensu contrahatur, non potest is
dici socius, quem in societatem non admisit.
Ideoque quem meus socius admittit, illi
tantum socius est, non mihi.

In hoc contractu hæc duo potissimum con-
siderantur: lucrum, quod scilicet superest,
deductis impensis: & damnum, quod abest,
deductis impensis.

Quomodo differt a Communione?

l. 31. & 32. Quod communio sit rerum; Societas per-
ff. b. t. l. 1. sonarum: quod Communio sit facti; Socie-
& 2. ff. tas juris. Nam in Communionem re ipsa &
Com. di- ipso facto fiunt socii; estque necessaria ea
vid. societas, quam fortuna conciliat, non vo-
luntas, veluti si duobus communiter hære-
ditas, vel donatio aliqua obveniat; vel
una & eadem res fuerit legata.

Quotuplex est Societas?

l. 3. & 73. Duplex: alia *Universalis*, id est, totorum
ff. b. t. annorum: alia *Specialis* sive *Particularis*,
unius alicujus negotiationis, veluti olei,
vini, &c. In universorum bonorum socie-
tate hoc est singulare, quod omnes res quæ
contrahentium sunt, communicentur, etiam
sine traditione. Ratio est in difficultate tra-
ditionis rerum universalium: & hoc ita
quoad res jam acquisitas; nam acquirendæ,
l. 9. ff. eod. ut communicentur, desiderant traditionem.
Simpliciter & indefinite contracta societas,
tan-

tantum earum rerum esse intelligitur, quæ ex quæstu veniunt, id est negotiatione & opera, non etiam quæ ex donatione vel legato acquiruntur, quia eæ res ob meritum accedunt.

Quales in Societate debent esse lucri & damni partes?

Si nihil de eo nominatim convenerit inter socios, partes æquales & in lucro & in damno spectantur, pro ratione sortis & quantitatis deductæ in societatem, proportionem non Arithmetica (ut quidam volunt) sed secundum communem & veram sententiam Geometrica, ut, qui plus contulit, plus accipiat: v. g. si primus contulit centum, secundus quinquaginta, & in lucro sint duodecim, primus ex his duodecim feret octo, secundus quatuor. Si vero ab initio convenerit de partibus, eæ servari debent, dummodo socius, qui plus ex conventionem accepit, etiam plus in societatem conferat, vel pecuniæ, vel operæ, vel cujuscunque alterius rei causa, puta gratiæ. Unde valet conventio, ut ad unum ex sociis duæ vel tres partes & lucri & damni pertineant, ad alium tertia.

S. & quidem.

l. 29. ff. h. t.

§. 2. h. t. l. 30. ff. cod.

Quid, si partes fuerint expresse in lucro solo?

Eadem tacite censentur constitutæ etiam in damno, & vice versa: nam sicuti lucrum, ita damnum, commune esse oportet: Et æquum est, ut cujus participavit lucrum, participet & damnum.

§. illud l. 1. l. 52. §. 4. ff. cod. l. 10. ff. de R. J.

Valetne ea conventio, ut quis duas partes lucri, & damni tertiam capiat?

Quintus Mutius contra naturam societatis talem conventionem esse existimavit, & ob id non esse ratam habendam, quasi vera amicitia & societas esse non possit, nisi

§. de illa 3.

l. 29. §. 1. ff. b. r. æqualiter res communicentur. Contra sensit Servius Sulpitius, cujus sententia prævaluit, quia sæpe quorumdam ita pretiosa est opera in societate, ut eos justum sit conditione meliore in societatem admitti; v. g. si quis solus naviget, solus peregrinetur, solus pericula subeat; si valeat solertia, gratia, industria.

Valerne conventio, ut unus pecuniam conferat, alter non conferat, & tamen lucrum commune sit?

§. nam & ita l. 5. §. 1. l. 6. & 52. §. 2. ff. b. l. 1. C. rod. l. 30. ff. b. r. Ita cõiri posse societatem non dubitatur: quia sæpe opera alicujus pro pecunia valet. Et pretium operæ, artis est velamentum. Inio interdum tanta est industria, operaque socii, ut plus societati conferat, quam pecunia: tamque pretiosa, ut quis lucri partem ferat, de damno non teneatur. Potest enim quis pactione conditionem meliorem facere.

Sed quomodo inibitur ratio lucri & damni?

Vers. quod tamen, & d. l. 30. Respondet Imperator: Si in alia re lucrum, in alia damnum illatum sit compensatione horum inter se facta, id solum, quod superest, intelligi lucro esse, & dividendum inter socios pro rata. Hoc est, lucrum id demum intelligi, quod in societate reliquum est, omni damno deducto, & damnum, quod, deducto omni lucro, superest.

Quid, si convenerit, ut unus solus damnum sentiat; alter omne lucrum?

l. 29. §. ult. ff. b. r. Conventio hujusmodi, quia societati contraria est, omnino reprobatur, & a Cassio tamquam leonina & inutilis rejicitur, cum iniquissimum genus societatis sit ex qua quis damnum, non etiam lucrum expectet.

Quibus modis solvitur Societas.

I. *Dissenſu mutuo, vel Renunciatione unius e ſociis.* Idque receptum eſt ad ſedandam diſcordiæ materiam, quam neceſſe eſt exoriri, ſi quis invitus ſocietati adſtringatur. Sed multum refert, quomodo & quando quis renuntiaverit; nam ſi callide aut intempeſtive ideo renuntiaverit ſocietati, ut lucrum ſibi forte obveniens ſolus auferat, cogitur hoc lucrum communicare cum ſociis. Si vero damnum attulerit hæreditas, hoc ad eum qui renunciavit, pertinebit; ipſe enim ſe circumveniriſſe videtur.

§. manet.
b. 2.

l. 65. §. 1. &
5. ff. eod.

l. 155. ff. de
R. J.

II. *Morte unius e ſociis.* Idque ideo, ne quis alicui ſocius fiat, quem non vult ſibi ſocium, cum in ſocietate verſetur perſonæ induſtria ac fides. Cogitur tamen hæres ſocii, quamvis ſocius non ſit, nec ſucceſſor ſocietatis, ea, quæ per defunctum inchoata ſunt, explicare; uti & commoda, eidem acquiſita, iure ſibi cedi poſtulat.

§. ſolvit.

l. 4. ff. eod.

III. *Finito negotio:* cum amplius non ſuperſit materia, & ſine obtento ceſſent media. Quod ita procedit in ſpeciali ſocietate, certi alicuius negotii; non item in univerſali.

§. item ſi
alicujus.

IV. *Publicatione,* ſcilicet, ſi univerſa bona ſocii publicentur. Nam, cum in ejus locum alius ſuccedat, nimirum ſciſcus, pro mortuo habetur. Dico, ſi univerſa bona; quia, ſi pars tantum publicetur, manet ſocietas in reliquis bonis.

§. publica-
tione d. l.
65. §. 12.

V. *Ceſſione bonorum,* ſi quis e ſociis ære alieno preſſus ceſſerit bonis ſuis, quia ſic amplius non ſuperſunt bona, ſine quibus contrahi ſocietas non poteſt. Sed hoc caſu, ſi adhuc poſt ceſſionem in ſocietatem conſentiant ſocii, nova quaſi videtur incipere ſocietas, propter bona futura; quia is, qui

§. item ſi
quis.

l. 1. & 4. C.
ced. poſſ.
l. 6. ff. d.
ceſſ. bon.

340 INSTIT. IMPER.
bonis cessit, non prohibetur sibi in posterum
acquirere.

Quæ actio ex hoc contractu nascitur?

l. 148. ff. de
R. J. Actio Pro socio, utrinque directa; quæ
cuivis e sociis datur, & in quemvis: nec est
societatis actio aliqua contraria, ut in aliis
contractibus, qui consensu ineuntur, quia
sociorum omnium par est conditio, & mu-
tua obligatio; itemque juris effectus omni-
bus communis.

Ad quid socius socio tenetur?

§. fin. b. l. 3.
ff. b. t. In primis, quia bonæ fidei hæc actio est,
ideo in eam veniunt omnia, quæ alterum
alteri ex bono & æquo præstare convenit:
ut scilicet quod quisque ex societate penes
se habet; id in medium conferat, ut lucrum
pro æquis partibus, vel aliis, de quibus con-
venerit, inter contrahentes communicetur;
l. 52. §. 2. &
11. ff. eod. ut damnum, quod quis sua culpa dedit, re-
sarcitur. Nam cum utriusque gratia socie-
tas contrahatur, non tantum dolus, sed &
l. 23. ff. de
R. J. culpa hinc inde præstanda venit, non solum
lata, quæ dolo proxima esse dicitur, sed &
levis, non item levissima; idque ex genera-
li illa ratione, quod hic utriusque contra-
hentium vertatur utilitas, ut in empto, in
locato, in dote, in pignore. Sufficit igitur,
si talem diligentiam communibus rebus ad-
hibeat socius, qualem suis rebus adhibere
solet. Unde qui minus diligentem socium
l. 19. ff. de
R. J. adsumit, de se queri, sibi que hoc imputare
debet; Quia, qui cum alio contrahit, vel est,
vel esse debet non ignarus conditionis ejus.

LIB. III. TIT. XXVII. 341
TITULUS XXVII.

DE MANDATO.

Quid est Mandatum?

Mandatum est contractus, quo quis bona si-
de negotium aliquod alteri gratuito ge-
rendum committit. Obliganturque ex hac con-
ventionem ultro citroque & mandator, qui
negotium alteri gerendum committit, &
mandatarius, qui exequendum suscipit: il-
le, ut hunc indemnem servet; hic, ut ne-
gotium susceptum impleat; & quidem gra-
tuito, quia non fert hic contractus merce-
dem, cum originem ex officio atque amici-
tia trahat, contraria vero amicitiae sit mer-
ces: nam interveniente pecunia, res ad lo-
cationem & conductionem potius respicit.
Igitur si quis fulloni polienda curandave de-
derit vestimenta, aut sarcinatori sarcienda,
nulla mercede constituta, neque promissa,
mandati competit actio, non locati.

l. i. ff. h. r.

Qualiter contrahitur Mandatum?

Mandatum contrahi potest vel *Expresse*,
sive verbis expressis, veluti *Nolo*, *Rogo*, *Man-*
do: vel *Tacite*, quod fit per patientiam,
aut ratihabitionem; per patientiam, cum
quis non prohibet, sed tacet; censetur enim
consentire: per ratihabitionem, dum quis
raturum habet, quod gestum est. Item Man-
datum, & in diem differri, & sub conditio-
ne fieri potest, sicut & ceteri contractus.
Procurator similiter, in diem sub conditio-
ne, & usque ad diem, dari potest: cui simi-
lis est mandatarius, qui suscepto mandato
procuratoriam suscepisse dicitur: atque utrius-
que nomine datur mandati actio.

§. ult. b. r.
d. l. i. 18. ff.
cod. l. 60.
ff. de R. J.
C. cap. 43.
cod. in 6.

Quibus modis contrahitur Mandatum?

Quinque potissimum modis. I. *Gratia man-*
dan-

dantis tantum; veluti si tibi mandem, ut aliquid mea gratia facias. II. *Gratia utriusque*: & mandantis & mandatarii; ut si mandem tibi aliquid, quod utriusque nostrum respiciat utilitatem. III. *Gratia aliena tantum*: si tibi mandem, ut Titii negotia geras. IV. *Gratia aliena & mandantis*: si alicui mandem, ut mihi & Titio domum emat. V. *Gratia sua & aliena*: si mandem tibi, ut Titio pecuniam sub usuris credas.

Quid, si tua tantum gratia sit. Mandatum?

§. tua tantum l. 8. C. v. g. tibi mandavi, ut pecunias tuas in de dolo. Supervacuum est hujusmodi mandatum: emptionem potius prædiorum colles, quam fœneres, vel e diverso; magisque consilium est, quam mandatum, & ob id minime obligatorium, cum liberum cuique sit, apud se explorare, an sibi expediat consilium; nisi consilium fuerit fraudulentum, quia fraus continet delictum, quod non debet esse impunitum. Quod si quis mandaverit alicui, ut pecunias suas Titio fœneret, obtinuit hoc casu obligatorium esse mandatum: faciet enim commemorationem personæ certæ, ut ea res in verum mandatum transeat.

Quæ est materia mandati, sive quæ res mandari possunt?

§. illud quoque l. 6. §. 3. l. 22. §. 6. b. t. Res licitæ & honestæ; nam rei turpis nullum est mandatum, nulla obligatio, nec actio ulla, quæ competere vel mandanti, vel mandatario eo nomine possit. Turpia enim pro impossibilibus habentur, quorum nulla est obligatio, nec actio. Nam cum proprium cuiusque delictum punitur, qua fronte potest desiderari actio? Huc pertinet regula; *Quod a quoquam pœne nomine exactum est, id eidem restituere nemo cogitur.* Debet enim de se queri, & non alii imputare, qui aggressus est rem illicitam, & ad quam

l. 46. ff. de R. J.

quam non erat ullo juris vinculo obligatus : Quod si autem quis ex mandato alterius quid turpe admiserit, tam mandans, quam mandatarius, erit obligatus ad pœnam.

Quæ est forma mandati, siue ad quid potissimum obligatur mandatarius?

I. Ut susceptum a se mandatum fideliter diligenterque impleat & exequatur : voluntatis enim est suscipere mandatum, necessitatis, consummare. Alias succedit obligatio, quæ omnibus faciendis obligationibus est communis, in id, quod interest.

§. is qui
exequitur.
l. 17. §. 1. ff.
commod.

II. Ut non excedat fines mandati : nam qui excedit, aliud quid facere videtur ; sibi que imputare debet, si negotium ratum non habeatur. Quare si rem mandatam vendi centum aureis iussam, mandatarius distraxerit minoris, non tenetur rem ratam habere mandans, nisi suppleatur pretium.

l. 5. §. 1. ff.
d. 1.

Quid, si quis iussus emere fundum certa summa, excedat eam summam, competetne illi mandati actio?

Sabinianis placuit, inutiliter eum acturum, etiam ad præscriptam quantitatem. Ratio posita erat in stricto iure, quod qui exceßerit fines mandati, aliud quid fecisse videatur. Proculjani vero existimabant usque ad summam, mandato comprehensam, mandatarium recte agere ; & hæc sententia, ut benignior, prævaluit. Nam qui mandavit alicui, ut sibi fundum emeret centum aureis, quem is emit centum viginti, hoc saltem voluisse videtur, ut centum aureos sua causa in emptionem collocaret. De eo igitur merito tenetur, ut maxime non teneatur de superfluo.

d. §. is qui.

l. 3. 4. ff.
b. r.

Quid, si minoris egerit?

Mandatum hoc valere inter omnes con-

Verf. quod
stat. si minoris.

l. 8. C. de stat. Etenim qui mandat alicui, ut sibi cense-
 resc. vend. tum aureorum fundum emat, is utique man-
 l. 21. ff. de dasse intelligitur, ut idem fundus quinqu-
 R. J. ginta aureis, aut minoris, si possit, ema-
 tur; quandoquidem major summa comple-
 statur minorem, & emptoris hoc sit votum,
 rem viliori pretio emere; venditoris, cario-
 re distrahere.

Quibus modis solvitur Mandatum?

§. recte quoque. I. *Revocatione mandati*; cum ipseus ple-
 rumque causa mandatum fiat, & quisque
 suo favori renunciare possit; dummodo adhuc
 integra res sit, id est, si mandatarius
 nondum coeperit mandatum exequi; tunc
 l. 5. C. de oblig. & enim mandatarii nihil interest. Nam re non
 act. integra, nemo potest renunciare semel con-
 l. 75. ff. de tracta obligationi, adversario non consen-
 R. J. tiente, neque mutare consilium suum in alte-
 rius injuriam.

§. item si adhuc. II. *Morte alterutrius*: re similiter integra,
 siue mandato adhuc integro, quia electa est
 certi hominis fides, atque industria, quæ
 non eadem est in hærede mandatarii, neque
 eadem voluntas censetur in hærede manda-
 toris; nisi mandatum alicui sit, ut post mor-
 tem fundum emat, vel quid aliud faciat,
 l. 12. §. ult. quod demum post mortem incipit, & com-
 l. 15. ff. h. t. petit mandati actio hæredi. Attamen si quis
 l. 34. §. 3. & executus fuerit mandatum, ignorata proba-
 l. 51. C. de biliter morte mandantis tenet, ne quis ex
 solut. officio suo sentiat damnum. Similiter & so-
 lutio, ab ignorante extinctum esse manda-
 tum facta, sustinetur ex æquitate, eique man-
 dati actio datur.

§. manda- III. *Renuntiatione mandatarii*; Nam licet
 tum. mandatarius susceptum semel mandatum con-
 summare tensatur; tamen ut mandanti con-
 ceditur revocare, ita & mandatario liberum
 esse debet renunciare, ne contractus claudicet:
 dummodo tempestive renunciatur, &

in

in integrum jus mandatori reservetur, vel per se, vel per alium, eandem rem commode explicandi. Alias tenebitur adimplere mandatarius, aut præstare, quod mandatoris interest: nisi intercesserit causa, aut non renunciandi, aut non tempestive renunciandi.

Ex hoc contractu que actio nascitur?

Actio Mandati, *Directa & Contraria*. *Directa* datur ei, qui mandavit, ejusque hæredi, adversus mandatarium, ad implendum mandatum, vel alias si non impleatur, ad præstandum id, quod mandantis interest: item ad præstandum dolum, & omnem culpam, latam, levem, atque etiam levissimam secundum plerosque argumento negotiorum gestoris, qui similis est mandatario. Nam aliena negotia exacto officio geruntur, nec quidquam in eorum administratione neglectum, culpa vacuum est. Alii verius putant, mandatarium ad exactissimam diligentiam, & consequenter ad culpam levissimam non teneri, sed ad levem dumtaxat, ad quam communiter restringitur nomen *Culpe*; nam culpa levissima in plerisque attribuitur casui, qui a nemine præstatur, nisi casum culpa præcesserit, mandatarii scilicet, vel aliter placuerit contrahentibus.

Actio mandati Contraria datur mandatario, ejusque hæredibus, adversus mandatorem, ejusque hæredem; ut agnoscat & ratum habeat id, quod suo nomine gestum est; utque sumptus & impendia, mandati exequendi gratia facta, præstet, una cum usuris post moram, vel etiam ante, si pecuniam, quam impendit, vel ab alio sub usuris sumpsit, vel ab eo, qui eam ipsi sub usuris debebat, exegit.

T I T U L U S XXVIII.

DE OBLIGATIONIBUS, QUÆ QUASI EX CONTRACTU NASCUNTUR.

Rationem ordinis proponit statim ab initio Imperator, nempe post obligationes, quæ proprie nasci ex contractu intelliguntur, dispiciendum etiam esse de iis obligationibus, quæ quasi ex contractu nasci videntur.

Quis dicitur quasi contractus?

Quasi Contractus est negotium, siue factum, omnis non turpe, quo sine ullo tractatu aut conventionione is, qui fecit, vel alium sibi obligat, vel ipse alteri obligatur. Dico, non turpe; nam si factum contineat turpitudinem, erit delictum, vel quasi. Dico, sine conventionione, quoniam conventionione interveniente, verus foret contractus.

Quæ igitur obligationes dicuntur nasci quasi ex contractu?

In quibus nulla est conventio, nullus consensus reciprocus: qui solus verum constituit contractum ultro citroque obligatorium; sed unius tantum ex facto nascitur obligatio: qui quidem hoc modo consensum suum accommodare dicitur huic quasi contractui; alter vero juris tantum interpretatione, ejusque consensum supplet ipsum jus.

Quot sunt ejusmodi obligationes?

Hoc titulo quinque recensentur: *Negotiorum gestio, Tutelæ administratio, Communio rerum, Hereditatis aditio, Indebiti solutio*. Sunt quidem & aliæ, ut *Litis contestatio*, quasi contractus ex auctoritate *judicati, juris, jurandi*, & aliæ plurimæ: verum Imperator hic de illis tantum agere voluit, quæ

DE NEGOTIO GESTO.

Quid est Negotiorum gestio?

Est quasi contractus , quo quis negotia ab-
sentis atque ignorantis gerit sine mandato . §. 1. h.
Dico ignorantis ; nam si quis sciat negotium
suum geri , & cum posset , non prohibuerit ,
mandasse intelligitur . Unde & hic dicuntur
absentis negotia geri , quia absentes plerum-
que ignorare solent negotia sua geri ; vix
enim est , ut quis præsens negotium suum
geri ignoret . Est igitur hic contractus similis
mandato , in eo , quod utrobique negotium
geratur alienum , dissimilis vero , quod hic
sine mandato , ibi cum mandato .

Differtne Negotiorum gestor a Procuratore?

Omnino : quia procurator mandato domi- l. 5. ff. de
ni administrat ; negotiorum gestor sine man- neg. gest.
dato negotia sponte gerit , ne pereant . Ideo-
que procurator habet actionem mandati ; hic
ex opinione gerens , non mandati , sed ne-
gotiorum gestorum actionem habet : procu-
rator de mandantis persona semper est cer-
tus ; gestor non semper est certus de perso-
na ejus , cujus negotium gerit ; eam tamen
perinde obligatam habet , ac si vere cum ea
contraxisset .

*Sed nonne culpa est immiscere se rei ad
se non pertinenti?*

Est sane : inde tamen non inferes recte , l. 36. ff.
nullam dandam actionem ei , qui sine man- de R. J.
dato negotia alterius utiliter gesserit . Nam
de eo gestore loquimur , qui ultro quidem
se ingesserit , sed non temere , ob utilitatem
scilicet absentis . Sæpe enim interest geri d. §. 1. vers.
negotia absentium , qui forte subita festi- idque h. a.

natione coacti, nulli demandata negotiorum suorum administratione, peregre profecti fuerint; quæ alias defererentur & perirent, nemine curante vel gerente, si gestori de eo, quod impenderit, denegetur actio.

Quæ ergo actio hinc prodita est?

text. hic l. 2. ff. de l. 20. D. de neg. gest. l. 2. & ali. bi, ff. l. 18. C. eod. Actio negotiorum gestorum, eaque duplex, una *Directa*, altera *Contraria*. *Directa* datur ei, cujus negotium est gestum, ad hoc, ut gestoris versus ipsum gestorem, ad hoc, ut gestoris suæ rationem reddat, restituatque quidquid inde quoquo modo consecutus fuerit, una cum usuris; & insuper præstet, si quid, non ut oportuit, gesserit.

l. 11. & 18. C. eod. *Contraria* datur gestori adversus dominum rei gestæ, cujus absentis & ignorantis negotia utiliter gessit, ad hoc, ut si quid de suo in rem domini impenderit, vel solverit, id ei præstetur, una cum sumptuum factorum usuris, ne officium illi suum sit damnosum. Sufficit autem negotium utiliter gestum esse; licet ex judicio domini non successerit; & gestum fuisse animo repetendi sumptus. Nam animus donandi, & pietatis, si quæ subsit, excludit repetitionem.

Ad quam vero culpam tenetur negotiorum gestor?

S. sicut auzem. l. 11. ff. de b. s. Regulariter tenetur præstare dolum, culpam latam & levem, sive omnem diligentiam, quam natura negotii postulat. Interdum vero etiam levissimam, uno scilicet casu, si alius diligentior commodius administraturus fuisset negotia, quem ille impediverit. Imo interdum & casum, veluti si novum negotium, quod non sit solitus absens facere, ejus nomine gesserit.

DE TUTELA.

*Cur Tutela obligatio quasi ex contractu
oriri dicitur?*

Quoniam inter tutorem & pupillum nul- §. tutores.
lum negotium contrahitur; quia contractus
sunt inter volentes & consentientes, tuto-
res vero dantur etiam invitis: quia tamen
non ex maleficio tutores tenentur, sed ex
officio, publica auctoritate imposito, ideo
quasi ex contractu teneri videntur tutores pu-
pillis, & vicissim pupilli ipsius tutoribus:
unde & mutua hoc casu sunt actiones.

Quenam sunt actiones illae?

Actio tutelae *Directa*, & *Contraria*. Pupilo
adversus tutorem datur *Directa*, ut red- *Vid. sup.*
dat rationem administrationis finita tute- *l. 2. tit. in*
la, restituatque quod ex rebus pupillaribus *sine.*
apud eum residet, & damnum praestet, quod
vel gerendo, non ut oportuit, vel non ge-
rendo dedit; quatenus tamen ejus argui-
tur dolus aut culpa, etiam levis. Tutori
adversus pupillum datur actio *Contraria*, *l. 3. §. 7. ff.*
qua repetat sumptus & impendia bona fi- *de contr.*
de in rem pupilli facta; & quae ei propter *tut. & h.*
tutelam absunt. Sufficitque similiter tuto-
ri, bene & diligenter negotia gessisse, licet
quod gestum est, eventum non habuerit.

DE COMMUNIONE.

*Rerum communia qua ratione inter quasi con-
tractus numeratur?*

Illud manifestum fiet, si consideres, com- §. item §
municari res non tantum contractu, id est, *b. 1.*
societate: sed & sine contractu, sine socie-
tate, quae proprie *Communio* dicitur; estque
vel rerum singularium, ut si duobus pariter
eadem res donata legatave fuerit; vel juris
sive

sive universitatis, ut si duo pariter hæredes instituti sint. Quo casu si alteruter quid de suo impenderit in rem communem, tenebitur alteri non proprie ex contractu, quippe qui nihil inter se contraxerint, sed quasi ex contractu, in quem veniunt personales præstationes, quod nimirum alter alteri præstare est obligatus.

Quæ igitur hinc actio prodita est?

Ex particulari communione nascitur *judicium*, sive *actio communi dividundo*: qua agitur adversus detinentem rem communem, ut ea dividatur, ut fructus ab altero sociorum percepti, sumptusque in rem necessario impensi, pro parte restituantur, ut damnum dolo aut culpa socii datum resarciatur.

Ex universali communione nascitur *actio familie eriscundæ*, quæ inter hæredes locum habet, volentes a communione discedere; nimirum ut & res hæreditariæ inter eos distribuatur, & præstentur ea omnia, quæ cohæres solus in hæreditatem impenderit, cæteræque personales præstationes. Unde & utraque hæc actio est mixta, partim in rem, partim in personam, de quo infra latius.

DE HÆREDITATIS ADITIONE.

Ostende, eundem quasi contractum in additione hæreditatis habere locum?

Quia hæres adeundo hæreditatem obligatur ad exsolutionem legatorum debitorumque legatariis & creditoribus hæreditariis; his quidem eo modo, quo defunctum habuerunt obligatum, in cujus jus omne hæres succedit; legatarii vero tantum quasi ex contractu. Cum legatariis enim neque ipse hæres vere contraxit, neque defunctus, qui iis non fuit obligatus; tamen quia hæres

res ex maleficio non est obligatus, & interim æquitas postulat, ut aliqua sit obligatio; ideo hæres adeundo hæreditatem, quasi contrahere cum legatariis dicitur, & obligatio, quæ demum sub mortem defuncti suborta fuit, confirmatur ipsa aditione.

DE INDEBITO:

Ostende id ipsum in indebiti solutione?

Quia qui per errorem alteri non debitum §. item is: solvit, eum sibi obligat ad restitutionem; cui non quidem ex contractu, quia nulla hic facta fuit conventio de re restituenda, sed quasi ex contractu, perinde ac si mutuum accepisset; & ideo conditione indebiti conveniri potest. Cæteroqui respectu causæ efficientis, sive ejus qui solvit, tantum abest, ut intelligi possit proprie ex contractu obligatus, ut, si certiore rationem sequamur, magis (ut supra diximus) ex distractu, quam ex contractu, possit dici obligatus esse. Nam qui solvendi animo pecuniam dat, in hoc dare videtur, ut distrahat potius negotium, quam contrahat. *supra tit. 15.*

Suntne causæ, ex quibus indebite solutum repeti non potest?

Sunt, secundum veterem Juris regulam: §. fin. b. Ex quibus inficiando lis crescit, hoc est, in iis causis, in quibus aliquis inficiando sive negando debitum, mendacii convictus, in duplum condemnatur, ex iis causis indebitum solutum repeti non posse: veluti, si ex §. sed fur- ti, de act. Lege Aquilia de damno injuria dato agatur: si de legato ad pias causas relicto, quod hæres monitus intra annum non solvens, aut inficiatus, in duplum damnatur; si ex deposito tumultus, incendii, ruinæ, naufragii causa. Ex quibus causis si quis indebitum solverit, non poterit repetere; quia l. 1. 2. & 4. C. de cond. vide ind.

352 INSTIT. IMPER.
videtur, non tam per errorem, quam sciens
solvisse, & quasi transigere, ad evitandam
dupli poenam, voluisse.

T I T U L U S XXIX.

PER QUAS PERSONAS NOBIS OBLIGATIO
ACQUIRITUR.

Titulus hic similis est illi; *Per quas perso-
nas singulis acquiritur*, nimirum dominium
rei: de quo supra lib. 2. Tit. 9.

Per quas personas acquiritur obligatio?

§. 1. h. t. **P**ER easdem, & eadem ratione, qua domi-
nium nobis acquiri diximus; nimirum
per servos & alios, potestati nostræ subje-
ctos: ut tamen, quod per servos nobis acqui-
ritur, totum nostrum fiat; quod autem per
liberos, quos in potestate habemus, ex obli-
gatione fuerit acquisitum, hoc ita divida-
tur, ut usumfructum quidem habeat pater,
proprietas vero filio servetur.

Quid juris est de iis quos bona fide possidemus?

§. 1. & ff. h. **P**ER eos quoque nobis acquiritur, siue li-
beros homines, siue servos alienos: simili-
ter per eum servum, in quo usumfructum ha-
bemus; sed ea tantum, quæ operis suis,
vel ex re nostra acquirunt. Communem ve-
ro servum pro dominica parte acquirere do-
minis, certum est: Sed si domini unius jussu
servus fuerit stipulatus, illi tantum acqui-
rit, qui hoc ei facere jusserit.

TITULUS XXX.

QUIBUS MODIS TOLLITUR OBLIGATIO?

Cum hactenus de modis constituendæ obligationis, tam ex contractu, quam quasi ex contractu, dictum sit; ordo postulat, ut aliquid dicamus de modis dissolvendæ ac tollendæ obligationis.

Quibus igitur modis solvitur obligatio?

Solutione, Acceptilatione, Novatione, Dissensu. Sunt quidem plures alii modi tollendæ obligationis, ut Compensatio, Confusio, Obsignatio, Jusjurandum, Interitus rei, Pactum de non petendo, &c. sed Imperator tradere hic voluit eos tantum obligationis tollendæ modos, qui proprie sunt per distractum, ut maxime celebres & usitados.

Quid est solutio?

Solutio est naturalis prestatio ejus, quod debetur, sive pecunia debeatur, sive alia res, sive etiam factum. Eaque speciatim solutio est; generatim autem solutio pertinet ad omnem liberationem quoquo modo factam. §.1. h. t. l. 49. de solut.

Interesse quis solvat?

Non interest, utrum is, qui debet, solvat, an alius pro eo, modo non suo, sed debitoris, sive scientis, sive ignorantis, vel inviti, nomine solutio fiat; cum aliena conditio etiam ignorantis & inviti melior fieri possit, deterior non utique. Non obstat, quod dicitur, *invito beneficium non dari*. Hæc enim regula intelligenda, ubi principaliter & directo beneficium invito tribuitur: secus vero est, si per consequentiam commodum quis ex beneficio præstito sentiat: principaliter enim cum creditore, cui sol-

text. hic.

l.17.C.eod.

l.69. ff. de

R. J.

vitur, acquiritur beneficium; non cum debitor negotium geritur.

l. 39. ff. de neg. gest. Præterea debet is, qui solvit, licentiam habere res suas administrandi & distrahendi, *l. 14. in fine* quam non habet pupillus, surius, prodigus; qui si solverint forte; solutum vindicari posse palam est. Factaque solutione, sive *l. 43. ff. de selut.* a reo principali, sive ab ipso fidejussore, liberatur & reus & fidejussor, liberantur & accessiones: puta hypothecæ, & pignora. *l. 178. ff. de R. J.*

Cui recte solvitur?

l. 12. l. 14. §. 1. l. 64. ff. de solut. Et ipsi creditori, & cui creditor hoc nominatim mandaverit, factamve solutionem ratam habuerit: ut & procuratori, cui res omnes administrandæ mandatæ sunt. Solvi quoque potest tutori, curatori, vel ei, qui *l. 180. ff. de R. J.* pro tutore negotia gerit: Ipsis vero pupillis & adolescentibus non recte solvitur, sine auctoritate tutoris vel curatoris.

Potestne aliud pro alio solvi?

Aut b. Hoc nisi, C. de solut. Aliud pro alio solvi creditori invito non potest, volenti vero & consentienti potest. Interdum tamen etiam nolenti, loco rei, solvitur ejus æstimatio; aut quia necessitas cogat, veluti cum res, quæ debita est, præstari nequit, quoniam periit; aut quia res sit aliena, quæ a domino absque magno incommodo redimi nequeat.

Potestne solvi invito creditori per partes?

l. 3. ff. sum. etc. l. 4. §. 1. ff. de usur. Non potest, nisi ita sit conventum, quia solutio partium non minima solet habere incommoda: veluti si quis pecuniam, pro qua redditum debet,olvere per partes velit. *Donel. ad lit. l. 21. ff. de reb. cred.* quia hic non eadem est commoditas creditori alium similem redditum comparandi, cum tota summa simul & semel non numeretur. *ad l. 9. C. de solut.* Verum licet hoc ita sit, exigentibus tamen causæ circumstantiis, humanius facturus

rus videtur Prætor, si creditorem compellat ad accipiendum id, quod offertur, cum ad officium ejus pertineat lites diminuere.

Quo in loco & die facienda solutio?

Loco contento, non etiam alio: alias non contingeret liberatio, stipulatore invito: est enim eo loco debitum, jurisque dicat ratio, solutionem debere esse conformem obligationi. 1.2. & 9. ff. de eo quod certo loco

Die dicto, non ulteriori. Imo nec ante diem adjectum debitor tenetur solvere: potest tamen, si velit, cum dies sit adjectus in gratiam illius, qui potest juri suo renunciare; & cum continuo sit orta obligatio, quidni continuo dissolvitur? nisi aliud obftet, ut quia apparet, creditoris quoque causa diem esse adjectum; tunc enim eo invito non poterit anticipari solutio. 1.70. & 98. §. 4. ff. de solut.

Oblatio, Obfignatio, Depositio, habentne vim solutionis?

Habent, modo *Oblatio* sit realis, eamque creditor accipere recuset. Nam si species debita, postea absque mora, aut facto debitoris, perierit, hujusmodi oblatio facta prodest ad liberationem. Item *Obfignatio Depositioque* rei debita, si solemniter facta sit, ut est, apud Magistratum, vel ejusmodi loco tuto; eam vim habet, ut mox liberet plene debitorem, quamdiu is rem ad se non receperit, & sistere faciat cursum usurarum. 1.6. 9. & 12. C. de solut.

Quid est Acceptilatio?

Est *imaginaria solutio*, habens scilicet imaginem veræ & naturalis solutionis, ex vi & potestate legis. Vet. *Acceptilatio*, est liberatio per mutuam interrogationem, qua utriusque contingit ab eodem nexu liberatio: veluti, Quod ego tibi promisi, habesne acceptum? habeo. §. 1. b. r. 1.8. §.3. ff. de accept.

bro . Unde consequens est , non quamlibet obligationem tolli per acceptilationem , sed quæ verbis est contracta ; cum nihil tam sit naturale , quam unumquodque eo genere dissolvi , quo obligatum est .

Numquid & alia obligationes tolli acceptilatione possunt ?

§.2.b.1.& 1.18.ff.eod. Possunt , hac cautela , si id , quod alia ex causa debetur , interveniente novatione , deducatur in stipulatum , & per acceptilationem dissolvatur . In quam rem prodita est formula Aquilianæ stipulationis , Gallo Aquilio actore , v. g. *Quidquid te mihi ex causa mutui , aut ex venditione , debere constat , dare spondes ? Spondeo .* Jam quod ex causa mutui aut venditi debitum erat , debetur ex stipulatione , & proinde solvi per acceptilationem poterit , debitore interrogante , *Quod tibi debeo , acceptum fersne ? & creditore respondente , Acceptum fero .*

Quid est Novatio ?

§.præterea b.1. 1.1. ff. de novat. 1.20. ff. d. t. 1.203. ff. de R. J. Novatio est prioris debiti in aliam obligationem vel civilem , vel naturalem , transfusio atque translatio . Dico , prioris debiti ; intellige , siue aliquid sit naturale , siue civile , siue honorarium . Item siue obligatio prior , re , siue verbis , siue consensu contracta sit . Dico , in aliam obligationem , quia novatio non solum pristinam obligationem tollit , sed & novam constituit . Dico , civilem , vel naturalem : quia ad hoc , ut prior perimatur obligatio , sufficit : quod sequens obligatio aut civiliter teneat aut naturaliter , ut puta si pupillus sine tutoris auctoritate promiserit . Et sibi imputet creditor , quod minus idoneam personam acceperit , cujus conditionem ignorare non debuit .

Quotuplex est?

Duplex; alia *Voluntaria*, quæ fit per sti- l. 29. ff. & l. pulationem: alia *Necessaria*, quæ fit per litis 1. & 3. C. contestationem, per quam quasi contrahi- *de nov.* tur: & secuta condemnatio facit actionem pristinam converti in actionem judicati.

Quot modis fit Novatio?

Duobus modis; I. *Interventu novæ personæ*: quo casu nova nascitur obligatio, & prima tollitur, translata in posteriorem: v. g. Si, quod Titius mihi debebat, stipuler a Sempronio etiam pupillo: hic enim inter- ventu novæ personæ, scilicet Sempronii, novatur obligatio, & prior novationis jure l. 23. ff. *de* tollitur. Non idem juris est, si a servo sti- R. J. puler, cum in personam servilem nulla ca- l. 11. *de* dat obligatio, ergo nec novatio. *novat.*

Similis hujusmodi novationi est *Delegatio*; nam & *Delegatio* fit interventu novæ personæ, cum quis vice sua alium reum dat creditori; adeoque delegationi semper inest novatio: v. gr. Debeo Titio centum, & tantundem mihi Sempronius debet: hic si Sempronii personam pro me delegem Titio, nova obligatio erit, id est, novatio, & simul delegatio.

II. Fit novatio *inter easdem personas*: mutato vel genere & forma, vel qualitate obligationis: v. g. Si, quod Titius mihi debet ex causa mutui, vel alterius contractus, ab eodem stipuler: vel si in posteriori obligatione ejusdem generis aliquid novi sit, die, conditione, fidejussore adjectis vel detractis, v. g. Si priori obligationi pure contractæ adjiciatur in posteriori conditio: quo casu tunc demum dicetur facta novatio, si conditio extiterit.

Quando partes contrahentes facta novatione censentur a priori obligatione recessisse?

§. sed cum hoc.

l. ult. de nov.

Omissa veterum dubitatione, qui hoc ex animo novandi, & sic ex conjecturis, fere colligebant, constituit Justinianus Imperator, tunc solum novationem prioris obligationis fieri, si hoc ipsum a partibus contrahentibus expressum fuerit, quod nimirum hanc posteriorem stipulationem novandi animo interponant; alioqui non esse novationem, sed potius pristinae obligationis confirmationem.

Quae obligationes consensu mutuo dissolvuntur?

§. fin. b. t. l. 35. l. 153. ff. de R. J. *Et obligationes, quae consensu contrahuntur, contraria utriusque partis voluntate dissolvuntur: quia naturale est, ut unumquodque eo modo dissolvatur, quo colligatum est. Et hoc quidem re integra adhuc, id est, quamdiu neque pretium datum, aut res tradita est. Alioqui contractum, ab una parte per traditionem impletum, nudus consensus non dissolvit: necesse est, rem traditam reddi, & pretium restitui. Dixi, utriusque partis voluntate; quia unius partis pacto, discedi ab emptione & locatione non potest, quamvis mandato & societati renunciare unus possit, dum integra adhuc res est. Quia in his contractibus, utpote gratuitis, quamdiu nullius coeperit interesse, locus est poenitentiae. At in aliis contractibus mox post utriusque consensum editum, alterutrius interest: Ideoque contractus implendus est, nec potest ab eo discedi invita altera parte.*


*An etiam id obtinet in aliis civilibus
negotiiis?*

Plane, atque eo pertinet Regula Juris ; *l. 100. ff.*
Omnia quæ jure contrahuntur, contrario jure *de R.J.*
pereunt. Contrario, inquam, jure, quod æ
 que magnas vires habeat ; sic leges contra- *§. pen. de*
 riis legibus postea latis tolluntur. Et testa- *jur. nat.*
 menta infirmantur, non ex eo solo, quod *gent.*
 testator noluerit ea valere, sed alio paribus *§. pen. qui-*
 solemnibus condito testamento, aut incisus *bus modis*
 tabulis. Hinc Codicilli, qui & ipsi quidam *test. inf.*
 juris habent, vim testamenti solemniter fa-
 cti non evacuunt, neque pactum, licet ju-
 ris sit, stipulationem tollit, quamvis pro-
 pter naturalem æquitatem, quæ pacto inest,
 pariat exceptionem. Igitur eadem juris so-
 lemnitas adhibenda in actu tollendo : quæ
 in eo ineundo requiritur.

FINIS LIBRI TERTII.

350
INSTITUTIONES
IMPERIALES
EROTEMATIBUS

DISTINCTÆ ET EXPLICATÆ.



LIBER QUARTUS.

TITULUS I.

DE OBLIGATIONIBUS, QUÆ EX DELICTO
NASCUNTUR.

Cum sit expositum superiori libro de Obligationibus, quæ oriuntur ex contractu & quasi ex contractu, sequitur, ut de Obligationibus, ex delicto & quasi ex delicto descendentibus, dispiciamus.

Obligationes ex delictis unde nascuntur?

*Text. h. in
princ.*

*Ut in l.
pen. ff. de
statu lib.*

Omnes unius generis sunt, & ex re nascuntur, id est, ex maleficio, ex furto, rapina, damno, injuria. Itaque rei nomine intellige hic factum. Sic tamen hæ obligationes sunt ex re, siue maleficio, ut nihilominus accedere iis possit aliquid; veluti injuria est facti, sed accedunt verba, vox, litteræ; similiter in aliis delictis sua instrumenta, ut arma, & id genus alia.

Quid est Delictum, & quosuplex?

Delictum est factum illicitum, seu offensio contra jus illata. Estque vel *Publicum*, quod ad læsionem Reipublicæ vel communis utilitatis, directo tendit, & publice legibus vindicatur; vel *Privatum*, quo privatorum aliquis

aliquis læditur, quodque privata actione persequitur, is ad quem ea res pertinet. Nam ex eo oritur obligatio; & civilis, quam lex indulgit; & naturalis, quam suavitæ æquitas, quæ neminem vult lædi. Ex delictis publicis agitur tantum criminaliter, ex privatis ordinariè civiliter, extra ordinem vero interdum etiam criminaliter agi potest.

Quando dicitur agi civiliter; quando criminaliter?

Civiliter dicitur agi, quando is, qui læsus est, agit ad privatum suum commodum, & petit rem sibi restitui, pœnamve pecuniariam sibi, ut parti læsæ, applicari.

Criminaliter vero, quando pœna, sive corporalis, sive etiam pecuniaria, ut Reipublicæ debita, petitur inferri fisco.

Quot sunt privatorum delictorum genera?

Hic quatuor præcipua proponuntur: & committuntur ejusmodi delicta, vel in rem, per fraudulentam contrectationem, animo lucri faciendi, & ponitur *Furtum*: vel per vim apertam, & est *Rapina*; vel alias lucri causa, & vendicatur damnum *Lege Aquilia*; vel in personæ contemptum, & ponitur *Injuria*.

Quid est Furtum?

Est contrectatio fraudulosa lucri faciendi gratia, vel ipsius rei, vel etiam usus ejus, possessionisve. Dicitur contrectatio; quia furtum non admittitur sola cogitatione, sed contrectatio-

Q

ctatio-

§. I. h. t.

l. 1. §. 3. ff. Statione, atque amotione rei immobilis: Neque de fuit l. enim placuit, furtum fieri rei immobilis, 3. §. 17. ff. cum loco moveri nequeat. Additur fraudulosa; de acq. quia non quævis contrectatio maleficium ponit, sed ea tantum, quæ fit animo privandi dominum re sua: sine quo, seu affectu furandi, non committitur furtum.

Quotuplex est?

Text. hic Duplex: aliud *Manifestum*, aliud *Nec manifestum*. *Manifestum* est, quando fur cum re & in l. 2. 3. furtiva deprehenditur, antequam eo loci rem 4. 5. & de pertulerit, quo destinaverat. Nam deprehensio est nota furis manifesti, & ex ea resultat obligatio furti manifesti, a lege inducta, propter scandalum. *Nec manifestum*, in quo fur non est deprehensus, sed tamen eum furem esse, & furtum commisisse, negari non potest.

Quid de furio concepto, oblato & prohibito, non exhibito juris est?

§. conceptum & seqq.

Olim quidem & illa divisio Furti in usu fuit: & *Conceptum furtum* dicebatur, quando res furtiva præsentibus testibus apud aliquem quæsitæ & inventa esset: *Oblatum* quando quis alteri rem furtivam obrulerat, ut apud eum conciperetur, si utique ea mente data esset: *Prohibitum*, quando quis rem furtivam quærere testibus præsentibus volentem prohibuisset: *Non exhibitum*, quando quis furtivam rem, apud se quæsitam & inventam, non exhibuisset. Sed hæc non tam furti genera sunt, quam species actionum in furto coherentium, quæ in desuetudinem abierunt, propter sublatam veterem investigandi rei furtivæ consuetudinem, atque licentiam, nisi eam concesserit Magistratus, ita postulante causa.

*Furtum quando, & quarum rerum
fieri dicitur?*

Furtum fit non solum, cum quis animo in-
tercipiendi rem alienam amoveret, sed genera-
liter cum alienam rem invito domino contrec-
tat. Is autem contrectare dicitur, qui animo
fraudoloso rem de loco in locum moveret, aut
ejus possessione abutitur. Nam fit furtum non
tantum ipsius rei, sed & usus ejus, *possessio- L. 40. l. 54.
nisve*: veluti à commodatario, qui re sibi
commodata utitur aliter, & in alium usum,
quam cujus gratia eam acceperit, ut si quis
equum, gestandi causa sibi commodatum, lon-
gius aliquo duxerit: item a creditore, qui uti-
tur re pignori data: a depositario, qui re de-
posita utitur, invito domino. Postremo, de-
bitor furtum facit *possessionis*, si rem, quam
creditori pignoris causa dedit, subtraxerit.

*Quid, si quis putet domino invito se contrectare
rem, & domino volente id fiat?*

Non potest tunc videri commissum furtum, *S. placuit*:
cum fraus, quæ in eo desideratur, non pos-
sit poni, nisi & animus ponatur, sine quo
nulla fraus potest intelligi. Igitur qui re
commodata, vel deposita utitur, furti non
tenetur, si existimet, se non invito domino
id facere, quia abest affectus furandi, sine
quo diximus furtum non committi.

Sed & si credat invito domino se rem te-
nere; quam tamen habeat ipso volente non
obligatur furti; quia non potest videri facta
injuria, aut fraus domino volenti. Quis enim,
inquit Ulpianus, voluntatem domini habens,
fur dici potest? Volenti namque numquam
dolus inferitur. Unde illa regula juris, Ne-
mo videtur fraudare eos qui sciunt & consen-
siunt.

tiunt. Nec obstat opinio ejus, qui rem alienam contrectat: plus enim, valet, quod in veritate est, quam quod in opinione.

Potestne igitur domini voluntate furtum fieri?

S. unde il- Potest, nimirum hoc casu: Nam si Ti-
lud l. 26. rius, v. g. servum sollicitaverit, & suaserit
C. de fur- malitiose, ut quasdam res domino suo furtive
tis. auferret, & dominus studio permiserit fieri ea-
rum contrectationem, quo suasorem & aucto-
rem deprehenderet, furtum committitur, li-
cet id domino sciente, ac volente fiat; qui
non eo animo consensit in furtum, ut dominus
re sua privaretur, sed ut sollicitator, ac per-
suasor, qui servum corruptit, actione non tan-
tum furti, sed & servi corrupti teneatur: id-
l. 1. §. 2. ff. que ob consilium fraudulentum corruptoris,
de rei vin. quod ad perniciem servi introduci non debet.
l. 37. ff. h. t.

Hinc observa illam Juri regulam, quod num-
quam actiones pœnales, de eadem re concurren-
tes, alia aliam consumat.

Potestne furtum comitti hominis liberi?

Distingue: Vel liberi nostri sunt in pote-
state, qui velut in dominio nostro habentur,
quorum ut vindicatio quædam est, ita & fur-
tum fieri dicitur: Vel sunt sui juris homines,
quorum non furtum (cum libera persona nul-
lius sit in dominio, & per consequens neque
ut aliena, aut alterius juri subjecta, dici pos-
sit subjectum furti) sed plagium fieri dicitur.
Quocirca poterit pater filio subrepto agere
furti, in duplum, vel quadruplum quod ejus
interest, cum ipsum corpus liberum non reci-
piat æstimationem: mater vero non furti, sed
plagii actionem habet, quia liberos in pote-
state non habet.

Potest-

*Potestne furti teneri, qui ipse furtum
non fecit?*

Potest, nimirum is, cujus ope & consilio §. *inter-*
furtum factum est. In quo numero est, qui *dum*.
nummos excussit, ut alius eos raperet, qui
scalas fenestris supposuit, ut alius furtum fa-
ceret: nam si hoc ipsum dolo malo fecerit:
furti actio est; si per imprudentiam, & non
data opera, aut furti faciendi causa, in fa-
ctum actio datur; non furri, quoniam furtum
sine affectu furandi non committitur.

*Quid, si solam opem absque consilio, aut con-
siliū absque ope quis præstiteris?*

Distinguendum hic est. Aut enim opem tulit §. *certe*.
ei, quem scivit esse furem, ad furtum facien-
dum; & dubium non est, quin teneatur una cum *l. 36. c. 2.*
fure; quia & opem & consiliū dedisse intel- *l. 25. §. 19.*
ligitur: aut nescivit furem esse, & tunc non *ff. h. t.*
tenetur. Qui vero solum consiliū dedit, at-
que hortatus est ad furtum faciendum, non te-
netur furti, nisi furtum secutum sit ex eo con-
silio. Huc pertinet regula, quod ex consilio *l. 47. ff. de*
dolo in consultorem doli actio detur. *R. J.*

Quis dicitur dare consiliū, & quis ferre opem?

Consiliū dare videtur is, qui persuadet & *l. 90. §. 3.*
impellit, atque instruit consilio ad furtum fa- *ff. d. t.*
ciendum. *Opem ferre*, qui ministerium, atque
adjutorium ad subripiendas res præbet. Unde *l. 33. ff. de*
patet, aliud esse factum ejus, qui ope: aliud *V. O.*
ejus, qui consilio furtum fecit. Namque ab
eo, qui opem tulit, condici potest, quia ex
furto aliquid ad eum pervenit: ab eo, qui
nihil præter consiliū dedit, non potest con-
dici, quia nihil ad eum pervenit.

Q 3

Quid,

Quid, si filius familias patri, aut servus domino, rem subripiat?

Furtum uterque facit, & res in furtivam causam cedit, adeo ut ea usucapi non possit, nisi vitium purgetur, & res in domini potestatem revertatur: sed furti actio non nascitur, quia nec ex alia ulla causa potest inter patrem & filium, inter dominum & servum, actio nasci. Nam actio quælibet duas desiderat personas; in hac vero causa patris & filii, & domini & servi, una fingitur persona. At in eum, qui cum talibus ope & consilio ad furtum concurrit, actio furti, est, quia cessat potestatis ratio, & quia furtum fecit.

*l. 26. C. 35.
§. 1. ff. de*

Quid, si conjux conjugi furtum faciat?

*l. 113. 15
ff. rei.
amor.*

Licet vere furtum sit, tamen furti actio non datur, quia hæc famosa est, sed rerum amotarum. Imo neque ista, constante matrimonio, datur, cum societas vitæ, ac communicatio divini & humani juris sit inrer conjuges; sed condictio. At finito matrimonio, propter res divortii causa ablatas, actio datur rerum amotarum. Datur & furti, si post divortium easdem res alter conjugum contrectet, quia jam cessat causa privilegii.

l. 3. C. eod.

Furti autem actio cui competit?

*§. furti
41. h. t.*

Competit ei, cujus interest, rem salvam esse, licet dominus non sit. Imo neque domino aliter competit, quam si ejus inter sit, rem non perire. Ita creditor de surrepto sibi pignore experiri furti actione potest, licet dominus non sit pignoris; & alias idoneum habeat debitorem, cum ei consultius sit pignori incumbere, quam in personam agere: Plus enim cau-

*l. 12. §. 2.
ff. eod.
l. 1. ff. de
R. J.*

cautionis in re est, quam in persona. Deinde quia creditor tenetur debitori actione pignoratitia, si ejus culpa pignus pereat.

Differt igitur Actio furti a Conditione fur- l. i. ff. de
cond. fur.
tiva; nam hæc datur soli domino, illa ei, cuius interest; ut creditor fulloni, sive conducto-
ri, bonæ fidei possessori, & commodatario.

Cur non etiam prædoni, seu malæ fidei l. 134. §. i.
ff. de R. J.
Possessori, cum ejus periculo res sit? Quia
nullus ex improbitate sua consequitur actio-
nem, neque ex suo delicto meliorem suam con-
ditionem facere potest.

*Declara amplius hæc exempla; & in primis,
cur fulloni, ac sarcinatori com-
petit actio furti?*

Quia licet domini non sint vestimentorum, §. i. item
fullo.
quæ polienda, vel sarcienda, mercede certa
acceperint, eorum tamen interest, ne ea a furi-
bus auferantur, non dominorum; qui res suas,
sive æstimationem vestimentorum, actione lo-
cati, a fullone, aut sarcinatore persequi po-
tuerunt, dummodo de culpa pateat, & solven- d. l. 12.
do existant, id est; si domino rei æstimationem
solvere possint; Nam, si non fuerit, sol-
vendo, sive in toto, sive in parte, quia hoc
casu domini interesse incipit, qui suum a ful-
lone, aut sarcinatore consequi non potest,
ipsi domino datur furti actio.

Idemne juris est in bonæ fidei emptore?

Huic omnimodo competit furti actio, quem- §. sed &
bonæ fidei
l. 14. pr.
ff. eod.
admodum & creditori, id est, sive solvendo
fuerit, sive non; nempe re emptæ & tradita,
ei subrepta. Nam re necdum tradita, vendi-
tor manet dominus, eique hæc actio com-
petit, quam tamen cedere emptori debet,
uti & præstare, quicquid ex hac causa con-
secutus fuerit.

Q 4

Quid,

Quid, si res subripiatur, cui commodata est?

*S. qua de
fullone.*

& S. seq.

*l. fin. C.
h. v.*

Jure veteri idem fuit juris in commodatario, quod in fullone & quolibet alio conductore, eique, quatenus solvendo esset, dabatur furti actio. Verum constituit Justinianus, ut domino sit electio utrum malit civili commodati actione convenire commodatarium, an actione furti furem: ita tamen, ut, si unum convenerit, ad alterum non habeat regressum. Nisi forte ignorans, vel dubitans rem esse subreptam, commodatarium convenerit: quo casu variare ei licet, & ad actionem furti transire, quia qui jus suum ignorat, non videtur ei renuntiare, cum & facti alieni probabilis sit ignorantia. Atque hoc casu commodatarius omnimodo liberatur, quemcumque causæ exitum dominus adversus furem habuerit.

*Quid, si res deposita depositario
subrepta fuerit?*

*S. que de
fullone*

& S. seq.

l. 12. §. 1.

l. 14. §. 3.

ff. de furt.

l. 12 ff. de

furt.

l. 13.4. §. 4.

ff. de R. J.

Is furti agere non potest, sed furti actio domino sive deponenti committit: quia depositarii nihil interest rem esse sublatam; nec enim potest eo nomine depositi actione conveniri, cum custodiam non præstet, sed dolum duntaxat, Itaque si dolo caret, nihil ejus interest, si non caret, tunc quidem ejus est periculum, sed non debet ex dolo suo querere furti actionem, quam ex improbitate sua nemo consequitur, ne alioquin ex dolo suo quis lucrum sentiat.

*Impubes, rem alienam amovendo, potestne
dici furtum facere?*

S. in sum-

ma l. 25.

Placuit, quia furtum ex affectu furandi consistit, ita demum obligari eo crimine impube-

puberem, si proximus pubertati sit, & ob id ff. h. t. intelligat se delinquere. Quamquam in pœna l. III. l. infligenda tenera hæc ætas commiseratione digna sit. Unde regula juris; *Fere omnibus pœ. R. J. nalis judiciis & ætati & imprudentiæ succurritur.* l. II. §. ul. Hinc etiam lege XII. Tabularum id l. I. §. 32. obtinuisse scribit Gellius, ut impuberes, si ff. de S. C. furtum fecissent, Prætoris arbitrato verberarentur, noxamque sarcirent, id est, duplum præstarent. *Sil.*

Quæ actiones ex furto competunt.

Odio furum effectum est, ut pluribus actionibus teneantur, nempe ut civiliter, extra *§. sic ita. que 4.* pœnam, rei recipiendæ nomine, conveniri *inf. de act.* possunt, etiam condictione furtiva, & rei vindicatione.

I. *Rei vindictio* datur dominio rei furto subreptæ, adversus possessorem, si ipse fur possideat, si alius quilibet.

II. *Condictio furtiva*, quia rei habet persecutionem, datur similiter domino, adversus furem, ejusque hæredes, etiam in plusquam ad eos pervenit: atque id quoque odio furum receptum est, utque etiam a domino res propria condici possit, cum regulariter nemo rem suam possit condicere, & ex delicto hæres non teneatur in plus, quam ad eum pervenit. *l. 7. §. ult. & l. 9. ff. de cond. furt. l. 41. ff. de R. J.*

III. *Actio furti* tantum ad pœnæ persecutionem pertinet: quam diximus ante ei competere, cujus interest rem salvam esse; & nec ipsi domino aliter competere, nisi & ejus interest rem comperire.

Quæ est pœna furti?

Pœna furti manifesti est quadruplum: nec manifesti, duplum. Hoc autem duplum, aut quadruplum, ut dictum est, ad pœnæ dum-

taxat persecutionem pertinet, sive totum poena est; ita ut duplo, aut quadruplo simplum, id est, ipsa rei persecutio, nullo modo inesse existimeretur. Quare, qui manifeste rem valentem viginti aureis furatus est, tenetur in poenam præstare aureos octoginta, & insuper restituere ipsam rem, ad quam recuperandam competunt domino predictæ actiones.

Potestne furti etiam criminaliter agi?

Cell. lib. Potest, & Lex quidem XII. Tabularum
II. c. 15. fures nocturnos privatim occidi permittit, atque etiam diurnos, si telo se defendissent: cæteros, si liberi essent, addici ei, cui furtum factum esset; si servi, verberari & e saxo præcipitari. Deinde Prætor hujus poenæ asperitatem mitigavit, & ex capitali pecuniariam fecit. Tandem vero Justinianus sanxit, pro simplici furto mori non debere furem, nec aliquod membrum ei abscindendum; sed aliter poena pecuniaria, vel exilio esse mulctandum.

d. §. pæn.
l. Aut. sed
novo C. e
ser fug.

Mores hodierni quam poenam furibus infligunt?

l. 2. feud. Imitantur illi aliquo modo Constitutionem
tit. 27. §. si nem Federici Imperatoris, cum fures prima
quia quin- vice virgis affligunt; secunda membrum ali-
que, Go- quod eis præscindunt, aut signum tergo inu-
mez to. 3. runt, ut hoc sit eis cauterium emendationis
var. cap. 5. vitæ; tertia denique vice eos in malam cru-
clarins §. cem, sive patibulum attollunt, ut vitam la-
fure n. 10. queo finiant: nam propter iterationem &
& seqq. affectum delinquendi aggravatur delictum, ejusque poena, licet in alio territorio sit factum.

Servaturne perpetuo ordo iste?

Nequaquam : sæpe enim mutatur , atque *Covar. l. 2. ex circumstantiis augetur , minuiturque pœ- var cap. 9. na. Augerur , quoties nimirum multis per- n. 7. & ad sonis grassantibus opus est exemplo , ita ut c. peccatum, si enorme sit . Minuitur , si leve sit fur- tum, p. 2. tum . Interdum remittitur ei , qui , ut inediae §. I. n. 4. extremæ succurrat , esculenta aufert ; quia majore vi impulsus non videtur esse in dolo . Non tamen excusatur a restitutione ubi cap. 3. de pinguio rem nactus fuerit fortunam , cum furt. non acceperit tam commune , quam communificandum .*

T I T U L U S II.

De vi bonorum Raptorum .

In quo Rapina differt a Furto?

Differt in eo , quod *Rapina* sit atrocius *in pr. h. 8.* atque impudentius furtum ; quia sit palam & per vim . *Furtum* vero sit clam & sine vi : magisque invito domino raptor alienam rem contrectat , quam fur ; ideoque recte dicitur improbus fur , qui , quod absque vi facere nequit , facit adhibita vi .

Quid igitur est Rapina?

Est violenta contrectatio rerum corporalium S. I. h. t. l. mobilium invito domino . Vis enim quæ adhibetur in immobilibus , Invasio dicitur : quæ vi bon. in rebus mobilibus , Rapina est . *rapt.*

Quæ actio ejus delicti nomine datur?

Præter actionem furti , quæ & raptor ut *l. 1. & l. 2. improbus fur , tenetur , propriam actionem S. 12. ff.*

introduxit Prætor, quæ vocatur *Vi bonorum raptorum*: quæque intra annum est quadrupli, post annum vero simpli; ita tamen, ut quadruplo insit quoque ipsa rei persecutio; pœna autem sit tripli, siue comprehendatur raptor in ipso delicto, siue non.

Ergone leviori pœna tenetur raptor, quam fur manifestus?

Ita quidem videtur, cum tamen gravius delinquat, qui vi aperta bona rapit, quam qui fraude: verum ex eo raptoris pœna gravior est; quia raptor pluribus actionibus tenetur. Primum, quia fur nec manifestus punitur pœna dupli: raptor semper, id est, etiam non deprehensus cum furto, vel in actu furandi, punitur pœna tripli. Imo & cum raptor est fur manifestus, deprehensus in ipso delicto, manifesti furti pœna plectitur; interdum tenetur interdicto *Unde vi*. Denique accusatur de violentia ex Lege Julia de vi, cujus gravissima est pœna.

Quid requiritur ad hoc, ut actio Vi bonorum raptorum detur?

Duo concurrant necesse est, Vis & Dolus malus: neque hic vis sine dolo sufficit. Dolo autem malo facere videtur, non tantum is qui rapit, sed & qui præcedente consilio ad hoc ipsum homines armatos colligit, vel ab alio coactis utitur, ut damnum det, bonave rapiat.

Quid, si quis errore ductus; rem, quam suam esse existimabat, rapuerit?

Olim, quia id sibi licere existimabat, non tenebatur hac actione, neque etiam furti, qui non dolo malo raperet, sed errore ductus, rem suam esse putans. Non enim videtur de R.J. tur dolo facere, qui suo jure utitur, Item, Nemo

Nemo videtur dolo exequi, qui ignorat causam, cur non debeat petere.

Sed ne, dum talia excogitantur, inveniantur via, per quam raptores impune suam exercent avaritiam, melius constitutionibus Principum prospectum est, ut nemini liceat vi rapere, vel rem mobilem, vel se moventem, licet suam eandem rem existimet: & si quis contra fecerit, dominus rei suæ dominio cadat: sin alienam, rapuerit, tunc ultra restitutionem ejus, etiam æstimationem ejusdem rei vim passio præstare teneatur. Quod obtinet non tantum in rapto remobilium, verum & invasore immobilium. Coercenda enim fuit ejusmodi temeritas, convellens vincula publicæ quietis, & auctoritatem judiciorum, quæ ideo instituta sunt, ne quispiam sibi ipsi jus dicat, aut permittere valeat ultionem.

Vers. sed ne l. 7. & 9. C. unde vi.

l. 176. ff. de R. J. l. 24. C. de jur.

Cui, adversus quem, & ad quid, datur hæc actio?

Datur omnibus, quorum interest rem esse salvam, & ex iisdem causis, quibus furti actio competit pro re clam subrepta. Quare, sive locata fuerit res sive commodata, sive pignorat, sive deposita, & depositarii periculo ea res sit, sive bona fide quis possideat, sive usumfructum in re habeat, vel quid aliud juris, ut intersit ejus non rapi, semper competit hæc actio.

§. fid. h. r.

l. 2. §. 18. ff. h. r.

Datur adversus eum, qui vel ipse dolo malo rapuit; vel, licet manu sua non rapuerit, rapinæ tamen dedit causam dolo malo.

Datur denique intra annum ad quadruplum, post annum vero ad simplum: ad quadruplum, inquam, vel ipsius rei per vim subtractæ, si dominus, vel quasi dominus, possessorve agat; vel ipsius interesse, si res non fuerit in bonis actoris, sed tantum ex bonis, veluti commodata, conducta, pignora

Text. hic in fine.

rata, &c. quanti scilicet actoris interest, rem, seu usum rei ablatum non fuisse: quod est simpliciter, hac in actione quadruplandum: v. g. Rapti mihi per vim sunt scyphi argentei valentes centum, qui mihi oppignorati erant pro viginti aureis; agendo hac actione, quadruplando viginti aureos, quia eatenus tantum meum interest, consequatur aureos octoginta dumtaxat, non etiam quadringentos.

T I T U L U S III.

De Lege Aquilia.

Tertia species delicti privati est damnum injuria datum; id est, factum sine ullo jure; quod vindicatur actione damni injuriæ, sive injuria dati, quam vocant actionem Legis Aquiliæ, ita ab Actore Aquilio Tribuno plebis dictam.

Quot sunt Capita hujus Legis?

§. 1. h.

TRIA olim fuerunt. Hodie verò duo sunt in usu, quia secundum caput in desuetudinem abiit, fortè ideò, quòd de eo satis cautum esset aliis legibus.

Quid primo capite cautum fuit?

Ut, si quis alienum hominem, alienantve quadrupedem, quæ pecudum numero sit; injuria occiderit, quanti ea res in eo anno plurimi fuerit, tantum domino dare damnetur.

Quid, per Hominem pecudemve alienam hic Imperator intelligit?

§. 2.

Per Hominem intelligit servum: quia liberi hominis nulla est æstimatio, ejusque cædes

cedes ad Legem Corneliam de sicariis pertinet. Servum autem intelligit *alienum*: nam qui suum ipse servum occidit, sibi que damnum dat, sentire damnum non videtur. Per *Quadrupedem* intelligit animalia, quæ sub custodia hominis simul & gregatim pascuntur, ut boves, oves, sues, ex quibus l. 201. ff. de magna percipi utilitas solet. Ergo neque de R. I. feris bestiis, neque de canibus primum hoc capite accipi, aut intelligi potest.

Quid per injuriam, & in quo differt hæc actio ab actione injuriarum?

Injuria accipitur hoc loco non, quemadmodum circa injuriarum actionem, pro contumelia quadam, sed, ut antè dixi, pro eo quod non jure factum est, hoc est, contra jus, seu dolo fiat, seu culpa, etiam levissima, facientis, & quidem ab eo, qui nocere noluit. In actione verò injuriarum, non tam damni illati, quàm contumeliæ, ratio habetur: ex qua sola, citra ullum particulare damnum, agi injuriarum potest. Si tamen utraque concurrat actio, & Legis Aquiliæ, & injuriarum, expectari utramque licebit, sed dux erunt æstimationes, alia damni, alia contumeliæ.

Text. inf. de injur. in princ.

Quod igitur damnum hoc primo, Capite vindicatur?

Occisio hominis, id est, servi alieni, alienæve quadrupedis, dolo, culpave, etiam levissima, occisoris & damnum dantis. Culpa igitur in committendo potissimum hic versatur: nam propter culpam in omittendo volunt aliqui non directa, sed utili tantum actione teneri reum; ea ratione, quod gravior sit culpa in committendo, quam omittendo. Hinc non tenetur hac lege, qui culpam committere nequit, uti impubes, furiosus, quadrupes.

§. injuria 2. h. s.

Te-

Teneturne, qui latronem insidiatorem occiderit?

§. itaque, h. c. l. 55. ff. de R. J. l. 15. 4. ff. h. t. l. 3. ff. de just. & jur. Non tenetur utique si aliter periculum effugere non potuerit. Nam adversus periculum naturalis ratio permittit defensionem. Et civilis regula dicitur, nullum dolo facere videri, qui jure suo utitur. Igitur quod quisque ob tutelam corporis sui fecerit, jure fecisse existimatur, cum vim vi repellere omnes leges; omniaque jura permittant; modo quis limites, siue moderamen inculpatæ tutelæ non excedat.

Quid, si quis casu occiderit, damnumve dederit?

§. itaque si quis dum. Nec is tenetur, si modo culpa ejus nulla inveniatur: ubi enim culpa non est, ibi nec poena, quæ culpam præsupponit, esse potest; nisi tamen casum culpa præcesserit, quæ faciet Lege Aquilia teneri reum, ne culpa sit impunita. Quod declaratur exemplis; in eo qui jaculis ludens, exercitii causa, trajecerit transeuntem servum; in putatore arboris, qui dejecto ramo transeuntem occiderit servum; in medico, qui imperite servum secuerit.

Quid, si igitur quis, dum jaculis ludit vel exercitatur, transeuntem servum trajecerit?

Perf. nam si. Distinguendum est: Aut enim ab eo, qui ad jaculandum admissus fuit, quis læsus est, ut a milite in loco ad hujusmodi exercitium destinato, vel ab alio, & in loco insolito. Illo casu, si dolus non intervenerit, quia rei licitæ operam dedit, nec culpa ejus ulla intelligitur, non tenetur hac actione, posteriori tenetur, & culpæ reus est, cum rei illicitæ operam dederit, & immiscuerit se rei ad se non pertinenti: adeoque ne miles quidem hoc casu culpa vacat.

Quid,

*Quid, si putator dejecto ex arbore ramo
transeuntem occiderit?*

Si prope viam publicam aut, vicinalem id §. Item §
factum sit, neque proclamaverit ante, aut putato.
alio signo dato prætereuntes tempestive ad-
monuerit: tunc tenetur hac lege, quia culpæ
reum se fecit, non proclamando tempestive.
Alias extra culpam erit putator: ut & si se-
orsum a via forte, vel in medio fundo ra- l. 31. ff. h. t.
mos cædendo non proclamaverit, quia jam
rei licitæ operam dedit, nullique extraneo
in eo loco jus fuerat versandi.

*Quid de Medico, Chirurgo imperite curante
dicendum est?*

Is quoque tenetur hac lege, siue imperite §. prætereā.
servum secuerit, & curationem ejus decerne-
rit, isque ob id mortuus fuerit, siue perpe-
ram ei medicamenta dederit; quia imperitiā cul-
pæ annumeratur. Debet enim quisque ejus artis l. 132. ff. de
peritus esse, quam proficitur. Unde & Ju- R. J.
risconsulto imputari debet, si clientis sui cau- l. 7. §. ult.
sam vel deseruerit, vel male agendo perdi- ff. h. t. l. 36.
derit. Hanc culpæ causam, pluresque alias, ff. de R. J.
complectitur Regula altera, *Culpa est miscere
se rei, ad se non pertinenti.*

Annumeraturne & infirmitas culpæ?

Omnino, cum nemo affectare debeat id, §. imod. l.
quod intelligit, vel intelligere debet, infirmita- 2. §. 3. l. 9.
tem suam alii periculosam futuram. Qua- §. 2. ff. h. t.
re mulio, si per imperitiā aut infirmitatem
impetum mularum sustinere non potuerit, si
eæ servum alienum obriverint, culpæ nomi-
ne tenetur: dumodo alius firmior mulas re-
gere & sustinere potuerit. Idem dicendum
de eo qui per imperitiā equum, quo ute-
batur, retinere non potuerit. Idem de
nauta,

nauta, cujus navis in alterius impacta scapham, ei damnum dederit, si in potestate naturæ fuerit, ne id accideret, & culpa ejus factum sit.

Quid præstandum venit ex primo Capite hujus Legis?

§. his autem.

Tenetur is, qui damnum dedit, præstare damnum, non quanti res fuerit, cum damnum daret, cum servum, quadrupedemve occideret, sed quanti ea res in eo anno plurimi fuerit, ita ut annus computetur retrorsum ex tempore, quo damnum datum est. Unde servo occiso, qui tunc primum, cum occideretur, claudus, mancus, aut luscus factus fuerit, atque ita minoris valuerit, quam forte valuit toto illo anno, cum adhuc integer esset, tempus inspicitur in æstimatione faciendæ, non quo fuit occisus, sed quanti in eo anno plurimi fuerit.

*l. 21. in pr.
l. 23. §. 3.
ff. h. r.*

Estne igitur pœnalis hujus Legis actio?

Verf. qua ratione.

Placuit pœnalem esse, quia non solum tanti quisque obligatur, quantum damnum dederit, sed aliquando longe pluris. Ideoque licet hæredi ceterisque successoribus detur, tamen in hæredes non datur, nisi forte ex damno illato facti sint locupletiores, vel lis contestata cum defuncto fuerit, ut dicitur infra.

*d. 1. 13.
§. 2.*

Soliusne perempti corporis æstimatio ex hac Lege habenda est?

§. illud.

Placuit similiter, ex interpretatione hujus Legis, non solum perempti corporis æstimationem habendam esse, sed ejus quoque, quod interest, id est, damni, quod hac occasione illatum est. Unde si quis servum tuum instituerit hæredem, & is, ante-

*d. l. 12. §.
ult. & l.
15. verf.
item.*

antequam jussu tuo adiisset hæreditatem, occisus sit a Titio, tenebitur Titius, præter corporis æstimationem, quanti plurimi in eo anno fuerit, præstare damnum, quod dominus sentit ex amissa hæreditate, id est æstimationem hæreditatis: idemque juris est, si ex pari mularum unam, ex quadrigis equorum unum, quis occiderit, habita ratione ejus, quo cætera corpora depretiata sunt, propter causas corpori cohærentes, si forte equi propter parilitatem lineamentorum, & coloris, aptissimi ad quadrigam erant.

l. i. b. r.

Potesne actio Legis Aquiliæ cum actione Legis Corneliæ concurrere?

Potest, cum utraque actio ad diversos fines tendat: Aquilia quidem ad id, quod privatim abest, Cornelia vero ad vindictam publicam. Itaque si servum meum occidisti, actione Aquiliæ petam a te civiliter occisi pretium, quanti eo anno plurimi fuerit, & quod interest: agam quoque ex Lege Cornelia de sicariis criminaliter, & pœnam persequar. Neque, si Aquilia egero, eo minus agam ex Lege Cornelia, si dolo servus occisus sit. Est enim regula, quod quando plures actiones ex eodem delicto descendunt, una aliam non consumat, sed, quatenus in altera amplius est, persequi possimus.

§. libe- rum.

d. l. 23. §. 9.

l. 3. C. eod.

l. 30. ff. de

R. J.

Quid secundum Capite Legis Aquiliæ cautum fuit?

Caput illud in usu esse desit jam inde a Justiniani Imperatoris temporibus; unde alii aliter hodie de eo conjiciunt. Cujacius conjecturam fecit, fuisse de quavis alia ratione damni dati, re nostra intacta & illæsa, cumque aliter intercepta est utilitas, quam læsione corporis.

in Par.

Quod

Quod tertium fuit Caput?

§. *Capite*
tertio.

l. 27. §. 5.

l. 26. §. 6.

ff. h. t.

Ut, si quis servum, vel quadrupedem, quæ pecudum numero est, vulneraverit: vel eam quadrupedem, quæ pecudum numero non est, ut sunt canes & feræ bestię, occiderit, aut aliquam rem inanimatam repererit, fregerit, consciderit, damnumque injuria dederit; is tanti damnetur, quanti plurimi in diebus triginta proximis a damno dato res fuerit.

Cur minor hic pœna est, quam in primo Capite?

§. *Illud*
palam.

l. 30. §. fin.

ff. h. t.

Quia, quo majus est dilectum, major quoque pœna infligenda est: magis enim delinquit, qui occidit, quam qui læsit; magisque æstimanda cædes hominum, vel pecudum, quarum usus & commoditas major existit, quam ferarum. Interim tamen ex utroque capite ita demum pœna infligitur, si dolo, aut culpa damnum sit datum.

Quæ actiones hinc dantur?

§. *cæter.*

I. *Directa Legis Aquiliæ actio* datur, ex ipsis verbis legis, si quis corpore suo & manu sua in corpus alterius damnum dederit.

l. 6. §. 3. &

ff. l. 9. .2.

l. 1. §. 2. h.

t.

II. *Utilis*, ex mente & interpretatione legis, si quis non manu sua, aut corpore suo, sed occasionem damni in corpus dederit, ita includendo pecus, ut fame necaretur; ita vehementer agendo, ut rumpere; in tantum exagitando, ut præcipitaretur.

III. *In factum actio*, quæ subsidiaria est si non corpore damnum fuerit datum, neque corpus læsum, sed alio modo alicui damnum contigerit; ut si quis misericordia ductus, alienum servum compeditum solverit, ut fugeret.

Quid

*Quid interest, qua actione quis experiatur;
directa, utili, an in factum?*

Olim plurimum intererat, propter formulas actionum & libellos diversos. Hodie non tantum interest, postea quam solemnes illæ formulæ sublatae sunt. Unde dicitur eandem esse vim, ac potestatem utilis actionis, atque directæ.

*Tit. C. de
form. act.
sub l. 47.
ff. de neg.
gest.*

T I T U L U S IV.

De Judiciis.

Quarta species delicti privati est Injuria, quæ hic specialiter dicitur Contumelia; generaliter vero omne, quod non jure fit, injuria fieri dicitur.

Quid igitur est Injuria?

Est delictum in alterius contumeliam ac contemptum, dolo malo commissum.

Quot modis committitur Injuria?

Tribus: *Re, Verbis, & Litteris*. *Re*, cum quis pugno pulsatur, aut fuste cæditur; *Verbis*, cum quis alteri convitium dicit, *Litteris*, cum quis famosum libellum, vel carmen, ad infamiam alicujus conscribit, componit, vel edi curat; cujus pœna est capitalis.

S. injur.

*l. un. C. de
tam lib.*

Quotuplex est Injuria?

Duplex: alia *Levis*, alia *Atrox*. Illa fit, cum quis leviter & levi ex causa ab aliquo injuriose pulsatur; imo & cum filius a patre, a patrone libertus, vel alius a superiore suo, levi, nullave ex causa, cæditur corripiturque: quoniam illis, solummodo ex justa causa, moderata permittitur castigatio, non citra causam. Quamquam tunc his, qui sunt in potestate agere

*S. atrox
infr. h. t.*

*l. 3. C. de
pat. potest.
l. 7. §. 2. C.
ff. cod.*

agere non liceat injuriarum, cum nulla famōsa actio in patrem detur, ne quidem emancipato, nisi atrocitas suaserit, dandum esse actionem. Similiter neque a libero injuriarum agi potest contra patronum, nisi atrocem injuriam fuerit passus, cum & patronis liceat mediocriter castigare liberos.

Atrox vero injuria, quasi contumeliosior & major æstimatur, & fit multifariam; vel ex facto, atque armis, quibus infertur, ut si vulnus alicui illatum, vel os percussum sit, idque gladio aut fuste; vel ex persona, ut si magistratus, pater, patronus, vir nobilis, injuriam patiatur; vel ex loco, ut si quis in foro, theatro, aut judicum conspectu, passus fuerit injuriam; vel ex loco vulneris, veluti si in oculo, vel facie quis percussus fuerit.

Per quas personas quis pati dicitur injuriam?

Patitur quis injuriam, non solum per semetipsum, hoc est, cum directo ipsi patrifamilias, vel matrifamilias fit injuria, verum etiam per alias personas, cum scilicet per consequentias injuria fit his, quos in potestate quis habet, veluti liberis, item uxori ac nurui, nam hæ personæ injuria affectæ, actionem patri, marito, ac socero acquirunt, quorum nimirum potestati vel affectui subjectæ sunt.

Quid, si viro injuria facta sit, poteritne uxor injuriarum agere?

Nulla modo, defendi enim uxoris a viris, non viros ab uxoribus, æquum est: nisi de captivitate, aut incarceratione viri, aliave personali injuria, agatur, quæ ad ipsam quoque pertineat uxorem.

Quid,

Quid, si sponsæ alicuius facta sit injuria?

Eam injuriam vindicant, & quasi suam singuli prosequuntur: primo ipsa filia; secundo sponsus, ratione affectus; tertio pater sponsæ, potestatis nomine; quarto socer. *Vers. itaque si filia.* Ita ut singulis separatim sua sit actio, quarum una aliam non consumit. Et hoc ita procedit, quatenus injuriens scivit esse filiamfamilias, & conjugatam, licet ignoraret, *l. 38. §. ult. ff. h. t.* cujus sit filia, aut uxor: sufficit enim intentio.

Quid in servis est juris?

Servis quidem ipsis nulla injuria fieri intelligitur, cum servus careat capite & estimatione, quæ per injuriam diminuitur; *§. si servit. l. 32. §. 209 de R. J.* sed ipsi domino, si nimirum injuria sit atrox, vel aperte in contumeliam domini directæ, sin levis, ut quia servo convitium quis dixerit, vel pugno eum percusserit, nulla est actio, cum Jure civili servus pro nullo, imo pro mortuo habeatur.

Quid, si communi servo, injuria facta sit?

Tunc singulis dominis injuriarum competit actio, estimatione injuriæ faciendâ non pro ea parte, qua dominus quisque est, sed ex dominorum persona, & pro dignitate cujusque: v. g. gravius & pluris æstimabitur injuria facta nobili, aut senatori, quam plebeo, *l. 16. ff. h. t.* licet ex æquis partibus sint domini.

Quid, si servo usufructuario?

Tunc soli proprietario injuria fieri intelligitur, cui proinde soli injuriarum competit actio.

Quid,

Quid, si libero homini, qui bona fide servat?

§. sed si li-
bero.

Eo casu distinguendum est. Aut enim in contumeliam & contemptum domini facta est injuria, & soli domino injuriarum actio comperet: aut in ipsum liberum hominem injuria directa est, & suo nomine is experiri poterit. Idemque juris est in servo alieno, bona fide alicui servente.

Excusaturne veritas convitiis ab injuriarum actione?

l. 5. C. h. t.
l. 18. ff. eo.

Distinguendum similiter est: aut enim animo propositoque contumeliæ inferendæ quid objicitur, forte ab eo, qui inconsulto calore in rixam prolapsus est: aut crimen objicitur sine convitio, vindicandæ Reipublicæ, vel juris sui conservandi gratiæ. Priori casu, propter causam contumeliæ, datur injuriarum actio, quam veritas objecti non tollit: posteriori quippe, cessante causa & proposito faciendæ contumeliæ, seu injuriæ, non datur.

Excusaturne injuriarum inferens cum protestatione honoris, vel retorsione?

Gail. l. 2.
obs. c. 10.
et c. 100.

Minime: ut si dicat, *Tu mentiris*, salvo honore, quia verbum istud injuriosum satis declarat animum injuriandi, non obstante protestatione, vel honoris præfatione, quæ actui contraria nihil operatur. Cæterum si injuriose provocatus, injurianti respondeat, *Tu mentiris*, idque in continenti, non tam videbitur injuriam fecisse, cum absit nocendi animus, quam objectam injuriam retorsisse, sui honoris defendendi causa, atque licet vim, atque injuriam in continenti propulsare.

Quæ est pœna injuriarum?

§. pœna

Olim ex legè XII. Tabularum propter membrum quidem ruptum pœna erat Talio,

lio, id est, licebat illi, cui membrum ruptum esset, retaliando eisdem membrum rumpere; propter os vero fractum percussumque nummariae poenae erant constitutae; ob reliquas autem injurias tantum erat poena viginti quinque assium, quam sufficere judicabat antiquitas, pro ejus temporis paupertate. Verum Praetores postea poenam hujusmodi minus dignam judicantes, abrogarunt eandem, & permiserunt, ut injuriam passus, eam aestimaret, aestimatam Judex ex aequo & bono augeret, vel minueret, secundum gradum dignitatis, vitaeque honestatem.

Gell. l. 10.
c. 1.

Estne publica quoque haec actio?

Est: nam & Lex Cornelia de injuriis loquitur, & injuriarum actionem introduxit, quae competit illi, qui se pulsatum, vel verberatum, vel domum suam vi introitam esse docuerit. Domum autem accipimus, siue in propria domo quis habitet, siue in conducta, siue gratis, siue hospitio receptus sit.

S. sed &
lex.

l. 5. in pr.
D. h. t.

Potestne injuriam passus agere vel civiliter, vel criminaliter?

Potest: & quidem si civiliter agat; peter, reum aestimatione facta condemnari in certam pecuniae summam, sibi accusatori applicandam: Sin autem criminaliter, peter, reum arbitrio judicis corporaliter puniri, aut multa pecuniaria, quae fisco applicetur. Sed una ex his electa, tollitur altera; quia utraque actio ad eundem finem, nempe ad vindictam & poenam, tendit, & utraque infamat.

S. in summa.

l. 7. ult. f.
h. t.

Qua est differentia inter utramque hanc actionem?

Quod in civili injuriarum actione possit intervenire procurator, in criminali non
R item.

l. 21. §. 2. item . Quemadmodum etiam ad crimen pu-
D. h. t. l. blici iudicii persequendum frustra intervenit
pen. §. 1. procurator . Ratio posita est gravitate iudi-
D. de lib. ciorum , ac pœna , quæ ex illis irrogatur ,
jud. quæque ferenda est in corpus ipsius principa-
 lis , non vero procuratoris .

*Nulli ergo licet criminaliter per pro-
 curatorem agere ?*

Verf. hoc Licet viris illustribus ; quod dignitati eo-
vide ic. rum tributum est , ut per procuratores possit
l. ult. C. h. actionem injuriarum criminaliter vel perse-
r. qui , vel suscipere , & se defendere , ut & do-
 mi testimonium perhibere , cum alias testes
 sint evocandi , testimonii dicendi causa .

*Teneturne is injuriarum , qui ipse non fecit ,
 sed procuravit injuria ?*

Tenetur , quia quod quis per aliam fa-
 cit , ipse fecisse videtur , is enim damnum
 dat , qui jubet dare . Unde qui aliquem
§. non so- conduxit quovis modo , ut famosum libel-
lum . l. lum affigat , vel satyram in contumeliam
169. D. de alicujus cantet , certe perinde tenetur , ac
R. J. si injuriam fecisset : quia dolose fecit , aut
d. l. II. in fieri curavit .
pr. & l. I.

§. 2.

*Quibus modis tollitur injuria-
 rum actio ?*

I. Morte , tam actoris , quam rei , ita ut
 in hæredem non transeat : quia actio est fa-
 mosa , & vindictam prosequitur .

II. Remissione , eaque vel expressa , puta
l. II. §. I. pacto , etiam nudo , ac nuda voluntate , tran-
l. 7. D. l. sactione , & jurejurando ; vel tacita ; per si-
5. C. h. t. lentium & lapsum anni : est enim prætoria
 hæc actio , ideoque anni lapsu tollitur .

III.

III. *Diffimulatione* ; si injuriam passus statim ad animum suum non revocaverit : adeo ut non possit postea eam ; ut maxime velit, recolere , Cum enim odiosa sit hæc actio, merito restringi debet. §. hac actio
c. 15. de R.
J. in 6. §. 1.

T I T U L U S V.

De obligationibus, quæ quasi ex delicto nascuntur.

Quæ obligatio dicitur quasi ex delicto nasci ?

Quæ non ex dolo, id est, non ex voluntate & destinatione agentis, sed magis ex imperitia, negligentiave proficiscitur, tamquam ex quasi delicto ; ubi nempe personæ delictum vere & directe non comprehenditur, sed interpretatione, vel jurisdictione. Ita delinquere dicitur Judex, male judicando litem suam faciens : item is, ex cujus cœnaculo aliquid dejectum, effusumve fuerit : & denique exercitor navis, cauponæ, aut stabilis.

Quo pacto dicitur Judex obligari quasi ex delicto ?

Obligatur quasi ex delicto Judex, quia per imprudentiam, hoc est, juris ignorantiam, male judicat, & litem suam facit, nam imprudentia, atque imperitia est species culpæ, culpa autem pars quædam delicti, ideoque licet Judex per imprudentiam male judicando, neque ex maleficio, neque ex contractu obligatus sit ; tamen quia peccasse aliquid intelligitur, quasi ex maleficio teneri dicitur, & litem suam facere, id est, periculum & damnum alienæ litis transferre in se : ad cujus tamen veram æstimationem non tenetur, sed quantum

ea de re æquum religioni judicantis videbitur. Quod si largitione, vel gratia inductus perperam judicaverit, jam ex maleficio tenebitur, condemnandus propterea in solidam litis totius æstimationem, & expensarum refusionem, insuperque, præter infamiae notam, in triplum ejus, quod acceptum erit, & in duplum ejus, quod promissum, sed nondum datum.

*Auth. nov.
juve C. de.
pæn. jud.
qui male
jud.*

*Quo pacto dicitur obligari quasi ex delicto,
cujus cœnaculo aliquid dejectum,
effusumve est?*

*§. item is,
h. t.*

Talis non proprie ex maleficio obligatus intelligitur, quia plerumque ob alterius culpam tenetur: Neque enim ipse in eum locum, qua vulgo iter est, deiecit, aut effudit aliquid, dolove malo damnum procuravit; attramen quia non providit, ut debebat, ne per eos, quos secum habet in cœnaculo, vel proprio, vel conducto, vel in quo habitat gratis, damnum daretur, cum etiam publice intersit, sine metu & periculo per itinera commeari; ideo quasi ex delicto obligatus intelligitur.

*Quid juris est de suspensio, quod possit, si
ceciderit, alicui nocere?*

*§. cui si-
milis,*

Etiam hoc casu factum punitur, pœna decem aureorum constituta, siue nocivum sit, siue non modo positum, suspensumve quid fuerit ea parte, qua vulgo iter est, ita ut nocere possit. Hæc actio est popularis, id est, competit cuilibet de populo.

*Ad quid vero datur actio de effuso,
vel dejecto?*

vers. ob Ejus tria sunt capita. Primum de dam-
hominem, no. in rebus dato: ut si vestes transeuntis
macu-

maculatæ, corruptæve sint, effuso oleo, vel aliqua alia re; quo casu agitur ad duplum damni dati. Secundum de *homine libero occiso*; quo casu quinquaginta aureorum pœna est constituta, quia hominis liberi æstimatio nulla est. Tertium de *homine libero læso*, vel si alias nocitum ei esse dicatur; quo casu quantum ob eam rem æquum Judici videbitur, actio datur. Judex enim computare debet mercedes medicis præstitas, cæteraque impendia, quæ in curatione facta sunt: præterea operas, quibus caruit, aut caritus est, ob id, quod inutilis est factus.

*Si filius seorsim a patre habiet, & ex
ejus cænaculo nocitum fit,
teneturne pater?*

Nequaquam; cum nulla patris subfit culpa, sed cum ipso filio agendum est, sive quid dejectum, effusumve fuerit, vel quid positum, suspensumve habuerit, quod nocere possit. Id ipsum observatur, filiosfamilias imperite judicante; nam & in eum actio datur, qui licem suam fecit, non in patrem.

S. si filius-
fam. l.
vers. inde,
D. de O.
& A.

*Cur non in patrem actio datur de
peculio?*

Quia actio de peculio datur ex contractu, non ex delicto, vel quasi delicto filii. Unde illa juris regula, *Ex pœnalibus causis non solet in patrem de peculio actio dari*; quia in concessa administratione, & mandato, numquam continetur, delictum. Proinde etiam publicatis bonis filii propter delictum, non censetur publicatum ejus peculium.

d. l. 1. §. 8.
l. 58. D. de
R. J.

l. 3. C. de
bon. pro.
cript.

*Quo denique pacto obligantur quasi
ex delicto nautæ, cauponæ,
stabularii ?*

Obligatus in factum actione, in duplum
S. ult. n. & ejus, quod viator, vel rector de sarcinis,
titul. Nautæ, aut rebus suis in eorum navi, caupona, vel
caup. stabulo amiserit, quia aliquatenus culpæ rei
sunt, quod opera malorum hominum utan-
tur; eoque respectu quasi ex delicto tene-
ri videntur. Dico in navi; quia furtum ex-
tra navem, licet a nautis factum, non præ-
statam exercitores; neque etiam de facto via-
torum, vel vectorum, utpote quos ignotos
promiscue recipiunt. Possunt tamen in sim-
plum conveniri, ratione damni dati in rem,
cujus custodiam receperunt.

*Cur hæc actio datur hæredi, non vero
in hæredem?*

Hæredi quidem datur, tum quia est rei
Text. h. in persecutoria & perpetua, tum quia in actio-
fine l. I. in nibus, quæ ex delictis oriuntur, id placet,
fine D. de ut noxa caput sequatur.
privat. de Adversus hæredem non competit hæc actio,
l. I. I. S. I. quia pœnalis ex delicto descendens, Nec
de R. J. solent (inquit regula juris) in hæredem actio-
nes transire, quæ pœnales sunt ex maleficio,
relicti furti, damni, injuriæ, vi bonorum
raptorum, injuriarum.

T I T U L U S VI.

De actionibus.

Exposito jure personarum, ac rerum; superest, ut de jure actionum, quod tertium est Juris objectum, agamus.

Quid est Actio?

Actio nihil aliud est, quam jus persequendi. *Text. h. di in judicio, quod sibi debetur, id est, in pr. l. potestas & facultas agendi, qua apud judicem quis petit, quod sibi dari, aut restitui debet. Nam verbum, Debendi, large & generaliter accipiendum est, ut actionem tam personalem, quam realem comprehendat.* *178. ult. ff. de V. S. Coras. 6. misc. c. 5.*

Quotuplex est actio?

Actionum hoc Titulo varix traduntur divisiones, quæ eo fere tendunt, ut intelligatur, cui actio detur, adversus quem, ad quid, &c. desumptæ, vel a causa material; unde actionum alix in rem, alix in personam; vel a causa efficiente, in Civiles & Prætorias; vel a causa finali, in persecutorias rei & pœnæ; vel a quantitate rei petitæ, unde actionum quædam in simplum, quædam in duplum, &c. conceptæ sunt; vel ab intrinsec. ipsarum actionum qualitate, hinc enim actionum alix sunt, bonæ fidei, alix stricti juris; vel denique ab effectu sive quantitate executionis, quibus vel solidum persequimur, vel modo solidum, modo minus. *i. 15. ff. de R. J.*

Magna harum actionum utilitas & usus est, per quas sine armorum strepitu, quod nostrum est, consequimur, & ne injuriâ nobis auferatur, legitimis modis tuemur, adeo ut teste Paulo, qui actionem habet, rem ipsum habere, id est tenere videatur.

I. DIVISIO ACTIONUM in Rem & Personam.

Quæ est ratio hujus Divisionis?

Quia quidquid actione aliqua persequimur, id vel nostrum est, vel nobis debitum, diciturque hæc omnium actionum, quibus inter aliquos apud judicem de quacunque requæritur, summa divisio, quæ omnium omnino actionum materia est, ut aut in personam dirigantur, aut in rem.

Quæ dicitur Actio in personam, sive personalis?

Quæ cum eo agimus, qui nobis obligatus est ex contractu vel quasi, ex maleficio vel quasi, ad aliquid dandum, vel faciendum. Nam ex contractu fuit obligatio, ex qua immediate nascitur actio. Dicta autem Personalis, quia obligati personam perpetuo sequitur. Dicitur & *Conditio* hæc actio. *Condicere* enim est, dicere alicui, quo quis acturus sit. Sed abolito illo denunciandi more, retentum est vetus Conditionis nomen pro actione personali.

Quæ dicitur Actio in rem, sive realis?

S. 1. h. t. Quæ cum eo agimus, qui nullo jure nobis
d. S. 1. in obligatus est; neque contractus vel quasi, ne-
fi. l. 23. ff. que delicti vel quasi: petimusque rem nostram;
de rei quæ ab alio possidetur. Duo propterea hic ne-
vind. cessaria sunt, dominium ex parte actoris,
qui intendit rem, quam vindicare conatur esse suam, seque ejus dominum pronunciari, & possessio ex parte rei. Dicta ideo Realis, quia rem perpetuo sequitur, item vindicatio, a vindicando, id est, afferendo sibi dominium, quasi dominium, vel jus, quod quis habet in re.

Quid

Quid reali actione petitur?

Petitur restitui res, & transferri ejus possessio non etiam dari, ut in personali actione; quia dare est dominium transferre; quia res, quæ jam actoris est, amplius ejus fieri non potest, cum dominium non possit nisi ex una causa procedere. Fallit in domino rei furtivæ, qui & vindicare a quolibet possessore, & condicere rem suam a fure potest; quod odio furum receptum fuisse, supra quoque diximus. Possessoris verbo continetur, quisquis habet restituendi facultatem. Item qui dolo desit possidere, quia pro possessore dolus est.

S. sic itaque h. 1.
S. furti actio sup.
de oblig. quæ ex delicto.

l. 131. & l. 150. ff. de R. J.

Quotuplex est in rem actio?

Duplex: alia *Directa*, quam habet dominus rei directus adversus quemcumque possessorem: alia *Utilis*, quæ datur domino utili, qui nimirum in re petita utile habet dominium, quales sunt vassallus & emphyteuta. Et notandum hic est, oportere rem corporalem esse, quæ petitur.

Quid, si res aliqua incorporalis, ut servitūs, petatur?

Hoc casu duplex in rem prodita est actio, *Confessoria*; & *Negatoria*,

Quæ dicitur Actio Confessoria?

Est actio realis, qua quis vindicat, seu asserit servitutem fundo suo: contendens, servitutem aliquam in fundo alterius sibi vel fundo competere, adversus quemlibet impedientem: ut si agat quis jus sibi esse utendi fruendi ædibus alienis, &c. Et oritur ex jure, quo acquisita est servitus, quam vindicare cupimus, aut ex pacto, quo, est constituta, aut ex ultima voluntate, qua nobis est relicta servitus.

S. æque h. 1. l. 2. ff. de servitut. vind. l. 5. in pr. ff. de usufr. pet.

R 5

Quæ

Quæ Negatoria?

Est actio realis, qua quis vindicat, seu asserit libertatem fundo suo, & negat alteri competere servitutem; veluti si quis intendat jus non esse adversario utendi, fruendi, eundi, aquamve ducendi, &c. Et oritur ex jure dominii, quod ut in re nostra integrum retineamus, defendere illud nos adversus eum, qui servitutem imponere rei nostræ velit æquum est.

In controversiis, rerum corporalium daturne hujusmodi Actio?

Non datur: nam in illis agit is, qui non possidet, cum omnis in rem actio id spectet, ut res, quæ abest, restituatur non possidenti. Ei vero, qui possidet, non est actio prodita, per quam neget rem actoris, esse: quippe cui sufficere debeat, quod possideat.

Cui incumbit probatio concessoria, an negatoria agentis?

Regulariter per rerum naturam is, qui agit, probare debet: negantis enim nulla est probatio; Hoc vero loco aliter obtinet; quia qui negat, hoc est, qui negatoriam intendit, juris præsumptionem pro se habet, nempe rem suam esse liberam, donec contrarium probetur, & sic possessor qui convenitur partes obtinet actoris, & per consequens probare suam intentionem debet; nempe servitutem sibi jure, nimirum pacto, vel ultima voluntate, vel alia ex causa competere.

II. DIVISIO ACTIONUM In Civiles & Prætorias.

Quæ dicuntur Actiones Civiles?

Quæ ex legitimis & civilibus causis descendunt. Legitimæ autem causæ sunt obligationes, vel dominia, aut jura, certo jure civili ad actionem producendam introducta, vel comprobata.

Quæ Prætoriae?

Quas Prætor ex sua jurisdictione comparat. §. Sed istæ.
tas habet, id est; quas ex suis edictis proposuit & invenit, adjuvandi, supplendi, & corrigendi Juris civilis gratia. Et hæc iterum vel in rem sunt, vel in personam. In rem sunt, *Publiciana, Rescissoria, Pauliana, Serviana, & quasi Serviana.* In personam, *de Constituta pecunia, de Peculio, & quæ o i tur ex jurejurando.* Sunt & actiones in personam §. pœnales
12. inf. h. t.
pœnales, quas Prætor multas ex sua jurisdictione introduxit, item præjudiciales, actiones, quæ licet ex jure in personam nascantur, tamen in rem esse videntur.

De Actionibus Prætoriis in rem.

Quid est Actio Publiciana?

Est Actio in rem Prætoria, quæ datur ad vindicandam rem, ex justa causa alicui traditam, & nondum usucaptam, amissa casu illius rei possessione. §. namque

Quod si usucapta res esset, dominio per usucaptionem quasi, civilis, quoque in rem competeret actio, Publiciana, utpote quæ subsidiaria sit, quiescente. Unde est Prætoria actio, quia, deficiente directæ rei vindicatione, ad exemplum ejus Prætor utilem in rem actionem invenit, a nomine suo sic dictam. l. 20. C. de
pact. l. 3.
ff. de Publ.

Cui datur, & adversus quem?

*l. fin. ff. de
Publician.*

Datur ei, qui rem non domino bona fide & iusto titulo, veluti ex causa emptionis, donationis, &c. acceptam, ante completam usucapionem, cum necdum ejus rei dominus effectus esset, amiserit; & datur quasi domino per usucapionem facto.

*l. 98. ff. de
R. J.*

Datur vero adversus eum, qui rei restituendæ facultatem habet, sive possideat, sive detineat tantum. Non tamen adversus dominum; quia Publiciana non ideo comparata est, ut res domino auferatur; sed ut is, qui bona fide emit, possessionemque ejus ex ea causa nactus est, potius rem habeat, quam posterior possessor, qui jure non est nactus possessionem. Quoties enim utriusque causa lucri ratio vertitur, is præferendus est, cujus in lucrum causa tempore præcedit.

Quid est Actio Rescissoria?

S. rursus.

Est actio in rem Prætoria, quæ rescissa usucapione, quæ facta esse negatur, datur pristino rei domino ad recuperandam rem suam a possessore usucaptam, quasi numquam usucapta fuerit.

Contraria, ut patet, plane superiori. Publiciana enim usucapionem necdum completam adjuvat: hæc plane completam rescindit, & qui revera usucepit, fingitur non usucepisse.

Cui competit, quando, & ad quid?

*l. 15. & 37.
ff. ex quib.
huius major.*

Competit ei, cujus res ab eo, qui vel Reipublicæ causa absuit, vel in hostium fuit potestate, dum absuit, usucapta est. Verum necesse est, ut intra annum a reditu usucapiensis, intendat eam is, qui in civitate mansit.

Com-

Competit & absenti adversus præsentem, l. 1. §. 1. l. si, dum probabili, justave de causa adesset, 21. & seqq. tempore absentiae res ejus capta fuerit. Ita ff. d. e. tamen, ut actioni rescissoriae non sit locus, Fab. Dec. nisi prius obtenta fuerit restitutio in integrum adversus usucapionem, quia alioqui non est aditus ad hanc actionem; nisi remoto impedimento usucapionis; quamvis hoc alii improbent. 7. Error 2.

Competit denique non tantum ad rem amissam recuperandam, verum etiam ad lucrum interim perceptum: adfert enim plenissimam indemnitatem hæc restitutio, sic tamen ut lucrum non capiatur cum poena & damno alieno. Nec enim plus reponit restitutio, quam abstulit læsio. Neque absentia de R. J. ejus, qui Reipublica causa abest, alii damnosa esse debet. l. 27. ff. d. l. 18. c. d. l. 140. ff.

Quid est Actio Paulina?

Est actio in rem Prætoria, qua revocantur ea, quæ in fraudem creditorum alienata sunt. quis l. Aequitas hujus actionis sive causa in eo posita est, quia iniquum sit, aliquem cum jactura alterius locupletari. 206. ff. de R. J.

Cui, adversus quem, & intra quod tempus datur hæc actio?

Datur creditoribus, eorumque hæredibus, quorum in fraudem aliquid a debitore alienatum, vel gestum est, ut id revocetur ac rescindatur, quasi alienatum non esset, & res una cum fructibus restituantur. l. 1. §. 1. l. 10. §. ult. D. quæ in fraudem cred.

Datur non modo adversus eos, cum quibus aliquid in fraudem creditorum gestum est, sed etiam adversus ipsum debitorem. ejusque hæredes; sed non ultra quam ad eos pervenit, & sufficit, si vel momento res pervenit, etiam si ipsa non existat, sed in aliud conversa sit.

Datur

l. 28. & l. 127. D. de R. J. Datur denique intra annum inutilem ; qui currere creditoribus non incipit, priusquam iis facta sit potestas hanc actionem intentandi, hoc est, non nisi excussis bonis debitoris ; nam sic demum constat, non esse solvendo debitorem.

Quæ res veniunt in hanc actionem ?

d. l. 1. in fin. & 4. seqq. Non modo res corporales, mobiles & im- mobiles in fraudem creditorum alienatæ, ve- rum etiam incorporales : veluti quando de- bitor alienat commoditates, ususfructus, vel aliam servitutem sibi debitam, eamve amit- tit, non utendo data opera ; aut etiam ac- ceptilatione, vel pacto, fraudulenter suum debitorem liberat ; & denique quocumque alio modo patrimonium suum diminuit, & id facit ; quod facere non debet. Unde Pau- lus : *Qui non facit quod facere debet, videtur facere adversus ea, quæ non facit ; & qui fa- cit, quod facere non debet, videtur non face- re, quod iussus est.*

Quid, si debitor, cum possit, non acquirat ?

l. 6. D. quæ in fraud. cred. l. 134. & l. 119. D. de R. J. Non ideo censetur alienare : pertinet enim hæc actio ad diminuantes patrimonium suum, non ad eos, qui id agunt, ne locupletentur : Neque enim pauperior fit, qui non acquirit, sed qui de patrimonio suo deposuit. Nec et- iam alienare intelligitur, qui occasione ac- quirendi non utitur, veluti qui hæreditatem aut possessionem omittit, conditioni non pa- rêt, aut optionem intra certum tempus da- tam non amplectitur. Unde recte Ulpianus : *Non fraudantur creditores, cum quid de bonis diminuitur.*

Quæ

Quæ igitur requiruntur, ut huic actioni locus sit?

Quatuor præcipue. I. Ut is, qui alienavit, obligatus sit creditori. II. Ut excussis bonis debitor non inveniatur solvendo. III. C. de rev. Ut res alienata in bonis fuerit debitoris; his quæ nam alias non potest videri facta injuria creditori. IV. Ut sit alienata in fraudem creditoris. Fraus hic consideratur tum ex malo consilio, tum etiam ex eventu, seu re ipsa, quæ consilio respondeat. Oportet itaque non solum in debitore alienante fraudem fuisse, sed & in eo, in quem alienatio facta est ex causa onerosa.

Quæ est Actio Serviana, & ad quid datur?

Est in rem actio, a Servio Prætoris inventa, s. item qua experitur quis de rebus coloni, quæ pignoris jure pro mercedibus fundi ei tenentur.

Datur igitur hæc actio domino fundi sive locatori, ad persequenda ea, quæ a colono in vecta & illata sunt in prædium rusticum, & pignoris jure pro mercede ac deterioratione ei sunt obligata. Dico obligata: quia si nominatim non convenerit, ut obligarentur, actioni huic locus non est.

Quæ igitur est differentia hic inter prædium rusticum & urbanum?

Quod in vecta in prædium rusticum non obligentur, nisi de eo convenerit expresse: in vecta vero & illata in prædium urbanum, tacite obligata censeantur, sine ulla conventionione. Ratio diversitatis est, quod in rusticis prædii fructus quotannis nascantur, & tacite pro mercede obligentur, iisque satis cautum sit domino, etiamsi id nominatim non

*l. ult. C.
cod. l. 4. ff.
de pact.*

iam si id nominatim non convenerit. At in urbanis, cum nihil nascatur, ex quo securitati domini consulatur, ideo prospiciendum dominis, siue locatoribus fuit, ut res inquilini, siue invec̃ta, & illata, tacite esset pignori. Observandum tamen, non prius in extraneos possessores hanc actionem competere; quam si bona conductoris excussa fuerint.

*Quæ dicitur actio quasi Serviana, cui,
& ad quid datur?*

vers. quasi Serviana. Est Prætoria in rem actio, etiam hypothecaria, dicta; ad exemplum Servianæ introduc̃ta, quæ datur creditor contra possidentem rem, sibi expresse in specie, vel generaliter & tacite obligatam, ad consequendam ejus rei possessionem. Datur igitur, ut eam retinere, vel alienare possit creditor, si a debitore non fuerit redempta.

*l. 17. ff. de
pign.*

*Inter pignus & Hypothecam quæ est
differentia?*

*vers. inter
pignus
et t.*

Quod Pignus sit rei mobilis, Hypotheca rei immobilis: quod Pignus traditione rei perficiatur, & res possidenda creditori detur; Hypotheca vero nuda conventionē contrahatur, quæ debitor supponit & obligat rem suam creditori, possessione retenta. Et ex hoc diverso conventionis modo diversum jus oritur: Nam ex pignore oritur *Pignoratitia actio*; competens debitori, ut soluto debito rem suam repetat: ex hypotheca vero *Hypothecaria*, quæ accommodatur creditori adversus debitorem, qui fidem contractus non implet. Aliæ differentiæ, quæ inter utramque hanc actionem commemorantur, omnes fere ex eo manant, quod hypothecaria sit realis, pignoratitia autem persona-

sonalis. Liberatur hypotheca, si creditor, l. 158. ff. de non salva pignoris sui causa, permiserit rem R. J. vendi.

Quid probare tenetur, qui hypothecariam movet?

Quatuor. I. Probare ipsum debitum obligationemque personalem debet. II. Pignoris l. 15. §. 1. conventionem. III. Debitoris sive rei moram, ff. de pign. illiusque, si cum tertio agatur, excussionem. IV. Rem obligatam in bonis fuisse debitoris, tempore obligationis.

De Actionibus Prætoriiis in personam.

Quæ sunt Actiones hujusmodi?

Dixi supra, esse tres: *Constitutæ pecuniæ* §. in per. sive *De Constituto*, *De peculio*, & actionem in factum, quæ oritur *Ex jurejurando*.

Quæ est constitutæ pecuniæ Actio?

Est actio Prætoria personalis, quæ datur l. 2. C. de adversus eum, qui citra stipulationem con- const. per. stituit se soluturum id, quod prius ipse vel & sit. ff. alius, quamcumque ex causa, etiam ex nudo pacto, naturali tantum obligatione debet. *Constituere* enim nihil aliud est, quam promittere solutionem pecuniæ, vel alterius rei, antea debitæ. v. g. si centum, quæ Tiri- tius tibi debet, constituam me soluturum: vel si centum, quæ tibi debeo Antuerpiæ, constituam, promittamve nudo pacto me Lovanii soluturum. Ideo Prætoria est actio, quia jure civili ex nudo pacto non datur actio.

Cur ex nudo pacto datur hic actio?

l. 7. §. 4. ff. de pact. Datur non propter geminationem pacti ; nam pactum nudum, etiam centies repetitum, actionem non parit : sed ideo quia hoc pactum ad aliquam aliam obligationem præcedentem accedit. Nam qui constituit, non simpliciter promittit se daturum, (ut alia pacto nudo fieri solet) sed deliberate promittit se soluturum, quasi jam debeat ; ideoque non tam novum debitum contrahit, quam contractum agnoscit, & se soluturum affirmat.

Quæ est Actio de peculio?

§. actiones autem l. 1. ff. quod cum eod. l. 5. §. 3. & l. 9. §. 2. de pecul. Est actio Prætoria, personalis, competens ei, qui cum filiofamilias vel servo, peculium habentibus, contraxit, adversus patrem, vel dominum, ut peculio tenus, deductis his, quæ naturaliter ipsis debita sunt, condemnentur. Dico, *peculio tenus*, quia non tenentur in solidum, sed eatenus tantum, quatenus est in peculio, sive quatenus vires peculii patiuntur. Peculium vero est veluti pusillum patrimonium, quod pater ac dominus per filios & servos tractari patitur.

Cur introducta a Prætoribus?

l. 11. ff. de obligat. & act. & tit. C. ne filio pro patre l. 149. D. de R. J. Quia Jure civili nulla talis actio fuit prodita ; nemo enim ex alieno actu, vel contractu obligatur, sed quisque ex proprio : at nec filius pro patre, vel pater pro filio proprie & directe obligatur : multo minus dominus pro servo. Sed Prætor æquitate motus actionem hanc concessit : æquum enim est, ut, quia pater vel dominus ex peculio filii vel servi lucrum sentit, etiam onus sustineat obligationis & actionis. Deinde concedendo peculium, permisit

misisse quoque videtur pater filio, aut dominus servo, ut contrahat & negotietur.

Quæ est actio ex Jurejurando competens?

Quam Prætor accommodat ei, qui postulante adversario juravit sibi aliquid deberi. *§. item si quis.*
 Nam Jure civili, uti ex pacto nudo, ita & ex jurejurando non nascitur actio. Prætor vero, supplendi Juris civilis causa, actionem *l. 56. ff. de fidejuss. l. 5.7. &c. ff. de jurejur.*
 in factum accommodat, quæ non ex nudo quidem jurejurando, sed ex causa præcedenti datur; per quam hoc unum queritur, an juraverit quis: non item an ei debeatur; cum questio quasi transacta censeatur juramento, quod ideo litis decisorium vocant.

Quotuplex est hoc litis decisorium juramentum?

Triplex: *Voluntarium, Judiciale, & Necessarium.*

Voluntarium est, quod pars patti ex conventionione extra judicium defert. In eo illud singulare est, quod nemo ab initio id invitus recipere cogatur, semelque susceptum referri non possit.

Judiciale, quod pars parti defert in judicio, quodque deferenti referre potest in cui delatum est.

Necessarium, quod a iudice uni ex litigatoribus defertur in causis dubiis, & hoc quoque referri non potest, neque iudici, neque alteri parti. Ex omnibus autem his speciebus datur ista jurejurandi actio. *l. 17. l. 34. §. 36. & 58. ff. de jurejur.*

Quid

Quid necessarium in juramento præstando?

Quod is, qui jusjurandum adversario dedit, prius de calumnia jurare debeat, nisi forte patronus vel parens sit. Habet etiam facultatem referendi jusjurandum illi, qui detulit, & tunc jusjurandum de calumnia ab eo exigere non potest. Quæ tamen facultas referendi cessat in actionibus ex maleficio descendentibus, quia Lex non permittit nominatim, jusjurandum in his actionibus referri.

De actionibus Prætoriiis pœnalibus.

Quot sunt tales actiones?

Induxit quamplures Prætor, quarum hic tres tantum enumerantur: *De albo corrupto*; sive *albi corrupti*; ex edicto *De in jus vocando*: ex edicto *Ne quis eum, qui in jus vocatur, vi eximat*.

Quid est actio Albi corrupti?

Est actio popularis; adversus eum competens, qui quid ex albo Prætoris, quod jurisdictionis perpetuæ causa propositum erat, dolo malo per se, vel per alios, corruerit, vel album sustulerit atque amoverit. Pœna est quinquaginta aureorum. Si plures corruerint, omnes in solidum tenentur, nec præstatio pœnæ ab uno liberat alium. Ratio est, ut contempta Prætoris majestas omnino vindicetur.

Quæ est actio ex Edicto De in jus vocando?

Est in factum actio, qua convenitur is, qui contra Prætoris edictum: *venia non impe-*

impetrata, in jus vocaverit, quem vel potestatis, vel honoris, vel reverentiæ respectu, non potuit nec debuit vocare, ut sunt parentes, patroni: quibus propterea hæc actio competit, ad pœnam quinquaginta aureorum: Ratio posita est in læsa reverentia, hujusmodi personis debita.

Quæ est actio ex Edicto, Ne quis eum, qui in jus vocatur, vi eximat?

Est similiter in factum actio; qua tenetur l. 2. §. si is, qui vocatus in judicium, per se vel per 1. ff. ne alium, vi exemerit, & fecerit, quominus quis eum, vocatus ad judicem competentem iret, cum qui in jus nemo de domo sua extrahi debeat. Datur voc. l. 303. non ad certam pœnam, sed ab actore, cui ff. de R. J. ea cedit, æstimandam & si plures unum exemerint, in singulos dabitur in solidum. Ratio est, quia istiusmodi violentiæ ministri justitiæ contemnuntur, & cognoscendi potestas iis auferitur.

De Actionibus Prætoriiis Præjudicialibus.

Quæ dicuntur Præjudiciales Actiones?

Per quas præjudicatur aliis causis; ita ut, §. præjudicialibus, cum de his pronuntiatum est, eadem opera etiam de aliis, quæ inde pendent, simul judicatum videatur, potissimum ubi de statu personæ quæstio incidit, de quo primum cognosci debet, & interim aliæ silent quæstiones; primaque quæstio præjudicium facit illis, ita ut ex illius eventu dependeat decisio aliarum controversiarum. Harum actionum tres hic adferuntur species.

I. Per quam quæritur de statu alicujus, liber- l. 7. cum ne sit, an servus, & vocatur *liberalis causa*, seq. l. 24. & Præ-

27. ff. & *Præjudicialis*: quia si causa fuerit decisa, & fuerit declaratus servus, qui in quasi possessione erat libertatis, consequenter dominicæ potestati & actionibus de peculio præjudicium adferret.

l. 2. §. 1. ff. II. Igenuitatem concernit. Nam si patronus a Mævio operas perat, quærendum primo, an sit ejus libertus: quo probato, præstandæ ab eo erunt operæ: Alias rejici debet actor, cum igenuus operas debere nequeat.

III. De partu agnoscendo, qua filius, vel mater pro filio, antequam ad alimentorum judicium veniat, intendit se filium esse, & contendit, ut pater esse pronuntietur. Si vicerit filius, quæstioni principali præjudicium factum erit; causaque decisa, ad alendum cogetur pater: secus, si non vicerit.

Prajudiciales istæ actiones suntne in rem?

Videntur esse in rem, sed improprie; quia non nascuntur ex dominio aut jure in rem, sed ex jure in personam; ut cum quæritur, an Sejus sit Titii filius, an libertus, an servus. Sunt tamen quodammodo in rem: nam vindicatur hic servitus, aliudve jus, quod in persona habetur, ut libertas, ingenuitas, aliave hujusmodi personæ conditio. Unde *actio libertatis* est quasi ex jure proprietatis in servum: *actio ingenuitatis*, quasi ex jure dominii in liberum: *actio familiæ*, quasi ex jure dominii in filium-familias.

III. DIVISIO ACTIONUM

in persecutorias Rei, & Pœ-
næ, & Mixtas.

Unde desumpta est hæc divisio?

Desumpta est a causa finali, sive a qualitate eorum, quæ petuntur. Quicquid enim actione aliqua petimus & persequimur, est vel res, vel pœna; vel partim res, partim pœna. §. seq.

Quæ sunt actiones Rei persecutoria?

Quibus persequimur id, quod ex patrimonio nostro abest, vel nostra interest. Abest autem, vel quod e re nostra penes alium est, vel quod nobis ab alio debetur. Illud actione in rem petimus, hoc actione in personam.

Itaque rei persequendæ causa comparatæ sunt omnes in rem actiones. Item actiones in personam fere omnes; quæ scilicet ex contractu originem trahunt, veluti mutui, commodati, depositi, mandati, pro socio; ex empto, vendito, locato, conducto; his enim omnibus simplum, hoc est, solam rem persequimur. §. rei persequendæ
l. 34. ff. de
O. & A.

Cur dicitur, fere omnes in personam actiones esse rei persecutorias?

Quia actio excipitur depositi; utique ex causa tumultus, incendii, ruinæ, naufragii: idque adversus inficiantem, sive negantem rem apud se depositam esse. Nam eo casu mixta est actio, partim realis, partim pœnalis, qua deponens persequitur non tantum id, quod patrimonio suo abest, sive ipsam rem, quæ deposita est; vers. plane
l. 1. §. 4. ff.
de pos.
sed

sed ulterius agit ad pœnam, id est, duplum rei depositæ: quod duplum tunc pœnæ nomine dandum est, quando depositarius, inficiatus depositum, convictus eo nomine fuerit. Ratio, cur in duplum condemnandus veniat, quod grave sit eo casu fidem fallere; quippe crescente perfidia adversus afflictos usurpata; & in ejusmodi necessitatis tempore deprehensos, quo consuli illis æquissimum est,

Quæ sunt actiones Pœnæ persecutoriæ?

S. *en ma-*
ficii s. l.
25. ff. de
O. & A.

Quibus actor petit, quod nec sibi abest, nec reo abest: quemadmodum obtinet in furti actione, qua vel duplum, vel quadruplum petitur, nec res inest: sed extra pœnam persequitur ipsam rem dominus, aut is, cuius interest habere rem, vel rei vindicatione, petens rem suam esse, sive fur ipse eam rem possideat; sive alius quilibet; vel conditione furtiva, tam adversus furem, quam ejus heredem, & quosvis successores: Itaque illi debet permitti pœnam petere, qui in ipsam non incidit: quia qui pœnæ est obnoxius, non potest alium ad pœnæ solutionem compellere.

Quæ dicuntur actiones Mixtæ?

S. *Vi au-*
tem.

Quibus partim rem, sive id, quod nobis seu patrimonio nostro abest, partim pœnam persequimur, Exempla earum tria hic exponuntur, in actione *Vi bonorum raptorum*, *Legis Aquiliæ*, & *De Legato locis piis relicto*,

Ostende, actionem Vi bonorum raptorum esse mixtam?

S. *i. sup. de*

Quia est in quadruplum ejus, quod ravi boni rap. ptum est, & in quadruplo rei persecutio con-

tio continetur : pœna autem est tripli , id est , præter rem , pœnæ loco triplum exigitur . Et in quantum pœnalis est , durat anno tantum ; in quantum rei persecutoria , eatenus est perpetua .

Ostende similiter in actione , quæ pro legatis piis competit ?

In primis adversus inficiantem in duplum agitur , nimirum si reus conventus neget , se damnum dedisse , & deinde vincatur ; tenetur enim in duplum , id est , & ad rem , & ad damni dati æstimationem . Præterea mixta est , quandoquidem damnetur quis præstare , non quanti res est , cum damnum datur , sed quanti plurimi in eo anno fuerit . Atque ita id , quod excedit præsentem rei æstimationem , pœna dicitur .

*Vers. sed
& legis.
l. 22. §. 3.
& 30. ff. ad
l. Aquil. l.
5. C. cod.*

Ostende id ipsum in Actione Legis Aquiliæ ?

Quia si hæres , vel is qui gravatus est , a testatore jubeatur , ut præstet legata Ecclesiis , aliisque piis locis relicta , isque neget legata relicta esse , vel ea præstare differat , conventus in judicio , convictusque eo nomine , compellitur & ipsam rem vel pecuniam , quæ relicta est , dare , & aliud tantum pro pœna ; & sic in duplum fit condemnatio . Insuper si per semestre differat hujus legati pii solutionem , amittit Falcidiam . Quin etiam si decreto judicis hæres monitus intra annum iussa testatoris exequi neglexerit , indignus habetur hæreditate , salva tamen legitima .

*§. item
mixta.*

*Novel. 131.
c. 12. Auth.
similiter.*

*Cod. ad
l. Eal. an.
hoc amp-
C. de fid.*

Suntne aliæ actiones , quæ mixtam causam obtinere dicuntur ?

Sunt , nimirum actio Familiae erciscundæ , Communi dividundo , & Finium regundarum

*§. quæd.
actiones.*

rum; quæ ideo dicuntur *mixta*, quia tam in rem, quam in personam directæ, & quia duobus constant, id est, rebus atque præstationibus. Quatenus enim per ea petitur dividi vel distingui res, eatenus in rem sunt; quatenus in easdem veniunt præstationes personales, eatenus sunt in personam. Dicuntur & ideo *mixta* hæ actiones, quia in iis uterque litigatorum actor est & reus, cum par causa omnium videatur: quamvis magis placuerit, eum videri actorem, qui prius ad iudicium provocat.

*Quæ est actio Familiae erciscundæ,
& cur mixta?*

*l. 22. § 25.
ff. famil.
ercisc.*

Est actio mixta, competens cohæredibus de dividenda hæreditate, & de eo, quod alterum alteri præstare oportet. *Familia* enim hic nihil est aliud, quam hæreditas; & *Erciscere* veteribus idem erat, quod dividere. Itaque eatenus hæc actio in rem est quatenus cohæres postulat hæreditatem dividi; partemque suam ex communi hæreditate quasi vindicat; quatenus vero agit ad impensas in res hæreditarias a se bona fide factas, vel ad fructus ex fundo hæreditario a cohærede perceptos, eatenus in personam est.

Quæ est actio Communi dividundo?

*l. 3. § 4.5.
3. ff. com.
divid.*

Est similiter mixta actio, descendens quasi ex contractu, quæ datur iis, inter quos res aliqua est communis, ex causa vel legati, vel donationis, vel alia quacumque, excepta causa societatis, & datur ad hoc, ut ea res dividatur. Atque eadem ratione mixta dicitur, cum quisque, quod suum est petat, & si fuerint personales præstationes, agat ad expensas, meliorationes, fructusque ex re communi perceptos.

Quæ

Quæ Finium regundorum?

Est & hæc actio mixta, competens illis, *l. 2. & 4. ff. fin. reg.* qui confines habens agros, ad hoc ut fines siue termini dirimantur, ac distinguantur, vel alicui partium adjudicentur. Et eatenus in rem est quia vindicationem continet finium, quatenus vero in hoc iudicium venit, quod alterum alteri eo nomine præstare oportet, eatenus est in personam.

IV. DIVISIO ACTIONUM.

a quantitate rei petitiæ.

Quantum qualibet actione persequi licet?

Omnes actiones vel in simplum conceptæ sunt, *§. contra* vel in duplum, vel in triplum, vel in quadruplum. Ultra quadruplum nulla actio extenditur, nempe pecuniaria & civilis, quia *antem.* criminaliter etiam ultra peti potest. Ratio, cur ultra quadruplum non extendantur actiones, est, ut modus sit aliquis poenarum cum infinitas in jure sit odiosa.

Quanam actiones in simplum conceptæ sunt.

Quæ ex stipulatione & mutui datione, ex *§. in simplum.* empto, vendito, locato, conducto, mandato, & denique ex aliis quamplurimis causis oriuntur, quæque tantum sunt rei persecutoriæ: quamquam hoc fallat in actione depositi, & in eo contractu, in quo interesse & poena est apposta.

Quæ in duplum?

Quibus præter rem nobis debitam, aliquid ultra petimus, quod æstimationem *§. in dupl.*
§ 2 ejus

ejus rei duplo excedat. Quorum hic quinque numerantur, species.

l. 50. ff. de furt. §. 4. I. *Actio furti nec manifesti*, in qua non quod interest, duplatur, sed verum rei pretium.

sup. ad L. Aquil. II. *Actio damni injuria ex Lege Aquilia*, in qua contra non duplatur verum rei pretium, sed omne id quod interest.

l. 2. ff. de positi. III. *Depositi ex causa incendii, tumultus, ruinæ naufragii*, adversus inficiantem; in qua actione duplo simplum inest.

l. 30. ff. de servo corrupt. IV. *Servi corrupti*; quæ oritur ex delicto ejus, qui servum alterius dolo malo, & caliditate quadam corrumpit, in qua totum interesse & damnum duplatur.

dict. sup. h. t. §. 19. l. fin. §. de jure de l. V. *Actio ex testamento*, quæ pro legato venerabilibus locis relicto competit, adversus hæredem, differentem ejus solutionem, donec judicio conveniatur, aut etiam adversus inficiantem, in duplum est prout & in duplum adversus eum est actio, qui ex bonis defuncti, celaverit quædam, ne repertorio infererentur.

Quæ in triplum?

§. triplic. Ejusmodi actiones hodie in usus non sunt ideo quod viatores, qui in jus vocant, & judicata exigunt, veluti executores litium, sportularum nomine nihil exigere possint. At Justinianus peculiarem legem ob majores sportulas introduxit, quæ *Condictitia* dicitur.

Quæ in quadruplum?

§. quadr. §. ff. sup. de furt. l. 4. §. I. *Actio furti manifesti*, in qua quadruplum totum est poena.

l. ff. quod in caus. II. *Quod metus causa*, quæ ei datur, qui iustum metum passus est, ob quam for-

fortè rem suam dereliquit, aut coacte vendidit, adversus eum, qui metum talem intulit. Et hæc actio intra annum datur in quadruplum; non aliter tamen, quam si reus judici, rem restituere jubenti, non obtemperet: post annum vero in simplum.

III. *Actio de calumniatoribus*, quæ in eam *l. 15. c. 6.*
datur, qui, ut calumnioso judicio aliquem *ff. de cal-*
divexaret, vel ut non vexaret, pecuniam ac- *lumnia.*
ceperit, intra annum in quadruplum, post
annum in simplum: in quo quadruplo, uti
& in actione, *Quod metus causa*, inest sim-
plum, ut scilicet fiat restitutio rei, & ex-
tra rem pro pœna præstetur triplum.

IV. *Conditio ex lege*, adversus executo-
res litium, qui plus æquo sportularum no-
mine exegerint: & proinde in quadruplum
reddere coguntur.

*Estne inter actiones dupli & quadrupli
differentia?*

Est; nam furti nec manifesti & servi cor-
rupti actiones omnino habent dupli conde-
mnationem, sive quis negaverit, sive confes-
sus fuerit: actiones vero Legis Aquiliæ, &
depositi, adversus inficientes quidem dupli-
cantur, in confitentes vero simpli condemna-
tionem inducunt. Inter actiones autem, quæ
sunt quadrupli, nihil interest, nisi quod in
actione, *Quod metus causa*, si, qui rem vi ab-
stulit, jussu judicis actori restituerit, a qua-
druplo absolvatur, & quod in quadruplo res
contineatur.

V. DIVISIO ACTIONUM,

In bonæ fidei, & stricti juris.

Unde desumpta est hæc divisio?

Dixi supra, desumptam esse ab intrinsecas
ipsarum actionum qualitate: quæ quidem

qualitas executionem respicit actionis, & potissimum ad judicem pertinet. Eoque referri possunt & arbitrariæ actiones, ut trimembris sit hæc divisio in actiones. *Bonæ fidei*, *Stricti juris*, & *Arbitrarias*.

Quæ igitur dicuntur actiones bonæ fidei, & stricti juris?

S. action. *Bonæ fidei* quidem dicuntur, in quibus Judex non inclusus certa actionis formula, sed liberius æstimat, quid, quantumve ex æquo & bono litigatorum alterum alteri præstare oporteat.

l. 50. ff. de v. o. *Stricti juris*, vero sunt, quasi strictæ potestatis, in quibus Judex id, quod expresse inter contrahentes actum, vel de negotio legibus constitutum est, sententiæ suæ æquitate egredi non potest.

Quid, nonne in contractibus omnibus necessaria est bona fides?

l. 1. ff. de pact. l. 4. de o & a. a g l. 1. ff. de contr. empr. Est sane; idque propter naturalem consensum, qui intervenire debet; & quia nihil tam est congruum fidei humanæ, quam ea, quæ inter contrahentes placuerunt, servare: præ cæteris tamen in contractibus, qui inde bonæ fidei appellationem meruerunt. Qui cum magis necessarii sunt, quam stricti juris, ideo providendum fuit, ut in illis ex bona fide omnia, etiam citra expressam conventionem, magis quam in stricti juris contractibus, non æque necessariis, peragerentur. Quin & inter hos ipsos sunt quidam bonæ fidei & æquitatis veluti gradus; ut, v. g. in deposito, in quo bona fides est exuberantior.

l. 31. ff. de positi.

Enumera jam Bonæ fidei actiones?

Bonæ fidei actiones sunt in primis omnes ex contratibus juris gentium descendentes, veluti actio, emptio, venditio, locatio, conductio, actio mandati, depositi, commodati, pro socio, pignoratitia. Item actiones quasi ex contractu, ut actio negotiorum gestorum, tutelæ, familiæ erciscundæ, communi dividundo. Item actio præscriptis verbis, quæ de æstimato proponitur, & quæ ex permutatione comperit: Quia permutatio vicem emptionis obtinet.

l. 1. 11. ff. de act.
empt. l. 17.
17. & l.
25. ff. loca-
ti l. 1. §.
17. ff. de d.
l. 53. ff. si-
cio l. 1. ff.
de pigna.
l. 25. §. 18.
ff. & l. fin.
C. d. per
her.

Quid de petitione hereditatis?

Omni Veterum disputatione sublata, Justinianus eam retulit inter actiones bonæ fidei. Et recte; quia licet sit in rem, convenit tamen cum negotiorum gestione, quæ bonæ fidei est: & sicut in illa, ita & in hac actione, præstationes personales, & hæ mutux veniunt, quæ imaginem habent actionum bonæ fidei.

Atque hæ omnes actiones bonæ fidei dicuntur, ob hanc potissimum causam, quoniam (ut in singulis generibus ostendi) in his mutuum negotium geritur, ac obligatio ultero, citroque nascitur.

Quæ vero sunt stricti juris actiones?

Reliquæ omnes; exceptio enim firmat regulam in casibus non exceptis, veluti actio ex stipulatu, & quæ ex contractu mutui datur. Nam cum, mutuo celebrato non agatur actione ex eo contractu, sed lex ipsa certi conditionem præstet, per quam actor adstringitur ad certum petendum, ita ut

l. 2. ff. de reb. cred.

arbitrium judicis, quod versatur in bonæ fidei contractibus; hic cesset, merito *actio*, quæ *ex mutuo* competit; stricti juris appellatur: uti & *actio ex stipulatione*, quod solenni verborum conceptione adstringatur.

Actio ex stipulatu pro dote exigenda estne stricti juris?

Regulariter est stricti juris: verum cum rei uxoriæ actio, in cujus locum Justinianus actionem ex stipulatu, ut pleniorē, surrogavit, fuerit bonæ fidei, placuit ut & hæc, in majorem dotis favorem, esset bonæ fidei, & competeret non tantum in casum interpositæ stipulationis, verum etiam omisæ. Tacite etiam interposita fingitur favore mulieris. Nam si extraneus simpliciter dotem dederit, non censetur ipse eam sibi reddi stipulatus, sed mulier; cum talis magis donasse mulieri, quam sibi aliquod jus servasse non stipulando, videatur.

Adeoque favorabilis est causa dotis, ut, si pactum, quo dos est constituta, sit ambiguum, aut stipulatio, quæ in ea constituenda intercessit, inutilis, semper in eam partem inclinet decisio, quæ dotes magis adiuventur, quam evanescant: prout vult regula, *In ambiguis, pro dotibus respondere melius est*.

Cui datur hæc ex stipulatu actio, adversus quem, & quando?

Datur marito, pro dote promissa, sed nondum data, consequenda; sive ea promissa sit stipulatione, sive nuda pollicitatione; contra uxorem, quæ dotem promisit, vel contra socerum, ejusve hæredes; vel etiam contra extraneum, qui pro muliere se dotem daturum pollicitus est.

Datur

Datur & uxori, *pro dote*, marito data, repetenda, vel etiam patri, aut hæredibus ejus, contra maritum, ejusque hæredes. Idemque dicendum de extraneo, qui pro muliere dotem dedit, eamque sibi reddi stipulatus est.

Datur his, *soluta matrimonio*, quod fit morte, vel divortio: quia tunc sine causa dos apud maritum est cessante onere matrimonii, cujus nomine est data. Quod si tamen maritus vergat ad inopiam, & facultatibus labatur ut periculum sit, ne dos sua mulieri pereat; poterit mulier etiam constante matrimonio dotem repetere.

Quod privilegium dedit Imperator mulieri de dote agentis?

Dedit ei jus tacitæ hypothecæ in omnibus mariti bonis pro repetenda dote: cui privilegio conjunctum est jus prælationis, per quam mulier præfertur creditoribus, hypothecam anteriorem habentibus, non tantum tacitam, sed & expressam. Voluit enim Imperator, plene consultum mulieribus; & ne ullum periculum circa dotem sustineant, generaliter constituit, ut *omnibus creditoribus* præponantur; etiam illis, qui cæteros tempore antecedunt.

An hoc privilegium heredem, aut filium sequatur?

Hæredem non sequitur: quia non actioni datum, sed mulieri. Licet enim personam defuncti, ad jus quod attinet, hæres representet, non habet tamen illas causas beneficii, quæ facti sunt; propterea quod successio, quæ jures est tantum transferat jura, non etiam facta. Concessum tamen dotis privilegium filio,

dotem matris, aut avitæ suæ repetenti. Unde possunt hic appellari illæ jure regulæ, quod ubi *conditio personæ locum facit beneficio*, id est, quando persona est causa proxima beneficii, hoc cum ea extinguatur, & in hæredes non transeat. At vero privilegium, quod non personæ, sed causæ, aut actioni tribuitur, hoc ad quosvis successores transeat.

l. 68. & l. 196. ff. de R. J.

Quenam igitur inter bonæ fidei & stricti juris judicia sunt differentia?

Quinque potissimum recensentur.

S. in bonæ fidei. I. Quod in *bonæ fidei judiciis* libera potestas permitti videatur Judici ex bono & æquo, neglecta verborum contracta subtilitate, æstimandi, quantum auctori restitui oporteat. Contra in *stricti juris judiciis*, non potest Judex in plus condemnare reum auctori, quam petitum sit: Et nisi, quod petitur, palam ex-
l. 17. & 99. ff. de V. O. primatur, omissum intelligendum est. Quare
l. 22. §. 1. ff. de R. J. stipulatio non valet in rei promittendi arbitrium collocata conditione. At in *bonæ fidei judiciis*, ubicumque confertur in arbitrium domini, vel procuratoris ejus conditio, pro bono viri arbitrio hoc habendum est: non pro qualicumque domini arbitrio. Neque enim debet in arbitrium ejus, cum quo contrahitur, conferri, an sit obstrictus, necne.

l. 32. §. 2. ff. de usur. II. Quod in *bonæ fidei judiciis* statim ab initio fructus debeantur, & post moram usuræ: idque officio judicis, cum ex obligatione non veniant. In *strictis* vero fructus non nisi a tempore litis contestatæ veniunt, & si-
l. 5. ff. loc. l. 19. Cod. eod. l. 3. C. de usor. militer usuræ nunquam nisi lite contestata currunt, & non aliter in pecunia credita, quam si in stipulationem fuerint deductæ, ne contingat alias in mutuo accipientem obligari in plus, quam revera numeratum sit.

III. Quod in *bonæ fidei judiciis* juretur in
lit.

litem ; non ita passim in *strictis*, in quibus certa forma judicandi est præscripta . Et si quando in iis juratur, ideo est, ut vera æstimatio rei, quæ non extat, habeatur.

IV. Quod contractus *bonæ fidei*, cui dolus causam dedit, sit ipso jure nullus, non etiam, si dolus incidat in contractum . Ac contractus *stricti juris*, cui dolus causam dedit, valet ipso jure .

V. Quod olim in *bonæ fidei judiciis*, si quid invicem præstare actorem oporteret, compensatio fieri ipso jure ; in *strictis* vero, ex rescripto Divi Marci, opposita doli mali exceptione induceretur ; quia dolo facere videtur is, qui petit id, quod statim restitutus est .

Verum eam differentiam sustulit Justinianus, constituens, ut in qualibet actione, tam stricta, quam bonæ fidei, tam personali, quam reali, compensatio fiat ipso jure ; minuatque debitum, modo id liquidum sit, & ante rem judicatam a patre proponatur, propositumque probetur, ut judici constare possit, pecuniam invicem deberi . Neque enim divinare is potest, an quicquam actor vicissim debeat, ut locus sit compensationi .

Quid igitur est Compensatio ?

Compensatio est debiti invicem, & crediti inter se contributio, nam unusquisque creditorem suum, eundemque debitorem, petentem submovent, si paratus est compensare . Estque ideo necessaria compensatio, quia nostra interest potius non solvere, quam solum repetere, ne videlicet frustra fiat per plura, quod potest fieri per pauciora .

*Quando & in quibus rebus est locus
Compensationis?*

l. 6. 10. & 14. ff. & l. 4. C. de con pers. Jam dixi, in omnibus actionibus, tam bonæ fidei, quam stricti juris; tam in rem, quam in personam, compensationem ipso jure admitti. Quod & procedit, quacumque ex causa, civili vel naturali, aliquid debitum sit; adeo ut & maleficia murua compensatione tollantur, dummodo civiliter ex maleficio agantur. Quod naturaliter debetur, quia verum est debitum, nec solum repetitur, etiam compensatione tollitur, modo exceptione perimi non possit, quod debetur. Item res fungibiles inter se modo ejusdem sint bonitatis, compensationem admittunt.

l. 2. §. 1. ff. de reb. er. l. 18. in pr. ff. de pign. act. Dixi similiter, debitum oportere esse liquidum & certum. Unde neque inter se, vel genera diversa, vel species diversæ, neque species cum quantitate, vel contra, compensari possunt: quia ut aliud pro alio solvi invito creditori non potest, ita neque compensari, cum compensatio sit quædam solutio. Deinde in species cadit affectio, & una dicitur pretiosior altera, ut plerumque in iis æqualitas considerari non possit.

Cur actioni depositi opponi Compensatio nequeat?

§. in bon. f. d. c. l. ul. C. de temp. Id propterea iniquum esse credidit Imperator, ne sub prætextu compensationis quis depositarum rerum exactione defraudetur; idque propter bonam fidem, quæ hic exuberantior est, quæque deponenti rem reddi jubet, nec patitur eam ullo quæsito colore retineri; adeo ut nec depositum cum deposito compensari possit.

De Actionibus Arbitrariis.

*Actiones Arbitrariæ suntne bonæ fidei an
stricti juris?*

Sunt natura sua stricti juris, & nonnisi ex
accidenti aliquo extrinseco sunt arbitrariæ, S. præ-
rea 31. l. 2.
id est, ex arbitrio judicis dependentes: at-
que eatenus differunt ab actionibus stricti ju-
ris, quia præcedit hic arbitrium sive jussio
judicis, præter naturam actionis propositæ,
propter factum aliquod dolosum, veluti pro-
pter contumaciam rei conventæ, actori non
satisfacienti. Quo etiam fit, ut in actionibus
hujusmodi fere incertum quid peratur: aut
æstimatio incerta, jurejurando in litem acto-
ris, vel arbitrio judicis taxanda.

*Cur ergo dicuntur arbitrariæ, & quis
finis earum?*

Quia in his actionibus Judex, priusquam
negotium definiat, interloquendo arbitratur, l. 18. §. 9
ff. de dolo
l. 68. ff. de
rei vind.
quemadmodum actori satisfieri debeat: cujus
is effectus est, ut qui judicis arbitrio parue-
rit, & satisfecerit intra tempora ab eo dicta,
exiter poenam, & solam rem præstet. Sin-
minus, tunc sequitur condemnatio secundum
rigorem juris, atque etiam in id, quod a-
ctoris interest, & in quantum ab eo jura-
tum fuerit.

*Quæ vero sunt differentiæ inter arbitrarias
& bonæ fidei actiones?*

I. Quod in actionibus bonæ fidei judici d. §. bonæ
fidei.
libera sit potestas ex æquo & bono æsti-
mandi, quantum actori restitui debeat:
in Arbitrariis, quemadmodum actori satis-
fieri

fieri oporteat; idque non ex natura actionis sed iudicis arbitrio pender; nec tamen libere, qualis est illa libera potestas in bonæ fidei actionibus, sed potius sub quadam conditione: nisi is, cum quo agitur, ad iussu, *d. §. præter.* & iudicis interlocutionem actoris satisfaciat, *3. item act.* veluti rem restituat, exhibeat, solvat.

II. Quod actiones bonæ fidei omnes sint in personam, excepta hæreditatis petitione; *Arbitrariarum* aliæ in rem, aliæ in personam.

III. Quod actiones bonæ fidei ex contractibus descendant nominati: *Arbitrariarum* quædam ex contractu, quædam ex nuda conventionem, quædam quasi ex delicto, quædam ex possessione, vel quasi.

IV. In actionibus bonæ fidei ultro citroque nascitur obligatio, ut ex empto, vendito, locato, conducto: in *Arbitrariis* unius tantum obligatio est, ut in *Publiciana*, *Serviana* utraque, Quod metus causa, &c.

Enumera actiones Arbitrarias?

§. præterea Imperator hoc loco recenset septem: in rem *h. t. l. 14. ff. tres*, *Publicianam*, *Servianam*, & *Quasi Servianam*, *Quod met.* nam, sive *Hypothecariam*; in personam *quatuor*, ut actionem, *Quod metus causa*, *De dolo*, *De eo quod certo loco*, & *Ad exhibendum*. Plures vero esse satis indicat idem Imperator, cum addit, alias enumeratis esse similes. Cujusmodi sunt, in rem quidem, ut *Rei vindicatio*, *Confessoria*, *Negatoria*, ac *Pauliana*; in personam vero, *Fariana* seu *Calvisiana*, *Rerum amotarum*, *Redhibitoria*, *Actio in factum* de *Publica is*, & in factum *Actio ex Edicto*, *De alienatione*, *iudicis mutandi causa facta*.

*Ostende, actiones hic enumeratas esse
arbitrarias?*

In primis Publiciana est arbitraria : quia in hac iudex rem restituere jubet, absol-
viturque reus, si restituat, alioqui manu mi- *l. 16. §. 3.*
litari res ab eo auferetur, quemadmodum in *ff. de pig.*
rei vindicatione. Si vero dolo desierit possi-
dere, sequetur gravis illa condemnatio, .
quanti in litem actor juraverit, iudexque æ-
stimaverit..

II. Serviana & Hypothecaria : quia in hac
iudex præcipit possessori, ut rem pignoratam
creditori restituat :: cujus arbitrio si pareat
reus, aut pecuniam creditori solvat, absolve-
tur. Alioqui, cum in rem sit actio, manu mi-
litari res ab eo auferetur: vel si dolo desierit
possidere, deluseritve præceptum iudicis, tan- *l. 4. §. fin.*
ti condemnabitur, quanti in litem ab actore *ff. de in*
juratum fuerit, moderando in omnibus pro *lit. jur.*
arbitrio iudicis jurejurando, ne arrepta hac
occasione in immensum juretur..

III. Actio quod motu causa : quia si rem per *l. 1. §. 4.*
vim ablatam is, cum quo agitur, ad iudicis *D. Quod*
arbitrium non restituat, quadrupli poenam *met. caus.*
sustinebit, quam tamen evitabit restituendo
rem..

IV. Actio de dolo : quia si is, qui dolo ma- *l. 28. D. de*
lo circumvenit aliquem, arbitrio iudicis rem *dolo mal.*
non restituat, sequitur condemnatio, quanti
ea res est (id est, in id, quod actoris inter-
est; dolo deceptum non esse) infamiaque no-
tabitur. Si vero ante condemnationem re-
stituat, evitabit ejusmodi poenam..

V. Actio de eo, quod certo loco : quia qui *l. 1. §. 5. D.*
certo loco constituit se soluturum, conveniri *de eo quod*
hac actione potest, etiam alio in loco; sed *cert. loc.*
iudex arbitrabitur, quanti interfuit: vel rei,
Ephesi potius solvere, quam eo loci, ubi

convenitur; vel actoris, eo loci potius solvi, de quo inter eos convenit.

l. 3. §. 2. ff. VI. *Actio ad exhibendum*: quia hæc datur ad exhib. si interfit actoris, rem exhiberi; qui si probaverit interesse suum, jubetur reus exhibere, condemnandus alioqui, si non paruerit, quanti in litem juraverit actor.

Quodnam in hisce, & bonæ fidei actionibus, Judicis est officium in ferenda sententia?

§. *curare*. Curare debet Judex, inquit Imperator, ut omnino, quantum possibile ei sit certæ pecuniæ vel rei sententiam ferat, etiamsi de incerta quantitate apud eum actum sit: ut v. g. in actionibus bonæ fidei incerta est petitio, in arbitrariis quasi incerta. Incerta autem pronuntiatio, cum non ponat finem controversiæ, nullius erit momenti, nec vim rei judicatæ obtinere potest. Poterit tamen sententia ita proferri: *Solve, quod, vel quantum, petitum*: quia sufficit, si ex libello, vel aliqua parte actorum constet de certa quantitate, ad quam relatio fiat in sententia. Alias libellum oportet esse certum, cui conformis solet esse sententia, saltem quoad rem petitam, causam, & actionem.

l. 57. ff. de re jud.

Incertus igitur libellus potestne aliquando admitti?

Libellum ejusmodi quandoque admitti constat, ratione incertæ obligationis; idque vel ex natura rei: vel quia petitur interesse, cujus incerta æstimatio: vel quia rei petitæ præstatio ex electione pendet debitoris, ut in obligatione generis & alternativa: ita ut secundum libellum judex incertam sententiam proferre debeat, ne si ad speciem deveniat, injuriam iroget reo, qui in istiusmodi obligationibus electionem habet.

Quid,

*Quid, si agens intentione sua plus
complexus fuerit, quam ad
ipsum pertineat?*

*Cum sit in potestate ejus, quando velit ex-
perire; & ante debeat rem diligenter explo-
rari, & tunc ad agendum procedere, (ut D. de R. J.,
habet juris Regula) Ideo enim causa cade-
bat, id est, rem vere debitam amittebat,
actione tam personali, quam reali, nec fa-
cile restituebatur, nisi ob ætatem minorem
lapsus esset, aut nisi tam magna justii erro-
ris causa intervenisset, ut etiam constantissi-
mus quisque labe posset. Quæ ratione suc-
curritur majori viginti quinque annis, qui
universum legatum testamento relictum pe-
tierit, cujus pars eo ignorante codicillis po-
stea prolatis exempta sit: quoniam probabili-
ter ignorare codicillos potuit, & ita in alie-
no facto errare; ut nihil dolose facere peten-
do videatur, qui ignorat causam, cur non de-
beat petere.*

*l. 24. in fi.
D. de R. J.,
S. si quis
adens.
l. i. & ii.
D. de mi-
nor.*

vers. sane.

*l. 177. S. i.
D. de R. J.*

*Quot modis dicitur Plus
petit*

*Quatuor: nimirum Re, Tempore, Lo-
co, Causa: Re plus petit, qui majorem
quantitatem, quam quæ obligatione conti-
netur, actione comprehendit: veluti si quis
pro decem aureis, qui debentur, viginti
petierit.*

*S. plus au-
tem.*

*Tempore plus petit, qui quod in diem vel
sub conditione debetur, petit ante diem, vel
existentem conditionem.*

*Loco, qui quod certo loco sibi dare stipu-
latus est, alio loco petit pure, id est, omitta
mentionem loci stipulatione comprehensi:
quo casu judicis erit æstimare, quanti debi-
toris*

toris interfit solvere in loco convento, potius, quam alibi.

Causa, quā quod in genere, vel alternative debetur, petet in specie: vel ex alternativo debito non certam. Ideo talis plus petere dicitur, quia cum alias in debito generali & alternativo electio fit debitoris, non autem creditoris; hanc illi erit, suamque hoc modo conditionem meliorem fecit; debitoris vero sive adversarii sui deteriolem: quod fieri non debet.

l. 74. ff. de
R. J.

Quid hodie juris est circa Pluris petitionem?

S. sed hac
quidem.

Constituit Zeno Imperator, ut qui plus tempore petit, inducias temporis illius, quod conatus est antevertere, duplicare cogatur, veluti si uno mense petierit citius, quam petere debuit, expectare cogitur duos menses, & insuper impensas litis reo refundere. Ex Justiniani vero lege, qui re, causa, loco plus petit, damnorum, quæ ex hac causa sportularum nomine acciderint, in triplum fit condemnatio. Ratio veteris juris mutati, quia iniquam continebat subtilitatem; ne tamen maneret impunita actorum temeritas & procacia, pro amissione litis mitior hac poena inventa fuit.

tit. C. de
Plus per.

Quid, si quid minus, quam ad eum pertineat, complexus libello fuerit?

Talis sine periculo agit, inquit Imperator: id est, nihil incommodi sentit, cum nec causa cadat, nec partem debiti amittat, quam petitione sua complexus non est. Igitur si, cum ei decem aurei deberentur, quinque sibi dari oportere intenderit: aut si, cum totus fundus ejus esset, partem dimidiam suam esse petierit, non impeditur reliquum

l. 13. & 14.
ff. de exc.
in jud.

in

in eodem vel alio iudicio persequi. Neque enim ob stare rei iudicatæ exceptio illi agentis poterit, cum de alia re agatur.

Quid, si aliud pro alio petierit?

Et tunc quoque nihil periclitari placet: S. si quis ideoque in eodem iudicio, seu in eadem instantia, cognita veritate, errorem suum emendare, corrigereque ei permittitur.

Quousque vera emendatio libelli permissa est?

Existimo, ad sententiam usque permissam l. 3. c. de esse eam emendationem, quæ vel rei petitæ, edendo, vel actionis propositæ; substantiam non immutat. Si igitur actor semel editæ actionis qualitatem emendare velit, ad sententiam usque audietur. Nisi forte huiusmodi qualitatis emendatio personam semel expressam, factum, ve narratum mutaret. Ea vero emendatio, quæ vel actionem semel propositam, vel rem petitam immutat, solum usque ad litis contestationem licita est. Sunt qui & post contestationem hoc licere putent, ita tamen, ut actor reo expensam retardatæ litis refundat, ei que novam actionem edat, concedatque spatium de ea deliberandi.

l. 23. ff. de iudic.

VI. DIVISIO ACTIONUM,

A. quantitate executionis, sive ab effectu.

Estne semper in solidum condemnatio?

Nequaquam: sunt enim quædam actiones, quibus non semper solidum, quod nobis debetur, persequimur, sed modo solidum, modo minus: S. sunt præterea.

nus:

nus: Regulariter actionibus fere omnibus solidum, id est, integrum debitum exigimus, & solidum præstandum venit, quia sententia debet esse conformis libello. Excipiuntur paucæ, quarum octo exempla subjicit hic Imperator, quibus minus, quam debetur, consequimur; idque non ex una causa, & potissimum ratione privilegii, vel personæ, cui tale privilegium tributum est.

Recense igitur exempla actionum, quibus non semper solidum, quod debetur, consequimur?

I. *Actione de peculio*; adversus patrem vel dominum competente, tenentur hi modo in solidum ejus, quod filius familias, vel servus debet, si non minus in peculio sit; modo eatenus tantum, quatenus in peculio est. Ratio, cur non ultra vires peculii teneatur, est æquitas, quia jure Civili ex alieno contractu plane non tenentur. Cum ergo jure teneantur prætorio dumtaxat, non debent plus æquo onerari: præsertim cum conditio nostra per eos, quos in potestate habemus, fieri deterior non possit.

II. *Actione de dote* maritus, qui alias stricto jure tenetur ad dotem soluto matrimonio restituendam in solidum, si dotis quantitati facultates ejus æquivalent, eatenus condemnari debet, quatenus facere potest, id est, quatenus facultates ejus patiuntur. Nam in condemnatione personarum (inquit Paulus) quæ in id, quod facere possant, damnantur, non totum quod habent, extorquendum est, sed & ipsarum ratio habenda est, ne egeant. Nec enim fraudandus est alimentis maritus, ideoque non tantum dotis nomine, sed & ex aliis contractibus, maxime constante matrimonio initis, quatenus

tenus facere potest, conveniendus est. Idque ratione conjunctionis, quæ est inter maritum & uxorem, & consequenter honoris ac reverentiæ, quam marito debet uxor. Eadem ratio obtinet in persona mulieris, ut a marito non excutiatur, nisi quatenus facere potest. Item in persona soceri, cum & is parentis locum obtineat, debeaturque illi par reverentiæ a nuru.

Estne alia causa minuendæ de dote actionis?

Est: Nam & propter retentionem dotis repetitio minuitur. Concessa enim marito est retentio ob impensas necessario in rem dota-
 lem factas, quibus dos ipso jure minuitur; quatenus tamen ea in quantitate consistit, qua hæc diminutio est compensatio dotis cum impensis. Quod si in dotem data sit species, illam maritus retinet, donec impensas necessarias recuperaverit. Utiles autem reperit actiones negotiorum gestorum; voluptuarias vero, quatenus patitur operis facies.

III. Si parens a filio emancipato conveniatur, non in solidum tenetur, sed in quantum facere potest. Idque suadet tum officium pietatis, & reverentia parentibus debita: tum quia excussos plane alere deinde coguntur filii, & eatenus videntur dolo petere, quod mox sunt restituturi. Et quod hic parentibus concessum, multo magis liberis, ob eandem humanitatis rationem, cum a parentibus conveniuntur, concessum crediderim.

VI. Patronus conventus a liberto, non ultra condemnatur, quam facere potest. Idque etiam patroni, patronæve liberis & parentibus tribuitur, quibus omnibus honorem ita haberi lex voluit, ut nec famosæ in eos actiones instiguerentur.

V. §i

Verf. propterea in retentionem l. 5. ff. de impens. in rem dot.

§. sed & si qui l. 16. ff. de juris.

lib. 83. §. fin. ff. de R. J.

l. 17. ff. d. t. l. 9. ff. de obseq.

V. Si socio cum socio iudicio societatis agatur, non plus actor consequitur, quam adversarius ejus facere potest, si sunt socii universorum bonorum, siue certæ alicujus negotiationis: idque propter jus fraternitatis, quod quodammodo est inter socios, quodque non fert rigidam & incivilem alterius abesse negaverit, aut ex doli causa sit obligatus.

Vers. idem est.

VI. Qui ex causa donationis convenitur: quia promisit se donaturum, vel simpliciter donavit, sed nondum tradidit, non condemnabitur ultra, quam facere potest. Ratio est, ne liberalitate sua inops fieri periclitetur. Et discrepat ab aliis in eo, quod solus nonnisi deducto omni ære alieno facere posse intelligatur: pinguius enim donatori succurrere debemus, quam ei, qui verum debitum persolvere compellitur, Cui consentit, quod Divus Pius rescripsit, eos, qui ex liberalitate conveniuntur, in id, quod facere possunt, condemnandos.

VII. Ex causa Compensationis oppositæ admittæ non condemnatur quis in solidum, sed eatenus, quatenus summa repetita excedit id, quod ipsi reo debetur. Quod si iudex compensationis rationem non habuerit, salva nihilominus manet reo debiti petitio: cui non oberit exceptio rei judicatæ, nisi causa cognita iudex rejecisset compensationem.

VIII. Debitor ad inopiam fortunæ vitio reductus (non etiam fraudulentus decoctor: quive dolo facit, quo minus solvat; vel qui ex delicto debitor est) ex causa cessionis bonorum, carceris quidem injuria, & æris alieni molestia, liberatur, non tamen obligatione, quæ sola solutione extinguitur. Manente itaque obligatione, is, qui bonis suis cessit, si postea aliquid acquisierit; quod idoneum emolumentum habeat, ex integro in id, quod

*l. 19. §. 1.
l. 19. §. 50.
D. de re
ind. l. 54.
D. tol. ma-
tr. l. 28. D.
de R. J.
§. com-
pensat. l.
ult. C. de
comp.*

*§. fin. h. t.
l. ult. D. de
dess. bon.
l. 6. C. qui
bonis ced.
Nov. 135.*

quod facere potest, convenitur, id est, ita ne defrauderetur alimentis quotidianis. Inhumanum enim esset, spoliatum fortunæ suis, in solidum damnari & excuti. Fit autem cessio bonorum sola voluntate, quocumque modo declarata, sive verbo, sive per nuncium aut epistolam: & tam in iudicio, quam extra jus. Neque infamiam irrogat, sed opinioniones ejus, qui bonis cedit, apud bonos viros gravat. Moribus hodiernis singulare est, ut diploma Principis, cessionis faciendæ causa, impetrari necesse sit, idque solemniter in iudicio comprobari: de quo extat in Belgio Caroli V. Constitutio.

T - I T U L U S VII.

Quod cum eo, qui in aliena est potestate, negotium gestum esse dicitur.

Dictum est, posse nos ex nostro contractu, conveniri: possumus etiam alieno & agere & conveniri, nempe contractu eorum, qui in nostra sunt potestate; filiorum & servorum nostrorum.

Quot dantur ejusmodi actiones?

SEx: *Quod jussu, Exhereditaria, Institoria, Tributaria, De peculio, De in rem verso, & in fine adjicitur Exceptio Senatusconsulti Macedoniani.*

Cur eas constituit Prætor.

Quia cum Jure Civili quisque ex suo, ne- l. 51. D. de mo veto ex alieno contractu obligetur, ne- oblig. que pater ex filii, neque dominus ex servi contractu teneatur; Prætor æquitate motus, voluit patrem & dominum obligari ex contracti.

l. r. ff. de tractibus filiorum & servorum; cum inde com-
inst. act. l. moda sentiant; juxtam regulam, ut incom-
20. ff. de moda cujusque rei sequantur eum, quem se-
R. J. quantur commoda, & contra.

Quid est actio quod jussu?

l. r. §. r. & l. 3. ff. quod juss. Est actio Prætoria, personalis, quæ datur adversus patrem vel dominum, ex contractu filii familias, qui jussu patris sui, aut servi, qui jussu domini contraxerit; & quidem in solidum, quod jussum est dari. Ratio est, quia videntur ipsi jubentes contraxisse, eorumque fidem secuti contrahentes. Nec refert, expresse vel tacite dominus, paterve jusserit; iniquum enim foret, non ratificare, quod jussum: & revocare, quod semel placuit, cum incommodo contrahentium.

Quid est actio Exercitoria?

§. eadem ratione l. r. §. 5. & seq. ff. de exercit. act. Est actio Prætoria, personalis, qua in solidum tenetur exercitor navis ex contractu magistri, quem navi præposuit, & consequenter ex contractu ejus, quem magister sibi substituit. Quin etiam ex pluribus exercitoribus in solidum unus tenetur, ne alioquin actio hæc in favorem comparata, flectatur in damnum, si, qui cum uno contraxit, in plures distringatur adversarios. Ideo autem in solidum datur, quia is, qui contrahit, non tam ejus, cum quo contrahit quam ejus, cujus negotium geritur, fidem sequi videtur: qui sine dubio deciperetur, nisi is, qui præposuit, omnia magistri facta præstare tenerentur.

Quis dicitur Exercitor, quis Magister?

Exercitor dicitur, ad quam quæstus quotidianus & lucrum navis pertinet, siue dominus sit navis, siue ab alio navem conduxerit.

d. l. i. §.
15. l. ff. §.
fin. ff. ad l.
Rhon.

Magister autem, qui navi ab exercitore præpositus, & cui totius navi cura demandata & concredita est. Cujus vero conditionis aut ætatis sit magister, nihil interest, cum sibi imputare debeat, qui minus idoneum præposuerit.

d. l. i. §. i.

Quid est actio institoria?

Est actio Prætoria, personalis, & rei persecutoria; quæ ex contractu institoris adversus eum, qui præposuit, in solidum ejus quod ex contractu debitum est, datur. Quia, qui cum institore contrahit, potissimum fidem domini præponentis securus videtur. Æquum enim visum est Prætori, ut sicut dominus commodum sentit ex actu institoris, ita etiam ex contractu ipsius obligetur, & conveniatur. Juxta regulam, *Ex qua persona quis lucrum capit, ejus factum præstare debet.*

Vers. in-
stitoria.

l. 149. ff. de
R. J.

Quis dicitur institor; quis præponens?

Institor dicitur, qui tabernæ, aut cuilibet alii negotiationi præpositus est: sic dictus, quod negotiis gerendis inter.

l. 3. §. 18.
ff. de in-
stit. act.

Præponens dicitur dominus. Et parum refert, quis sit institor, masculus, an foemina: liber, an servus; proprius, an alienus; item quis, quæve præposuerit.

Institoria & Exercitoria actiones conveniuntne in quibusdam?

*l. i. §. i. &
l. i. §. i. ff.
de inst.
act.*

Conveniunt in multis; Nam utraque datur in solidum, & contra singulos, qui navem, aut tabernam exercent. Utraque ad contractus omnes, omniaque negotia refertur. Utraque est perpetua, & tam hæredi, quam in hæredem, datur. In utraque conditio spectatur præpositionis; non enim omne, quod cum institore geritur, statim obligat eum, qui præposuit; sed ita demum, si ejus rei gratia, cui præpositus erat, contractum sit. Neutra datur ei, qui præposuit, quia non indiget talis Prætoris auxilio, cum civilibus actionibus experiri valeat,

In quibus vero differunt?

*l. i. in pr.
& §. sed
exerc. act.*

In duobus potissimum. I. *Exercitoria* tenetur exercitor, non tantum ex contractu magistri, verum etiam ex contractu submagistri, *Institoria* vero non tenetur præponens, nisi ex contractu solius institoris. Ratio diversitatis consistit in necessitate, in qua plurimum constitutus est magister: eoque casu locus, occasio, res non patiuntur deliberandi consilium. Secus est in institore, quippe jam res patitur, ut de ejus conditione quis dispiciat.

II. *Exercitoria* tenetur in solidum pater, cujus voluntate filius exercuit nauticam negotiationem, ex contractu filii, vel magistri, a filio præpositi. *Institoria* vero non tenetur in solidum pater, si eo volente filius merces peculiares exerceat; sed venit in tributum una cum creditoribus peculiaribus.

Quid est actio Tributoria?

*§. inter-
uxit.*

Est actio Prætoria, personalis, qua patitur, ut pater aut dominus, cujus filius, ser-

servusve cum aliis contraxerunt, merces peculiare æqualiter cum creditoribus dividant.

Debet itaque, pro rata debiti, inter dominum, patremve & creditores fieri distributio: cuius si pateat iniquitas, ea ab arbitrio corrigi debet. Non tamen propterea hæc actio de dolo est, quamvis & ob dolum deatur, sed magis rei persecutionem continet.

l. 3. §. 7. §.
1. l. 2. §.
ult. ff. de
trib. act.

*Qua ratione inter dominum, vel patrem,
aliosque creditores distributio
ista fiet?*

Pone, mercem peculiarem esse triginta, in quam pater, vel dominus quindecim crediderit, duo item extranei creditores singuli quindecim: dominus tributoria conventus, sibi accipiet decem, & extraneorum cuilibet etiam decem tribuet: ei enim Prætor hujus rei distributionem permittit. Quod si dominus decem dumtaxat crediderit, extraneorum quisque viginti, in merce autem peculiari sint triginta; accipiet sibi tum sex dominus, extraneorum autem cuique duodecim conferre debet. Atque ita fiet, ut totius mercis in solidum compleatur æstimatio; nullusque alio sit potior, cum damnum inter creditores æqualiter communicetur, quamvis tamen nullus debitum consequatur.

l. fin. ff. de
trib. act.

*In quo differt Tributoria actio ab Exercitoria
& Institoria?*

I. Exercitoria, atque Institoria est de merce ejus, qui magistrum vel institorem præposuit: Tributoria vero de merce peculiari.

l. 141. ff. de
R. J.

II. Ex illis tenetur, qui navi vel taber-

bernæ præposuit eum, qui contraxit. Ex Tributoria obligatur, qui scivit & passus est servum vel filium negotiari, & qui non protestatur, nec contradicit: *Nam qui tacet, non utique facit: sed tamen verum est, eum non negare.*

III. Ex illis non tantum obligatur pater, vel dominus, qui filium vel servum præposuit, sed & is, qui liberum hominem vel servum alienum præposuit: Tributoria vero tenetur is, qui scivit, servum proprium negotiari.

IV. Ex illis denique actionibus tenetur in solidum is, qui præposuit. Tributoria convenitur pro rata pater vel dominus, si in distributione plus deduxerit, quam par erat,

Quid est actio de Peculio?

Est actio Prætoria, personalis, ex contractu eorum, qui alieno juri subjecti sunt, proveniens, peculio tenus competens, ratione administrationis peculiaris. *Æquitas hujus in eo est, quod ad quem spectat commodum, ad eum quoque spectare debeat incommodum.*

Cui & adversus quem competit?

Competit his, qui cum personis alteri subditis contraxerunt: nisi hæ impubere sint: tunc enim ad id, quatenus locupletius peculium factum est, datur. Et adversus eos porrigitur, qui tales personas in potestate habent, sive filii familias, sive servi sint. Igitur si venditus fuerit servus, adversus novum dominum actio de peculio datur.

*l. i. c. 4. D.
de pecul.*

Quanto tempore durat hæc actio?

Durat perpetuo, quamdiu scilicet filius aut servus in potestate manent: cessat autem, si non dolo eis adimatur peculium. Quod si vel morte, vel emancipatione exeant e potestate, tum intra annum utilem expirat hæc actio, propter extinctum peculium, quippe mutato statu.

l. 1. §. 1. ff. quando act. de pec. annal.

Quodnam peculium habere servus potest?

Tametsi servus omnia domino suo acquirat, tamen si quid domini permisso separatim a rationibus dominicis habuerit, domino volente, id peculium servi dicitur: ita tamen, ut prius deducendum sit, quicquid servus domino naturaliter debet, nam quod superest, id solum peculium intelligitur.

l. 4. §. 9. & fin. ff. de pecul.

Quid est actio de in rem verso?

Est actio Prætoria, personalis, quæ ex contractu filii familias, vel servi datur in rem patrem, vel dominum de eo, quod in patrimonium ejus redactum est: idque ideo, ne quis cum alterius jactura locupletetur. Non tamen in plus tenetur, quam versum est.

Quid intelligitur in rem versum?

Quicquid necessario & utiliter in rem patris, vel domini, filius, vel servus bona fide impenderit, veluti si mutuatus pecuniam creditoribus domini solverit, aut ædificia ruentia fulserit, aut frumentum emerit, & id ipsum in familiam consumpserit, aut quid aliud fecerit, quod ipse dominus facturum fuisset: licet etiam perierit res, vel effectum ejus casus impediverit, ut si frumentum in horreo repositum, postea corruptum fuerit.

l. 1. §. 1. & seqq. ff. de in rem vers.

d. l. 3. §. 4. rit, vel arserit, citra culpam servi. At si voluptatis causa quid impenderit, non videtur, verum, nec debet ex eo onerari dominus, nisi forte consenserit.

Quid, si nihil sit verum?

l. 19. ff. de R. J. Tunc de peculio actioni locus erit, ut præstet dominus, quatenus est in peculio, In quo si nihil, nihil etiam a domino creditor consequetur. Nec hoc videtur iniquum, cum sibi imputare debeat, qui non explorarie diligentius, an servus vel filius familias peculium haberet, & quantum in eo esset, item an in rem domini, vel patris converterit, necne, Nam qui cum alio contrahit, vel est, vel esse debet, non ingarus conditionis ejus.

Actio de in rem verso, quatenus una esse dicitur cum actione de peculio?

Vers. licet enim. Una hic esse dicitur, quia actioni de peculio inest actio de in rem verso, & in rem domini verum computatur in peculio, Utriusque tamen diversæ sunt condemnationes. Nam actione de in rem verso condemnatur dominus in solidum, quatenus ex contractu servi est verum; nec compensatio admittitur. *l. 1. §. fin. l. 15. l. 15. §. 1. ff. de in rem verso.* De peculio non damnatur dominus, nisi quatenus peculii vires ferunt, & deducto eo, quod sibi debetur; ut dictum supra. *it. 6. §. 11.*

In concursu autem harum actionum, quam expedit agere?

§. ceter. Ea scilicet quæ sit commodissima ac plenissima, & una electa non datur regressus ad aliam. Idque dicat Regula: *Quoties concurrunt plures actiones ejusmodi rei nomine, unam quis experiri debet.* Quoniam singulis agendo sæpius

pius idem exigeret, quod bona fides non patitur; foretque contra mentem legum, quæ plures actiones constituerunt, ut laxior quidem esset agendi facultas: sed una electa, eaque commodiore, supervacua erit actio secunda. Quamobrem, ubi certum est, quæ actio sit potior, male sibi consulit actor, si omisis prioribus actionibus, *Quod iussu*, item *Exercitoria* & *Institoria*, quæ facilem habent probationem, & in solidum pariunt condemnationem, ad actionem de *peculio*, vel de *in rem verso*, recurrerit, in quibus plura probatu sunt difficillima, nempe ostendere, quantum sit in *peculio*; non enim cuilibet notæ sunt res *peculiares*: & quod creditum in utilitatem domini sit versum.

DE SENATUSCONSULTO MACEDONIANO.

*Semperne contrahendo servus dominum obligat?
aut filius patrem?*

In servo quidem id perpetuum est, & par
juris dispositio in plerisque, quoad patrem §. *quæ di-*
& filium filiamve, si in potestate sint: nisi *ximus.*
quod servus tantum naturaliter teneatur ex
suo contractu, non etiam civiliter, cum eo
jure personam non habeat; filius vero etiam l. 14. ff. de
& naturaliter & civiliter. Quæ ratione, qui O. & A. l.
cum filio familias contraxerit; duos habebit 47. ff. de
obligatos, filium in solidum, patrem pecu-
lio tenus tantum. Quod tamen fallit in cau-
sa mutui, beneficio *Senatusconsulti*.

*Quæ dicitur exceptio *Senatusconsulti*
Macedoniani?*

Quia actio ex causa pecuniæ filiofamilias §. *illud pr.*
creditæ submoveatur, atque eliditur. Si quis
igitur filiofamilias mutuum pecuniam dede-
rit,

*l. 1. ff. de S.
C. Maced.*

rit, nec ex proprio contractu filius, nec de peculio pater teneatur, aut saltem alteruter conventus juvatur hac exceptione Senatus-consulti Macedoniani. Causam dedit improbitas cujusdam creditoris Macedonis, filiis-familias, atque incautis adolescentibus, ad quemvis luxum mutuas pecunias dantis, incertis nominibus, qui, ut ære alieno facilius se liberarent, sæpe vizæ parentum insidiabantur: Quinimo & hi Rempublicam ipsam sæpissime labefactabant.

Cui competit hæc exceptio?

*l. 1. 7. 8.
46. l. 9. 8.
5. l. 14. ff.
C. l. 9. 6.
ad SC.
Maced.*

Competit patri & avo, qui in potestate habet, si conveniatur ex mutuo filii vel nepotis. Item ipsi filios-familias; cujuscunque sit dignitatis, non tantum vivo patre, sed & mortuo; cum hæc exceptio sit inducta in odium creditoris, quod non cessat per mortem patris, nec debet per ejus mortem nomen fieri bonum. Emancipato non competit, quia cessat in eo causa Senatus-consulti, cum omnia sibi acquirat, & habeat, unde solvat, si gravatus sit. Competit item fidejussori & mandatori, ne quod una via denegatur, altera consequatur improbus creditor, in elusionem Senatus-consulti: nisi forte donandi animo intercesserit.

In quibus huic Senatus-consulto locus est?

*l. 3. §. pen.
l. 7. §. 8. ff.
eod.*

Proprie in pecunia mutuo data, propter promptam corruptelam, quæ hic subest: non etiam in aliis contractibus, quia non ita periculosi; ex quibus proinde obligatus filius-familias poterit conveniri, nec agenti obstat hujus Senatus-consulti exceptio. Nisi tamen fraus fieret Senatus-consulto, puta datis rebus aliis, ut ex earum venditione pecunia constari possit, qua uteretur filius-familias, cui proinde subveniendum.

Qui-

*Quibus casibus cessat exceptio Senatusconsulti
Macedoniani?*

Variis . I. Si filiusfamilias patre jubente & consentiente mutuum acceperit . II. Si id impenderit in rem patris . III. Si in probabilem causam studiorum converterit . IV. Si mutuum acceperit , ut se aleret & vestiret . V. Si filiusfamilias publice habitus fuerit pro patrefamilias , & in eodem fuerit creditor . VI. Si se dixerit patrefamilias , idque persuaserit creditori , ignorantem ejus conditionem . VII. Si filiusfamilias factus paterfamilias debitum agnoverit , aut ejus parem solverit . VIII. Si filiusfamilias sit miles , qui tenetur usque ad quantitatem peculii castrensis .

*Cur non potest filiusfamilias renunciari Senatusconsulto Macedoniano , ut
mulier Vellejano ?*

Quia exceptio Senatusconsulti Macedoniani , non tam inducta est in favorem filii , quam in odium creditoris , quod privata non tollit renunciatio . Exceptio autem Vellejani introducta est in favorem mulierum intercedentium : favori autem suo vel pro se introducto quilibet renunciare potest . Accedit , quod Senatusconsultum Vellejanum tantum respiciat nudam causam bonorum , Macedonianum vero utilitatem publicam , ne videlicet filiorum mores pecunia illis credita corrumpantur . Cui proinde juri , utilitatis publicæ causa statuto , renunciare non possunt filiifamilias , ne quidem cum juramento ; quia illud est contra bonos mores , & invitaret ad insidiandum vitæ patris , in quo consistit ratio , cui concessa fuerit hæc exceptio .

*Com tom.
2. var. c. o.
Cov. ad l.
quavis
de p. ff. in
6. p. 2. §. 3*

*l. 45. c. 2.
ff. de R. J.*

T I T U L U S VIII.

De noxalibus Actionibus.

Non tantum ex contractibus filiorumfamilias
& servorum patres dominive obligantur,
sed & ex delictis.

*Quando igitur domini ex maleficiis
servorum obligantur?*

l. 2. Cod. de accus. **S**I servi noxam, id est, delictum aliquod
privatum commiserint, ut puta furtum,
vel bona rapuerint, vel damnum dederint,
vel injuriam alicui fecerint, tunc enim do-
mini noxalibus actionibus tenentur. Dico
privatum: nam publicum delictum facere te-
neri ipsos servos in suo corpore; neque enim
fert ratio, tum in dominos agri, & alieno
nomine alium in corpore affligi.

*Cur noxali actione dominus tenetur,
& ad quid?*

§. 1. h. t. Quia cum servus non possit conveniri,
neque interesse judicio, neque bona habeat,
unde satisfaciât actori, æquum visum fuit,
ne delictum servi maneret impunitum, atque
consuleretur ei, qui infortunium accepit,
l. 72. ff. de R. J. noxali actione obligari dominum, & qui-
dem insolidum. Quod tamen ita temperatur,
ut liceat domino, dedendo servum noxæ, id
est, tradendo corpus servi, quod nocuit, pœ-
næ loco, & in vindictam damni, ei, cui
nocuit, defungi, atque evitare litis æstima-
tionem; quæ æquitas non patitur, ut nequi-
tia servorum, ultra ipsorum corpora, ser-
l. 2. C. h. t. vationem, dominis sic damnosa: Eli-
gendum ergo hic est, quod minimum habet
l. 200. ff. de iniquitatis.

R. J.

Quid,

*Quid, si domino volente, aut sciente,
servus damnum dederit?*

Eo casu dominus amittit facultatem dedendi servum noxx, & convenitur ad integram totius litis æstimationem, detracta noxx deditione: & non solum, si jusserit damnum dari, sed & cum sciret, nec prohibuerit, cum posset, quia ipse dominus videtur deliquisse; *Is enim damnum dat* (inquit Paulus) *qui jubet dare: ejus vero nulla culpa est, cui parere necesse sit.* Itaque servus ipsa necessitate potestatis excusatur. At non in omnibus rebus, sine poena, domini dicto audiens esse debet: nam si atrox crimen servus commiserit, puniri debet, quamvis jussu domini id fecerit: tantum enim in levioribus delictis, quæ non habent atrocitatem facinoris, vel sceleris, servis ignoscitur, si dominis obtemperaverint.

*l. 2. 3. &
seq. ff. d. 1.*

*l. 169. ff. ac
R. J.*

*l. 20. ff. de
ob l. & æt.
l. 157. ff. de
R. J.*

*Quod, si domino insciente, aut prohibere ne-
queunte, servus deliquit.*

Noxali judicio dominus convenitur: qui si noxx maluerit servum dedere, nihilominus ultra deditionem tenetur in quantum ad eum ex delicto servi pervenit. Quia æquitas non patitur, ut quis alieno scelere dicitur. Quid si prohibere non potuerit? ut, si servus ad libertatem proclamans, domino sciente, faciat, aut quia contemnat dominum, vel cum trans flumen sit servus, vidente quidem, sed invito domino, noxam facit, noxaliter tantum dominus tenebitur. Huc pertinet illa juris regula; *Culpa caret, qui scit, sed prohibere non potest.* Et ut illa exprimitur: *Nulum crimen patitur is, qui non prohibet, cum prohibere non potest.*

*l. 2. & 4. C.
& l. 4. ff.
h. t.*

*l. 50. & 2.
109. ff. de
R. J.*

Quid juris, si servus noxa deditus, quæsitæ pecunia damnum domino resarcierit?

Favore libertatis, & quia novus dominus
§. dom. c. nondum jure Quiritium plenum acquisivit
ac. l. 13. dominium, manumittitur, auxilio Prætoris,
obs. c. 9. etiam invito novo domino, quia tunc neutri
 fit injuria: non priori domino, quia servum
 abjecit; non posteriori, quia damno resarci-
 to, nihil est, quod amplius desideret.

Sed unde resarciet servus?

Licet nihil proprium habere possit, quia
 omnia domino suo acquirit, potest tamen de
 victu suo parcere, & peculium comparare,
 ventre defraudato, aut etiam aliunde spe
 manumissionis mutuam pecuniam sumere pro-
 mittendo, se cum manumissus fuerit, restitu-
 turum.

Unde descendunt hujusmodi noxales actiones?

Partim ex Jure Civili, partim ex Edicto
 Prætoris; atque hinc aliæ Civiles, aliæ Præ-
§. sum
noxiæ. toriæ. Civiles sunt, actio noxalis furti nec
 manifesti, quod vindicatur Lege XII. Tabula-
 rum, & actio noxalis damni injuriæ; quod
 vindicatur Lege Aquilia. Prætoriæ, actio no-
 xalis furti manifesti, cujus pœna cum Lege
 XII. Tabularum esset corporalis, eam Prætor
 in pecuniariam quadrupli convertit. Item
 actio noxalis injuriarum, & vi bonorum
 raptorum.

Adversus quem dantur?

§. omnia Dantur adversus eum, qui servum in pote-
autem l. 5. state retinet, quia tamdiu ejus dedendi fa-
§. ult. ff. de cultatem habet. Unde etiam in successores hæ-
noxal. act. actio-

actiones dantur; jure tamen domini, non jure successionis. Proinde, si servus in alterius cœperit esse potestate cum illo incipiet esse actio, quia *noxa caput sequitur*, id est, pœna irrogatur ei, qui est caput servi: ideoque convenitur dominus, qui fuit tempore institutionis actionis, non qui fuit tempore delicti commissi. l. 28. D. de furt.

Quid, si manumissus fuerit servus?

Tunc ipse conveniri poterit ex suo delicto, utpote jam liber homo, & qui in judicio consistere possit; & hoc casu fit directa actio, quæ prius fuerat noxalis. Verumtamen ex contractu in servitute inito conveniri servus post manumissionem non potest: quia non tam ipsius, quam nomine domini inicus videtur, cujus commodum solum spectabat. Inspicietur & hic tempus contractus celebrati. Ita ut, quod tum servus egit, proficere ipsi manumisso non possit; extende, ut nec ei noceat. vers. at si manumissus. l. 1. an. servus ex suo l. 149. D. de R. J.

Quid, si servus domino suo noxam commiserit?

Actio tunc nulla nascitur, quia inter dominum, & eum, qui in ejus potestate est, id est, servum, nulla obligatio nasci potest: & consequenter nec actio. *Cur ita?* quia ipse dominus secum litigare videretur. Quod procedit, etiamsi in alterius potestatem pervenerit servus ille, vel manumissus fuerit: ut neque cum eo, in cujus nunc potestate est, neque cum manumisso, agere possit: eo quod statim ex ipso facto nascatur obligatio, nempe ex postfacto vires sumat. Est enim regulariter *Quod ab initio non subsistit, postea casu quodam non convalescere.* S. si servus l. 4. D. de judiciis. l. 29. D. de R. J.

Potest.

Potestne paterfamilias ex delicto filii conveniri noxali actione?

l. 11. ff. de Olim poterat, & dedendo filium noxæ li-
& post. l. 2. C. de pa- berabatur: nam vitæ & necis potestas, imo
trib. qui & alienationis jus, patri concedebatur. Sed
fil. suo d. sensim duram illam potestatem, austeritatem.
l. 53. de que in liberos, respuendam duxit nova & mi-
noxal. l. tior hominum conversatio, maxime in filiabus,
57. ff. de causa pudicitie: Hæc enim quam maxime mu-
jud. l. 3. §. lieres exornat. Itaque filiifamilias ex suis ip-
11. ff. de sis tam delictis, quam contractibus, conveni-
Pecul. ri possunt; & post filii condemnationem in
 patrem dirigitur de peculio actio.

T I T U L U S IX.

Si quadrupes pauperiem fecisse dicatur.

*Quid juris, si non servi delinquant, sed qua-
 drupes in dominio alicujus constitutam
 pauperiem faciat?*

Text. h. in **S**I animal lascivia, fervore, aut feritate,
pr. l. 1. §. 4. contra naturam sui generis, & non insti-
 gatum ab alio, pauperiem fecerit, noxalis
 actio Lege XII. Tabularum prodita est, quæ
 teneatur dominus, vel æstimationem damni
 dati præstare, vel animal, quod noxam de-
 dit, noxæ dedere; puta, si equus calcitrosus
 aliquem calce percusserit, aut bos, cornu
 petere solitus, cornu petierit.

*Quid vocas Pauperiem, & quæ est actio
 de pauperie?*

Text. h. d. l. *Pauperies* est damnum sine injuria facien-
1. 3. & 22. tit. tis datum: nec enim potest animal injuriam
 facisse dici, quod sensu & ratione caret.
 Acque

Atque ut his irasci dementis est, quæ animæ carent, sic & mucis animalibus; nam nulla est injuria, nisi à consilio profecta. Quia tamen præstari damnum ejusmodi ab eo, qui dedit, æquum est, merito datur læso *Actio de pauperie*, adversus animalis dominum, non cujus fuerit animal, cum noceat, sed cujus nunc est; nam & in quadrupedibus noxa caput sequitur.

Quando cessat hæc actio?

Cessat. I. Si animal instigatum ab alio fuerit, percutiente forte: hic enim in factum actione ex Lege Aquilia tenetur. *d. l. 1. §. 4.*

II. Si quadrupes ob culpam munitionis, aut plus justo onerata, in aliquem onus everterit.

III. Si pecudes alienam segatam depascantur, quia sic non contra naturam suam damnum dant: sed Lege Aquilia agitur, si dominus pecudes immiserit; alias in factum actione. *l. 6. ff. ad l. 4. Aquil. l. ult. eod. l. C. §. fin. 14. e ver. ff. d. h. t.*

IV. Si naturalis fuerit bestię feritas, eaque e custodia domini elapsa nocuerit, quia tunc demum in naturali feritate videtur esse: secus si nocuit, cum eam dominus possideret. *§. 1.*

V. Si arietes, vel boves, ad pugnam se commiserint, fueritque occisus aggressor; sin vero is, qui non provocaverat, perierit, dabitur actio.

Quid juris, si quis in publico Feram habeat, vel canem qui noceat?

Si utique in publico, quæ vulgo iter sit, aliquis canem, verrem, aprum, ursum, leonem, habuerit, eoque damnum datum sit; tunc ex edicto Ædilitio prodita est actio noxalis in dominum ad ducentos aureos; *§. cetera. l. 41. ff. de Ædili. edict.*

*l. fin. ff. de
extraord.
crimin.*

reos; si homo liber occisus fuerit; si læsus, damni æstimatio iudicis permittitur arbitrio, cum liberi hominis nulla sit æstimatio. Quod si aliis rebus nocitum sit, æstimatio est in duplum damni dati. Interdum pro modo admissi, extra ordinem animadvertitur in eos, qui feras huiusmodi, quæ nocere possunt, circumferunt, si cui ob earum metum damnum datum sit.

*Præter has Ædilitias habet locum actio
de pauperie?*

*§. fin. h. t.
l. 130. ff. de
R. J. l. 33.
35. & 61. ff.
de obl. &
& act. l. 2.
§. 2. ff. de
Pr. de act.*

Habet: quia numquam actiones, præsertim pœnales, de eadem re concurrentes, alia aliam consumit. Numquam enim plura delicta concurrentia faciunt, ut illius impunitas detur, neque delictum ob aliud delictum minuit pœnam: Reipublicæ namque interest, ne maleficia sint impunita. Ideo Imperator hic liberum reliquit ei, qui damnum passus est, utrum actione noxali an ædilitiâ experiri velit: sed si vel hæc, vel illa usus, & æstimationem damni nactus fuerit, cessabit altera.

T I T U L U S X.

De iis, per quos agere possimus.

De actionibus & natura earum satis superque dictum est: sequitur de exercitio, & per quos agere aut defendere licet.

*Potestne agere quilibet aut suo nomine,
aut alieno?*

Text. pr.

Suo nomine potest quilibet agere, seu iudicio experiri, non tantum persequendo: verum etiam defendendo, cum cuilibet sui sit concessa defensio. Alieno nomine olim agere licebat, quia actus legitimus, ut iudicium, non poterat per alios expediri nec sole-

solemnitas actionum patiebatur actionem per alium, quam per ipsum actorem, proponi. *l. 123. ff. Hodie vero licet, & suo & alieno nomine de R. J. expediri in judicio.*

Nonne & olim licuit aliquando alieno nomine agere?

Licuisse constat, quatuor ex causis. I. *pro l. 1. ff. quod populo*, sive pro jure publico, interveniebat *cujusque Syndicus*. II. *Pro libertate*, seu servo ad *lib. univ. no-* bertatem proclamante, agebat Assertor. III. *mine.* *Pro tutela*, seu pupillo, Tutor. Idque receptum erat favore populi, libertatis, & ætatis pupillaris; tum etiam, quia populus, servus, pupillus, in judicio non poterant stare. IV. *Pro absentibus*, Reipublicæ causa, vel apud hostes, ex Lege Hostilia intervenire quilibet poterat; idque ideo ne indefensæ relinquerentur res absentium, vel pupillorum. Hinc generaliter publice utile visum est, absentes a quibuscumque defendi. *l. 33. §. 2. de proc.*

Per quas hodie alieno nomine agi potest?

Per procuratorem, tutorem, curatorem: *§. 1. h. r.* quia nonnumquam morbus, & ætas, nimirum judicii & consilii infirmitas, & necessaria peregrinatio; itemque aliæ multæ causæ hominibus impedimento sunt, quo minus ipsi *l. 1. §. pen.* rebus suis superesse possint. Itaque necessitas *§. de proc.* usum procuratoris introduxit, per quem agatur & excipiatur.

Quis ergo dicitur Procurator?

Qui aliena negotia mandato domini administrat. Quæ definitio generalis est, continens etiam eos, qui extra judicium negotia aliena administrant; sed hic specialius sumitur procuratoris nomen, pro eo qui litem prosequendam, aut defendendam suscipit. *d. l. 1.*

Quo-

Quomodo constituitur?

Neque solemnibus verbis, neque re, vel litteris, neque præsente adversario, imo plerumque eo etiam ignorante; quia nihil interest, ipse per se dominus litiget, an per alium. Solo itaque mandato domini opus est, quod nudo consensu contrahitur.

Quis constitui procurator potest?

l. 7. 9. 18.
C. de pro-
cur. & l.
54. ff. eod.
& l. 51. l.
1. §. 5. ff.
de post
l. 23. ff. de
minorib.
dixi sup.
ad §. Ju-
sta. Cui
& quibus
ex caus.
man.

Quilibet non prohibitus. Prohibetur vero in primis *Famina*: quia procuratoris virile officium est, & pudore sexus illius alienum. *Miles*; ne avocetur ab exercitiis militaribus: nisi in rem suam, aut cohortis nomine agat. *Reus criminis*, antequam purget innocentiam suam. *Servus*, quia is iudicio interesse non potest, quamvis ad negotia recte constituitur, *Furiosus*, ob animi vitium, *Minor*, ob ætatem, & beneficium restitutionis, quod minoribus datur. Alienis tamen causis, præcedente mandato recte præficitur, qui major est annis septemdecim; nec restituitur dominus ex persona procuratoris minoris; sibi enim imputare debet, quod minori, rebusque gerendis minus idoneo, causæ suæ curam commiserit.

In quibus causis constitui potest?

l. pen. ff.
de publ.
jud. l. 15.
C. de ac-
cus.

In omnibus causis civilibus, quibus dominus interesse non potest, aut non vult. Regulare autem est, quod in criminalibus requiratur ipsius Rei præsentia: Frustra, inquit Jurisconsultus, ad crimen publicum persequendum procurator intervenit. Et hoc, si crimen tale sit, pro quo imponi solet pœna corporalis; secus si ex ejusmodi sit causis, ex quibus subsequi solet pœna civilis, cum hanc etiam quis absens luere possit in bonis.

Quam

Quando recte constituitur?

Tam post litis contestationem, quam ante. Imo & Procurator post litem contestatam pro se constituere alium potest, non autem ante. Nam post litis contestationem procurator fit litis dominus: non etiam ille quem ipse procurator substituit, cum talis non sit litem contestatus, & proinde non contraxerit.

Potestne revocari Procurator?

Ante litis contestationem potest a domino pro libitu revocari: nisi in rem suam datus, qui loco domini habetur. Post litem vero contestatam, quia res integra esse desit, cum procurator jam factus sit litis dominus, non nisi ex justis causis potest revocari; quia talis remotio oneraret ipsius pudorem, & estimationem laderet.

Quid ex parte Procuratoris potissimum requiritur?

Ut habeat mandatum domini constituentis. Nam si illud non potest exhibere, aut de eo fidem facere per alia documenta, non admittitur, utcumque de rato cavere sit paratus. Quin & post litem contestatam, si falsus procurator inveniatur, iudicium erit nullum. Sanguinis tamen conjunctio facit videri mandatum, si de mente contraria non appareat. Estque effectus hujus mandati, quod domino constituenti & mandanti factum procuratoris profit & noceat, cum per alium faciens, per se facere videatur: & hoc, si mandati fines sint servati.

Quid

*Quid differunt Procurator, Defensor,
Advocatus, Actor, Syndicus,
Delegatus, Legatus?*

Procurator dicitur actoris, vel rei, cum mandato. *Defensor* solus rei, sine mandato. *Advocatus*, qui desiderium suum, vel amici, agendo vel defendendo, exponit ei, qui jurisdictioni præest; vel alterius desiderio contradicit. *Actor* est, qui constituitur a non domino litis, veluti a tutore, vel qui a collegio ad certa negotia constituitur. *Syndicus*; qui ab universitate ad universa negotia datur. Cui similis *Delegatus*, qui ad comitia, vel Principem, a Republica mittitur. *Legatus* vero, qui a supremo Principe ad eum, qui pari potestate præditus est, peregre mittitur, ut publicum negotium agat.

T I T U L U S X I.

De Satisfactionibus.

Satisfactiones ideo necessariae sunt, ut iudicia, maxime si per alios exercentur, fortiantur effectum, qui per improbitatem actoris, vel rei, aliove modo, impediri atque eludi poterit.

*Quid igitur est Satisficere, &
Satisficere?*

*l. 1. ff. qui
satisd.
cog. l. 61.
ff. de
verb. sign.* **S**atisficere nihil aliud est, quam adversarium suum securum facere de eo, quod in iudicium venit. Et satisficere est cautio, qua adversarium securum facimus pro eo, quod a nobis petit, datis fidejussoribus, aut pignoribus. Quamvis interdum & nuda repromissio, vel cautio juratoria sufficiat; si nimirum ea contentus fuerit adversarius.

Quo-

Quotuplex est?

Duplex, *Judicialis*, & *Extrajudicialis*. De *Judiciali* hic sermo; est, cujus tres sunt species. I. *Judicio fisci*. id est, quod usque ad exitum litis reus in iudicio permanebit. II. *Rem ratam haberi*, id est, quod is, cujus nomine lis suscepta est, ratum sit habiturus omne, quod gestum erit. III. *judicatum solvi*, id est, quod litis præstabit æstimationem.

Quomodo olim interponebantur ejusmodi satisfactiones?

Aliter in iudicio reali, aliter in personali; *Text. h.* aliter ab actore, aliter a reo; aliter ab utriusque procuratore.

Actor non cogebatur satisfacere, sive reali, sive personali actione experiretur; sed tantum Reus conventus actione reali satisfacbat, ne forte interim corrumpere, vel alienaret rem. At conventus actione personali satisfacere non tenebatur: quia ejus persona actori esset nota, & nominatim obligata.

Procurator sive defensor Rei, præter solidam cautionem, *Judicatum solvi*, etiam cavere debebat. *Rem ratam dominum habiturum*, at in personali actione cavebat *Judicatum solvi*, non de rato. Contra Actoris procurator solum de rato cautionem præstabat.

l. 29. §. 1. ff. de noxa act. l. 10. §. 1. ff. de procur.

Quid hac in re jure novo observatur?

Quod conventus Reus, sive personali, sive reali actione, non satisfacit, *Judicatum solvi*, sed tantum *Judicio fisci*, id est, quod in iudicio permanebit usque ad terminum litis, seu ad sententiam definitivam, nec ab eo sine venia recedet; & ubi succubuerit, quod impensas litis præstare paratus sit. *§. sed hoc,*

Quo-

Quomodo ergo satisfaciat Reus?

l. 15. ff. qui sat. cog. Pro qualitate personæ; quippe talis debet admitti satisfactio a reo, qualis præstari potest. Qui enim aliam sufficientem per fidejussores idoneos non possunt præstare, satisfaciunt præstando cautionem juratoriam, vel nudam repromissionem. Juratoriam quoque præstant viri illustres, ex speciali privilegio, & nudam promissionem, qui immobilis legitime possident, si illa tanti sint pretii.

Quomodo satisfaciat Actor?

Auth. libellum C. de lit. cont. Auth. generaliter, C. de Episc. & Cler. l. 101. ff. de R. J. Si suam ipse actionem instituat, non satisfaciat, nisi quod intra duos menses a libello dato litem contestabitur; & eam prosequetur usque ad exitum; & decimam partem quantitatis, quam petit, vincenti expensarum nomine persolveret. Nota, quod, *Ubi lex duorum mensium facit mentionem, si quis sexagesimo primo die fecerit, aut agere cæperit, audiendus sit.*

R. J. Quid, si Actor per procuratorem litem inferat?

§. fin. an. rem l. un. C. de satisfact. Cogitur procurator satisfacere de rato, nisi vel mandatum exhibuerit, & actis insinuarit, vel a domino præsentem in judicio constitutus sit. Quid enim opus est cautione, ubi constat de voluntate domini, qui dum per procuratorem litigat, ipse litigare videtur?

Quid juris est in procuratore Rei?

§. si vero aliquis. l. 110. §. 1. ff. de R. J. In eo non perinde simpliciter nuda sufficit confirmatio, ut in procuratore actoris: sed Procurator rei absentis satisfacet de Judicato solvendo, sive mandatum ha-

habeat, five non habeat. Cum nemo alienæ rei, seu litis, idoneus defensor, sine satisfatione intelligatur. Fit mentio rei alienæ, quoniam si quis ipsemet suam litem defendat, satisfactio hujusmodi non est necessaria.

*l. 46. §. 2. ff. de pro-
cur. l. 5.
quibus
ex caus.
in poss.
datur.*

Quid, si præsens sit Reus?

Ipse sui procuratoris fidejussor existet, & cautionem præstabit Judicatum solvi, oppignoratis quoque in eam rem bonis suis: denique promittet, se in judicio compariturum tempore sententiæ recitandæ, qui si non compareat, dabit omnia fidejussor, quæ in condemnatione continentur, nisi fuerit provocatum.

*d. l. un. in
fin.*

Satisfactioni cur adstringitur defensor etiam locuplet?

Quando quis defendendi causa, sine mandato, accedit, quia nihil ad eum dis ista pertinet, periculum est, ne si condemnatio sequatur, nullius sit effectus, utpote quia non sit de re ejus, qui litigavit; aut saltem, ne noceat reo principali, & sic illusoria fiant judicia: idcirco receptum, ut qui rem alienam defendit, & se quasi atteri adversarium constituit, etiam prædives, consularis, & maxima dignitate præditus, nunquam satis locuples habeatur, ut immunis sit a satisfatione judicatum solvi, etiamsi mandatum proferat, nisi dominus pro eo satisfecerit.

*l. 66. ff. de
R. J.*

Quis est hujus satisfationis effectus?

In primis, quod reus, qui abest, videatur esse præsens, & qui eum defendit, cautione præstita, ejus causam & personam representat, quodque is, qui defenditur, solvendo videatur idoneus: & licet revera solvendo

*l. 46. §. 2.
l. 51. ff. de
proc.
l. 95. D. de
R. J.*

do non esset, tamen propter inopiam domini, non liberatur defensor, sed de suo iudicatum solvere cogitur.

T I T U L U S XII.

*De perpetuis & temporalibus Actionibus,
& quæ in heredibus & ad heredes transeunt.*

Redit iterum Imperator ad Actiones, quando scilicet ex durent, quibus dentur, & adversus quos.

Quæ dicuntur Actiones Perpetuæ?

S. 1. h. 1.

QUæ olim perpetuo, sine ulla temporis præfinitione, proponi poterant: cujusmodi sunt illæ, quæ ex aliqua Juris Civilis parte descendunt, veluti ex Lege, Senatus Consulto, vel Constitutionibus: quia ut juris & legis potestas est perpetua, ita & actio per eam inducta: sequitur enim effectus causam. Sed hodie Constitutionibus Principum, ut aliquis litium finis esset, certi fines omnibus actionibus præscripti sunt.

Quinam sunt fines actionibus civilibus præscripti?

l. 3. 4. 5. 6.

7. C. de

pres. 30.

ann.

Hi nempe, ut sive reales, sive personales sint actiones, annis triginta extinguantur, quo etiam referuntur actiones mixtæ, familiae erciscundæ, communi dividundo, finium regulandorum, & petitio hereditatis, quæ itidem triginta annis tolluntur. Excipiuntur actiones in rem hypothecariæ, & quæ ad Ecclesiam pertinent, quæ annis quadraginta præscribuntur. Ad Principem vero vel civitatem pertinentes, non nisi immemoriali tempore terminantur.

Cujac.

l. 18. obs.

c. 26. & seq.

Quæ

Quæ dicuntur Actiones Temporales?

Quæ anno tantum durante : quales sunt quas supplendi juris gratia Prætor introduxit, cujus ut annum tantum imperium, ita & pleræque actiones ab eo introductæ, sunt annales, quatenus pœnam persequuntur. l. 2. §. 1.

Suntne ex his aliqua perpetuæ?

Sunt : veluti *Actio furti manifesti*, quamvis Prætoriam & pœnalis, tamen perpetuo datur. Forte ideo, quod Prætor post annum quadrupli pœnam timeri, publice utile esse existimaverit : aut absurdum putaverit breviorē eam facere, quam fecerat leviorē actione civili, ejus pœnam corporalem in pecuniam commutando.

Item *Actiones rei persecutoria* sunt perpetuæ, quas Prætor accommodat bonorum possessori, & aliis, qui sunt loco hæredum, id est, his ; quibus ex fideicommissio restituta est hæreditas. Si quæ tamen actuum jus validum rescindant, uti rescissoria, revocatoria, tempore finiuntur. l. 35. ff. de oblig. & act.

Quid hodie Actionibus hisce communes?

Hoc in primis, quod omnes omnino sint temporales, &, si forte ipso jure ultra fines præscriptos actio extendatur, ea tamen sit inefficax. Præterea, quod omnes istæ actiones prorogentur litis contestatione, ita ut, semel inclusæ judicio, salvæ maneant, nec intermoriantur ante annos quadraginta, ut infra plenius dicetur. l. fin. C. de præsc. 30. vel 40. an.

Excipiuntur aliquæ?

l. fin. C. de dolo l. 5. C. de injur. l. 12. §. fin. de adl. edict. Omnino: ut *Actio de dolo*, quæ hodie durat tantum biennio, a tempore doli commissi numerando. Item *Actio injuriarum* annalis est, *Actio redhibitoria* intra mense sex. *Actio quanti minoris* intra annum datum. Item *Quærela inofficiosi testamenti* quinquenio terminatur, computando ab adita hæreditate. Similiter *Actio inofficiosa donationis*, vel dotis, quinquennio tollitur,

*Quæ Actiones dantur hæredibus.
contra heredes.*

§. non autem l. 9. ff. de l. 1. C. in actiones ab her. l. 56. §. 1. D. de V. O. Omnes tam prætoriz, quam civiles, reles & personales, ex contractibus vel quasi descendentes: tum quia hæredes in universum jus defuncti succedunt, ejusque personam præsentant: tum, quia ut is, qui contrahit, non tantum sibi, sed etiam hæredibus, caveat, ita non se ipsum tantum, sed etiam hæredes, obligat,

Quid autem, si plures sint heredes?

l. 2. C. d. t. C. l. 42. D. de rei vind. Singulis pro portionibus hæreditariis conveniuntur, personali actione; reali vero, quatenus possident. Nam in rem actio tantum respectu possessionis in hæredem datur; qui, si non possideat, absolvitur: tamen si quid ex persona defuncti & sua commissum sit, omnino in condemnationem veniet.

Quæ actiones neque hæredibus, neque contra heredes competunt?

§. sed hæredibus l. 28. D. de injur. In primis, *Actio Injuriarum*; tum quia meram persequitur vindictam, nec ullo modo minuit patrimonium nostrum: tum quia

quia defunctus eam non instituit, & sic dissimulatione abolevisse injuriam videtur. Nisi tamen ipso jam defuncto, ut puta ejus cadavere, facta si injuria, quam cum ulcisci non possit, datur injuriarum actio hæredi. Semper enim hæredis interest defuncti existimationem purgare.

Item Actiones, quæ injuriarum actioni sunt similes, non dantur hæredibus: quoniam hæc ad vindictam contumeliæ, non ad rei familiaris, cujus successores sunt hæredes, persecutionem spectant. Ejusmodi actiones sunt tres. I. Actio in factum adversus eum, qui parentem vel patronum suum, sine Prætoris venia, in jus vocaverit. II. Actio sepulcri violati. III. Actio matris revocantis donationem, factam liberis ingratis, Fuit olim actio de moribus; sed ea hodie esse desit.

l. pen. ff. de in jus voc. l. 6. pen. ff. de sepulc. viol. l. 7. C. de revoc. donat.

Quæ actiones hæredibus dantur, sed non contra hæredes?

Dantur hæredibus reliquæ actiones pœnales, cum morte læsi non extinguatur obligatio, & impune non debeat esse delictum. Sed contra hæredes non competunt, quia meram continent vindictam; pœna enim tenere suum debet auctorem, cum constituatur in emendationem hominum, quæ mortuo eo, in quem constituitur, desinit. Nec enim alieni criminis successor constituitur: sed unusquisque ex suo admisso sorti subijcitur.

d. §. non autem. l. un. C. de delict. def. l. 10. C. de pœn. l. 22. C. eod. l. 111. §. 1. ff. de R. J.

Quid, si ex defuncti delicto aliquid ad hæredem pervenerit?

Ejus nomine hæres tenetur: nam constitutum est, turpia lucra hæredibus extorqueri, licet crimina extinguantur: si quidem ratio juris non patitur, ut quis alieno

l. 5. ff. de calum. d. l. un.

- scelere dicitur. *Sicuti pœna* (inquit Pomponius) *ex delicto defuncti hæres non debet ; ita nec lucrum facere , si quid ex ea re ad eum pervenisset .* Sufficit autem , quod vel momento pervenerit ad hæredem , ut efficaciter conveniatur , etiam si postea res perierit , nec factus sit inde locupletior . Quod aliter se habet , cum dolus hæredis ipsius intervenit , quia tunc in solidum tenetur , uti docet Regula , *Toties in hæredem damus actionem de eo , quod ad eum pervenit , quoties ex dolo defuncti convenitur , non quoties ex suo .* Et hæc ita in actionibus ex maleficio .
- l. 38. & l. 117. ff. de R. J.
- l. 44. ff. de R. J.

An idem jus est , si actio sit pœnalis ex contractu ?

- Idem plane , ut in hæredem detur actio de eo , quod ad eum pervenit ; quod expressit Ulpianus , cum ait : *In contractibus successores ex dolo eorum , quibus successerunt , non tantum in id , quod pervenit , verum etiam in solidum tenentur , hoc est ; unusquisque pro ea parte , qua hæres est ;* quoniam hic dolus ex contractu , rei que persecutione descendit ; estque transfusus in jus defuncti , cujus cum hæres sit successor , in solidum tenetur , si unus tantum existat ; sin plures sint , pro ea portione , qua quisque hæres est , convenitur , licet ad eos nihil pervenerit ex dolo defuncti .
- l. 157. c. fin. ff. de R. J.
- l. 7. §. 1. ff. de depositis :
- l. 152. §. fin. ff. de R. J.
- Ira intelligenda prædicta Regula , quæ paulo obscure loquitur , & *In contractibus , quibus doli præstatio , & bonæ fides inest , ipso jure : non tamen quin etiam obtineat in contractibus stricti juris .*

At quid , si lis cum defuncto fuerit contestata ?

- Tunc pœnales actiones hæredibus dantur , & in hæredes , quia litis contestatione , inquit Paulus , pœnales actiones transmittuntur
- l. ult. ff. de fidejuss. tit.

ab utraque parte, & temporales perpetuantur. Unde illa regula juris: *Pœnalia judicia semel accepta, in heredem transmitti possunt.* Et alia, *Omnes actiones quæ morte aut tempore pereunt, semel inclusæ judicio salvæ permanent: sive in tutum rediguntur.* Quæ posterior regula, ad omnes actiones pertinet, quæ per mortem expirant, ut semel contestatæ permaneant, & finire nequeant, nisi eo tempore ab integro rursus inchoato & impleto.

l. 16. & l. 139. ff. de R. J.
l. 38. & l. 34. ff. de obl. & act. l. ult. c. de crasc. 40. vel 40. an.

At cur actiones, quæ tempore, vel morte pereunt, perpetuantur, ad heredem transmittuntur.

Quia judicio accepto quasi contrahitur, seu litis contestatione indicitur quædam novatio, atque ex actione temporali, vel pœnali, fit actio, quasi ex contractu, quod judicatum erit, quæ perpetua est, & rei persecutionem continet, ideoque in heredem transit. Indicitur, inquam, novatio, cui lis contestatur, quatenus id ipsi actori utile est, non ulterius, ne judicium quod in ipsius favorem introductum est, ut suum consequatur, ipsi noceat. Actor enim, dum judicium exercet, causam suam meliorem facere intendit: quod expressit juris Regula: *Nemo in persequendo, de eriore causam, sed meliorem facit.* Nam post contestationem, fructuum ac reliquorum omnium, quæ habiturus erat, si res ipsi tunc restituta fuisset, ratio habetur, etiam in strictis judiciis. Atque hæc de actio.

l. 1. D. de pecol. l. 6. §. ult. de re jud.
l. 29. D. de nov.
l. 87. D. de R. J.
l. 2. l. 38. §. 7. D. de usur.

Quæritur hic, an reus lite pendente a judicio absolvi possit?

Potest, si modo ante sententiam, tandem bonam fidem agnosces, satisfaciatur actori,

Actori, eique rem restituat cum fructibus, reddatque sumptus in litem factos. Nam omnia judicia sunt absolutoria: eorumque finis ut iusto desiderio cuiusque satisfiat, illo obtento, frustra adhibentur media. Proderit autem solvere ante sententiam, in iis maxime, in quibus nota inuritur infamiae. Hinc qui damnare potest, is absolvendi quoque potestatem habet. Juxta Regulam juris. *Nemo, qui condemnare potest, absolvere non potest*; esset enim iniquum, non absolvere illum, qui amplius non debet, cum prioribus esse debeamus ad absolvendum.

l. 17. ff. de R. J.

T I T U L U S XII.

De Exceptionibus.

Haecenus de Actionibus, quae continent ius Actoris: sequitur de Exceptionibus, quae Reo competunt ad defensionem.

Quid igitur est Exceptio?

Est actionis exclusio. Solet quippe actioni opponi, ad excludendum id, quod in intentionem, condemnationemve deductum est; cum saepe accidat, ut, licet ipsa actio sit iusta & in iure fundata, si per se consideretur, tamen iniqua sit adversus eum, cum quo agitur. Ex quo apparet, exceptiones ex aequitate oriri. Unde Marcellus: *Definit debitor esse is, qui nactus est exceptionem iustam, nec ab aequitate naturali abhorrentem.*

l. 3. ff. h. r.

l. 66. ff. de R. J.

Cui competit Actio, eidemne Exceptio datur?

Text. hic Comparatae sunt exceptiones, inquit Imperator, defendendarum rerum gratia, cum qui-

quibus agitur. Jam vero ut favorabiliores in pr. l. sunt Rei, quam Actores, ita Cui damus actionem, eidem & exceptionem competere multo magis quis dixerit. Majus quippe est habere actionem, quam exceptionem, persæpetamen hæc favorabilior est causâ defensionis & personarum, quæ conveniuntur. Nam ubi petitio non admittitur, aliquid ope exceptionis consequi possumus. Ac ubi admittitur tam jus actionis, quam exceptionis, & difficilius actio datur; facilius tamen nobis consulimus, retentione, vel repulsione, quæ sit per exceptionem.

l. 116. l. 116. ff. de R. J.

l. 14. ff. de dol. excep.

Quotuplex est Exceptio?

Proponitur hoc Titulo duplex divisio: prima in Civiles, & Prætorias; secunda in Perpetuas seu Peremptorias, & Temporales seu Dilatorias. Quibus addi possunt & duæ aliæ, una ex titulo proxime seq. in Reales, & Personales; altera in eas, quæ sunt Facti, & quæ Juris.

l. 31. ff. de pign.

Quæ dicuntur exceptiones Civiles, & Prætorie?

Civiles sunt quæ ex legibus, vel ex iis, quæ legis vicem obtinent; Prætorie, quæ ex ipsius Prætoris jurisdictione, substantiam capiunt. Illius generis sunt exceptiones Senatus-Consulti Macedoniani, Vellejani, Fori. Hujus exceptiones, Doli, Metus, Pacti conventi, & aliæ, quarum hic septem species proponit Justinianus, quia celebriores sunt cæteris.

§. 8. h. t.

I. Quid metus causa; qui enim justo metu coactus promissit, stricto quidem jure obligatur ad dandum vel faciendum, quia etiam coacta voluntas, est voluntas; attamen, quia non est liber consensus, actio intentata per exceptionem hanc inefficax redditur: Nihil enim consensui tam contrarium, quamvis at-

Text. in pr.

it. ff. quod met. caus. l. 16. ff. de R. J.

l. 7. ff. de
dolo.

II. *Doli mali* : quia opus est reo qui dolo malo inductus fuerit ad aliquid stipulanti promittendum , ut illum agentem rejiciat . Nam actoris dolus non facit , quo minus ipso jure teneatur reus , non tantum in contractibus stricti juris , sed & bonæ fidei : nisi his dolus causam dederit , tum bonæ fidei contractui nihil tam sit contrarium , quam dolus . Itaque hujus exceptionis æquitas in eo est , ne quis dolus suus per occasionem Juris civilis , contra naturalem æquitatem proficiat .

l. 134. §.
ult. D. de
R. J.

III. *In factum* : quia impugnat actionem is , qui errore lapsus quid stipulanti promiserit , cum non videatur consentire qui errat . Hæc exceptio nominatur *in factum* , quia nomine vacat : similiterque aliæ exceptiones nomine vacantes , dicuntur *in factum* .

l. 2. §. 6. D.
de dol.
except.
l. 116. §.
R. J.

IV. *Non numeratæ pecuniæ* ; quæ datur illi , qui futuro creditori suo stipulanti promissit , se pecuniam , quam ab ipso accepit , soluturum , cum tamen numerata non sit . Ex hac stipulatione tenetur quidem promissor , stricto jure : sed quia iniquum est eum cogi ad reddendum id quod nunquam accepit , ideo exceptione hæc se tueri poterit , contra actorem , sine causa ex stipulatione agentem .

§. idem
juris h. t.

d. l. 1. §. 2.

§. præte-
rea.

V. *Pacti conventi* ; quæ datur debitori , qui cum creditore suo pactus est de non petenda pecunia , quam ei ex civili obligatione debebat . Hic quidem obligatio ista pacto convento non tollitur , cum unumquodque eo modo tollatur , quo colligatum est ; quia tamen iniquum est , actorem non stare conventis ; & contra datam fidem a reo petere , ne reus ex hac actione condemnetur , defendet se hac exceptione .

l. 35. §. 100.
D. de R. J.

l. 26. 28. §.
ult. D. de
jurejur.

VI. *Jurisjurandi* : nam & debitor , qui creditore deferente juravit , nihil se dare oportere , obligatus manet ; quia ut pacto ,

ita

ita nec juramento civilis tollitur obligatio, sed naturalis tantum: quia tamen iniquum est quæri de perjurio ejus, cui sic jusjurandum delatum est, & quia Prætor tuetur jusjurandum illud, tamquam pactum conventum, ideo si quid petat creditor, defenditur debitor talis per exceptionem jurisjurandi: contra quam concedi non debet replicatio doli. *l. 15. D. de except.*

VII. *Rei judicatæ*, quæ competit etiam vero debitori, qui sententia Judicis absolutus est ab actione, si eam actor rursus intenter, uti potest, quia obligatio adhuc durat: quam non sustulit sententia absolutoria, quia sententia non est modus tollendæ ipso jure obligationis. *§. item si in judic.*

Quando hæc exceptio locum habet?

Quando super eadem re, inter easdem personas, in eadem causa, lis iterum movetur, sive in rem, sive in personam, actione: non enim debet de eadem re bis agi, ne judicia sunt irrita, & litium modus multiplicetur. *l. 3. 4. & 11. D. de exc. rei judic.*

Quæ dicuntur Exceptiones Perpetuæ?

Quæ in perpetuum agentibus obstant, sic ut actio de eadem re nunquam repeti possit. Item dici possunt perpetuæ; eo quod perpetuo tempore durent. Non enim sicut actionibus intentandis certa tempora præfixa sunt, sic exceptionibus opponendis; ne quidem ex iis causis, ex quibus actio temporaria est: unde tritum axioma: *Quæ temporaria sunt ad agendum, eadem perpetua sunt ad excipiendum*: v. *dol. l. pug. Actio de dolo duobus annis finitur, tamen exceptio doli perpetuo competit, ac ut ita constitueretur, magna ratio est, cum actor in sua potestate habeat, quando utatur suo jure, & velit experiri; non item reus, antequam* *l. ul. C. de dol. l. pug. re §. ult. D. de dol. exc.* *§. temporales.* *l. 3. D. h. t.*

l. 24. infi. quam conveniatur. Quia ratione iusta habetur ignorantia hæredis, cum quo agitur, non autem ejus hæredis, qui agit; ut habet juris regula.

Quæ Peremptoriæ?

Quæ actionem omnino perimunt, sive quæ totius negotii cognitionem tollunt, & vires ejus exhauriunt. Quæ exceptiones peremptoriæ, eadem etiam perpetuæ appellantur. Qualis est exceptio pacti de non petendo in perpetuum: nam ut maxime is, qui ita pepigit cum debitore suo, petat debitum; tamen ab agendo repellitur, ubi primum pactum de non petendo opponitur. Talis quoque est exceptio doli mali, quæ quidem cum omnibus exceptionibus concurrit: Quia dolo facit, qui petit, quod quoque exceptione elidî potest. Adversus autem parentes, similesve personas, quibus honor debetur, competere non potest. Sed in factum erit excipiendum, ut si forte pecunia non numerata dicatur, objiciaturque Exceptio non numerata pecunia. Potens quoque est exceptio rei judicata, quæ repellitur judicio olim victus, vel hæres ejus, qui nunc eandem rem, & ex eadem causa, in aliud judicium deducit. Item exceptio jurisjurandi & transactionis, similem vim habet: quam demonstrat illa Juris Regula: Nihil interesse actionem quis habeat, an actio per hujusmodi exceptionem infirmetur.

Quæ Temporales & Dilatoriæ?

Quæ ad tempus nocent, & temporis dilationem solum tribuunt. Dictæ propterea & Dilatoriæ, quia differunt actionem ad tempus: qualis est exceptio pacti, ne intra certum tempus petatur; & induciarum, quas debitores, in angustias lapsi adversus creditorum

acces-

acerbiter impetrare solent. Insuper Dilatoriae aliae sunt, quae concernunt vel personam Judicis, quia sit incompetens, aut suspectus; vel litigantis, quia Actor sit contumax, Reus impeditus, aut vocari nequeat: vel interveniendum, uti Procuratoris, quia non sit habilis propter aetatem, aut sexum, vel mandato careat, aut datus causae, quae procuratorem non admittat; vel denique respiciunt actionem, uti si plus petatur, quam debitum est; si non servetur ordo in excutiendo debitorem principalem ante fidejussorem.

l. 2. C. de precibus Imper.

S. prae- rea In fi. h. 8.

Quando Exceptiones Dilatoriae opponendae, probandaeque sunt?

Pleraque opponendae sunt ante litis contestationem, quia respiciunt ea, quae judicium potissime constituunt, personas scilicet, locum, & tempus; adeoque constituto jam judicio, praepostere proponerentur, cum pars iis renuntiasse videretur tacendo: nisi forte postea ex nova causa emerferint. Praeterea probandae sunt ante judicium inchoatum, ne respondendo in judicem consentire, agentiumque personas approbare reus videatur.

l. pen. & fin. h. 1.

Cujac. & observ. c. 23.

Quando Peremptoriae?

Quandocumque, etiam post licem contestatam, sive acceptum judicium, & ante sententiam, opponi, probarique possunt; cum concernant judicium constitutum, non constituendum. Nisi sint exceptiones litis finitae, ut Rei judicatae, Transactionis, Jurisjurandi: quia hae, praeter rem principalem, concernunt quoque ipsam instantiam. Dico, ante sententiam: nam post sententiam exceptiones non recte opponuntur, cum nemo pulsetur.

l. 8. C. h. l. 2. C. sent. resc. non poss.

*Nullæ exceptiones post sententiam
opponuntur.*

Sunt, quæ tunc quoque opponi possunt, oppositæque & probatæ executionem ejusdem impediunt; qualis est exceptio Senatus-Consulti Macedoniani, filiofamilias mutuam pecuniam accipienti competens, & exceptio Senatus-Consulti Vellejani, competens mulieri, quæ pro alio intercessit, Militi quoque post sententiam excipere est permissum; uti & donatori, marito, patrono, socio, & aliis, quibus concessum, ne in plus, quam facere possunt, ex condemnatione facta conveniantur.

Quando mulieribus succurritur?

l. 110. §. Ne eis intercessio noceat, succurritur, si
ult. D. de non callide sint versatæ: nam deceptis, non
R. J. decipientibus mulieribus, Senatus subvenire
l. 12. 30. D. voluit. Infirmitas enim sexus, non autem
l. 22. 23. calliditas earum, auxilium meretur, ac Re-
C. ad SC. gula hoc sic expressit: *Mulieribus tunc suc-*
Vellejan. *currendum est, cum defraudantur, non ut faci-*
l. 90. D. de *lius calumnientur. Calumniantur autem mu-*
R. J. *lieres, quoties decipiendi animo intercesse-*
runt, cum scirent se non teneri, & exceptio-
ne Senatus-Consulti Vellejani adjuvantur:
quia cessat mens Senatus, & quia in jure
spectanda potius est æquitas, quam stricti
juris ratio.

*Minoribus quatenus restitutio in
integrum datur?*

Datur causa cognita. In causa cognitione, probanda est minor ætas viginti quinque annorum: Item læsio, ab ipso minore: quod videlicet ea contigerit, inconsulta sua facilitate, seu imprudentia, quæ con-
sue-

fuevit ætati esse conjuncta; nam si aliter fuerit minor læsus, cessat in integrum restitutio, quia *Non capitur, qui jus publicum sequitur*, seu jus commune, quod alius quisque coactus fuisset sequi contrahendo. Præterea æstimanda erit læsio ex tempore, quo minor contraxit, non ex quo petit se restitui.

*l. 116. §. 2.
ff. de R. J.*

Quæ dicuntur Exceptiones Reales, & Personales, & quibus ea competunt?

Reales dicuntur, quæ rei coherent; Personales, quæ personæ. Reales autem non solum principali debitori, sed & hæredi & fidejussori profunt; cum enim hic in eandem causam se obligaverit, uti exceptionibus ex ea nascentibus poterit. *Personales non accommodantur fidejussori, sed personæ ipsius Rei* coherent: veluti exceptio, ne quis condemnatur ultra quam facere potest, quia concessa est intuitu conditionis, ipsam personam concernentis, uti reverentiæ, pietatis, indigentia: quæ cum non sit eadem in fidejussore, ideo illi non competit: tum etiam, quia suam personam, tamquam magis idoneam, substituit pro personâ rei principalis.

*Text. i. §.
D. lit. seq.*

Quæ dicuntur Exceptiones Facti, & quæ Juris?

Facti seu Intentionis exceptio est, quæ Actoris, nullo jure agentis, intentionem excludit, ut puta ejus, qui pecuniam nunquam creditam, vel si credita fuerit, semel solutam, condicat.

Juris vero, quæ Actoris jus, id est actionem, excludit, ut puta ejus, qui promissione, metu dolove malo, sibi facta, ad id, quod promissum est, actionem juris subtilitate sibi competentem, movet.

Potesi-

*Potestne quis pluribus uti
exceptionibus?*

Potest, etiam diversis; non item contrariis, ne contradicere sibi videatur; nisi eas alternative, aut conditionaliter proponat; ut si dicat, *Nego, me pecuniam accepisse*, aut, *Si non, dico me solvisse*. Idque Reo specialiter favore liberationis indulgetur, non item Actori; cui licet plures sint actiones, una tantum experitur. Nam Actor paratus ad iudicium venit, ideoque recte apud se statuit, qua actione utatur: Reus vero imparatus ad iudicium trahitur, cujus proinde conditio foret misera, si una tantum exceptione uti posset. Igitur cum secundum naturam magis sit defensio, quam oppugnatio, poterit reus, iudicio pulsatus, pluribus exceptionibus contra actorem se tueri; nisi eas proponi lex impediat in personam mendacii.

*l. 41. §. 1.
de l. 43. ff.
de R. J.*

T I T U L U S XIV.

De Explicationibus.

Quemadmodum Exceptio opponitur Actioni, ita Replicatio Exceptioni; & sic deinceps.

Quid ergo est Replicatio?

*l. 10. C. de
except. l.
21. §. 1. ff.
de R. J.*

Est secunda Actoris allegatio, vel Exceptio-
nis a Reo propositae exclusio; quam Paulus
contrariam exceptionem, seu exceptionis ex-
ceptionem vocat.

Cur introducta?

Actionis adjuvandi gratia, ne forte ei *l. 2. §. 1. de*
 noceat exceptio a Reo inique proposita. *except.*
 Semper enim Replicatio videtur obijciatur,
 ut exceptionem oppugnet, & resolvat: ve-
 luti cum pactus est aliquis cum debitore
 suo, ne ab eo pecuniam petat: si convenia-
 tur: excipit recte: si tamen postea in contra-
 rium aliud pactum sit subsecutum de peten-
 do, per Replicationem eliditur prius pactum,
 & exceptio inde nata, quia hæc ratione pa-
 cti posterioris est injusta.

Quid Replicationi opponitur?

Duplicatio adjuvandi Rei causa, quæ si *l. 1. §. 1. de*
 injusta videatur Actori, salva ei est *Tripli.* *l. 1. §. 1.*
catio. Et si hæc nocere possit Reo, illi
 tunc concessa alia est exceptio ad exclu-
 dendam Actoris triplicationem, quæ habi-
 ta ordinis ratione *Quadruplicatio* dicitur:
 Cui deinde opponitur *Quintuplicatio*; &
 sic deinceps multiplicantur nomina, donec
 aut Auctor habeat quod obijciat, aut Reus,
 quod objectum diluat & elidat. Sed ne infi-
 nitum procedatur litigando, Judicis erit mo-
 dum ponere, finemque litigatoribus præscri-
 bere; cum infinitas sit vitanda, & refrænan-
 da licentia in immensum evagandi, & sæ-
 pius facta repetendi, quæ magis causam im-
 plicant, quam explicant..

T I T U L U S XV.

De Interdictis.

Sequitur de Interdictis, quia hæc
vice Actionum habentur.

Quæ dicuntur Interdicta?

in pr. h. t. **I**uri veteri, interdictæ erant formulæ seu
conceptiones verborum, quibus Prætor,
cum de possessione, aut quasi possessione, in-
ter aliquos contendebatur, aliquid fieri jube-
bat, aut prohibebat, quoad de proprietate
judicaretur: Quæ formulæ ex eo appellan-
6. l. 1. & 5. fin. l. 1. & 5. tur *Interdicta*, quod inter duos litigantes a
Prætoris dicerentur interim.

Hodie vero sublatiæ formalis, *Interdicta*
sunt actiones extraordinariæ de possessione, vel
quasi possessione a Prætoris datae?

Dico esse actiones: quia hodie, postquam
judicia facta sunt extraordinaria, pro in-
terdictis exercemus actiones, quibus summa-
rim agitur causa possessionis, exactiori ve-
ritatis examine remisso ad peritorium.

Differuntne ab Actionibus?

Differunt in multis, licet actionum nomi-
l. 73. ff. de ne veniant Interdicta. Nam actiones par-
obl. & act. tim. tim sunt Cíviles, partim Prætorix, inter-
dicta omnia Prætoria. Actiones aliæ in Rem,
aliæ in Personam: Interdicta vi ipsa sunt
personalia, licet in rem scripta. Actiones
multæ sunt de proprietate rerum privata-
rum; Interdicta omnia sunt de possessione,
quæ est facti, & in publicis interponuntur.
Denique Actiones causam finiunt, ac termi-
nant; Interdicta tantum præparant, & ordi-
nant causam proprietatis.

Diffe-

Differuntne ab Edictis?

Plane ; quia *Edicta* publicum jus constituunt generale, & ad omnes pertinens: *Interdicta* vero inter privatas tantum personas redduntur, & ad eas spectant, inter quas preponuntur.

Quotuplicia sunt Interdicta?

Triples hoc Titulo divisio Interdictorum proponitur : prima desumpta a forma concipiendi interdicta, hinc alia sunt *Prohibitoria*, alia *Restitutoria*, alia *Exhibitoria*, secunda a fine, in quem tendunt interdicta, quæ vel, sunt *adipiscendæ possessionis*, vel *retinendæ*, vel *recuperandæ*; tertia ab accidenti, in *Simplicia* & *Duplicia*. Addi potest & quarta, sumpta a materia, id est, rebus, de quibus interdicta competunt.

De quibus igitur rebus competunt Interdicta?

De rebus aut *divinis*, ut de locis sacris vel religiosis, aut *humanis*. De rebus sacris unicum est interdictum, *Ne quid in loco sacro fiat*, id est, ne quid fiat, deformitatis vel incommodi causa. De rebus religiosis sunt duo interdicta; I. *De mortuo inferendo*. II. *De sepulcro ædificando*. Illud datur adversus eum, qui mortuum sepelire; hoc contra eum qui sepulcrum ædificare, vel reficere prohibet.

*l. 1. in pr.
ff. h. t.*

De rebus humanis quæ Interdicta dantur?

sit. ff. de ioc. & itin. pub. & tis. seq. Res humanæ, sive hominum, vel sunt *Publicæ*, vel *singularium*. De rebus humanis *publicis* est interdictum, *Ne quid in loco publico fiat*, quod datur cuivis ex populo, adversus eum, qui in publico vult facere, quod legibus prohibetur. Item, *Ne quid in itinere fiat*, seu ne in eo alicui vis fiat. Item *De loco publico fruendo*, quod datur conductori loci publici, adversus eum, qui facit, quominus eo frui possit. Item, *Ut in flumine publico navigare liceat*; quod datur cuivis de populo, adversus prohibentem, in lacu & flumine publico navigare, vel in ripa onerare, exonerare.

De rebus privatis, sunt pleraque Interdicta quæ hoc Titulo proponuntur.

Quæ dicuntur Interdicta Prohibitoria Restitutoria, & Exhibitoria?

§. summ. *Prohibitoria* sunt, quibus Prætor vetat aliquid fieri, veluti vim sine vitio possidenti; vel mortuum inferenti in locum, quo ei jus erat inferendi, aut in flumine publico, ripave quid fieri, quo pejus navigetur.

Restitutoria sunt, quibus Prætor jubet aliquid restitui, nimirum, rem vel opus aliquod, veluti bonorum possessionem, aut legata citra voluntatem hæredis accepta.

Exhibitoria sunt, per quæ jubet Prætor exhiberi aliquid, veluti tabulas testamenti, vel liberum hominem, aut eum, de cujus statu quæritur, servus an liber sit.

Cur interdicta quedam sunt adipiscendæ possessionis; quedam retinendæ; quedam recuperandæ?

Quia tendunt partim ad acquirendam de novo possessionem, contra occupatorem; partim ad tuendam pristinam, contra turbatorem; partim ad recuperandam amissam, contra expulsorem. §. summa

Quæ sunt interdicta adipiscendæ possessionis?

Quæ comperunt illis, qui ante non fuerint nati possessionem; non etiam, qui eandem nati amiserint. Cujusmodi est interdictum, *Quorum bonorum, Quod legatorum, & interdictum Salvianum.* §. adipisc.

Interdictum Quorum bonorum cui, & adversus quem datur?

Datur bonorum possessori, id est, ei, qui per Prætores loco hæredis constitutus est, adversus, eum, qui vel pro hærede possidet, putans se hæredem esse, cum non sit: vel pro possessore, hoc est, qui nullo Jure seu titulo rem hæreditariam, vel etiam totam hæreditatem, sciens eam ad se non pertinere, possidet. l. 1. ff. de C. quorum bonorum

Igitur non datur adversus justo titulo possidentem, hic enim cum sit in pari causa cum petitore, potior esse debet ratione possessionis. Neque etiam redditur adversus debitores hæreditarios, qui jus quasi possident, seu adversus corporum possessores, ut ea in petitorum transferantur. l. 2. ff. de t.

In quo Interdictum hoc petitionis hereditatis simile, aut dissimile est?

Simile est, quod utrumque sit iudicium universale, & universaliter intentetur; quod utrumque adversus eum, qui pro hærede vel pro possessore possidet. Utrumque eo tendit, ut res possessa restituatur. Neutrum datur adversus titulo possidentem.

l. 9. de per. hered.

Dissimile in hoc, quod interdictum sit de possessione; Petitio hereditatis de jure ac dominio; quod interdictum hoc non datur in debitorem hereditatis; Petitio hereditatis etiam in eum datur, ut solvere cogatur hæredi.

Interdictum Quod legatorum, cui competit, adversus quem, & ad quid?

l. 1. §. 2. ff. quod leg. l. 6. cod.

Competit hæredi, qui satisdedit, adversus quemlibet, legatorum nomine rem hereditariam sine hæredis voluntate occupantem; ad hoc, ut eam restituat, vel in id quod hæredis interest, condemnetur. Nec facit, quod legatarius sit rei legatæ dominus, & male videatur hæres petere res, quas restituere debet; nam interest hæredis habere res penes se, ut quatenus ultra doctantem est legatum, commodius sibi Falcidiam retineat. Contra donatarium mortis causa hoc interdictum non comperit, quia possidet is voluntate defuncti, ut Falcidia hæredi sit salva.

d. l. 1. §. 5.

Interdictum Salvianum cui, & contra quem datur.

l. 2. ff. de Sal. int. l. 1.

Datur domino, eidemque locatori prædii rustici, contra conductorem, ad persequendam possessionem rerum conductoris, pro mer-

mercede tacite vel expresse pignori obligatarum. At *Quasi Salvianum* datur non tantum domino fundi, sed & cuilibet creditori, adversus debitorem, ad persequendam possessionem rerum pignori obligatarum. Quod & *Utile* dicitur, quia conceptum est in factum, adversus possessorem quemlibet extraneum. Cuj. C. l. 5. obs. c. 24.

*Quid differt hoc Interdictum a
Serviana actione?*

I. Quod actio Serviana sit in rem, utpote de jure pignoris, & detur contra quemvis possessorem, etiam ipsum colonum. Interdictum Salvianum est in personam, & de possessione, ut omnia interdicta, tantumque datur contra conductorem ipsius, qui debitor est, adipiscendæ possessionis causa, ut ea restituatur. Tit. C. de prec. & Salv. inter ibi Cujac.

II. Hoc interdictum est expeditius, cum sit possessorium, & sufficiat probare possessionem debitoris, tempore oppignorationis, non admissa exceptione dominii. Serviana vero est petitoria, ipsum pignus persequens, quod probandum est, tempore contractus in bonis debitoris fuisse.

*Quid sunt Interdicta retinendæ
possessionis?*

S. retin. l. 1. & 3. uti poss.

Quæ interponuntur inter eos, qui ab utraque parte de proprietate alicujus rei contendunt, utroque ratione juris sui possidere volente, ita ut dubium sit, quis vere possessor habendus sit: Nisi enim exploratum ante fuerit; utrius sit possessio, non potest petitoria actio institui. Hic ergo Prætor constituit, ut qui tempore instituti iudicii in possessione erat, is in ea permaneat, do-

donec de proprietate cognoscatur : alter vero partes sustineat actoris, nimirum is, qui ad iudicium provocavit.

Possessor ex pari causa cur potior habetur?

§. comm. Quia personam rei solet sustinere, & com-
 §. 1. l. 28. modum illud habet, quod, etiam si ejus res
 ff. de R. J. non sit, si modo actor non potuerit suam esse probare, remaneat in suo loco possessio. Adeoque commodius est possidere, quam petere, ut quoties de lucro uterque certat, semper durior causa sit petitoris, qui ad lucrum & victoriam causæ contendit. Quin
 l. 33. §. 1. & ubi uterque litigantium in damnum occurrat, aut par est delictum, semper oneratur
 l. 16. ult. ff. de R. J. petitor, & melior habetur possessoris causa; sicut fit, cum de dolo excipitur petitoris. Atque
 l. 154. l. 25. ff. eod. hæ regulæ omnes ex hoc fonte manarunt, quod favorabiles Rei potius, quam Actores habeantur, absolvanturque Rei, ubi jura obscura sunt.

Quotuplex est hæ Interdictum?

§. sed interd. l. 1. Duplex. *Uti possidetis*, & *Utrubi*. Prius competit pro retinenda possessione earum rerum, quæ sunt soli, atque immobiles: Posterius pro retinenda possessione rei mobilis. Utroque interdicto prætor vim fieri vetat, tuerique eum, qui tempore litis contestatæ possidet. Consequenter proponitur post interdictum *Unde vi*: Illud enim restituit vi amissam possessionem. Interdictum *Uti possidetis*, tueri, ne amittatur possessio.

*Quæ utriusque hujus Interdicti est
differentia?*

Olim in interdicto *Uti possidetis*, potior *Vers. quor.*
erat is, qui rem possidebat tempore redditi
interdicti: at in interdicto *Utrubi*, is, qui
majore parte anni, retrorsum numerati, nec
vi, nec clam, nec precario ab adversario
possidebat. Majore parte anni possedisse in-
telligebatur etiam is, qui duobus tantum
mensibus possederat.

Hodie utriusque interdicti, quantum ad *Vers. hodie.*
possessionem attinet, eadem est potestas:
nempe ut ille vincat in rebus tam immobili-
bus, quam mobilibus, quam possessionem
nec vi, nec clam, nec precario ab adversa-
rio litis contestatæ tempore derinet. Novis-
sime ramen prævalet is, qui vel justiore,
vel antiquiorem possessionem probat. Nam *c. 9. extra de probat.*
hoc casu, si non apparet de titulo adversa-
rii, præsumitur viriosa ejus possessio.

*Quid juris, possessione utrique
æqualiter probata?*

*l. 13. & 14.
ff. de jud.*

Tum puto præferendum eum, qui titulum
suz possessionis docebit: Quod si in hoc pa-
res sint litigantes, pro reo pronuntiandum:
&, si quis reus; quis actor sit, ignoretur,
res sorte erit dirimenda.

*Quoniam vero de possessione hic agitur, dic,
quomodo ea acquiratur?*

Acquiritur possessio corpore & animo, *l. 153. ff.*
Corpore, id est, corporali apprehensione *de R. J.*
rei: non per se animo, nec per se corpore,
sed conjunctim utroque. Ut proinde posses-
sionem non acquirant illi, quibus sensus
deest, *l. 1. 3. & 1.
3. l. 32. ff.*

deest, quia alias dicendum foret, eam solo corpore acquiri. Hinc furiosus & pupillus non querunt sibi possessionem, quod affectum tenendi non habeant: nisi tutoris aut curatoris accedat auctoritas, quæ suppleat iudicium furiosi & pupilli. Per quos autem acquiratur, dictum supra.

Quid, si de possessione rei peculiaris agatur?

- l. 24. in fi. ff. de acq. poss. l. 10. ff. de R. J.* Aget dominus: aut pater, non servus, aut filius; quia, cum sint in potestate, non possunt videri domini esse peculii; aut illud possidere, nimirum possessi ab alio: quo fit, ut, si quidem de rei peculiaris possessione per interdictum recuperandæ, retinendæ, aut adipiscendæ, agatur, debeat ipse dominus & pater agere: quod dicitur regula, *Filius familias neque retinere, neque recuperare, neque adipisci possessionem rei peculiaris videtur.*
- l. 93. ff. de R. j.*

Quomodo vero de possessione hinc.

- l. 10. §. 5. ff. de acq. poss. l. 3. §. 5. & 7. l. 25. in fi. ff. d. t.* Retinendo solo animo: Facilius enim est retentio, quam acquisitio. Quomodo possessionem servi fugitivi animo semper retinet dominus, & prædia quælibet, ex quibus non ea mente recedit, ut omisisse possessionem velit. Imo licet alius sit in prædio, non ideo tamen dominus ejus possessionem amisit, utpote animo retentam: nisi reversus, ab eo, qui possessionem est ingressus, jure repellatur, cum duo in solidum eandem rem tenere nequeant.

Per quem retinetur?

Per quemlibet, alicujus nomine possiden- *l. 18. §. 1. ff.*
 tem: non enim per solum quilibet possidet, *de acq.*
 sed & alium, quamvis ipsius juri non subje- *pos. l. 1. ff.*
 ctum; puta per colonum, inquilinum, com- *commod.*
 modatarium, depositarium, ii quidem natu-
 raliter dicuntur possidere, aut, quod verius,
 in possessione esse, alieno nomine tamen.
 Neque enim possessio rei depositæ, ad de-
 positarium transit, aut commodatæ ad com-
 modatarium, sed remanet apud eum, qui
 concessit.

Quomodo amittitur?

Eo, quo acquiritur, cum nihil tam natu- *l. 35. l. 53.*
 rale sit, quam singula sic dissolvi, quemad- *ff. de R. J.*
 modum colligata sunt. Ita nulla possessio *c. 6. §. fin.*
 amitti potest, nisi in qua utrumque in con- *l. 7. & 8. ff.*
 trarium actum est, hoc est, nisi is, qui jam *de acq.*
 antea corpore seu naturaliter possidere de- *poss.*
 fuit, desinat quoque & animum a possessio-
 ne recuperanda habere alienum, aut quia
 desperet.

*Quod est Interdictum recuperanda
 possessionis?*

Interdictum Unde vi, quo quis amissam *§. recup.*
 vi expulsiua possessionem recuperare con- *Bar. ad l.*
 tendit. Quod summam habet æquitatem, *3. §. 13. ff.*
 scilicet ne violentia alteri sit damnosa. Ha- *de vi, &*
 bet locum in dejecto e possessione rerum *vi arm.*
 corporalium saltem directum: pro quasi pos-
 sessione rei incorporalis, utile interdictum
 competit.

Cui datur hoc Interdictum?

l. 1. §. 2. l. 9. 30. D. de i. i. s. c. in literis D. de restit. spol. Datur de jectio e possessione rerum corporaliū immobilium (nam pro mobilibus datur actio Vi bonorum raptorum) qui eas possidebat suo, non alieno nomine: & quidem tempore dejectionis, sive civiliter, sive naturaliter, sive per se, sive per alium, sive iuste, sive iniuste, nam & prædoni & spoliatori hoc interdicto succurritur. Et non tantum, si ab alio vi, clam, vel precario possideat, verum etiam si ab ipso deiciente: quod ita inductum in odium spoliationis, ut proinde exceptio domini frustra opponatur.

Adversus quem datur.

l. 1. §. 12. 15. l. si. C. unde vi. Datur adversus eum qui vi dejecit, sive per se, sive per alium, jubendo, & ratum habendo, quia rati habitio in delictis mandato æquiparatur. Tenetur etiam dominus, cujus familiæ dejecit; sed is liberari potest noxæ deditioe; Jure novo extenditur hoc interdictum ad eum, qui vacuum alterius possessionem intravit, cum talis a prædone non distet, quippe invadens rem quam scit non esse suam, scire enim debuit, esse alienam.

l. 126. D. de R. J. c. 82. cod. in 6. l. 5. D. de acq. poss. Item non distat a prædone, qui propria auctoritate rem occupat, etiam sibi venditam, & non traditam. At vero prædo nemo est, qui pretium numeravit, licet sciens a non domino rem emerit.

Daturne adversus tertium spoliis possessorem?

l. 1. D. de vi, & vi le. nam c. 15. Jure Civili non datur, cum sit persona, & conceptum in eum, qui fecit. Jure tamen Canonico & in eum datur, dummodo

do sciat, se rem a spoliatore habere: quia *et* 18. ff. de talis videtur succedere in vitium sui auctoris. *rest. spol.* ris; & non multum interfit quoad animæ periculum; injuste & scienter rem alienam detinere, aut invadere.

Ad quid, & ad quod tempus datur?

Datur ad restitutionem possessionis, & d. l. 1. §. 34. damni omnis, per dejectionem dari, ne *et* fin. *et* l. injuria fiat dejecto, & ne ex suo maleficio 3. in p. D. aliquid deicienti accrescat. Non interest, eod. res sint salvæ, an perierint: ad spoliato- rem pervenerint, nec ne. Datur intra annum utilem, a die, quo dejectio facta, quia actio est penalis: post annum ad ea tantum, quæ ad spoliatorem pervenerint; ad quæ & hæres tenetur, quia is in lucro versari non debet, sed id ab eo extor- queri. Quod expressit hac regula Pom- ponius: *Sicuti pœna ex delicto defuncti hæres teneri non debet, ita nec lucrum facere.* l. §. D. de R. J.

Estne alia pœna legibus præscripta in eum, qui quem vi dejecit?

Distinguo: Aut enim sine armis aliquem §. sed ex de possessione dejecit, aut cum armis. *conf. l.* Priori casu tenetur de vi privata, cujus *fin. de vi* pœna est publicatio tertiæ partis bono- *priv. l. 10.* rum: Posteriori de vi publica, cujus pœ- *in fi. D. ad* na est deportatio. Novissime tales, tam- *Jul. de vi* quam turbatores pacis publicæ a banno pu- *pub.* niuntur.

Quæ dicuntur Interdicta simplicia; quæ duplicia?

Simplicia sunt, in quibus distinctæ sunt §. tertia personæ Actoris & Rei, adeoque constat, quis

qui possideat, vel non possideat. *Duplicia*, in quibus par utriusque litigatoris est conditio, nec constat, quis possideat, vel non; & proinde unusquisque partes tam Actoris, quam Rei, sustinet;

l. i. ff. de interd.

Simplicia sunt *Restitutoria*, & omnia *Exhibitoria*: in his namque aperte discerni potest Actor a Reo: Actor est, qui desiderat rem sibi restitui vel exhiberi: Reus, a quo desideratur & restitui, vel exhiberi petitur. *Duplicia* sunt, *Prohibitoria*, nempe *Uti possidetis*, & *Utrubi*; in quibus uterque se possidere affirmat, & adversarium possidere negat,

Quis ordo vetus fuit Interdictorum?

§. si. h. l. l. Supervacuum est hodie dicere; Nam veteri. *C. h.* res ambages ruptæ sunt, solmenitates & fort. *l. l. x. C. de mulæ abolitæ interd. & actionum*. Hodie si de possessione inter aliquos controversia incidat, experimus actionibus utilibus; ut dictum in initio tituli. Quid autem mores regionum induxerint hac in materia, vide *Pragmaticos*,



Quod

T I T U L U S XVI.

De pana temere Litigantium.

Coercenda est temeritas Litigantium, etiam in ipso ingressu litis, id est, citatione: quæ de re poenæ, sive temedia quædam constituta sunt.

Quotuplex est pana temere litigantium, ejusque causa?

TRiplex: Juramentum calumnie, Pana pecuniaria, & Infamia.

Ratio hujus constitutionis est favor tranquillitatis, & odium rixarum, quo lites inanes & expensarum modus coerceantur. Est enim Reipublicæ profuturum, ne rebus suis homines abutantur, neve rixis & litium processibus nullius momenti, occupati, a magis necessariis avocentur.

Quid est Jusjurandum calumniæ?

Quod statim in initio litis subire tenetur, tam Actor quam Reus. Primum jurat Actor, se non calumniandi animo litem movere: sed quia existimet, bono jure causam suam niti. Deinde Reus; se ideo ad contradicendum venire quia putet se bona instantia uti. Unde apparet, hoc jusjurandum magis esse opinionis, quam assertionis. Olim jurabant de calumnia etiam utriusque partis advocati in singulis causis. Hodiernis moribus non jurant; sufficiente juramento, quod præstant, dum in ordinem recipiuntur Advocatorum.

S. 1. h. t.

L. 2. Cod.
de jurej.
propter
cal.

*Quid insuper hodie litigatores
jurant?*

Auth. hoc Hoc in primis, quod nullam in tota lite
fac. Auth. superfluum exigent probationem, nullam pe-
in isto tent dilationem, litis protrahendæ causa:
Auth. p. nisi quam pro veritate putaverint esse ne-
C. de iur. cessariam. Item quod nihil penitus causa
patrocinii Judicibus, vel alicui personæ,
pro causâ dederint, vel promiserint, vel po-
stea dabunt, promittent vel per se, vel per
interpositam personam; exceptis his quæ pa-
trocinii causa advocatis, aliisque personis
dare leges permittunt.

*In quibus causis hoc juramentum
interponitur?*

l. 3. & 2. C. In omnibus indiscriminatim, civilibus,
d. 1. c. 1. §. criminalibus, mixtis, sive de iis plenarie
ult. de jur. servato iudicii ordine: sive summarie & de
sal. in c. plano cognoscatur; sive profanæ sint, sive
2. d. 1. ins. spirituales: licet quondam in spiritualibus
nonnisi de veritate dicenda iusjurandum fuerit.
Quinimo licet semel in principalis causa de
calumnia juratum fuerit, id repeti poterit
in causa appellationis: quia porte non caret
calumnia.

*Quid, si Actor, vel Reus, jura-
re recuset?*

d. l. 2. 6. Actor quidem, si absque iusta causa su-
7. bire hoc juramentum recuset, ea instituta
actione cadit; quia improbus præsumi-
tur litigator. Reus vero recusans, non vi-
detur nisi iusta contradicendi causa, at-
que ita pro confesso habetur: non quidem
ipso jure, sed demum Iudicis sententia ac-
cedente.

Que

*Quæ in temere litigantes pana
pecuniaria est?*

Olim in decimam parrem litis multa-
batur actor. Hodie victus victori in ex-
pensas litis condemnatur: Æquum enim
est, ut recuperent expensas, cui per te-
meritatem adversarii coacti fuerint litem su-
scipere; utque improbus litigator, præter
expensas, etiam damnum in datum inferre
adversario suo cogatur. Præeunte tamen mo-
deratione Judicis, qui omnino tenetur vi-
ctum victori in expensas condemnare; alias
excompensatæ censentur: uti etiam censetur,
cum utraque pars in re dubia justam li-
tigandi causam habuit.

§. I. ac au-
tem l. 79.
ff. de jud.

Quid, si inficitur quis debitum?

Adversus inficientes ex quibusdam causis
lis crescit in duplum. Talis est Actio Legis
Aquilæ, de damno injuria dato; actio lega-
ti ad pias causas; actio depositi ex causa in-
cendii, ruinæ, naufragii, tumultus. In qui-
bus si reus neget se debere, & rem in judi-
cium deduci patiatur, condemnatio fit in du-
plum, cum fatendo posset simplici solutione
desungi.

§. I. in fn
h. t.

*Quando temere litigantes notantur
infamia?*

Damnati judicio furti, vi bonorum raptorum,
injuriarum, doli mali; quia in hisce
judiciis de dolo quæritur; doli autem actio
& condemnatio famosa est; non item condi-
ctio furtiva, cum urgeat tantum rei restitu-
tionem. Similiter damnati directis, non con-
trariis, actionibus tutelæ, mandati, deposti-
ti: quia in directis de fide rupta agitur, in

§. ex quibusdam.
l. 5. & 10.
C. ex quibus c. u. f.
inf. l. 6.
7. ff. eod.

contrariis non agitur de perfidia, sed de calculo & interesse actoris, quod ei ratione illius contractus competiturum est.

Quid, si quis ex his delictis non damnatus, sed pactus fuerit?

l. 18. C. d. Si quidem pretio post litem contestatam
r. & d. l. 6. fuerit pactus, sit infamis: non etiam, si pre-
s. ff. de cibus impetravit, ut ab actione desistatur;
his qui quoniam crimen fateri videtur, qui dato
not. inf. pretio paciscitur; non etiam qui precibus
 impetravit, ne secum ageretur aut jussu Ju-
 dicis pactus est, cui parere necesse habet.

*Quis praterea dicitur temerarius
 litigator?*

§. fin. h. r. Qui, non petita venia Judicis, parentem,
l. 4. & pas- patronum, vel alios, quibus par honor, &
fin. ff. de reverentia debetur, in jus vocat, in quem
in jus voc. dixi supra, poenam quinquaginta aureorum
 constitutam esse.

*Quid est in Jus vocatio, seu Citatio,
 & quoruplex?*

arg. l. 1. Est, Juris experiundi gratia, adversario
ff. de in absenti diem dicere, quo in judicio com-
jus voc. pareat. Et est aut *simplex*, aut *peremptoria*. Simplex ea dicitur, quæ citatum non
 antea contumacem constituit, quam tertio
 facta sit. Peremptoria vero, quæ simplices
 citationes ita perimit, ut eum, qui in jus
 vocatus est, si die præfinita non venerit, fa-
 ciat contumacem.

*Quomodo coercetur contumacia
in jus vocati.*

Ut mittatur actor in possessionem bonorum ejus, non fruendi, sed custodiendi causa, dum affectus ratio reus in jus veniat: cujus rei effectus omnibus creditoribus prodest. Recuperat autem reus veniens, & contumaciam suam purgans rerum suarum liberam possessionem: At si in contumacia perseveret, & fraudationis causa latitet, post annum ex secundo decreto comoda veræ possessionis in petitorum transferuntur, relicta reo proprietatis questione. Atque ita jus est in actionibus in rem: In aliis permittitur a Magistratu distractio, venditioque bonorum, nisi ante eam existat, qui defendere vel solvere paratus sit.

l. 148. ff. de R. J.

l. 9. 14. & 30. ff. de rebus auct. jud. poss. l. 2. & l. quib. ex caus. in poss. ex.

Quæ est alia pena contumaciæ.

Ut absens damno liris coerceatur, sententia in eum feratur. An & in eum qui præfens se non defendit, aut interrogatus num velit suscipere judicium, non respondet: Plane, nam jus dicturum contemnit, non tantum qui latitat, sed & is, qui non vult suscipere actionem, & ea facere, quæ ad judicium pertinent.

l. 93. ff. de re jud.

l. 52. ff. de R. J.

Quid, si actor ipse ad judicium non venerit, aut impediat vocatum?

Si quidem die constituta non venerit, poena hujus, ut possit reus impetrare, se ab instantia & observatione judicii absolvi.

l. 73. ff. de jud. l. 15. C. eod. l.

Quod si vero actori ipse adventum ejus, qui in jus vocatus est, impedierit, factum hoc non adversario nocere debet, daturque ei exceptio, si de poena promissa conveniatur, eo quod ad judicium non venerit.

555. ff. de R. J. l. 1. §. 3. de eo, fact. exis.

*Quot modis fit citatio? & e domo
an abduci quis poterit.*

l. 18. ibi Tribus potissimum fit, vel viva denuntiatio, vel edicto publice proposito vel re, *bar. ff. de tione*, vel edicto publice proposito vel re, *eius voc.* cum quis vi in iudicium deducitur ex causa criminis. Nam non crimosum, domi suæ apprehendere & abducere non licuisse reor, *l. 203. ff. de sed bona* ejus annotari debuisse. Quoniam *R. J. l. 4. §.* veteres neminem permiserunt de domo suæ *5. ff. de extrahi*: erat enim domus cuique pro asylo, *damno in-* & tutissimo refugio. Ex aliena domo qui- *fecto.* spiam abstrahi poterat, si modo dominus introitum admitteret.

*Ubi facienda citatio & quæ
eius requisitæ?*

l. 203. ff. de V. S. l. 5. §. Omnibus in locis, quæ sunt in territorio *2. ff. de in* Judicis jubentis aliquem citari. Quod si ci- *jur.* randus conveniri commode nequeat, in ejus domo facienda erit citatio; Propria ne sit, an conductæ, non interest: modo in ea familiam habeat, non in domo vacua. Citatio familiæ facta tenet, & quæ exaudiri a vicinis potest. In scripto facta habere debet nomen citantis, citati, & ejus, ad cujus instantiam sit citatio; exprimenda quoque causa, locus, & tempus comparendi.

*Citatione facta, quid deinceps
in iudicio agitur?*

Offertur in primis libellus reo, qui si acceptis ad deliberandum induciis, an contendere velit, vel non, contendendum putaverit, affirmando, negandoque intentionem, exceptionibusque propositis litem contestatur: exceptiones actor replicatione diluit, hanc reus

reus duplicando ; atque ita deinceps , donec concludatur , sententia feratur , eaque executioni mandetur , nisi fuerit appellatum .

Quæ igitur sententiæ auctoritas ?

Magna : & ejus major , quæ in rem judi- l. 207. ff. de
catam transivit , adeout pro veritate habeant- R. J. l. 1.
tur , per lapsum scilicet decem dierum , in- C. de re
tra quos appellacione non interposita , nec jud. l. 3. 6.
rescripti Principis , nec sententiæ alterius sent. resc.
contra ipsam latæ , rescindi possit ; publice non poss.
enim interest , ut aliquis sit litium finis , &
actor , vel reus certus sit de jure suo .

T I T U L U S X V I I .

De officio Judicis .

Postquam expositum est , quæ sint partes litigantium , Actoris & Rei , in judicio ; superest , ut de officio Judicis dispiciamus .

Quis dicitur Judex ?

Qui jurisdictioni præest , vel qui publicam l. 1. C. de
habet de causis cognoscendi judicandive jurisd.
potestatem . Hanc non habet arbiter , qui pri- omn. jud.
vatorum consensu constituitur .

Quæ in Judice requiruntur ?

Hæc tria . I. Ut potestatem judicanli Nov. l. 17.
habeat . Ausb. ad

II. Ut eam habeat in causa , de qua lis hec & l. 9.
moveretur . C. de jud.

III. Ne suspectus sit illi , qui convenitur .

Quodnam Judicis est officium?

§. 1. h. t. Litigatores audire, eorum causas sedulo examinare, allegationes, probationesque discutere, cavere, ne jus partis lædendo litem suam faciat.

l. 18. D. In primis vero illud observare Judex debet, ne aliter judicet, quam Legibus, Constitutionibus, aut Moribus, proditum est; cum sit legum minister, non moderator; & ut sententiam ferat conformem libello, absolvendo reum, aut condemnando in id, quod deductum in judicium fuerit, non in aliud. Unde cum fuerit officium Judicis angustius in strictis Judiciis, egredi Judex datus strictam eorum judiciorum formam nequit; & si egrediatur, nullius est momenti, juxta Regulam: *Factum a judice, quod ad officium ejus non pertinet, ratum non est.*

*Licetne Judici prætextu æquitatis
recedere a legibus?*

l. 1. c. de Non licet: quia Judex legum minister
legib. l. 8. est, non moderator; ideoque ab earum
6. de ju- præscripto recedere non potest, prætextu
dic. l. 12. æquitatis: hoc enim esset non interpreta-
D. qui & a tione laxare leges, sed frangere correctio-
quibus ne. Quomodo lex dura, & aspera, cu-
manumiss. stodienda est, quia ita scripta est, & cla-
l. 90. D. de ra legislatoris voluntas. Attamen non pro-
hibetur Judex, æquitate quadam obscura
legis verba inflectere, ut veram legisla-
toris sententiam assequatur. Et ita in qua-
estione juris.

Quid, si questio incidat facti?

Est quidem facti questio in potestate Judicis, non etiam certi juris auctoritas. Ideo convenit, ut sequatur ea, quæ allegata & probata sunt in judicio, non etiam privatam suam scientiam, licet certissimam, quia tutior hæc est ratio finiendarum litium. Et sane, cum Judex non ut privata persona, sed ut publica, scire debeat veritatem; eam non aliunde, quam ex actis & probatis in judicio cognoscere oportet; alioquin si iis contemptis, aut deficientibus, liceat Judici secundum ea, quæ scit, judicare, simul testis & Judicis fingeretur partibus, quæ pariter in una, eademque persona convenire non possunt.

*l. 15. D. ad municip.
l. 6. §. 1. D. de off. p. C. 1. varresol. c. 1. C. 12. abs. 12.*

Ostende nunc exemplis, quemadmodum Judex secundum leges debeat judicare: & primo.
Quomodo in actione noxarum?

In hoc Judex procedet hoc ordine, ut eum, cujus servus damnum dedit, condemnnet in damni æstimationem, vel noxæ deditionem. Nam præpostera esset condemnatio, si prius iuberet noxæ dedere, deinde in decem condemnaret, quia noxæ deditio introducta est a lege evitandæ condemnationis causa.

Text. hinc in pr. l. 6. §. 1. D. de re jud.

Quomodo in actione reali?

In hac, si petitor nihil probaverit, reum, seu possessorem, etiam si nihil ipse præstiterit, absolver; si autem petitor probaverit rem suam esse, Judex possessorem condemnabit ad restitutionem, una cum fructibus. Nam & cum verbum Restituas lege invenitur, nisi non specialiter de fructibus additum est,

§. 1. & finem l. 4. C. de cond.

l. 72. §. 2. D. de Re. Re.

est.

est, tamen etiam fructus suos restituendi, deductis impensis. Si tamen neget, in præsentem restituere posse, & sine frustratione petat restituendi causa tempus aliquod, id ei indulgendum est, dummodo plene caveat cum fidejussore de litis æstimatione solvenda, si intra tempus, quod ei datum est, non restituerit. Quod si frustratorie videatur tempus petere, statim manu militari res ab ea auferenda est.

l. 68. D. de rei vind.

Quid, si personali actione actum fuerit?

l. 2. 3. C. de p. r. v. jud.

Lex condemnato, humanitatis gratia, spatium indulget quadrimestre, intra quod pecuniam ad solutionem conquirat. Potest tamen tempus istud a Judice ex causa arctari, vel prorogari. Unde si res extet penes ipsum condemnatum, cujus præstandæ facultatem mox habeat, nulla ratio est, cur non ad id faciendum confestim rogatur, cum malitiæ ejus indulgendum non sit.

l. 1. & 3. D. de re jud.

Quomodo Judex procedat in petitione hereditatis?

§. & si hereditas.

Eodem modo, quo in singularum rerum petitione. Nam in utraque actione Judex condemnabit possessorem: si quidem malæ fidei fuerit, in omnes fructus, quos percepit, & percipere potuit: si bonæ fidei, in fructus post inchoatam petitionem sive, litem contestatam, perceptos, vel qui culpa possessoris percepti non sunt; quia mora controversia, incipit esse malæ fidei possessos, & quasi prædo, qui sciens possidet rem ad se non pertinentem. Quo modo melior conditio fieri dicitur ejus, qui litem est contestatus. Cum igitur de fructibus æstimandis quaeritur, generaliter, inquit Papinianus, constat animadverti debere, non an malæ fidei possessor

l. 25. §. 7. D. de per her.

l. 86. & 87. D. de R. J.

for fruiturus sit, sed an petitor frui potuerit, *l. 62. in fin. D. de testatur*) cum de fraude disputatur, non quid rei vind. habeat actor, sed quod per adversarium habere *l. 78. ff. de non potuerit, considerandum est. R. J.*

Estne differentia in utraque actione?

Est aliqua, quod in rei vindicatione fructus veniant restituendi officio Judicis; qui proinde, ut eorum rationem habeat, nominatim sunt petendi: In petitione hæreditatis veniant jure actionis, quoniam fructibus augetur hæreditas, censenturque cum ea petiti, etsi eorum nulla sit facta mentio in libello. *l. 10. §. 3. ff. de per. her. & l. 1. C. cod. l. 33. & 35. ff. d. rei vinde*

Quomodo in Actione ad exhibendum?

Ut in rei vindicatione, cujus hæc est præparatoria; nempe jubebit, ut reus rem exhibeat cum omni causa, quam habuisset actor, si, cum primum ad exhibendum agebatur, exhibita res fuisset. Ideoque si inter moras exhibendi usucapta, aut perditæ fuerit res, nihilominus reum condemnabit in ejus rei æstimationem, habita & fructuum medii temporis, quod est inter litem contestatam & rem judicatam, ratione. *l. 9. §. 5. ff. ad exhib.*

Quid, si Familiae eriscunde judicio agatur?

Tunc Judex singulas res singulis hæredibus adjudicare debet; & si in alterius persona prægravare videatur adjudicatio, id est, si contingat, rem unius pretiosorem esse, hunc alteri, cujus res est minoris, in certam pecuniæ summam condemnabit, ut sic fiat adæquatio. Condemnabit quoque alterum alteri, si cohæres solus fructus fundi hæredita- *l. 1. §. 1. ff. de fam. l. 1. C. cod.*

ditarii perceperit, aut rem hæreditariam cor-
ruperit, consumpseritve.

Quid, si agatur communis dividundo?

§. eadem. Hic procedet Judex, prout in superiori
actione, si utique de pluribus actum fuerit
rebus; si vero de una aliqua re eaque di-
vidua, tunc partes ejus rei singulis adjudi-
care debet; & si pars unius prægravare vi-
deatur, id est, si uni meliorem partem ad-
judicaverit, eum vicissim alteri in certam
pecuniæ summam condemnabit. Sed si agatur
de re individua, quæ commode dividi non
possit, tunc totam rem uni adjudicabit, con-
demnando eundem in certam pecuniam al-
teri dandam pro rata.

*l. 1. C. c.
div.*

*Quid, si finium regundorum judicium
actum fuerit?*

§. si fin. Hic dispicere debet Judex, an necessa-
ria sit, adjudicatio: quæ sane uno casu ne-
cessaria est, si evidentioribus finibus distin-
gui agros commodius sit, quam olim fue-
runt distincti. Nam tunc ex unius agro par-
tem aliquam alterius agri domino adjudica-
bit; eum vicissim condemnando in certam
pecuniam, alteri, pro valore partis adem-
ptæ, præstandam. Eum quoque, qui dolo lu-
pides finiales moverit, vel arbores exciderit,
condemnare debet, quanti in litem actor ju-
raverit, uti & illum contumaciæ nomine,
qui se jubente metiri agros non fuerit passus.
Verum eo casu etiam extraordinario judi-
cio de termino moto agitur.

*§. si fin.
reg.*

*l. 2. 3. ff.
fin. reg.*

*d. §. l. 1. C.
de ter.
met.*

*l. 193. C. l.
257. ff. de
R. J.*

Non enim potest dolo carere, qui imperio
magistratus non paruit. Ideo ordinario & ex-
traordinario judicio punitur. Contra vero
qui Judici paruit, aut jussu ejus aliquid fo-
cit

cit, non videtur dolo facere. Quia necesse fuit parere, quæ necessitas fraudis & doli suspicionem excludit.

Quis est hujus adjudicationis effectus?

Quod statim res fiat ejus cui adjudicata est. Nam adjudicatio est quædam species domini acquirendi, & justa causa usucapiendi. Idque in tribus posterioribus judiciis obtinet, non item in prioribus, in quibus declaratoria fertur sententia, non adjudicatoria; quod enim meum est, amplius adjudicari dative nequit.

Text. h. in fin. l. 7. ff. usucap.

T I T U L U S XVIII.

De Publicis Judiciis.

Expositis civilibus, & privatis Judiciis, dicendum est de publicis.

*Quæ dicuntur Publica Judicia,
& unde?*

Quæ certa aliqua lege constituta sunt; dicta a populo, quasi publica, quod cuivis de populo accusatio & persecutio in iis judiciis plerumque permittitur: aut potius, quia ad populum pertinet facinorum, publicam quietem gravissime turbantium, cognitio & vindictio.

§. ult. h. t.

In quibus Publica Judicia conveniunt, ac differunt a Privatis.

Conveniunt; quia in utrisque offertur libellus, in utrisque litis fit contestatio, in utrisque recipiuntur probationes, in utrisque fertur sententia, eaque executioni mandatur.

Text. h. in pr.

Dis

Differunt in duobus, nempe in instituendo

l. c. de & exercendo judicio. Instituuntur Judicia
accus. l. publica Accusationibus; privata Actionibus.
fin. ff. de Accusatio eo tendit, ut admissum crimen,
priv. del. publicæ utilitatis causa, in exemplum vindicetur: Actio ad persecutionem juris privati spectat. Exercentur publica judicia, obstringente se accusatore ad pœnam talionis per inscriptionem libelli, reo apprehenso & in vincula conjecto; quod in judiciis privatis est incognitum. Imo & in publicis cessat hodie talionis pœna.

Quotuplicia sunt Publica Judicia?

l. h. t. l. c. Publicorum Judiciorum quædam *Capitalia*
2. ff. eod. sunt, quædam *non Capitalia*.
l. 6. In fin. *Capitalia* sunt, quæ ultimo supplicio,
ff. de pan. morte scil. vel naturali, vel civili, ut de-
l. 7. h. t. portatione aut pœna metalli, delinquentes efficiunt; *non Capitalia*, ex quibus pecuniaria pœna est, aut in corpus aliqua coercitio vel relegatio. Ex omni autem publico judicio, sive capitali, sive non capitali, damnatus infamia notatur, quæ est famæ, seu estimationis privatio.

Quæ sunt ejusmodi Judicia?

Enumerantur hoc Tit. sexdecim: Crimen læsæ majestatis, Adulterium, Stuprum, Homicidium, Veneficium, Patricidium, Falsum, Vis publica, Vis privata, Raptus, Peculatus, Plagium, Ambitus, Crimen Repetundarum, Annonæ, & Residui.

DE CRIMINE LÆSÆ
MAJESTATIS.*Quid dicitur crimen læsæ Majestatis?*

Quod olim adversus populum Romanum, §. publ. autem.
 vel ejus securitatem; hodie adversus sum-
 mum Principem, Imperiique statum, pro-
 prie committitur. Improperie etiam adversus
 Legatos Principis, ejusve Consiliarios, cum
 & hi pars corporis sint ipsius Principis.

*Quinam, & quibus modis, hoc cri-
men committunt?*

Committunt omnes, qui proditiones pa-
 trionesque ineunt cum hostibus adversus Rem-
 publicam, seu Principem: & *hi perduelles di-*
cuntur: uti & illi, qui exercitum injussu Prin-
 cipis colligunt; qui seditionem in Rempubli-
 cam concitant, vel ejus everfionem meditan-
 tur. Denique qui jura Principi soli reserva-
 ta, sibi adscribunt, vestigalia nova absque
 ejus auctoritate imponendo, adulterinam mo-
 netam cudendo, carceres privatos habendo,
 aut publicos effringendo.

Quomodo tales plectuntur?

Olim alii gladio, alii cruce, quidam exi-
 lio multabantur. Hodie vero semper quidem
 morte, sed pro gravitate criminis, sæpe gra-
 viore afficiuntur. Quin & reorum memoria
 post mortem damnatur, nempe omnibus eo-
 rum bonis fisco vindicatis, nulloque hærede
 relicto, qui mortuorum personam repræsentet.

Cæterum non prius bona fisco vindicat,
 quam exsolutum fuerit æs alienum, & cre-
 ditoribus satisfactum; eoque pertinet regula:
Ea sola deportationis sententia aufert, quæ ad
fiscum pervenit.

Sen-

l. 1. 3. 4.
pen. ff. d. s.l. 1. c. de
fals. mon.l. 5. c. de
l. Jul. Ma-
jest.l. 97. ff. de
R. J.

*Sentiuntne ergo & panam
aliquam liberi?*

*d. l. 5. §. 1.
& 3.* Omnino: nam masculi, quia in his paterni, hoc est, hæreditarii criminis exempla nutriuntur, a materna, avitave successione habentur alieni; ex testamentis extraneorum capere vetantur: sunt perpetuo egentes & pauperes, infamia eos paterna semper comitatur, sive ante, sive post reatum fuerint producti. Fœminis Falcidia in bonis maternis est concessa, & mitius puniuntur, quod fragilis sexus eas minus audere faciat.

*Cic. ep. 19.
ad Brut.* Est quidem acerbum, parentum scelera filiorum pœnis lni; sed tamen hoc antiquum est, & omnium civitatum legibus comparatum, ut charitas liberorum, amiciores parentes Reipublicæ redderet. Frequens illud est in jure, ut prima causa & principalis ratio consideretur, non item id quod per consequentiam contingit.

*Quæ sunt in hoc Majestatis crimine
singularia?*

*d. l. 5. §.
1^{am}.* I. Quod quisque ejus criminis conscius teneatur illud deferre, adeoque & patrem filios supplicio offerre, quoniam salus patriæ parentis saluti anteponenda est.

H. Quod in eodem crimine puniatur & conatus, quamvis effectum non habuerit, modo voluntas aliquatenus exierit in actum.

III. Quod servi in caput domini torqueantur: uti & omnes postulati, & ad testimonium provocati, si res exigat, nulla dignitatis, generis, militiæ habita ratione; imo & ipsi accusatores.

*l. 3. & 4.
c. d. t.* IV. Quod quilibet, etiam alias non idoneus, ad accusandum admittatur.

V. Quod

V. Quod patrono hoc crimine statim auferatur bonorum administratio; alienationes non teneant, debitores reis hujus criminis non recte solvant. l. 7. & 8. ff. eod.

VI. Quod crimen hoc non extinguatur morte, sed & post eam iudicium institui peragique possit, ut nisi a successoribus purgetur, hæreditas defuncti fisco vindicetur, memoriaque ejus damnetur. d. l. 5. §. 4. & l. fin. C. eod.

VII. Quod damnati eo nomine non soleant lugeri. l. 11. §. 2. ff. de his nos. inf.

Qua pœna afficiuntur, qui divinam lædunt Majestatem?

Tales, utpote blasphemi, & sacrilegi, capitalem luunt pœnam; quæ tamen consuetudine mitigatur. Hæretici autem Jure Civili privilegiis omnibus exuri, & a Reipublicæ administratione omnique dignitate remoti, exilio puniuntur; quandoque & ultimo supplicio. Quoniam gravius est divinam, quam humanam offendere majestatem. Jure Canonico excommunicantur, ut & eorum fautores, ac defensores. Filii usque ad secundam generationem sunt beneficiorum incapaces. Nov. 77. Auth. Gazaros. & aliis l. C. de her. c. 9. & 13. de her. c. 2. eod. n. 6.

DE ADULTERIO.

Quid est Adulterium, & unde dictum?

Adulterium est alieni thori, seu matrimonii violatio; quæ committitur non tam affectu, quam re ipsa. Dictum adulterium, vel propter partum ex altero conceptum, vel quia alter ad alterum se conferat. l. 6. D. ad L. Jul. de Adult.

Aqui-

A quibus committitur?

d. 4. 6. §. 1. l. 13. §. 5. eod. tit. l. 1. ff. de extraor. crim. Jure Civili proprie committitur ab uxore, sive ea conjugato, sive soluto se commisceat; a marito non aliter, quam si se nuptæ. Ratio posita est in sanguinis perturbatione, proliisque incertitudine: ideoque majorem in uxore castitatem leges desiderant, & recte, quoties enim uxor integre pudicitiam non servat, verus pater cognosci non potest. Unde etiam sollicitatores alienarum nuptiarum, quamvis adulterium perpetrare non potuerint, propter voluntatem perniciosæ libidinis extra ordinem coercentur.

In quas personas adulterium committitur?

l. 30. ff. de R. J. l. 13. §. 3. ff. de adul. l. 15. §. 24. ff. de injur. Committitur in nuptam, etiam necdum consummato matrimonio: quia consummatio matrimonium non facit, sed consensus & affectio conjugalis. In sponsam alienam non committitur: sic enim non violatur thorus, sed spes thori. Quia tamen leges neque matrimonium qualecumque, nec spem matrimonii violare permittunt; ideo sponsus, qui postea maritus esse cepit, injuriam sibi sponseque hoc modo illatam, jure vindicat. Porro jus Canonicum, quia eandem in utroque, & marito & uxore, castitatem desiderat; ideo damnat adulterii virum se mulieri etiam liberæ miscentem.

Sarmient. l. 1. select. c. 5.

Quæ est pœna hujus criminis?

§. item lex. l. 5. ff. de quæst. l. 2. §. 1. ff. In paganis olim fuit relegatio, in militibus deportatio; hæc pœna successit in locum aquæ & ignis interdictionis. Postea pœna gladii seu mortis introducta fuit, quam & novissima sua Constituzione Justinianus in mascul-

masculis quidem approbavit; mulieres vero de penis.
 verberibus cæsas in monasterium detrudi præ- Nov. 134.
 cepit, concessa potestate maritis eas intra cap. 10. &
 biennium recipiendi. Dos interim, nisi pro Nov. 1. 7.
 feſtitia ſit, innocenti aſſeritur, ſervata libe- cap. 8.
 ris exſtantibus proprietate: paraphernalia bo-
 na uxoris ſalva manent.

*Permiſſumne patri & marito vindicare
 hic crimen?*

Leges patri permiſerunt, filiam in adulte- l. 20. &
 rio deprehenſam occidere ſimul cum adulte- ſeq. ff. ad
 ro: non item marito, quia plerumque pater- l. lu. de
 ni nominis pietas conſilium pro liberis capit; adult. c.
 verum mariti calor & impetus facile ſævien- eod.
 tis reſtrenandus fuit. Quandoque tamen ma-
 rito permiſſum eſt, adulterum uxoris interi-
 mere, non quemvis, ſed infamem, & in tur-
 pitudine deprehenſum domi ſuæ tantum, non
 ſoceri.

*Quid, ſi vir uxorem in adulterio deprehen-
 ſam occiderit?*

Facinus huiusmodi impunitum non eſt, l. 33. §. 8.
 quamvis ultimum ei ſupplicium remittatur ff. d. t. & l.
 ob juſtum dolorem, quem difficillimum eſt 10. §. 1. ff.
 temperare. Inſuper & lucrum amittit do- ſol. matt.
 tis, cum æquum non ſit, ut ob facinus l. 134. §. 1.
 ſuum quis lucrum ſperet, & conditionem ff. de R. J.
 ſuam meliorem faciat ex delicto, quod pœ-
 nam meretur.

*Accuſatio huius criminis quibus
 permiſſa?*

Primum marito, & quidem ex ſola ſuſpi- cap. 2. de
 cione: idque vel jure mariti, intra ſexa- adult. l. 5.
 ginta dies utiles, computandos a ſoluto ma- & 6. c. ad
 trimo-

L. Jul. de trimonio ; vel his transactis , jure extranei.
adulr. l. 1. Idem tempus concessum est patri jure patris ;
ff. d. t. l. 1. quod tamen ei non currit , agente marito ;
30. C. eo quo lapsa , extranei ex Lege Julia permissum
 est agere . Sed postea placuit restringere ac-
 cusationem hujus criminis ad quinque pro-
 ximas , maximeque necessarias personas , quas
 præsertim dolor ex hoc amisso movere debet .

Quando cessat hujusmodi .
Accusatio ?

l. 20. §. 5. I. Si non proponatur intra sex menses a
et a. ff. d. t. soluto matrimonio ; aut , eo durante , intra
 quinquennium .

II. Si maritus accusationem remiseric , ta-
 cite , vel expresse .

III. Si ei lenocinium fecerit .

IV. Si uxor sit extra culpam , aut quia
 vi compressa , aut iusta ignorantia ducta ,
 alium pro marito exceperit ; aut si probabili-
 ter eum mortuum rata , nupsit alteri .

DE STUPRI CRIMINE.

Quid est Stuprum , ejusque
pæna ?

Perf. pæn. Stuprum est illegitimus coitus cum virgi-
autem. ne , vel vidua , honeste vivente , commissus ;
 qui legibus vindicatur , in honestioribus pu-
c. 2. et 2. blicatione diudivæ partis bonorum ; in vilio-
de adulr. ribus coercitione corporis & relegatione .

Jure Canonico corruptor , quam corruptit ,
 ducere , aut ei dotem , qua alii nubat , præ-
 stare compellitur .

l. 22. et l. 5. Quod si se quis illi commisceat , quæ pro-
ff. ad l. Jul. ritutæ sit pudicitæ , id , nisi aliud adjun-
de adulr. ctum sit , Jure Civili non vindicatur .

In eos autem , qui cum maculis nefandam
 libi-

libidinem exercere audent, pœnam capitis sanxit Constantinus, jubens insurgere leges, & armari jura gladio ultore, ut exquisitis pœnis subdantur infames, qui tantum scelus committere audent, quod non proficit scire; ubi Venus mutatur in alteram formam, ubi amor quæritur, nec videtur. Consuetudo tales flammis tollit, fundata forte in Constitutione Theodosiana.

l. 31. C. eo.

DE HOMICIDIO.

Quid est Homicidium?

Homicidium est violenta vitæ hominis L. 1. §. 2. ff. ademptio. Hominem intelligo, cujuscunque ad l. C. de ætatis, sexus, conditionis. Nam & qui infantem interemit, aut fœtum jam animatum §. ff. de p. abegit, homicidii reus est.

ad l. C. de
sic l. 18. §.
5. ff. de p.

Quotuplex est?

Triplex: *Voluntarium*, *Necessarium*, & *Casuale*. *Voluntarium* est, quod dolo malo & animo deliberato admittitur. *Necessarium*, quod fit servato moderamine inculpatæ tutelæ, id est, cum sui defensione, æquabili, & remota ab omni culpa. *Casuale*, quod non data opera, sed casu non præviso committitur.

l. 3. & 5. C.
ad l. C. de
sic.

Qui tenetur de homicidio, & quatenus conatus punitur?

In primis quicumque dolo malo, aut per insidias hominem occiderit, quive hominis necandi causa cum telo ambulaverit, quamvis voluntas non habuerit exitum; quia non exitus, sed voluntas in maleficiis spectatur. Voluntatem intellige non nudam; sed quæ jam decreta, & ad actum aliquem perducta est.

l. 1. & l. 14.
ff. d. r.

Sic intelligendum, quod supra dixi, puniri eum qui majestatem lædit, & adversus patriam consilia init. Quia eadem severitate voluntatem sceleris, qua effectum, puniri jura voluerunt. Nec interest hic, quomodo

Y

quis

quis occiderit, gladio, telo, aliove instrumento; & an vulnerando, an ope, consilio, mandato, vel facto, vel falso testimonio; mortis causam præbuerit.

DE VENEFICIO.

Quid, si veneno quis occiderit?

d.l. 1. & l. 5. 6. 6. & si Aque homicidii reus erit, graviusque puni-
C. de mal. *& math.* *guere, quam gladio occidere: tanto enim sunt*
graviora scelera, quanto difficilius caveri pos-
sunt. Qua ratione, quisquis venenum dat,
scelere se obligat, etiamsi non nocuit.

Plane & is, qui incantationibus, vel arte magica, in eam causam utitur, ultimo supplicio punitur. Siceriam, qui de salute Principis, vel summa Reipublicæ mathematicos, ariolos, vaticinatores consulit cum eo, qui responderit, capite plectitur.

Quæ est pœna homicidii?

ext. h. l. 3. *s. 4. ff. ad* Olim fuit deportatio cum bonorum publi-
l. c. n. de si *car. & l. 3.* *C. eod. l. 1.* *C. unde vi* catione; hodie ut plurimum est gladius, si dolo malo homicidium factum sit. Quod si non dolo, sed lascivia, aut culpa, etiam lata, id acciderit, minor pœna imponitur; nulla vero ei, qui injuste impetentem sese tuendo illico peremerit, cum non occidendi causa, sed defendendi, nec esse videatur, ac vim vi repellere omnes leges, omniaque jura permittant.

Qui ab hac pœna sunt immunes?

l. 1. & 5. *C. ad l. C.* *defic. l. 11.* *11. ff. eod.* Immunes sunt, qui fortuito casu eadem perpetrarint; item furiosi & impuberes: hos enim innocentia consilii tueretur, illos fati infelicitas excusat. Quod si forte sint proventiores & capaces doli mali, penes Judicis arbitrium erit, statuere & moderari pœnam. Ebrius, sensu omnino labefactato, levius puniendus; nisi quis Imperatoria Caroli V. Constitutionem, sequi malit: prout enim quis le-

levius delinquit, ita & levius punitur, obvehementem iræ & amoris æstus, aut justum dolorem, quem temperate in tanta perturbatione est difficile.

Perspiciendum proinde est judicanti, ne *l. 1. D. de quid aut durius, aut remissius constituatur, panis.* quam causa, ætas, conditio deposcit. Nec enim severitatis, aut clementiæ gloria affectanda est; sed perpenso judicio, prout quæque res postulat, statuendum.

DE PARRICIDIO.

Quid est Parricidium?

Est asperissimum crimen, quod committitur ab eo, qui parentis, vel filii, aut omnino adfinitatis ejus, quæ nuncupatione parentum continentur, fata properaverit. Dictum quasi *Parricidium*; quod crimen lex Pompeja de Parricidiis persequitur.

Quid lege illa cavetur?

Ut non is tantum parricidii teneatur, qui patrem, matrem, avum, aviam, fratrem, sororem, patrualem, patruum, avunculum, amitam, aliumve quempiam cognatorum occiderit: sed & mater, quæ filium filiamve. Pater vero ea de lege non tenebatur, quippe habens jus vitæ & necis in filium; sed quia jus istududum sublatum, cum patria potestas in potestate, non in atrocitate, consistere debeat, parricidii pœna, æque pater, ut mater, afficitur.

Quæ est pœna in Parricidas statuta?

In eos quidem, qui parentes vel filios occiderint, more majorum instituta fuit hæc *l. 9. D. ad l. Pompei. de parr.* pœna, ut parricida neque gladio, neque ignibus, neque ulli alii solemnī pœnæ subji-
ciatur, sed virgis sanguineis cæsus, insutusque culeo, sive corio bovino, cum cane, gallo gallinaceo, vipera, & simia, in vicinum mare, vel amnem projiciatur; ut omnium

elementorum usu vivus carere incipiat, qui vitæ datori vitam eripuerit, & cœlum superstiti, mortuo terra auferatur.

- d. l. 9. §. 1. Alii, qui vel fratrem, vel alium remotiori
 & 2. necessitudine conjunctum, necaverint, capitis
 pœna plectuntur, aut ultimo supplicio ma-
 ctantur. Sane si per furorem aliquis paren-
 tem occiderit, satis ipso furore punitur, di-
 ligentiusque custodiendus erit.

Quid, si criminis conscii extiterint?

- l. 6. ff. d. 2. Licet tales sint extranei, tamen parricidii
 pœna afficiuntur, maxime si in ipso actu opem
 præstiterit. Quod si solum sint sceleris gnari,
 non autem ejus complices & auxiliares,
 mitius, puta relegatione, coercentur.

DE CRIMINE FALSI.

Quid est Falsum, & quotuplex.

- §. item Est actus dolosus, animo corrumpendæ ve-
 lex ritatis, ad decipiendum alterum adhibitus.
 Committiturque falsum variis modis.

- I. *Consensu*, quando quis alium circumve-
 l. 21. ff. ad nit aut fallit rem alienam distrahendo, vel
 l. Com. de duobus unam & eandem rem diversis con-
 fals. tractibus vendendo.

- II. *Verbis*; si Judex, pecunia corruptus,
 l. 1. §. 2. & legibus contrariam sententiam tulerit: aut re-
 l. 31. ff. d. 1. stis, dolo, malo, in judicio falsum deposuerit.

- III. *Scriptis*: si Notarius testamentum vel
 l. 2. ff. & l. aliud instrumentum falsum composuerit, di-
 8. C. defal. ctaverit, scripserit, subjecerit.

- IV. *Abusu*; quando quis, sciens & dolo,
 l. 8. & 19. malo, falsis, fabricatisque ab alio instru-
 ff. d. 2. mentis utitur.

- V. *Facto*; quicumque nummos raserit, tin-
 xerit, sinxerit, percusserit.

Quæ est pœna Falsi?

- Text. hic In liberos quidem homines est deportatio;
 l. 2. & 3. C. in servos ultimum supplicium. Quandoque
 & in

& in liberis poena capitalis est, quando id *de his qui*
 magnitudo exigit delicti. Est & sua testamen- *sibi adser.*
 tarius poena, præter inhabilitatem consequen- *Vide quæ*
 di id, quod quis vel sibi, aut suis adscri- *ibi dixi.*
 pserit. Excusabit tamen adscribentem, si is *Clar. in*
 filius sit aut servus, justa recognitio & appro- *fals. n. 17.*
 batio testatoris. Testamentum nuncupativum
 non comprehenditur Senatus-Consulto Libo-
 niano: Si illud tamen in scripturam rediga-
 tur (ut solet) per Notarium, isque sibi quid
 ascribat, non erit immunis a poena.

DE FALSA MONETA.

Quæ poena est ejus, qui falsam monetam cudit?

Tenetur hoc crimine, qui adulterinam mo- *d. l. 8. 9. &*
 netam cudit, vel probam abradit, minuit, *19. ff. de*
 tingit. Poena olim ordinaria Legis Corneliæ *fals. & l. 1.*
 plectebatur. Hodie ex Constitutione Constan- *& 2. C. de*
 tini, flammæ exustionibus mancipatur, fa- *fals. mon.*
 culcatibus ejus universis addictis fisco, una cum
 domo, in qua excusa fuerit moneta; etiam si
 dominus ignuraverit, ibi falsam monetam cu-
 di. Nec id mirum, cum hoc maleficio ad
 læsionem quodammodo spectet Majestatis.

DE VI PUBLICA, ET PRIVATA.

Quæ dicitur vis Publica, & Privata?

Vis Publica, appellabatur olim, quam con- *l. 7. ff. de*
 tra jus & fas personæ publicæ inferebant: *vi publ.*
Privata, quam privati homines faciebant.
 Verum postea vis publica cœpit dici, quæ
 cum armis: Privata, quæ sine armis commit-
 titur. Ne igitur quid vi fiat, non tantum
 interdicto adversus spoliationes prospectum est,
 sed & lege Jlia de vi. Quod docet juris re-
 gula, *qua usimur, ut quidquid omnino per vim*
fiat, aut in via publica, aut in privata cri-
men incidat.

Quæ est pœna utriusque?

l. 152. ff. de R. J. Pœna *Vis publicæ*, olim erat aquæ & ignis: interdictio: ex Lege Julia de vi publica, in liberos quidem homines. cœpit esse deportatio, in servos ultimum supplicium: quod & hodie in usu est; nam seditiosi, pacisque publicæ violatores, aut vivi exuruntur, aut suspenduntur.

§. item l. jul. 1. & ult. de vi pr. Auth. Pœna *Vis privata*, est publicatio tertiæ partis bonorum cum infamia. Hodie cum bona non publicentur, arbitraria, ut plurimum, est pœna.

bor. a. C.

bor. prosc.

DE RAPTO VIRGINUM.

Quid de Raptus?

§. fin. auctor. h. 1. Raptus committitur, cum virgo, vidua, aut Sanctimonialis improbe, & per vim abducitur, ut corrumpatur, aut corrupta uxoris loco habeatur. Quod non solum ad injuriam hominum, sed etiam ipsius omnipotentis Dei irreverentiam committitur, maxime cum virginitas, vel castitas corrupta restitui non possit.

Quæ est pœna hujus criminis?

l. un. C. de rapt. virg. In raptorem, in complices, & adjuutores, animadversio est capitis, seu gladii; sive nolentibus, sive volentibus fœminis, hoc facinus fuerit perpetratum, vel attentatum: ut omnis peccandi occasio, atrocitate pœnæ capitalis adimatur. Etenim si hujus pœnæ metu, raptores ab hujusmodi facinore se temperaverint, nulli mulieri, sive volenti, sive nolenti, peccandi locus relinquetur: quia hoc ipsum velle mulierum, ab insidiis nequissimi hominis, qui mediatur rapinam, inducitur: Nisi enim eam sollicitaverit, & odiosis artibus circumvenerit, non faciet eam velle in tantum scelus sese prodere.

Quæ

Qui præterea tenetur hoc crimine?

Parentes, quorum maxime vindictæ intererat, si videlicet scelus hoc dissimulaverant, injuriam ac dolorem gratis, precibus, aut pretio remiserint, pœna deportationis in eos decreta. Denique servum hujus criminis reum, lex jubet concremari.. d. l. in qn.

DE CRIMINE PECULATUS.

Quid est Peculatus?

Est furtum pecuniæ, aut rei sacræ, quamquam rei sacræ furtum propriè Sacrilegium dicatur. Dictum a Pecore, quod ab eo initium fraudis acceperit. Crimine ergo Peculatus tenentur, qui pecuniam sacram, religionis, aut publicam abstulerint, vel intercepterint, & in rem suam verterint; aut fecerint, vel in rem suam verteret.. l. 1. ff. ad l. Jul. pec. item lex Julia.

Quæ est pœna Peculatus?

Primo fuit pœna quadrupli, cui deinde successit deportationis pœna. In Magistratibus autem, qui tempore administrationis publicas pecunias subtraxerint, eorumve ministris, capitalis est animadversio.. d. l. 1. & l. 2. C. eod.

DE CRIMINE SACRILEGII.

Quæ est hujus criminis pœna?

Sacrilegi igne, aut gladio, aut ad bestias, Judicis arbitrio, damnantur: qui tamen & temporis & ætatis & sexus rationem habere debet. Qui vero sacrilegium improprie committit, hoc est, qui res sacras e locis profanis furatur, is aut manus, aut pugnæ amputatione, aut perpetuo exilio secundum leges plectitur. Potest & ad hoc crimen referri furtum rei religiosæ de loco religioso. l. 4. §. 2. l. 6. §. 10. ff. ad l. Jul. pecul. C. in par. ff. b. r.

DE

DE PLAGIO.

Quid est Plagium?

§. est & in- Est liberi hominis, vel servi alieni suppress-
 ter. l. 1. 2. ho, dolo malo facta. Unde apparet, quid 3
 3. ff. ad l. furto distet. Neque enim liberi hominis sit
 Fab. de furtum, nec servi alieni suppressio dicitur fur-
 plag. tum, si non fiat lucri faciendi causa. Com-
 mittitur autem plagium plerumque celando,
 Fab. de permutando licet etiam vendendo, emendo,
 plag. donando, permutando, fieri non dubitetur.

Quæ est pœna Plagiariorum?

l. 6. & l. 7. Olim fuit pecuniaria, sed ea ut levior jam
 C. d. t. pridem in usu esse desiit: & successit pœna
 metalli, sive exilii. Hodie in duobus casibus
 est ultimum supplicium. I. Si plagiarius ven-
 dat servum, vel liberum hominem, alio as-
 portandum. II. Si plagiarius filium alterius,
 superstitæ adhuc patre, supprimat.

DE CRIMINE AMBITUS.

§. sunt

Qui tenentur hoc crimine?

præter l. Qui honores, officiaque publica, doctis,
 un. ff. ad l. precibus, vel pretio, ambiunt & impetrant.
 Jul. de am- Cui correspondet in foro Pontificio Simonia.
 bitu.

Qua pœna tales puniuntur?

l. un. C. ad Ex Lege Julia prohibentur repetere hono-
 l. ult. de res ad quinquenium. Uno casu est pœna gra-
 ambit. & vior, cum propter vim publicam deportatio
 l. 1. Cod. decernitur; sed illa Romæ obtinuit; in mu-
 Theod. nicipiis fuit pœna aureorum centum cum in-
 famia. Quin & hoc crimine ambientis co-
 natus pro ipso flagitio habetur & pari for-
 te lex scelus, quam sceleris punit volun-
 tatem, quæ ad actum aliquem perducta
 est.

Producta quoque pœna in eum, qui ad
 min.

ministrationis ratione non reddita, idem officium repetit, & continuat.

DE CRIMINE REPETUNDARUM.

Quod est hoc crimen?

Est eorum, qui in officio publico constituti, pecunias, donum, aut munus aliquod, ut officium suum impertiantur, vel contra officium faciant, capiunt. Nam Cognitores omnes ac Judices a pecuniis, atque patrimoniiis manus abstinere debent, nec licet alienum jurgium in suam prædam vertere. Turpissimum enim est ob rem judicandam pecuniam accipere, & pretio habere addictam fidem & religionem.

~~DE RESIDUIS.~~ *qua pena*

Pœna est extraordinaria: nimirum modo levior, ut relegatio; vel ordinis amotio: modo gravior, ut exilium, sive deportatio, vel etiam ultimum supplicium, pro modo scilicet & qualitate sceleris. Quo fit, ut si ob hominem necandum Judices pecuniam acceperint, aut licet non acceperint, calore tamen ducti interfecerint innocentem, capite plecti debeant. Cæterum, si civiliter agatur, jubent leges eos quadrupli restitutione, atque exilio damnari.

Datur & in hæredes actio, intra annum dumtaxat a morte ejus, qui arguebatur; nec immerito: cum principalis quæstio ratione officii super pecunia turpiter quæsitam moveatur, quam iniquum esse cedere lucro hæredis.

DE CRIMINE FRAUDATÆ ANNONÆ.

Quod est hoc crimen?

In quod incidunt illi, qui annonæ flagellant, vexant, aut faciunt, quo minus abundans ejus copia sit, vel ut major caritas.

Quæ

Quæ est pœna hujus judicii?

Ex Lege Julia, quænam fuerit, non satis constat; hodierno jure alia est pecuniaria viginti aureorum, alia relegatio, alia metalli, pro qualitate delicti, & personarum conditione.

Est & crimen *Stellionatus*, id est, cujuscunque iniquæ dissimulationis, & imposturæ, & turpitudinis in fraudem alterius factæ.

DE RESIDUIS.

Quid est crimen Residuorum?

l. 2. C. de pec. Jul. - pec. & de resid. Est pecuniæ publicæ, alicui ad usum publicum, datæ & attributæ, retentio, sive in solidum, sive ex parte. Quæ enim in privata pecunia dicuntur *Reliqua*, ea in publica pecunia sunt *Residua*. Committunt igitur crimen hoc, qui publicam pecuniam sibi ad usum aliquem creditam non erogaverint, vel in alios usus consumpserint; qui eam, quæ ex publicis rationibus aliave causa apud eos remanserit, non restituerunt.

Quæ pœna coercentur?

d. l. 4. §. 1. Convicti criminis, præter infamiam, etiam in tertiam partem amplius, quam debent, mulctantur: ut si retinuerint ducentos aureos, præstent trecentos. Nonnunquam etiam in duplum damnantur. Competunt autem hæc judicia, peculatus, de residuis, & repetundarum, (ut paulo ante dixi) etiam in hæredes; nec immerito, cum in his quæstio, principalis ablatæ pecuniæ moveatur.

F I N I S.

INDEX

TITULORUM

Prior numerus Librum, posterior
Titulum designat.

D E acquisitione per arro- gationem. 3. 11	Hæredum qualitate, & dif- ferentia. 2. 12
Actionibus. 3. 11	Ingeniis. 1. 4.
Ademptione legatorum, & translatione eorum. 2. 21	Injuriis. 4. 4
Adoptionibus. 1. 11	Inofficioso testamento. 2. 18
Assignmente libertorum. 3. 9	Interdictis. 4. 15
Attiliano tutore, & eo qui ex lege Julia, & Titia da- batur. 1. 20	Inutilibus stipulationibus. 3. 20
Auctoritate tutorum. 1. 21	lis, qui sui vel alieni juris sunt. 1. 8
Bonorum possessionibus. 4. 10	lis, per quos agere possumus. 4. 10
Capitis diminutione. 1. 16	Justitia & Jure. 1. 1
Codicillis. 2. 25	Jure naturali, gentium, & civilis. 1. 3
Curatoribus. 1. 23	Legatis. 2. 20
Divisione stipulationum. 3. 19	Legitima agnatorum succes- sione. 3. 2
Donationibus. 2. 7	Legitima agnatorum tute- la. 1. 15
Duobus reis stipulandi & promittendi. 3. 12	Legitima patronorum tute- la. 1. 17
Emptione & venditione. 3. 24	Legitima parentum tutela. 1. 17
Eo, cui libertatis causa bo- na addicuntur. 3. 12	Lege Fusia Caninia tollen- da. 1. 17
Exceptionibus. 4. 13	Lege Falcidia. 1. 22
Excusationibus tutorum, vel curatorum. 1. 25.	Lege Aquilia. 4. 3.
Exheredatione liberorum. 2. 13	Libertinis. 1. 5
Fideicommissariis hereditati- bus: & ad Senatusconsul- tum Trebellianam. 2. 23	Litterarum obligationibus. 3. 22
Fidejussoribus. 2. 21	Locatione, & Conductione. 3. 25
Fiduciaria tutela. 1. 19	Mandato. 3. 27
Gradibus cognationum. 3. 6	Militari testamento. 2. 11
Hæredibus instituendis. 2. 14	Noxalibus actionibus. 4. 8
Hæreditatibus qua ab inte- stato deferuntur. 3. 1	

Nn.

Nuptiis.	1. 10
Obligationibus.	3. 14
Obligationibus ex consensu.	3. 23
Obligationibus, qua ex quasi contractu nascuntur.	3. 28
Obligationibus, qua ex delicto nascuntur.	4. 1.
Obligationibus, qua ex quasi delicto nascuntur.	4. 5
Officio Judicis.	4. 17
Patria potestate.	1. 9
Per quas personas cuique acquiritur.	2. 7
Per quas personas nobis obligatio acquiratur.	3. 29
Perpetuis, & temporalibus actionibus.	4. 12
Pœna temere litigantium.	4. 16
Publicis iudiciis.	4. 18
Pupillari substitutione.	2. 16
Qui testamento tutores dari possunt.	1. 14
Quibus ex causis manumittere non liceat.	1. 6
Quibus modis ius patria potestatis solvatur.	1. 12
Quibus modis tutela finitur.	1. 22
Quibus alienare liceat, vel non.	
Quibus non sit permillum facere testamentum.	2. 12
Quibus modis testamenta infirmantur.	2. 17
Quibus modis re contrahatur obligatio.	3. 15
Quibus modis tollatur obligatio.	3. 30

Quod cum eo, qui in aliena potestate est, negotium gestum esse dicitur.	4. 2
Rerum divisione, & acquirendo dominio.	2. 1.
Rebus corporalibus & incorporeis.	2. 2
Replicationibus.	4. 14
Satisfactione tutorum, vel curatorum.	1. 24
Satisfactionibus.	4. 11
Senatusconsulto Tertulliano.	3. 3
Senatusconsulto Orficiano.	3. 4
Servitutibus.	2. 3
Servili cognatione.	3. 7
Si quadrupes pauperiem fecisse dicatur.	4. 9
Singulis rebus per fideicommissum relictis.	2. 24
Societate.	3. 26
Stipulatione servorum.	3. 18
Substitutionibus.	2. 15. & 16.
Successione cognatorum.	3. 5
Successione libertorum.	3. 8
Successionibus sublatis, qua fiabant per bonorum venditiones, & ex Senatusconsulto Claudiano.	3. 13
Suspectis tutoribus, vel curatoribus.	1. 26
Testamenti ordinandis.	2. 10
Tutelis.	1. 14
Verborum obligationibus.	1. 16
Vi bonorum raptorum.	4. 2
Usu & habitatione.	2. 5
Usufructu.	2. 4.
Usucapionibus, & longi temporis praescriptionibus.	2. 6.
Vulgari substitutione.	1. 19

E I N I S.

2512240

D



B.12.6.51

BNCF.



